





*John Carter Brown*









478
















43  
299  
ad  
im  
on  
47.  
57.  
em  
or-  
Ca  
ite

103  
235  
214  
126  
35  
75  
171

137  
85  
176  
127  
138  
2



*Remanet 166.*

HISTORIA  
NAVIGATIONIS  
IN BRASILIAM,  
QVÆ ET AMERICA  
DICITVR.

QVA DESCRIBITVR AVTORIS  
navigatio, quæque in mari vidit memoriæ pro-  
denda: Villagagnonis in America gesta: Brasi-  
liensium victus & mores, à nostris admodum a-  
lieni, cum eorum linguæ dialogo: animalia etiam,  
arbores, atque herbæ, reliquæque singularia & no-  
bis penitus incognita.

A IOANNE LERIO BVRGVNDØ  
*Gallicè scripta. Nunc verò primum Latinitate  
donata, & variis figuris illustrata.*




EXCVDEBAT  
EYSTATHIVS VIGNON.  
ANNO MDLXXXVI.

52

2









ILLVSTRISSIMO  
ET POTENTISSIMO  
PRINCIPI AC DOMINO,  
D. VVILLELMO LAND-  
GRAVIO HASSIÆ, Comiti in  
KATZENELBOGEN, DIETZ, ZI-  
GENHAIM & NIDDA, &c. Domino  
suo clementissimo.

**S**EXTVS iam ferè, opinor, a-  
gitur annus, Princeps Illu-  
strissime, ex quo doctissimus  
vir Cassiodorus Reinius mihi  
ex vrbe Francofurto scripsit, se aliquāto an-  
tè cū apud Celsitudinem tuam Castellis  
esset, ex te audiuisse, gratissimum tibi fore,  
si liber quem de Americana peregrinatione  
mea Gallicè scripseram, amplificatus & La-  
tinè conuersus tibi legendus offerretur. Eū  
enim semel à C. V. Gallicè perlectum pro-  
pter nouitatem rerum, & historie mirabi-  
litate vehementer placuisse. Ac mihi qui-



EPISTOLA.

dem audita iam pridem erat incredibilis illa benignitas & mäsuetudo animi tui summa eruditione ac præsertim naturalis philosophia, & historiarũ cognitione cõiuncta. Nā cùm illius libri mei capita, & memoria-  
lia quadam annis ab hinc sexdecim clarissi-  
mo Iurisconsulto doctõri Hotomano Celsitu-  
dinis tuæ studiosissimo in oppido Caritea o-  
stendissem (quò propter furiales Gallia tem-  
pestates confugeramus) memoria teneo il-  
lum sæpenumero mirificum quoddã tuum  
in hoc literarum genere studium prædicas-  
se: neque se Principem ullum nosse, qui ve-  
hementius harum rerum cognitione dele-  
ctaretur. Quod idẽ nuper à me de Reinij li-  
teris consultus multis verbis confirmavit.  
Ac sanè acceptis illis literis si per tempus  
locumque in quo tum eram (eram autem in  
Burgundia, ubi sacro verbi fungebar mini-  
sterio, ad quod summa Dei misericordia sum  
vocatus) mihi licuisset manus operi admo-  
uere breui tempore negotium confecissem.  
Magnopere enim cupiebam aliquid præ-  
stare, quod Cels. V. probaretur. Nunc verò  
in hoc nouo exilio meo, ut animi dolorem,  
quem ex renouata patriæ nostræ laceratio-  
ne concipio, lenirem, operam dedi, ut meus  
ille liber Latinè conuersus, & multis pa-  
rti-  
bus



# EPISTOLA.

*bus auctus, atque amplificatus sub Illustris-  
simitui nominis auspicijs euulgaretur.*

*Videbit autem celsitudo vestra narratio-  
nem prodigiorum, & monstrorum admirabi-  
lem, ac ne mihi quidem, nisi oculatus testis  
ipse ac spectator fuisset, credibilem: sed ve-  
rè ac liquidò confirmare hoc possum, cum  
multa in illa vastitate Oceani monstra vi-  
derim, tum nulla unquam aequè prodigiosa  
vidisse, ut illa sunt, quae hodie terram olim  
omnium amœnissimam ac florētissimam in-  
festant. Ita sunt omnia perfidia, periurio,  
ac sceleribus oppleta. Annus iā agitur tri-  
cesimus, cum Ecclesia nostra, bustis atque in-  
cendijs Gallia ustulata, refrigerij aliquid  
se se in mari medio & solis terris, locisque  
desertis reperturas sperabant. Inde Villaga-  
gnonis cuiusdam perfidia reiecta, rursus se  
in portum, unde exierant, contulerunt. Hic  
dici vix potest, in quàm immanes beluas  
inciderint. Ac sanè quis est qui audito ca-  
sorum numero non perhorrescat? numeran-  
tur autem ad quaterdecies centena hominū  
millia, qui per hos viginti quatuor annos  
bellis ciuilibus interierunt. Sempërne igitur,  
ut ille apud Sallustium dicebat, in fuga  
in sanguine, in cruore versabimur? Verum  
hac perpetua Ecclesiae Christianae conditio*



# EPISTOLA.

est, ut semper à Sathana, & Sathanae ministris quamcunque se in partem conferat, vexetur. Animaduerti cum sub ea cœli plaga nauigaremus, quæ vulgò Zona torrida dicitur, genus esse quoddam piscium volatiliū, quorum mihi naturam & conditionem Ecclesiarum nostrarum calamitas in memoriam reuocat. Nam siue in aquam se immergerent, confestim à piscibus qui Albacora dicuntur, & magnitudine sunt vix grandi, crudeliter infestabantur: siue illius periculi vitandi causa, ex aquis euolarent, tum à diris volucris, quæ per illa spatia volitant, laniabantur. Simillima nostrarum Ecclesiarum conditio est. Sed tamen, ut Paulus ad nostrā consolationē scripsit, dum pre-mimur, non opprimimur, dum ærumnis afficimur, non deserimur: dum deijcimus, non interimus. Quin potius prout abundant ærumnæ & perpeſsiones Christi in nobis, ita per Christum abundat etiam consolatio nostra. Fugamur quidem & plagis cadimur, atque incertis sedibus vagamur: propter Christum interficimur totos dies: habiti sumus quasi oues destinatæ macerationi. Sed hoc certissimo solatio nos sustentamus: idcirco laboramus & contumelijs afficimur, quia speramus in Deo viuo, qui fidelium suorum conser-

2. Cor. 4. 8. 9.

2. Cor. 1. 5.

1. Cor. 4. 10.

Rom. 8. 35.

1. Tim. 4. 10.



# EPISTOLA.

conseruator est.

Atque optamus quidem ex animo, & Deum toto pectore obtestamur, ut vestras Ecclesias Germanicas, & pios earum Pastores pari consolatione ac Spiritu suo Paracletos sustentet. Sed cum diuturnum istud quorundam otium & tranquillitatem consideramus, vereri nobis interdum subit, ne vetus illud Poeta aliquando usurpare possint:

Nunc patimur longae pacis mala: senior armis

Luxuria incubuit, victumque vlci scitur orbem.

Nam ut ferrum, si non utare, rubigine contaminatur: ita vera religio plerumque nimio otio & diuturnitate pacis, & quasi torpore corrumpitur. Quod ne unquam in Hassicis Ecclesiis accidat, quas Deus tua, Princeps Illustrissime, fidei credidit, atque commendauit, spero Celsitudinem vestram pro sua perenni & constanti pietate curaturam: praesertim cum illam semper audiuerimus Ecclesiarum nostrarum studiosissimam fuisse: tantamque doctrinae concordiam, quanta inter omnes earum pastores elucet, semper adamasse. Quod lubentius in hac praefatione Illustrissimo tuo nomini dicata, sum adductus, ut earum omnium nomine Celsitudi-



# EPISTOLA.

*xem tuam obsecrarem, ne curam earū prēmū ab Illustrissimo, & beata memoria Principe parente tuo PHILIPPO susceptā: deinde tibi tanquam hereditariam ab ipso traditam, & commissam desertam esse patiare: sed eam & pietati tuæ commendatā meminervis, & Illustrissimo Principi MAURITIO Celsitudinis tuæ filio, spei heroicae adolescenti, commendes. Pro mea verò virili parte, Princeps Illustrissime, à tua Celsitudine peto, quæsoque primum, ut hoc meum munusculum qualecunque mea erga te benevolentia pignus, hilari fronte bonamque in partem accipias. Deinde, ut me patiari in tuorum, tuæque Celsitudini addictorum numero locum aliquem obtinere, quo ne unquam indignus videar, sedulo quādiu vita suppetet, operam ac studium adhibebo. Vale Illustrissime ac & potētissime Princeps. Cal. Febr. 1586.*

Illustris. Celsit.  
vestræ

addictissimus.

I. LERIVS.






Εἰς Λεραῖον.

Εὐδὸι μάλ' αὖτις θυμὸς ἐμοὶ φίλε, πῶς σ' ὀνομῶ,  
    Ἡὲ Λαερτιάδην, ἢ Μελισσηγένην.  
Πρὶν γὰρ πολλὰ πάθεις τ' εἶδες τ', ἰδὲ πόλιν ἐπαληθεύς  
    Ὅψ' ἀπενόησας, ἄλλος ἔων Ὀδυσσεύς.  
Ὅυ μέντοι πολίπορδος ἔων, μᾶλλον δὲ πολίτας  
    Κείνους ποίησων, οὐσπερ ἱκοιο, Θεῶ.  
Νῦν δ' αὖ Ὀκεανόν τε λήγων ἢ πείρατα γαίης,  
    Καὶ Λαιερυγινήν, ἐλομένους τε ἀνέμους.  
Κύματα τ' ὀκρεῖόντα, ἀπολυμένους τε ἐταίρους,  
    Πῶς ἐκ ἄλλος ἔφες φίλε Μελισσηγένης;

Is.    Cal.





AD IOANNEM LERIVM  
AMERICANÆ HISTO-  
riæ Scriptorem.



IGNOTAS quondam & nostro procul  
orbe remotas

Gentes, monstrosa Barbariæque feras,  
Stridentésque sonos lingua, ventrésque nefandos,  
Humanis saturos carnibus, ecce, refers.  
Credo equidē, Lercæ: Doces nam visa. Sed euge,  
Te dignum nodum undice solue precor.  
Talia, dic, portenta hominum, tam rara benigni  
Temperies cœli num generare queat?  
Et quos inculta mites creat arbore fructus,  
Mite solum indomita fertilitate nitens?

Horrida Monstra hominum, quæris, num gignat  
amœna

Temperies cœli, fertilitásque soli?  
Gignit. Sed causas doceant qui semina rerum,  
Quique arcana tenent interiora viri.  
Num maiora vides hominum portenta creari,  
Qua cœlum multò mitius atque solum?  
Testis culta nouem studijs Europa sororum,  
Que toto, princeps, erigit orbe caput.  
Hic quã horrēda vigēt pudeat memorare, libellis  
Vt possis nostris maior adesse fides.

I. I. B.

IN



IN HISTORIAM AME-  
RICANAM AB IOANNE  
Lerio Conscriptam.

**I**MMANES mores tu qui audis & esse  
ra monstra,  
Quæ fert terra orbis nomine dicta noui:  
Miraris pectus plusquàm gestare ferinum  
Humanos vultus, orâque sueta polo.  
Primorum sunt hæc noxe monumenta parentum,  
Infecit tristi quæ genus omne labe.  
Hinc veri quondâ simulachrum numinis, amens,  
In sæuas meruit degenerasse fer as.  
Sunt quibus indulgit cœli clementia larga,  
Vnde foret cultu mitius ingenium.  
Cultior his mores, ni vitæ temperet usus,  
Omnes consimilis barbaries teneat.

ST. T.





IN IOANNEM LERIVM  
EIVSQUE DE AMERI-  
cana peregrinatione hi-  
storiam.

**Q**UANT A noui Leræ refers miracula  
mundi,

Tamque nouas rerum, tamq<sup>3</sup> hominum facies,  
Vt cupiam lustrare oculis iam singula, ni me  
Terreat vnda furens, Barbariæque virum.  
Atqui tolle moras, cupidum perque omnia deduc:  
Nobis Oceano sat via tuta patet.

Tutò inter sæuos, humanæque viscera flammis  
Torrentes, fas est viuere lastrigonas.  
Oceanum rabie superat gens Galla furentem,  
Et superat sæuos, barbara, lastrigonas.


G. M. N.



TOTIVS HISTORIÆ SVM-  
ma capita.

*Prefatio qua Theveti errores ac fraudes  
coarguuntur.*

Cap. I.

 VÆ causa tam longinquæ,periculo-  
sæque in Brasiliam navigationis fue-  
rit. Pag.1.

Cap. II.

Ascensus in naues Iuliobonæ:itémque oc-  
cursus nauium & expugnatio:tépestates, lit-  
toræque & Insulæ primùm obuiæ. Pag.7.

Cap. III.

Bonitæ,Albacoræ,Auratæque,& fues ma-  
rini,piscésque volatiles:aliique quos tum vi-  
dimus,tū cepimus sub Zona torrida. Pag.16.

Cap. IIII.

De Æquinoctiali circulo, tempestatibus,  
ventorum inconstantia,pluuiis corruptis,ca-  
loribus,siti,aliisque incommoditatibus,quas  
circa illam mundi plagā sustinuimus. Pag.26.

Cap. V.

De primo Indiæ Occidentalis conspectu,  
& incolentium Barbarorū: déque iis quæ no-  
bis in mari acciderunt ad tropicum vsque  
Capricorni. Pag.32.

Cap. VI.

Qui noster fuerit aditus Castelli Collignij  
apud Brasilienses,quemadmodum à Villaga-  
gnone accepti:séque ille gesserit, tum in ne-  
gotio religionis, tum in reliquis imperij sui  
partibus. Pag.42.



Cap. VII.

Descriptio sinus Ganabaræ, qui & Geneu-  
rensis appellatur: Insulæ castelli que Collignij,  
atque Insularum adiacentium. Pag. 72.

Cap. VIII.

De ingenio, robore, statura, nuditate, orna-  
mentis corporis virorū & fœminarum Bra-  
filiensium, apud quos annum ferè sum com-  
moratus. Pag. 70.

Cap. IX.

De crassis radicibus, & crasso milio, ex  
quibus Barbari farinam conficiunt, qua in pa-  
nis vtuntur locum: deque eorum potione  
quam *Caou-in* appellant. Pag. 98.

Cap. X.

De feris, prægrandibus lacertis, serpētibus,  
aliisque Americæ monstrosis animantibus.  
Pag. 111.

Cap. XI.

De variis Americanis auibus à nostris dif-  
fidentibus, de magnis vespertilionibus, api-  
bus, muscis, culicibus, aliisque regionis illius  
insectis. Pag. 125.

Cap. XII.

De nonnullis piscibus apud Americanos  
maximè vulgarib<sup>9</sup>, deque eorū piscatu. Pag. 139.

Cap. XIII.

De Arboribus, herbis, radicibus, exquisi-  
tissimisque fructibus, qui in Americano pro-  
ueniunt solo. Pag. 146.

Cap. XIII.

De bello, præliis, fortitudine, & armis Bar-  
barorum. Pag. 169.

Cap.

Cap. XV.

Captiuos suos quo tractēt modo Barbari, quibusque cæremoniis in iisdē mactandis & deuorandis vtantur: Quibus per occasionem immanissimæ crudelitatis alia exempla adiecta sunt. Pag.183.

Cap. XVI.

Quid nomine religionis apud Barbaros Americanos veniat: De erroribus in quos ab impostoribus, quos *Caraibes* vocant, inducuntur: deque crassissima Dei ignoratione quæ apud eos obtinet. Pag.220.

Cap. XVII.

De coniugio, polygamia, & consanguinitatis gradibus, quos Barbari obseruant: deque liberorum apud eos educatione. Pag.232.

Cap. XVIII.

Quid leges, quidque politia apud Brasilienses nuncupari possit: Quàm humaniter excipiant hospites: Deque lachrymis ac fictis sermonibus quibus hospites in ipso ingressu à mulieribus excipiuntur. Pag.241.

Cap. XIX.

Quam curâ morbis suis adhibeant Barbari: de eorum sepultura & exequiis: deque infano eorum circa mortuos luctu. Pag.263.

Cap. XX.

Colloquium in ipso aditu Brasiliensis oræ inter indigenas *Tououpinambaultios* *Touonpinenkin* Brasiliçè ac Latinè cōscriptū. Pag. 271,

Cap. XXI.

De nostro ab America discessu, deque naufragiis, & alijs non minimis periculis, quæ



primùm in reditu nostro euasimus. Pag. 298.

Cap. XXII.

De extrema fame, tempestatibus, aliisque  
non paucis periculis, à quibus in Galliam re-  
deuntes diuina ope erepti sumus. Pag. 318.

---

AVTORES IN HAC HI-  
storia citati.

*Biblia sacra.*

*Iosephus.*

*Eusebius.*

*Nicephorus.*

*Plutarchus.*

*Cicero.*

*Ouidius.*

*Appianus.*

*Osorius.*

*Gomara.*

*Benzo.*

*Calchondilus.*

*Viretus.*

*Hist. Ecclesi. Gallica.*

*Matthiolus.*

*Bodinus.*

*Popelinerius.*

*Theuetus refutatus.*





IOHANNIS LERII  
IN HISTORIAM SVAM  
PRÆFATIO,

*Qua Theveti errores ac fraudes præcipuè  
cōarguit.*

**M**IRABVNTVR fortasse nonnulli,  
quòd cùm annus hic sit decimus  
octavus, ex quo ab America, quæ  
& Brasilia, redij, tãdiu historiã hãc  
in lucẽ edere distulerim. Idcirco operæpre-  
tium facturum me existimaui, si statim qui-  
bus fuerim causis præpeditus exponã. Cùm  
primùm in Galliam remigraui, & eos quos  
in ipsa America Brasilica Rubrica conscrip-  
seram cōmentariolos (quibus quidquid ob-  
servatu dignum fuerat visum annotatum  
erat) cū quibusdam cōmunicavi, vlteriùs pro-  
gredi animus non erat. At illi crebris flagita-  
tionibus vrgerẽ, vt ea quę tumultuariè & pau-  
cis exaraueram, fusiùs & ordine conscribe-  
rem: ne, inquiebant, tot & tanta memoratu  
digna, obliuione sepulta interirent. Anno i-  
taquẽ 1563. in paulò ampliorem excreuerunt

\*\* j



# PRAEFATIO.

commentarium: cuius exemplar vnicum vir  
quidam bonus, cui à me cōmissum erat, cū  
ad me mitteret, ecce, Lugduni à custodibus  
portē est interceptū, vt de eo recuperādo quā  
tumuis diligenter perquisito spes nulla es-  
set relicta. Inde factum est vt aliquantō post  
repetite ab exscriptore autographo, maculis  
litrisque obsito, ipse (excepto Americano  
Colloquio quod exstat huius libri capite  
20. cuius exemplum supererat nullum) de in-  
tegro descripsi. Quod opus vbi ad finem est  
perductum in Charitēsi oppido, vbi tum de-  
gebam, bellicis tumultibus denuò imminen-  
tibus, fuga saluti consulere, libris chartisque  
relictis sum coactus. Quibus non multō post  
direptis, periit hic quoque alter Ameri-  
canus commentarius: itaque sum labore  
meo & spe rursus fraudatus. Tandē cū de  
priori illa iactura questus essem apud nobi-  
lem quēdam nec infimæ authoritatis virum,  
designato illius quoque nomine cuius in ma-  
nus commentariū illum incidisse nūciatum  
fuerat, vsque adeo diligentem huic negotio  
nauauit operam, vt recuperatum Anno 1576.  
mihi apud se benignè excepto reddiderit. Sic  
factum est vt historiam hanc manus meas  
veluti fugientem adhuc edere nō potuerim.  
Sed, vt ingenuè dicam quod res est, accede-  
bant & alia quę me ab editione deterrebant,  
Quod nimirum tenuitatis meę mihi probē  
consciū eram, vtpote qui iis quę in graui  
scriptore requiruntur instructus non essem:

tum

# P R A E F A T I O.

tum etiam quod, eodē quo ab America remi-  
grauī Anno videlicet 1558, inciderat in man-  
meas Liber Singul. Americ. à Portæo ex bre-  
uioribus Theueti commentariis seu potius  
commentis scriptus. Ac sanè quāuis non me-  
latebat (quod Fumæus præfatione in Gener.  
Indic. Histor. apertè est professus) librum il-  
lum singulariter mendaciis esse refertum: Si  
eo contentus author vlteriùs non esset pro-  
gressus, nunc etiam fortasse quicquid est hu-  
ius opellæ à me fuisset suppressum.

At verò hoc Anno 1577. in Theueti Cos-  
mographiam incidens (is forsitan nos omnes  
qui eò nauigassemus è viuis sublato, aut si  
qui essent superstites aduersum se in arenam  
descendere non ausuros credebat) hominem  
animaduerti non modò pristinos errores  
renouare, sed etiam in nos fictis criminibus  
conuitiisq̃ue non ferendis digredi. Quod cur  
faceret, nō alia est inductus occasione quàm  
ea qua feruet in Ministros, atque ad eò nos o-  
mnes vnà cum illis in Americam deuectos  
maledicta congerere libidine. Hæc me pro-  
pè inuitum, vt integram navigationis nostræ  
historiam ederem pertraxerūt. Ne cui autem  
dubium sit iurēne an iniuria de nouo isto  
Cosmographo conquerar, calumnias quibus  
nos Cosmographiæ suæ Tom. 2. libr. 21. cap.  
2. fol. 908. insperfit describere placet.

*Ceterum (inquit) penè mihi exciderat, seditio-  
nem paulò ante ex dissidijs quatuor Ministrorum  
quos eò Caluinus miserat vt cruceum suum Euan-*



# PRAEFATIO.

gelium plantarent exortam esse. Horum primarius nomine Richerius, ante annis non ita multis, Carmelita & doctor Sorbonicus Lutetia fuerat. Egregij isti Concionatores cum eo demum studio tenerentur, ut diuitias ex re qualibet facerent, & quicquid ad manum esset raperent, clandestinis consiliis & factionibus effecerunt ut ex nostris quidam trucidarentur. Verum capti fontium nonnulli, poenas dedere, quorum cadauera piscibus obiecta sunt. Alij verò fuga salui consulere, in quibus erat ipse Richerius, qui paulò post Rupellam, (quo in loco etiamnum agere existimo) Ministerio operam daturus appulit. Non multum verò abfuit, quin hac tragœdia irritati Barbari imperum in nos facerent, reliquosque interficerent.

Hæc sunt Theueti verba quàm potuimus fideliter reddita: Ad quæ lectorem diligenter attendere velim. Cum enim, neque ille à nobis, neque nos ab illo in America conspecti fuerimus, nedum ut nostri caussa in vitæ discrimen adductus sit, eum hac in parte non minus mendacem quàm impudentem egisse calumniatorem, indicabo. Prius autem, quod viam præcludamus excusationi quam prætexere posset narrationem institutam non ad illud demum tempus quo in America vixit, sed ad consequens etiam referri, in primis quæro, an possint illius tam expressa verba alia ratione exponi, nisi ut particula (nos) quæ se in illo quoque numero fuisse satis indicat, eodem fuisse irretitum periculo affirmet? Si verò instet, in mentem sibi nunquam venisse

## P R A E F A T I O.

vt Ministros de quibus agitur in America à se visos affirmaret, quid alio ipse scribat loco videamus.

*Ceterum (inquit) si diutius illic māssem, populi illius miseri animas lucrifacere conatus fuisset potius quam in fodienda terra eruendis à natura reconditis thesauris operam posuissem: veruntamen quia eorum lingua non satis eram peritus, tum etiam quòd Ministri à Caluino missi istud onus in se receperant, instituto decessi.* Apage hominem mendacissimum. Si autem bonus iste Catholicus Romanus contempti à se seculi ex Francisci Regula quā profitetur, aliud specimen non edidit præterquam quòd Thesauros imis terræ visceribus reconditos parui fecit: miraculúmque aliud nullum præter Barbarorum conuersionem, quam nisi à Ministris fuisset impeditus erat tentaturus, postquam luce clarius falsum id esse demonstra- uero, metuendum sanè est ei ne in Calendarium Papæ post mortem non referatur, néue Sancti Theueti nomine non decoretur. Cæterum vt quicquid iste garrit meras esse nugas commonstrem, nolim disputationem, institui an verisimile sit necne, istum ( qui nihil non congerit vt suis ineptiis colorem inducat) Ministros silentio prætermisurum edito Sing. Americ. libro, si eos in America vidisset, nedum vt crimina patrassent, quorum nomine eos tandem accusat edita Cosmographia annis post minimum 16. Conuincetur enim suo ipsius testimonio libr. Sing. Am.

Tom. 2. lib.  
21. cap. 8. pag.  
925.



P R A E F A T I O.

Libr. Sing.  
Amer. cap. I.  
24. 25. & 60.

ad Friense promōtorium 4. Idus Nouembr.  
Anno 1555. quatrīduo verò post ad Ganaba-  
ræ sinum appulisse : vnde excessit Anno cō-  
sequente prid. Cal. Febr. Nos verò, vt in hi-  
storiæ progressu docebo, ad Castellum Col-  
lignium nō nisi Nonis Mart. Anno 1557. ap-  
pulimus. Quæ cū ita sint constetque satis  
annum & eò ampliùs à Theuerti discessu ad  
nostrum aduentum intercessisse, qua fronte  
conspēctū se nostro illic vsum fuisse ausus est  
asserere? Annō potuit intercapedo 400000.  
passuum tam graue periculum ab eius capite  
remouere? Potuit sanè, at iste Cosmographi-  
cè mentiri (hoc est vniuerso orbi) gestiebat.  
Iam verò, postquam primum hoc caput in il-  
lum retorlimus, nihil superest quod respon-  
sione indigeat. Attamen vt vno verbo quod  
ab isto afferri potest expediam, ad seditio-  
nem illam quod attinet de qua sermonem in-  
stituere voluit: Primum quidem, quamdiu in  
America viximus vllam subortam esse per-  
nego, tantum abest vt nostrū quisquā mor-  
te sit affectus: si verò instet negari non posse  
quin à Villagagnonis domesticis facta fuerit  
in eum cōiuratio, cuius inuidiā in nos deri-  
uare conetur: Respondeo ante aduentum no-  
strum contigisse, Quod vt constet euidentis-  
simè, non defensorem, non testem aliū quā  
ipsum Villagagnonem appello. Quapropter  
Epistolam, qua ad D. Ioannis Caluini literas  
à nobis in Americam perlatas respōdit, licet  
iam pridem fuerit excusa, & ad fidem facien-  
dam

PRAEFATIO.

dam, exemplar Brasilica Rubrica cōscriptum diligenter asseruetur, in vsum duplicem, hoc loco adscribere visum est: Primò, quòd ea refutatur Thevetus, Deinde quòd cuius religionis professionem tū temporis simularet Villagagnò, luculenter indicat.

*Villagagnonis ad Calvinum epistola.*

Exprimi nō posse puto, quo me affecerint gaudio tuæ literæ, & qui ad me vnà venire fratres: huc me redactum inuenerunt, vt mihi magistratus gerendus esset & munus Ecclesiasticum subeundū. Quæ mihi res maximam anxietatem obtulerat. Ozias ab hac vitæ ratione me auertebat. Sed præstandum erat ne operarii nostri, quos mercede traduxeram, gentis adducti consuetudine, eius se vitiis contaminarent: aut religionis desuetudine, in ἀποστασίαν deuoluerētur. Quam mihi sollicitudinem ademit fratrum aduentus. Adiecit hoc etiam commodi, quòd si qua ex causa posthac erit nobis laborandum, aut periculum incurrendum, non deerunt qui sint mihi solatio, & me consilio iuuent. Cuius rei facultatem abstulerat periculi nostri suspicio. Qui enim fratres mecum è Francia traiecerant, rerum nostrarum iniquitate permoti, alius alia causa illata Ægyptum repetiuerunt. Qui fuerunt reliqui, homines egentes, mercede conducti quos pro tempore nancisci potueram: eorum hæc erat conditio, vt



## PRAEFATIO.

ab eis mihi potius esset metuendum quàm  
petendum solatium. Hæc autē huius rei cau-  
sa est, vbi appulimus, simul omnis generis se  
nobis opposuere difficultates, vt vix inirem  
rationem quid potissimum esset agendum,  
Regio erat incultissima, nulla erant tecta, rei  
frumentariæ nulla copia. Sed aderant homi-  
nes feri, ab omni cultu & humanitate alieni,  
moribus & disciplina penitus à nobis discre-  
pantes, sine religione, honoris, virtutis, recti  
aut iniusti nulla notitia, vt me subiret dubita-  
tio an in bestias humana specie præditas in-  
cidissemus. Contra hæc incommoda, erat  
summo studio & celeritate nobis prospiciē-  
dum, & comparandum remedium, dum na-  
ues ad reditum instruebantur, ne eo subsidio  
destitutos indigenæ rerum nostrarum cupi-  
ditate capti nos imparatos opprimerent &  
interficerent. Huc quoque accedebat Lusita-  
norum infida vicinitas: qui etsi quam incolim-  
us regionem tueri non potuerant, huc ta-  
men nos esse intromissos ferunt ægerrimè, &  
insano odio prosequuntur. Eam ob rem vno  
tempore hæc omnia se nobis agenda propo-  
nebant. Receptui nostro locus diligendus,  
expurgandus, & complanandus, munitiones  
circumducendæ, propugnacula excitanda, te-  
cta ad impedimentorum custodiam extruē-  
da, materia conquirenda, & aduerso colle, lo-  
cis impeditissimis, humeris ob bestiarum  
penuriam comportanda. Præterea, quòd in-  
digenæ in diem viuant & agriculturæ non  
flu-

## P R A E F A T I O.

studeant, nullo certo loco cibaria congesta reperiebamus, sed erat victus noster è lōgin quo raptim petendus. Qua ex re manum nostram (quantulacumque esset) distineri oportebat, & minui. His adducti difficultatibus, qui me amicitiae causa sequuti fuerant, rebus nostris diffisi (vt suprā demonstraui) pedem retulerunt. Ego quoque non nihil commotus sum, sed cū mecum reputarem, amicis affirmasse me hac ratione è Francia mouere, vt quam curam rebus humanis impenderam, eius studij comperta vanitate, regno Christi excolendo adhiberem, iudicaui me in voces & hominum reprehensionem incursum & nomini meo iniuriam facturum, si labor aut periculi opinio à cōcepto me detereret. Præterea cū Christi negotium gerendum esset, credidi non defuturum sed ad felicem exitum perducturum. Ergo me confirmaui, vniueque omnem ingenij intendi in rationem eius rei perficiendæ, quam summa vitæ meæ deuotione susceperam. hac autem via id assequi me posse existimaui, si vitæ integritate hoc meum propositum comprobarem, & quam operariorum manum traduxeram, ab infidelium consortio & familiaritate auerterem. In eam sententiam animo meo inclinato non sine Dei prouidentia factum esse visum est, vt in hæc negotia inuolueremur: sed ideo accidisse, ne otio corrupti libidini & lasciuiæ operam daremus. Præterea succurrit nihil esse tam arduum, quin conan-



# P R A E F A T I O.

do superari possit. Proinde ab animi fortitudine petendum esse auxilium, & continenti labore familiam exercēdam, huic nostro studio Dei beneficentiam non defuturam. Itaque in insulam, duobus millibus passuum à continenti remotam transmisimus: ibique domicilio nostro locum delegi, vt adempta fugæ facultate manum nostram in officio continerem, & quòd scēminæ sine viris suis non essent ad nos commeaturæ, delinquendi occasionem præriperem. Accidit tamen vt ex mercenariis 26. voluptatis illecti cupiditate, in meam necem conspirauerint: sed die constituta consilio exequendo, re mihi per vnum ex consciis enunciata, eo ipso momēto quo ad me opprimendum armati admatu-  
rabāt, hoc modo periculum effugimus. Quinque è meis domesticis ad arma conuocaui, & aduersum ire cœpitum tātus coniuratis incessit terror, tantāque perturbatio, vt nullo negotio facinoris authores quatuor qui mihi fuerāt designati corripuerimus, & in vincula coniecimus. Eo casu reliqui consternati, positis armis delituerūt. Postridie vnum cathenis exoluimus vt causam suam diceret liberius: sed effuso cursu in mare se præcipitem egit, & suffocauit. Reliqui vt è vinculis causam dicerent adducti, sine quæstione vltro exposuerunt quæ per indicem comperta habuimus. Vnus ex ipsis paulò antè à me castigatus, quòd se scorto cōiunxisset, iniquiore esse mente cognitus est, & ab se coniurationis

## PRAEFATIO.

tionis initium factum esse: atque scorti patrē muneribus deuinxisse, vt eum è nostra potestate eriperet, si scorti copula prohibere contenderem. Hic suspendio sceleris poenas luit. Duobus reliquis delicti gratiam fecimus: ita tamen vt, in cathenis terram exerceant. In aliis quid esset peccati exquirendum mihi esse non putavi, ne compertum scelus inultum omitterem, aut si supplicio castigare vellem, cum facinus ad multitudinem pertineret, non superessent qui opus à nobis institutum perficerent. Itaque dissimulata animi mei offensione peccatum condonauimus & omnes animo bono esse iussimus. Non ita tamen à solitudine nos abduximus: quin quòd in vnoquoque esset animi ex studio, curaque sua diligenter venaremur. Et cum labori eorum non parcerem sed assidua mea praesentia ad opus eos vrgerem, non solum prauis consiliis viam praecclusimus, sed breui tempore insulam nostram munitionibus & validissimis propugnaculis sepiuimus. Interim pro ingenij mei captu, eos monere & à vitiis deterere non desistebam, atque mentes eorum Christiana imbuere religione, indictis à me manè & vespere publicis & quotidianis precibus. Qua cautione & diligentia reliquam anni partem quietiorem habuimus. Ceterum eam quam exposuimus curam, nobis ademit nauium nostrarum aduentus. hinc enim nactus sum viros, à quibus non solum mihi sit minimè cauendum, sed quibus salutem meam



# PRAEFATIO.

possim tutò committere. hac oblata mihi facultate, decem ex omni copia delegi, apud quos imperij nostri potestatem deposui, decernens vt nullæ res posthac nisi consilio gerantur. Adeo si quid in quenquam durius statuerem, nisi consilij autoritas & consensus accederet, infirmum esset & inane. Hoc tamen mihi reservaui, vt lata sententia supplicij veniam dare mihi liceat: Sic omnibus prodesse, nemini nocere possẽ. Hæ demùm sunt artes quibus dignitatem nostram retinere, tueri & propugnare constitui. Dominus noster Iesus Christus ab omni malo te tuosque collegas protegat, Spiritu suo vos confirmet, vitamque vestram ad opus Ecclesiæ suæ quã longissimè producat. Fratribus meis charissimis Cephæ, & De la fleche fidelibus plurimã salutem meis verbis velim impertias. Collignio è Francia Antartica prid. Cal. April. 1557. Si ad Renatam Franciæ heram nostram quicquam literarum dederis, hanc quæso, meo nomine diligentissimè saluta.

Addita est insuper ad calcem huius epistolæ clausula Villagagnonis ipsius manu scripta, quam hoc loco præcidere non dubitavi, quia in sequentibus aduersus ipsum afferenda erit. Nihilominus tamen ex his quæ adscripti constat satis debacchatum falsissimè Theuetum in nos, quos affirmat in Castello Collignio seditionis authores extitisse. Patet enim quo tempore exorta est, eò nondum nos appulisse. Quapropter mirari subit vsque adeò di-

## P R A E F A T I O.

digressionem hanc homini placere, ut præter ea quæ iam attigimus ubi de Scotorum fide verba facit quasi libidinem non possit explere, sic denuò scribat.

*Quorum fides mihi quoque est perspecta in quibusdam tum nobilibus tum militibus, nobiscum in Galliam Antarcticam transportatis, coniuratione contra nos facta à Neustrijs quibusdam, qui ob barbara gentis illius ac prope rationis expertis lingua peritiam, cum Regulis duobus spe prædæ adductis de nobis perimendis conuenerant: cuius cum facti essent certiores Scoti, rem totâ Villagagnoni mihiq̃ue indicarunt. Pro quo scelere meritas dederunt pœnas coniurati: quorum in numero cum essent Ministri à Caluino missi, participes supplicij facti sunt, in mare siquidem sunt demersi.*

Tom. 2. libr.

16. cap. 8. fol.

665.

Rursum Theuetus, hoc loco quid sibi velit ignorat. Is enim tria facinora confundit quorum vnum e mentitum, à me prius est refutatum. Quæ supersunt duo, diuersis temporibus contigerunt. Tantum igitur abest ut Scoti coniurationem ipsi indicarint: quin imò cum ex eorum esset numero quos eo nomine accusat Villagagno quòd in Aegyptum, hoc est ad Papatù rediissent (ex quo etiam colligere licet eos omnes quos sibi socios adiunxerat de nomine religioni dando quam tum stabilire profitebatur, fidem obstrinxisse) non magis secundo hoc & verò quidem periculo, quàm priore fictitio & e mentito est periclitatus. Ad tertium quod attinet, quo affirmat nonnullos seditionum Ri-



# P R A E F A T I O :

*cherij sociorum extremo supplicio affectos, eorumque cadauera piscibus obiecta fuisse.* Respondeo nihil minùs veritati consentaneum, eo præfertim quo à Theueto narratur modo. Quãuis enim à Villagagnone postquã à verè religionis professione defecit pessimè excepti fuimus: nihilominus tamen, quòd viribus nò esset superior, in nostrum nullum ante discessum Philippi & Richerij, quibuseum sum regressus manus iniecit: quin cùm vi retinere nos neque auderet nec posset, ipsius cum venia, fraudulenta tamen, dimissi sumus. Hoc quidem verum est, vt alibi dicetur, quinque ex nostris postquam octauo die naue afflicta ægrè naufragium euasimus, scapha vectos Americam repetiisse. Quorum tres in mare præcipientes dedit: non quòd vilius essent seditionis rei, sed (vt testatur Martyrum historia) propter Euãgelij professionem quam abiecerat Villagagno. Porro, si non malignè saltem imprudèter, in eo nò minùs peccat Theuet<sup>9</sup> quòd Ministros fuisse istos asserit, quàm cùm quatuor Ministrorum missionem vni Caluino tribuit. In quo rursus dupliciter errat: Constat enim Pastorum electiones in Ecclesiis reformatis iuxta disciplinæ apud illas constitutæ normam fieri, nimirum consensu complurium ad hoc electorum populòque probatorum, ac proinde non vni cuiquam veluti Papæ permitti. Ad numerum quod attinet, plures duob<sup>9</sup> Richerio & Charterio tum temporis (nec ullos credo postea)

P R A E F A T I O.

ed nauigasse dici non potest. Si tamen instet  
se vsque adeò de rebus istis scrupulosè non  
egisse quin eos omnes qui nauigarant faciliè  
Ministros appeller, Respondeo, quemadmo-  
dum satis nouit in Ecclesia Romana non sin-  
gulis hominibus vsuuenire vt Franciscani di-  
catur, sic (absit verbo inuidia) nos reformatos  
quibus confusionem à nobis arcere est in vo-  
tis, non omnes fungi Ministerio. Cæterum  
quia non minùs honorifico Ministri titulo  
quàm falso seditiosi Richerià ornauit. (con-  
cedo etiam liberaliter Sorbonicum doctora-  
tum ab illo fuisse procul abiectum) mali for-  
tasse consulet nullam sibi gratiam à me re-  
ferri, Franciscanique demùm decorari no-  
mine: placet vt illi gratificer Cosmographū  
nominare, nec eum vulgarem sed vsque a-  
deò generalem vt, quasi in hoc orbe desint  
obseruatu digna, lunarem adire non dubitet,  
vnde nugas in suos libros transferat. Quæ  
me non mediocriter commouent, (Gallus  
enim sum, Regisq; mei famę studiosus) præfer-  
tim quòd hic non modò Cosmographi Regij  
nomine inflatus, stipendiisq; pessimè collo-  
catis sit auctus: sed etiam quòd nugas ne epi-  
stola quidem dignas regia autoritate prote-  
ctas in vulgus emittat. Nè quid autem eo-  
rum quæ ab illo dicta sunt intactum relin-  
quam, quamuis id responsione indignum iu-  
dicem, quod, dum alios omnes Fracisci pede  
metitur, cuius fratres, cuiusmodi est Theue-  
tus, in suas peras latiorésque manicas nihil



P R A E P A T I O

non conijciunt, scripsit *Ministros in Americam appulſos diuitiarū studioſiſſimos, quicquid ad manum veniret rapere ſolitos* : tamen quando iſtud ( tam verū quàm Franciſcanorum Alcorani e mentitæ fabulæ) aliud nihil eſt quàm vtrò ad certamen eos prouocare, quos in America nec vidit vnquā, nec ab illis vlla eſt contumelia affectus, ex eorū cū ſim numero, ſpicula quæ in nos vibrauit vt regeram, agè, alias hominis ineptias detegamus.

Atque vt illum non niſi ſuo iugulē gladio, Quid iā ad hæc reſpōdebit, quòd cūm Sing. Amer. libr. totidem ſcripſiſſet verbis, *ſe triduo tantum in Friēſi promontorio māſiſſe*, tomo verò Cosmographiæ ſecundo aſſerere non dubitet *ſe in eo loco aliquot meſes egiſſe*? Si ſaltem vnum dixiſſet meſem, diēsque illic eſſe ſeptimana noſtrate paulò longiores, fidem adhibere ſi qui voluiſſent liberum fuiſſet : ſed nondum (quòd pace illius dictum ſit) dies ſub torrida Zona longiſſimos in meſes noſtrates tranſmutari didicimus. Caterū iſte lectoribus illudere perſeuerat : quamuis enim à me in ſuperioribus ſuo ipſius teſtimonio ſit conuictus non vltra duos meſes cum dimidio in America vixiſſe, nimirū à 3. Id. Nouembris Ann. 1555. ad prid. Cal. Februar. conſequentis anni, quo quidem tempore, quātum accepi, vix ac ne vix quidem ab ea inſula quæ à Villagagnone muniebatur exceſſit, tamen tam longè latèque ſermonē diffundit vt non modò eum vidiſſe, audiſſe ac obſeruafſe tot popu-

Cap. 24. fol.  
21.

lib. 21. cap. 4.  
fo. 913.

# P R A E F A T I O.

pulorum mores quartam illam Mūdi partem incolentium, sed etiam tractum omnem Indiæ illius Occidentalis ab ipso pedibus mensuratum fuisse credas: cui tamen labori, ne decem hominis ætates sufficiant. Ac sanè nullus erat ex Neustrijs interpretibus, quorum tamen nonnulli iam novem illic annos exegerant, qui se ultra 80. passuum millia progressum fuisse diceret: tum quòd deserta loca & inaccessa passim occurrant, tum ob *Margatium* metum (qui non procul à Tonoupinambaulsijs, absunt) Nilominus tamē Theuetus affirmare non veretur se 120. passuum millia & eò ampliùs iter fecisse per sylvas impeditissimas interdiu noctùque cum Barbaris, obuia tamen fera à qua læderentur nulla. Ego verò huic postremo de feris facilè fidem adhibeo: Eum enim tam fuisse à ferarū insultibus securum ausim affirmare, quàm ab spinarum rupiūque incommodis immunem. Illud verò quis non miretur, quòd aliquibi iactat, *ea que de Barbarorum moribus scribit compertiora sibi fuisse, postquam eorum idioma didicisset.* Cuius tamen adeò obscurum edit specimen vt vocem, *Pa*, quæ sonat, ita, inter- Ibid. cap. 3. pretetur, *in quoque.* pag. 916. Hoc igitur in præsentia observare libet, vt non minùs appareat quæ sit istius, quoad idioma Barbarorum, peritia, ac in sequentibus patebit quanto sit præditus iudicio: qui non dubitarit scribere ante ignis usum fumo vti Barbaros consuevisse: Viderit igitur annon potiori iure ab eo irridebitur à



# PRAEFATIO.

Bellefore-  
stius Epistol.  
dedicat. Cos-  
mograph.  
sue præfixa.

quo eo nomine accusatur, quòd ubi duos aut tres menses apud quosdam populos egit horridas quas didicerat voces in medium afferat, quã linguæ istius peritiã sibi arrogavit. Ergo, quisquis es, caue ne diligentius percontaris, sed iis indubitatam fidẽ adhibeto quæ confusè de Americanorum lingua effutiet Theuetus. Ille enim suum *Mair momen & Mair pochi* in medium afferens, strenuè tibi imponet.

Sing. cap. I.  
pag. 2.

Quid verò dicendum, quòd ad eò vehementer eos increpet, qui Americam Indiã Occidentalis nomine vocant? vult enim franiã Antarcticæ nomen quod illi imposuerit immutatum remanere, (quam tamen nominis impositionem sibi cum Gallis omnibus qui eò cum Villagagnone essent transportati communem facit) Ipse verò eam multis in locis Indiam Americanam nominet? In summa etiam si sibi ipsi non constat, si quis castigationum & refutationum quas alienis laboribus adhibet rationem habere velit, dicat cæteros omnes rerũ omniũ ignaros, vnum verò Theuetũ cucullatum singula oculis perlustrasse.

Iam enim præfatio, si quid, hæc nostra legens, animaduertat à se quoquo modo delibatum, statim futurũ vt, pro suo more proque sua arrogantia, in has voces erũpat: heus tu, mihi hoc es furatus. Etenim si Belleforestius ille, non solum *ἐμὸν πρῶτον* ipsi, sed & qui istius Sing. Amet. librum Ode proluxa coonestarat, effugere non potuit quin à The-  
ueto,

## P R A E F A T I O.

ueto, infelix Philosophus, & miser tragicus, per contemptū crebrò sit nominatus: Si, inquam ferre non potest Theuetus vt Cosmographus alter, qui non rarò, nihilò tamen aptius quàm ipse, inuehitur in miseros Hugnottos secum conferatur, quid mihi, tenui meo calamo immanem hanc colossū aggre-  
di auso? Dubium sanè non est, quin vbi se suis coloribus depictum à me videbit, instar Goliathi illius, diris deuouèdo me, quasi deuoraturus inhiat, Papæque fulmina iaculetur in me, meūque hoc opusculum. Atqui licet aduersum me vi Patroni sui Francisci iunioris, ab inferis Quoniambecum suum excitare posset quem duobus tormētis æneis onustum quasi tutò hæc displodere posset in sua Cosmographia depingendum curauit, cœp-  
to non desistam, quinimmo in sequentibus, Lib. 21. pag. 952.  
quibus potero modis insequar, quin confido fore vt præclaram illam suam Henricopolin quam in mediis nubibus Americanis fundauit diruam deleamque. Sed dum ad certamē me instruo, dūmque monito per tempus licet vel ad impetus nostros sustinendos apparari, vel etiam si volet in deditiōem venire, lectorem rogatum velim vt illud cōdonet quod dum istius nugæ, quæ huic nostro opusculo edendo occasionem præbuerunt, suis ipsius scriptis refello paulò fuerim prolixior. Ac sic tādē finem impono licet, ex quo primum editus est hic liber, admonitus sim à quodam tum in Papatu degente, nunc verò,



# P R A E F A T I O.

abiecta cuculla, ministerio in Ecclesia reformatata fungere, à Theueto in Patriam meam se missum fuisse, quod in me virumque meam inquireret, nec defuisse quosdam veræ religionis professionem præ se ferentes qui ea in re suam operam præstare pollicerentur. Hinc fit ut, quod alias dixi, denudò repeto, cum ne Theuetum viderim quidem, ne dum ut me priuatim offēderit vnquam, nullo alio studio nullaque alia de causa illi me obstitisse, nisi ut criminationes, amouerem quibus Euangelium eiusque primos in America præcones est infectatus. Idem dictum velim impuro illi Apostatae Launoeo qui lib. 2. quem ut Apostasiam suam confirmaret edidit eò usque impudentiæ deuenit, ut scribat Ministros, etiam si de religione nulla esset mentio, in scriptis suis non abstinuisse quin doctissimos quosque viros, in quibus Theuetum ponit, morderent. Atqui apparet quo loco à me est refutatus eum ex professio reformatam Religionem, quique eam profitetur lacessuisse. Quare impudentissimus omnium hominum Launoeus, qui me sibi (ut ait) probè notum (in quo à vero longissimè abest, neque enim Dei beneficio commercium mihi vnquam fuit cum illo) mendicum appellat, quique ipse in Papali culina mendicus, Christo, verarum aquarum perennium scaturigine relicto, ad putidam Papæ cisternas potum redijt, de Papatu fortiter tuendo cogitet, donec ipse suique similes, postquam inutilem suam operam

An-

# PRAEFATIO.

Antichristo laboriosè navarint, tãdem debitam mercedem reportet, atque ita corã Deo, & hominibus miserrimus euadat. Sed ad rem vt redeam. Respondeat, si libet, Theuetus quæ aduersus ipsũ scripsi verane sint an falsa, hic enim est rei cardo, Ne autem subterfugia captet ex inquisitione in me vitamque meam. Me autem non minùs atque ipse, Cosmographus sit licet, exerto capite incedere norit. Porro si quid à vero alienũ afferat expectet à me ex suis ipsius scriptis tam solidas refutationes, vt nō opus sit in Americã vsque excurrere quo cuius sint farinæ iudiciũ fiat.

Hoc tandem loco prima huius libri editione refutandis Theueti nugis finē imposueram: Hoc tamē testatus, vt nuper dixi, si quid à vero alienum proferret, responsum à me portaturum. Atqui quemadmodum olim calumniæ impudentissimæ quibus nos iam antea insectatus fuerat, nimirum quod illũ perimere in Castello Collignio voluissemus, ex quo tamen vt antea demonstratum est, ante aduentum nostrum excesserat, me vt aduersus ipsum hæc scriberẽ pertraxerunt, ita vt si à mendaciis illis & calūniis abstinuisset quęcunque in ipsum dicta sunt, à me fuissent vt *παρρησια* omissa: sic etiam nunc postquam non modò non respondit prout erat admonitus sed & ita furiosè in me egit lib. virorum Illustrium ab eo nuper edito, vt arrepta ex eo oc- Cap. 149. casione quod paucis à me de *Quoniam beco* suo dictum fuerat, nihil minùs quàm apposi-



PRAEFATIO.

**Prover. 26. 4.** tē de me detraheret: Ex Salomonis p̄scri-  
pto, qui stulto secundū stultitiam suā respō-  
deri iubet, perficiam vt hic qui vltro me ite-  
rū laceffuit meritos audaciæ successus ex-  
periatur. Ne autē p̄postero ordine agam,  
quod illi omnibus in scriptis est familiare, &  
disputationem hanc aduersus ipsum recto  
ordine instituam, morēque meo istum con-  
tinuo suo gladio iugulem, ipsius verba de-  
scribere pergā. Quandoquidem igitur Quo-  
niambecus ille post mortem vsque aded est  
à Theueto laudibus ornatus vt optimo iure  
felicior dici hac in parte possit quā fuerit  
Alexander Magnus, qui tāto Homeri flagra-  
bat desiderio qui suarum laudum p̄co esset.  
**Agē** alterum laudum eius p̄coniū à Theue-  
to in libro Sing. Ameri. conscriptū, quod le-  
pidissimē his verbis est exorsus audiamus. *Ve  
autem fidem faciā Americanos rarissimis & exqui-  
sitissimis tam animi quā corporis, encausto flori-  
būque ornatos esse, unum horrendum illum Quo-  
niambecum in mediū proferre volo, de quo verba  
facere meritō possum: qui illum vidi, audiui satis-  
que otiosē obseruauī ad flumē Ianariū quod est ad  
23. gradū ultra Aequatorem sitū citraque polum  
Antarcticum ad gradū 66. cum dimidio. Ad hęc  
inprimis lectorē attendere velim, valeātne  
hęc consecutio ānon. Theuetus vidit, au-  
diuit, satisque otiosē obseruauit horrendum  
suum Quoniambecū: ergo Americani encau-  
sto & floribus rarissimis exquisitissimisque  
cū animi tū corporis sunt ornati. Omitto  
quod*

## PRAEFATIO.

quod hominibus encausti florúmque tribuit  
ornatum, qui aptius aruis, pratis, picturis, re-  
bus denique metallicis arte affabrefactis tri-  
bueretur. Optimus itaq; Dialecticus vix ma-  
gno labore præclarum istud argumentũ The-  
ueticum confirmaret, cui tamen mendacium  
conclusionis vice apposuit dum affirmat me  
voluisse flumẽ, quod ipse appellat Ianarium,  
ego Geneuram ad 23. gradũ citra polum An-  
tarcticum collocare. Ex iis enim apparebit  
quæ 7. huius lib. cap. de hac re dicentur, non  
modò istud à me nõ scriptum esse, sed nusquã  
mihi in mentem venisse. Sed sicut optimẽ  
quidam obseruauit Theuetum floridam Re-  
gionem cum aliis cõiungere quæ interuallo  
plus quàm decies centenũ passuũ milliũ inter  
se distat, & vice versa alias proximas ab ea re-  
mouere: Sic etiam in historiarum narratione  
mentiri illi est tam familiare vt nihil suprà.  
Quæ cum ita sint pudeat censorẽ istũ eos in-  
sectari quos falsi cõuincere non potest. Addit  
*Quoniam becum statura non multum à Giganti-  
bus aliena fuisse, corpore prægrãdi, nec minus cras-  
so, viribus non vulgaribus, quibus etiam præcipuè  
ad hostes perdomandos inque suam potestatem redi-  
gendos utebatur.* Huius historiæ cap. 8. qua sint  
statura Americani, è quibus fuit iste *Quoniam-  
becus* demonstrabo: interim dicam obiter eã  
respectu nostri prodigiosam censerì non de-  
bere. De *Quoniambeco* quod attinet, etsi non  
eo inficias quin sæpe ab Interpretibus Neu-  
striis, qui vnà nobiscũ erant in Castello Col-

vide Histor.  
Florid. cap 3.



# PRAEFATIO.

lignio audierim istum *Quoniambecum* (quem  
 frequentius quàm fecisset Theuetus viderât)  
 inter fortissimos recenseri solitum, tamen à  
 nemine vnquam pro gigante, neque gigatea  
 stirpe prognato, est habitus. Nec sanè ad gi-  
 ganteam staturam propiùs accedebat, quàm  
 solent grandiusculi qui circumspici inter nos  
 solent, homines, in quibus ne pregrandem il-  
 lum & iam fama satis notum, Parisiensem fa-  
 brum ferrarium aliòsque consimiles cõpre-  
 henderim. Itaque apparet Theuetum etiam  
 hac in parte lectoribus imposuisse. Idẽ quo-  
 que facit cùm addit quæ sequuntur de Barbari  
 istius *eminẽtia, qua præ ceteris omnibus conspi-  
 cuit erat, quòdque hostes suos sibi subijciebat.* De  
 subiectione Barbarorum suo loco dicetur  
 non nisi voluntariam esse, nullamque a-  
 liam præter cultum & honorem quo Iunio-  
 res solent eos prosequi qui prouecta sunt æ-  
 tate, à quibus quòd rerum experientia sint  
 præditi in bellum deducuntur, hostibus verò  
 subiectionem aliam non imponunt præter-  
 quam quòd, vt Cap. 15. dicetur, postquam in  
 vinculis quantum temporis visum fuerit de-  
 tinuerunt, eos mactatos vorant. De eo quòd  
 addit Theuetus *Quoniambecum vsque adeò vi-  
 ribus valuisse, vt dolio vini in vlnis comportando  
 par esset, vtrique istorum perforandum & ebi-  
 bendum relinquo, cùm vt tanto onere leue-  
 tur fictitius iste Vulcanus, cuius humeris cõ-  
 tinuò imposita sunt ænea tormenta duo, tum  
 vt, fugatis hac ratione hostibus, genio indul-  
 geant.*

# PRAEFATIO.

geant. Quæ tamen fuga insciis Deo & hominibus contrigit: ac proinde, quod tamen persuadere nititur Theuetus, nulli vnquam hominum risum commouit. Meritò itaque subiungit, *Historiam non profectò vulgarem*, (de-  
buit addere nec veram) *nec cuius familiarem, is tamen qui bono naso fuerunt præditi nō erit difficile persuadere rem istam ab eo perfici potuisse, habita præsertim ratione roboris tãti corporis.* Per me sanè, si qui sint qui naso credere aut velint aut possint, licet: at si pars illa olfactui est aptior, vulgò que apud nos bono esse naso de canibus dicatur, quibus nos comparare videtur Theuetus, dignus sanè est cuius naso plagæ infligantur. Atque hæc pro responsione sint ad ea quæ addit, *mihi non posse persuaderi Barbarum illum, eo modo humeris suis tormenta duo imponere potuisse, nihilò veritum, ut eorum percussione laderetur.* Quibus assentior non inuitus: nam neque persuaderi istud mihi potest, nec fidem vllam habeo. Nec sanè habebunt ij omnes qui, meliùs quàm faciat Theuetus, norunt humanos humeros arcium muris duritie non esse pares, ac proinde ne minoribus quidem tormentis displodendis aptos. Quare *licet mihi non sit persuasum* (quod ineptissimo, hyperbolico sermone mihi impingit) *ostrei mei testis, vniuersa no- ui illius Orbis arcana recludi:* quod sanè glorioso & arroganti Theueto optimè conuenit, qui, vt antè dictum est, sibi vni explorata omnia, reliquos verò rerum om-



# PRAEFATIO.

nium ignaros esse existimat, admitto quod addit: *Nolle se experientia expugnare me*, (cuius nimirum prorsus est expers) *quamvis enim in meum conspectum non venerit is de quo fit sermo: rationi tamen obsequentem me non futurum, sine experientia stultorum magistra.* Inter quos (et si longè aliter sentiat) non postremum locum obtinet Theuetus. Addit, *Non statim futurum ut causa vincam, quia non consequitur, si vel ego vel alij quipiam Quoniam beco similes non sumus, à maximo illo rege (putà regno experte) ea non fuisse gesta quae de eo narravit fideliter.* Ego verò respondeo, nec etiam futurum ut causa cadam: cuius tamen controuersiae lectori iudicium omne defero. Absit autem à me cæterisque, quos hoc loco innuit Theuetus, ut vilo modo bardum illum & ferum Quoniam becum referamus, cuius tamē gesta posteris tam sedulò mandauit Theuetus. Atqui me rursus lepida, sanè, hac inuectiua petit, *Ne autem diu multumque in argumentis subtilioribus atque è Philosophia penu depromptis immorer. rem totam Lerijs ipsemet confirmauit.* Tum claudicans utroque pede subiungit argumentum. *Primò (inquit) dato nec tamen cōcesso, Libros quos sibi vendicat ab ipso fuisse conscriptos, nimirum de obsidione Sancerrana, deque in Americam profectione, quamvis ij omnes quibus est notus (in quibus est Spinaeus qui duodecim annos in America eodem tempore quo Lerijs vixit) non possunt adduci ut credant ab eo conscriptos fuisse.* Deus bone, quis est qui audi-

## P R A E F A T I O.

ea tam acuta Philosophia non obstupescat!  
 Theuetus Leriū sibi ipsi committit! Enim-  
 uerò si, ex vnguibus Leo, vt est in prouerbio,  
 apparet profectò istum ingenio præditum  
 esse incude obtusiore. Quis enim isthæc con-  
 uertat, *Non concedit libros, quos de Sancerana*  
*obsidiōe, & de profectiōe in Americā edidi, à me*  
*scriptos fuisse.* Quid ita verò? *Quoniam* (inquit)  
*qui me probè norūt adduci nō possunt vt credant, li-*  
*bros illos, industria mea fuisse elaboratos.* Notan-  
 dum itaque est inprimis, Theuetum, qui suo  
 marte, vix ac ne vix quidem, vnam aut alte-  
 ram paginam accuratè scribere potest (vtitur  
 enim quorundā iuuenum eruditorū opera in  
 scriptis suis ornādis, quod mihi à iuvene quo-  
 dam cuius opera vsus erat, est renūtiatū) quī-  
 que alieno labore expolitas narrationes or-  
 dine digerere nescit, ceteros suo metitur pe-  
 de. Quare hæc in Theuetum ipsum, cui opti-  
 mē quadrant, regero: testorque (quod sine ar-  
 rogantia dictum velim) scripta mea aliis ex-  
 polienda nō modò non dedisse, sed etiam e-  
 ruditos quosdam (quibuscum ea communi-  
 caui, vt dignāne essent quæ ederentur ipsi di-  
 spicerent) à grauioribus studiis auocare reli-  
 gionem mihi fuisse. Quod verò addit *eo-*  
*rum qui me norunt nullos adduci posse vt credant*  
*tale quid à me scriptum fuisse,* in genere falsum  
 est. Ad Spinæum quod attinet (cuius mētio-  
 nem assentatoriè facit Theuetus, prout suo  
 virorum Illustr. libro gratiam inire magnam  
 à viris quibusdam non obscuri nominis spe-



# PRAEFATIO

rabat, quam tamen nō est consequutus: quippe talia flocci faciunt) confido fore ut re bene perspecta, quod illi tribuit Theuetus abnuat, non minùs atque cōsciùs est Theuetum nobis crimen hoc impingentem ut ipsius & aliorum eēdem simus moliti, impudentem agere calumniatorem. Sed bene est quod dum sibi defensionē quærit, arma quib⁹ repellatur mihi subministrat: siquidem meminit probè Spinæus, quem à nostro ab America reditu non vidi, nihil nisi placidè & modestè illic à nobis gestum fuisse. *Cæterum* (inquit ille) *possem, veluti complures alij, eorum quæ ex alienis laboribus in usum suum transtulit, non pauca mihi vendicare.* Autores quibus sum vsus ad libri marginem annotavi: ad Théuetum verò quod attinet, aliūde sua quàm à scriptis meis requirat, etenim si quid inesset, quòd reliqua conspurcaret, non patienter ferrem. *Sed ne diuerticulum videar querere, detur ei qua diximus conditione,* inquit Battologus iste, *ut ij libri quos sibi vendicat ab eo sint scripti, dummodò agnoscat (quod diffiteri non potest) ea conditione hominem qua fuit Lælius, adeò narrationibus instituendis non esse informatum, ut ea possit perficere quæ alieno labore edidit.* Mea sanè refert parum, detne, an admittat quod impedire nequit Theuetus. De cōditione mea autē quod addit, duplici expediam responsione. Theuetum itaque, qui me sibi ignotum mendicum dicit, in primis monitum velim, si qua sim oriundus familia, fide dignis testibus esset pro-

## P R A E F A T I O.

probandum, fore ut magno cum intervallo post me relinquerem. Non tamen quod humanam nobilitatem pluris quam par sit faciam, nisi adhibito Dei timore omnium virtutum fonte. Præterea si mecum esset iste comparandus, (quod absit) quid quæso sordidius Franciscano isto? qui quod peram mendicus olim circumgestarit, in rei memoriam, ut est verisimile, Diogenem mendicorum sordidissimum pera humero imposita, suo Virorum Illustri. libro depingendum curavit? Cæterum habeo de quo mihi gaudeā, quandoquidem Theuetus eorum omnium qui hac ætate aliquid scripserunt fastuosissimus sponte agnoscit, se hoc scriptorum genere à me superari: quamvis aliorum omnium respectu minimū me esse, non inuitus agnosco. Quāobrem suam ipsius confessionem veluti pro me facientem lubens admitto. Atqui odiosissimis suis repetitionibus delectatus, addit, *Ne autē existimet, obijci à me sibi nihil posse præter professionis imperitiā: nō parum sanè dolerem, si ego, non infimæ, per Dei gratiam, fortis homo, similis essem Theueto, in cuius scriptis nullo respectu habito Cosmographicæ professionis, quam Regum nostrorum facilitate est adeptus, nihil est tam prophænum, tam ridiculum, tam puerile, tam denique à vero alienum quod non legatur: cum tamen nonnisi graua, seria, vera, tractare debuisset. Huius autem rei testes eos appello qui lectis Theueticis scriptis liberè & a-*



# PRAEFATIO.

pertè sententiã sunt dicturi: adultores enim Theueto similes nihil moror, quippe suspectos: & fide indignos esse, res ipsa loquitur. Addit, *Videamus quæso annon quædam minus credibilia scripserit Lælius, quàm sit Quoriambeci historia.* Omnino sanè nulla. Quod si secus erat, cur non exemplum saltem vnum in medium attulit? aures verò legentium obterere non cessauit his verbis? *Pudet me*, debuit addere quòd impudentissimè sim mentitus, *manum calamo admonere.* Etiam si tota hæc narratio, quam paucissimis verbis expedire non erat difficile, Theueti ingenium referat, si tamen ingenuè quod res est fateri vellet, non dubito quin alij quicquid est ornatus acceptum ferret. *Vt pro meritis excipiam nugatorem istum, qui fabulis compleuit.* Bona verba Theuete: itane cæteros tuo metiris pede? *paucula scripta.* Non omnia vidit, hæc tamen nō moror: iste verò longè sibi melius cōsuluisset si aut pauciora, eoque meliora, aut sanè omnino nulla edidisset, *qua sub illius exstant nomine.* Theuetum tamen, vsque adeò vrunt vt (quantum à fide dignissimo viro accipi) quæ in eum emisi 500. coronatis redempta veller. At crepet licet: Cur enim Euangelium infamans, eos à quibus ne tantillum quidem est læsus laceßiuit? Addit prætereà, *eos qui non omnino malè in me sunt affecti, pudore suffundi.* Ego verò respondeo me nulli vnquam (Dei beneficio) cur in me malè fuerit affectus occasionem præbuisse, nedum vt pudoris vli cau-

# PRAEFATIO.

li causa fuerim. Det igitur fideiussorem The-  
 uetus, quandoquidem istud confinxit, si fidē  
 sibi vult haberi. Ad sequentia quod attinet  
 verba, *ineptias, nantias, gerras, fabulas quibus eo-  
 rum*, inquit, *oculos pascere volo, qui in legendis  
 meis libris*, quos itidem ineptias vocat, *ope-  
 ram ponunt*: video miserum hominem in me  
 vehementer exacerbatum, quòd victum se  
 sentiret hæc omnia mihi, tum in hac præ-  
 fatione, tum in ipsa historia in se scripta sur-  
 ripuisse. Apparet igitur istum, qui paulò ante  
 furti crimē, mihi affingebat, plumis meis or-  
 natum esse: quas tamen, tanquam ipsi accom-  
 modatissimas, nō inuitus relinquo. Itē de eo  
 quod subiicit dictum velim *me eò impudentia  
 deuenisse, ut subtilius in nominis mei significatio-  
 nem inquirendo, affirmarim, Leri, Barbarorum  
 lingua ostreum sonare*. Quod equidem verissi-  
 mum esse affirmo. Norūt enim nautę, cæte-  
 rique qui eò nauigarunt Leri-pes dictionem  
 compositam, ostreum ea lingua sonare. Im-  
 pudentiam verò quam mihi impingit, i-  
 psi relinquo. Nihilominus tamen mordere  
 non desinit, ait enim, *Quamuis id mihi cōceda-  
 tur*, putà nomen meum Americanorum lin-  
 gua ostreum sonare, *tantus tamen autoritate  
 non erat, quantus videri cupit, quoniam*, inquit,  
*ostreum eram testis, non sanē meis, sed Colligny Ca-  
 stelli septo à Villagagnone reclusum*. Nonnihil  
 hoc loco de balænis interserit, de quibus, si-  
 cut etiam de testinibus & crocodilis suo di-  
 cemus loco. Autoritas verò, de qua agit,



# PRAEFATIO.

quid ad rem obsecro? Quid item reclusio illa in castelli Collignij septo? An iste, qui bonam ætatis suæ partem in monasterio trāsegit, vbi nonnullos ex suis fratribus *in pace* repositos vidit, ac forsitan ipse reposuit, nos veram religionem amplexos, instar monachorum, in illo castello reclusos fuisse autumat? Toto cœlo aberrat sanè: quinimò Christiana fruentes libertate, quocunque ferebat animus ire licebat: & eiusmodi hominum hypocrisim palam faciebamus. Ne autem id mihi obijciat quod alicubi à me dicetur, nos non nisi venia impetrata ex illo loco egredi solitos, quòd omnibus erat commune si ad me vnum restringere vult, tam clarum stultitiæ suæ edit specimen, quàm luculenter ignoratiam probavit suam cùm scripsit, *Sacras literas agricultura. Abelis mentionem facere*: etenim si paulò attentius aduertat animum, intelliget Abelem pastorem, Cainum verò terræ cultorem fuisse. Genes. 4.2. Etenim fortè in typographum culpam reijciat, cuius excusationis ope euadere conabitur. Sed non ita succedet in sexcentis suorum operū locis in quibus manifestè falsariusprehenditur. Tādē Theuetus quem satietas nunquam capit *Quoniam becum* suum efferendi (quem etiam pro meritis excipio) ait, *haud dubiè illum Margaiatibus, Lusitanis & alijs hostibus maximo fuisse terrore*, Esto sanè: quemadmodum enim iam antè dixi pessimè in eos fuisse animatum, sic quàm crudeliter posset ab eo exceptos fuisse non

Singul. Am.  
cap. 58.

## P R A E F A T I O.

non negarim. Tribuit autem *robur, & vires*  
*immani illius corpori* non minores, ac si tale  
 fuisset monstrum quale fuit Athleta ille qui  
 Anno 1582. mensibus Maio & Iunio, Con-  
 stantinopoli in spectaculis à Sultano Soly-  
 mano exhibitis admiranda perfecit. Quippe  
 trabem in altum attollebat, quam deinde si-  
 ne manuū adminiculo humeris excipiebat,  
 quam homines duodecim loco mouere vix  
 potuissent. Præterea humi prostratus, cathe-  
 nisque ferreis humeros femorâque vinctus;  
 lapidem ab hominibus decem magno labo-  
 re admotum pectore gestabat. Nec plus ex  
 eo laborabat quàm cùm homines quatuor se-  
 curibus & massis ligna oblonga ventri illius  
 imposita diffindebant. Alia item prorsus ad-  
 miranda præstabat quæ nota sunt ex historia  
 hac de re nuper edita. Obsecro vos, si *Quo-*  
*niambecus* Theueticus, qui statura fuit medio-  
 cri, ad istius monstruosum robur & proceri-  
 tatem admirandam accessisset, num longè ab  
 eo impensiùs fuisset celebratus quàm fuerit  
 vnquâ à Poetis Briareus ille? Quod verò af-  
 fert de prudētia & pietate Barbari istius præ-  
 tereo, neque enim est quòd immorer. Venio  
 igitur ad ea quæ sequuntur. *Iactator*, inquit,  
*erat omnium de quibus vnquam audierim sum-*  
*mus.* Excepto Theueto, qui fastu & arrogan-  
 tia plenus, cùm Lutetiæ tum alibi ad libros à  
 se scriptos coemendos neminem non soli-  
 citat. In quo Solomonis præcepto non pares

\*\*\*\*



# P R A E F A T I O.

Prou.27.2. Laudet te alienus, & non ostium: extraneus & non labia tua. Præterea quod addit, *Barbarum istum compluria hostium suorum millia à se perempta fuisse iactare solitum.* Sed perlepidum est quod sequitur. *Illius palatium hostium capitibus fuisse extrinsecus ornatum: ditio- nem verò admodum populosam, quàmque flumina & montes ab alijs diuiderent.* Tantam verò tē- poris iacturam quamuis me pigeat fecisse re- futandis Theueti nugis, tamen hoc loco eos omnes qui eò tum appulerūt appellare iuuat, vt apertè dicant annò quo tempore illic de- gebat Villagagno ædificiorum genus aliud fuit, præter illud quod à me cap.16. his verbis describitur: instar pergularum hortensium nostratium sunt casæ, oblongæ, humiles & rotundæ: lignis herbisque tectæ: quarum præstantissimam, vix ausim cum haris Euro- pæis comparare.

Quid igitur de tam magnifico *Quoniam- beci* palatio à Theueto conficto dicemus? nisi vt cū sua Herriropoli fictitia, de qua prius, atque etiam in sequentibus nonnihil sumus dicturi, inter nubiū Chimæras collocemus? De *ditione* cuius meminit, iam est à nobis di- ctū, atque inferiùs dicetur: non modò quoad *Quoniambecum* sed quoad cæteros duces qui à Barbaris in singulis pagis eligi solēt. Igitur vt huic paraphrasi in Theueti caput hoc 149. libri Viror. Ill. tandem aliquando finem im- ponam, videamus quid nobis veluti pro bel- lariis

# P R A E F A T I O.

lariis afferuauit. Ait eo loco quo de flumine  
 vasorum deque illius in America situ agit,  
*perinde esse atque est locus ille inter Castilionem*  
*pagum & Colongæum, qui Ollarum pons ab indi-*  
*geis nominatur: rupes enim in ollarum modum ex-*  
*cise efficiunt ut Rhodanus qui ad radices, credo*  
*montis in eas se ingerit, olla bullientis speciem re-*  
*ferat.* Ad quæ paucis respondeo, Ardelionem  
 istum qui in illas rupes Rhodanum ingerit  
 admodum esse impudentem: quandoquidem  
 iis omnibus qui è Germania aut Heluetia  
 Lugdunum commeant, notû est Rhodanum  
 ab eo loco duobus passuum millibus esse re-  
 motum, quin rupes altissimæ, si illac flueret,  
 essent superandæ è quibus torrens ille quem  
 Valferinam indigenæ nominant, quique ad  
 Meridianum pagum, quâ iter est Gencua Sâ-  
 claudium, originem habet. Theuetum igitur,  
 vt hæc loca, nisi malit à describendo prorsus  
 abstinere, veriùs describere discat ad præru-  
 ptas hæc rupes relinquo. Moneo tamen im-  
 prudenter immanem illam testudinem cui à  
 nobis imponetur cap. huius libri 3. periculum  
 esse ne præceps ruat non in Rhodanû ipsum  
 sed in torrentem illum rapidissimum, citissi-  
 méque submergatur. Hæc fuere opponenda  
 iis quas in me non ita pridem emisit Theue-  
 tus ineptiis: Intelligat autem futurû vt quo-  
 tiescunque me laceisset experiatur, licet cucu-  
 lam suam cum mitra commutarit, nihilo plus  
 Abbatem se à nobis reformidari, quàm olim



# P R A E F A T I O .

Franciscanum: etiam si *Paronastium* suum Floridæ Regem Leoninis exuviis amictū *Quoniā* beco, ut in me impetū faciat, esset adiūcturus. Ac sanè efficiet fortasse ut viri quidam, quibus nullo modo sum comparandus, calamo tandem manum admoueant, eūque ita tractent ut notatis crassis erroribus quæ passim in ipsius scriptis occurrunt, vniuersa illius opera, ne excepta quidē *Cosmographia* nec viror. *Illustr.* libro ad aromatarios relegend. In quibus tamen pessimè collocatam esse egregiam operarum tum typographicam, tum cælaturæ operam, nemo non dolet.

Ad finem properanti mihi occurrit Genebrardus, is *Chronologia* suæ editione postrema, postquam nos (quos hereticos appellat, nec probat tamen) conuiciis proscidit, scripturæque locum in nos detorsit, scribit, *navigationem nostram infortunium ipsi attulisse, qui ante nos eò nauigant: infelicitatem verò motibus à nobis excitatis auctā fuisse, ut proinde Villagagno nos partim strangulauerit, partim in patriā puniēdos pramiserit mox, ipse, nempe Anno 1558. insecuturus.* Ego verò respondeo quoad *infelicitatem* illam quam nobis tribuit, *Præfationem* hanc cæterosque locos in quibus Theuetus à nobis refutatur iis satisfacere posse qui rectum de causa nostra iudicium ferre volent. Addit autē me vnum fuisse ex apthoribus tragædiarum quas nobis affingit. Atqui impurus ille Apostata Launoeus, atque adeo

P R A E F A T I O.

adeò Theuetus ipse longè humiliori me loco collocât,quàm vt vllius rei aûthor essem,nec sanè tum eram. Videbit itaque Genebrardus quomodo cum sociis illis suis cōsentiât: quibus,si quando concilietur, responsum forsitan audiet. Interim testor tota illa nauigatione talem me (per Dei gratiam)præstitisse, vt nullus sit à Religione mea quantumuis alienus qui conqueri de me meritò possit.

Cæterùm lectores rogatos velim ne eo offendantur quòd,quasi mortuos excitaturus,Villagagnonis apud Americanos gesta in hac historia palam ediderim: præterquam enim quòd argumento quod mihi assumpsi necessariò cohærent,testor si superstes esset multò plura me adiecturum fuisse.

Tandem verò pauca quædam de meo instituto sunt dicēda. Religionem inter ea quæ diligenti obseruatione digna censentur primum obtinere locum nemo vnquam negauit. Hinc fit vt (quamuis fusiùs quænam à Barbaris colatur huius libri cap. 16. sim dicturus) hoc loco nonnulla obiter attingere mihi videatur necesse: præsertim cùm narrationis initium à quæstione fecerim quam satis suspicere (meo quidem iudicio) nō possum, nedum vt à me soluatur. Video igitur eos qui optimè ex sensu à natura indito de his rebus senserunt, dixisse quidem, notionem illam, quòd à supremo quodam pendeant res omnes hominum, animis ita naturaliter infixant



# PRAEFATIO.

esse ut auelli nullo modo possit: Itaque quāvis in cultus diuini ratione controuersie nō pauca exorta sint, fundamentum tamen hoc cōuelli non posse, hominem instinctu quodam à natura indito eò pertrahi ut religionem aliquam, seu vera illa sit seu falsa, profiteatur. Attamen istis sapienter determinatis non dissimularunt, ubi ad illud ventum est quò propensius humanum fertur ingenium in negotio religionis illud frequenter vsuuenire quod ait Poeta,

*Æneid. 9.* --- *Sua cuique Deus sit dira cupido.*

Quæ duo ut Barbaris nostris applicemus, constat eos homines cum sint, notione hac omnibus communi præditos esse, homine aliquid esse maius, à quo bonum malumque pendeat, tale saltem quale sibi fingunt. Quò referri debet cultus ille quem *Caraïbis* suis exhibent, à quibus stas temporibus bonum malumue omen sibi adferri credunt. Summū autem bonum in hostium ultione fortiter persequenda (quod olim Romanis, hodie etiā Turcis vsuuenit) ponūt. Cultus verò ille qui apud alios populos Religionis nomen obtinet apud eos locum nullum habere dici potest: Quin & illud addi, eos (si quæ gēs in toto orbe terrarum) sine Deo vitam hanc transigere. Attamē hac in parte minùs fortasse sunt damnandi quòd & miseriam suam excæcationemque aliquatenus agnoscūt, (quamuis nec pœnitentiam agunt, nec remedio vtuntur

## P R A E F A T I O.

etur oblato) suamque mentem non dissimulat.

Ad reliqua quod attinet, summæ capitulum quas ad libri initium apposuimus quid in toto historię progressu tractetur satis indicant: ut & primum caput qua occasione ad nauigationem istam suscipiendam permotus simus cōmonstrat. Præterea typos tres prout prima libri huius editione eram pollicitus addidi: plures etiam dare optabam: at typographus in cælatura sumptibus faciendis negavit se suffecturum.

Cæterum non me latet quod vulgò dici solet: Senes, eosque qui à longinquis peregrinationibus sunt reduces, quod nemo sit qui obsistat, non rarò mentiendi licentiam sibi arrogare? Ego verò testor me, qui & mendacia & mendaces odi, si qui sint qui fidem adhibere nolint multis sanè ante hæc tempora inauditis quæ à nobis commemorantur, non eo esse animo, quo in rem præsentem veniāt, ut ad ea loca deducam. Nec magis commouebor istis quàm adhuc cōmotus sum postquam mihi renunciatum est non deesse qui fidem iis non haberent quæ à nobis de horrenda illa fame Sancerrana sunt scripta, quā ausim affirmare minùs asperam, quamuis diuturniorem, ea fuisse quam in mediis vndis remigrātes perpeffi sumus. Enimuerò si isti, de quibus fit sermo, fidem iis derogare non verentur quæ in ipsius Gallię veluti meditullio, plus 500. testibus superstitibus conti-



P R A E F A T I O.

gerunt, quidni de iis dubitent quæ in remotissimis regionibus visa sunt, maioribus verò nostris inaudita, ita ut non nisi experientia ipsa hominum animis insidere possint? Me autem hoc loco fateri non pudebit, ex quo in Americam transportatus sum, quæ & incolarum viuendi ratione, & animantium forma ipsaque adeo terræ foetura à nostris Europæis, Asiaticis, & Africanis prorsus alienis respectu nostrî nouus Orbis meritò dici potest, opinionem abiēcisse quam de Plinio nonnullisque aliis induerā. Vidi enim per multa non minùs prodigiosa quàm quæ in eorum scriptis fide indigna censentur. Siquidem ea quæ oculis cernuntur penitiùs animum penetrāt. Ad genus orationis quod attinet, iam ante, tenuitatem meam probè mihi perspectam esse testatus sum. Non dubito autem quin multorum iudicio phrasibus nō sim vsus tum ad rem nauticam, tum alias satis accommodatis. Illis itaque satisfactum non esse certò scio: præsertim verò Gallis nostris quorum aures delicatissimæ nil nisi tersum sermonibusque nouis ornatum admittunt. At verò multò minùs iis placebimus qui libros omnes ut pueriles & steriles damnant, nisi aliunde desumptis historiis luxurient: Quamuis enim ad ea quæ tractaui multas accommodare facile mihi erat, tamen excepta Gomaræ Ind. Occid. historia, qua ob rerum multarum cum his nostris affinitatem non raro

## P R A E F A T I O.


rarò sum vsus , vix vllas in medium afferre  
 contigit : nisi quòd postrema hac editione  
 nonnulla memoratu digna addidi. Ac sanè  
 (quantum mihi cernere datur) historia quæ  
 proprio suo argumento ornatur repudia-  
 tis aliarum veluti alienis plumis, legentium  
 animos à proposito minùs remouet, efficit vt  
 authoris scopũ lectores faciliùs possint asse-  
 qui. Præterea ab iis quæro qui commentarios  
 istius ætatis legunt annon tædium parit, al-  
 legatio illa sententiarum propè infinita quã-  
 tumuis ad rem accommodatarum? Ne autem  
 mihi quis obijciat quòd vt, Theuetum antè,  
 nunc etiam alios reprehendens in eandem  
 tamen incurram reprehensionem: Si quis est,  
 inquam, qui improbet (quasi arrogantius di-  
 cta) quod vbi de vita & moribus Barbarorũ  
 verba facio frequenter has vsurpem formu-  
 las, vidi, interfui, accidit mihi, atque alia eius-  
 dem generis. Respondeo res illas ad meum  
 ipsius argumentum pertinere: deinde res de-  
 signare non rumoribus auditas sed & oculis  
 ipsis & experientia confirmatas, immo ausim  
 dicere à nemine alio vsquã obseruatas, multò  
 minùs memoriæ proditas. Quod non de vni-  
 uersa America dictum velim, sed de illa plaga  
 quã per annũ incolui, nimirũ sub tropico Ca-  
 pricorni apud Barbaros Americanos quos  
*Tououpinambaulsios* appellant. Denique fidem  
 do iis qui veritatem simplici sermone pro-  
 latam mendacio verborum exquisito ornatu  
 fucato præferunt , fore vt ea quæ à me sunt



**PRAEFATIO.**

in hac historia tractata verissima esse com-  
periant, quinetiam nonnulla esse quæ, quod  
maioribus nostris fuerunt ignota, admira-  
tione digna sint iudicanda. Deum orbis  
& tot præstantissimarum rerum condito-  
rem & conseruatorem oro, vt meum hoc  
opusculum ad nominis ipsius gloriam ce-  
dat. Amen.

**PLVS VIDERE QVAM HABERE.**



PSALMVM CVII HVIC NA-

*navigationi accommodatissimum, ex D.  
Th. Beza paraphrasi poetica descri-  
ptum hoc loco apponere visum est.*

**E**IA Deum cantate bonū, cantate benignū,  
Cunctisq; largum seculis.  
Dicite crudeli quos ille redemit ab hoste,  
Vos dissipatos colligens,  
Quā sol exoritur, quā noctis cōditur vmbris,  
Quā mundus æstuat, & riget, (tes,  
Vt miseros quondā per inhospita saxa vagant  
Fame, sitique torridos,  
Clamantes vos semianimes exaudiit ille,  
Malisque cunctis eruit.  
Deduxitque viis deserta per auiā rectis,  
Cultisque statuit vrbibus. (ctis,  
Clementē hunc, inquā, cantate, & dicite cun-  
Res iste quantas gesserit.  
Quos miseros vesana famēsque sitisq; necabat,  
Potu, ciboque recreans.  
Vos quoque contēpti tandē quos numinis ira  
Eius rebelles vocibus, (bras  
Carceribus clausit tetris, mortisque per vm-  
Vinculis reuinxit ferreis, (lore,  
Quos tādē edomitos longo fera corda do-  
Opisque prorsus indigos,  
Audiit oppressos tantorum mole laborum,  
Potentēque eruit manu, (bris,  
Carceris & tetri è tenebris, ac mortis ab vm-  
Ruptis reduxit vinculis,



Clementē hūc cātate alacres, & dicite cunctis  
Res iste quantas gesserit.  
Ingenti abruptens æratos robore postes,  
Vectēsque frangens ferreos.  
Vos quoque neglecto qui recti tramite, tātæ  
Pœnas luitis amentia, (tis  
Prostratis quib' est cibus omnis nausea, mor  
Pulsantibus iam limina,  
Quos tamen ad sese clamātes audit, & vnam  
Semel loquutus voculam, (chro  
Quamlibet oppressos seruat, veluti que sepul  
Putres iacentes eximit, (tis  
Clementē hunc cantate alacres, & dicite cun  
Res iste quantas gesserit:  
Huic, inquā, laudes cantate, huiusque sonoris  
Narrate gesta cantibus.  
Ac vos tranantes pictis vada falsa carinis,  
Maris coloni diuitis  
Magna Dei verè miracula cernitis, alti  
Dispersa campis æquoris.  
Nam simulac iussit, rapidi tota æquora venti  
Ad ipsa tollunt sydera,  
Abripitur pariter ratis, & nunc nubila tãgit,  
Tumēte vecta gurgite,  
Tartara nunc cōtra præceps cōtendit ad ima,  
Ipsisque iungitur inferis.  
Vorticibus miseri titubāt hinc vndiq; nautes,  
Ceu turba nutat ebria.  
Nil artis præcepta iuuāt, animique, manusq;  
Spe destitutis concidunt.  
Clamant: clamātes superū pater audit, & istis  
Angu-

Angustiis mox eripit.

Æquora iussa cadūt subito, fluctūsque silētes  
Tranquilla lambunt littora.

Incolumes illi optato se littore condunt,  
Miris ouantes cantibus.

Clementē hunc igitur cātate, & dicite cūctis  
Res iste quantas gesserit. (teruē,

Narrate hūc, inquā, plebīque senūmque ca-  
Dignūque ferte laudibus.

Irriguum iste solum siccis immutat arēnis,  
Quæ tota forbent flumina,

Et fœcunda prius falsugine rura colonis  
Iratus implet impiis.

Hic bibulis contra fontes educit arenis,  
Desertāque madidat sola:

Infamēsque fame cāpos mortalibus implet,  
Vrbis frequentis incolis.

Hic segetes, illic assurgunt ordine vites,  
Hinc messis, hinc vindemia. (propago,

Succrescit numerosa hominū pecudūmque  
Fauente numine cœlitus.

Et tamen his rursus casus, variūque labores  
Temporibus imminent suis,


Expositis varia in ludibria regibus ipsis,  
Inque vltima repulsis sola,

Elati contra miseris, multāque beante  
Prole sterilem prius domum.

Hæc hilares spectate boni, cogantur ad ista  
Vt impij obmutescere.


Ecquis erit verò sapiens qui denotet ista,  
Bonum vt Deum norit satis?













HISTORIA  
**NAVIGATIONIS**  
 IN BRASILIAM,  
 QUAE ET AMERICA  
 dicta est.

QUAE DESCRIBITUR AV-  
 toris nauigatio, quæque in mari vidit me-  
 moriæ prodenda: Villagagnonis in Ameri-  
 ca gesta: Brasiliensium victus & mores, à no-  
 stris admodum alieni, cum eorum linguæ  
 dialogo: animalia etiam, arbores, atque her-  
 bæ, reliquæque singularia, & nobis penitus  
 incognita.

CAP. I.

*Que causa, tam longinqua periculosaque, in  
 Brasiliam expeditionis, fuerit.*



QUONIAM, quæ sit amœnitas,  
 amplitudóque & vbertas, quartæ  
 orbis terrarum sectionis, quæ Ame-  
 rica Brasiliæque vulgò dicitur: qui-  
 búsque cingatur insulis, & regionibus conti-



Autoris scopus.<sup>t</sup>

neatur; quas antiqui penitus ignorarunt: quamque multis petita navigationibus, annis abhinc octoginta, ex quo primum innotuit: plerique nostra memoria Cosmographi, in explicandisque rebus gestis versati homines docuerunt: illo omni argumento, longè latèque diffuso liberati, hac quidem historia, complecti decreuimus ea duntaxat, quæ inter eundem & redeundum, & apud feros Americanos, quibuscum cititer annum vixi, experiendo & obseruando, visu audituque percepimus. Quod ut planius exponam, ab initio quænam adeò longinquæ, difficilisq; expeditionis, causa fuerit, breuiter, explicabo.

Conatus Villagagnonis.

Anno 1555. Nicolaus Durantius, eques Melitensis, cui cognomen additum est Villagagno, suam in Gallia conditionem ægrè ferens, maxime quod apud Nannètes, vbi tunc agebat, offensus: compluribus in locis, cum honestis omnium ordinum hominibus communicat, se iamdiu decreuisse, non modò longinquam in terram discedere, vbi puritatem Euangelicam libere amplexus Deum coleret: verum etiam esse in animo, iis sedem ponere omnibus, qui ut proscriptiones (quæ tunc temporis erant acerbissimæ, adeò ut multi quotidie mortales nulla neq; sexus, neq; dignitatis habitatione, regio passim edicto, senatoriusq; sententiis, bonis fisco addictis, religionis ergò viui cremarentur) euitarent, eò confugere vellent.

Addebat, tum ijs quibuscum ageret, colloquendo: tum absentibus per literas: se mira cum audisset, de eius partis America, quæ Brasilia dicitur

tur, pulchritudine atque vbertate, libenter, vt & sedem poneret, votique compos esset, eò profecturum esse. Qua dissimulatione, hominum quorundam illustrium, qui veræ pietati nomen dederant, conciliatis animis, quòd ea voluntate, quam ille fingeret, istiusmodi receptum desiderabant: maximèque Gasparis Colijnij, beatæ memoriæ, qui maris præfectus cum esset, regique Henrico, eius nominis secundo, charissimus: docuissètque si Villagagno expeditionem suscepisset, magnas opes inueniri posse, multaque alia, quæ toti regno prodesse: auctor fuit, vt duabus instructis nauibus, & armatis, & CCXXVI M. HS. à rege donatus, mari se committeret.

Gaspar Colijnus, in Gallia mari præfectus navigationis auctor.

Ad hæc, antequam è Gallia Villagagno excederet, data fide, honestis hominibus, qui ea de causa sequebantur, confirmarat: se, quo in loco consisteret, vt sincerè Deus coleretur, operam esse daturū. Quibus ita constitutis, comparatæque nautarum & opificum manu, quam secum abduceret, anno 1555. mense Majo, mare ingressus, varièque iactatus, tandem difficultatibus superatis omnibus, Americam Nouembri tenuit.

Cum suos in terram exposuisset, de munienta rupe, quæ ad ostium sinus, qui ab Americanis *Ganabara* dicitur, cogitauit. ille vt postea exponā, tribus & viginti gradibus, vltra Aequinoctialem circulū, porrectus est: nimirū sub Capricorni Tropico, vnde nostri fluctib. repulsi, necessario duo milia passuum progredientes terrā versus, insulā antè desertam tenuere: quò tormētis



expositis, impedimentisque omnibus, ut sese cum à feris gentibus, tum à Lusitanis defenderent, qui iam in continenti multa communicant, aggerem comportare cœperunt.

Villagagno  
Geneuam  
scribit.

1871

Interea Villagagnò , mira se propagandi E-  
uangelij cupiditate , ardere simulabat , suisque  
persuadere nitebatur , ita vt nauibus onustis , &  
ad reditum in Galliam paratis , nuntium literas-  
que Geneuam mitteret , ab Ecclesiâque peteret ,  
vt sibi , quoad eius fieri posset , in re tam pia au-  
xilium esse vellet : vrgebatq; , vt quod in animo ha-  
buisset , quodq; totis viribus desiderasset , perficeretur , non ministros modò Verbi diuini mit-  
tendos esse : verùm etiam , qui se suosque in dis-  
ciplina continerent , ferâsque nationes ad cog-  
nitionem salutis adducerent , homines in fide  
Christiana bene fundatos , comites pastoribus  
adiungendos .

Quibus literis Ecclesiæ Geneuensi redditis, primum actæ Deo sunt gratiæ, de amplificato Christi regno, in tam diſſita regione atque immani, populóque qui in maxima veri Dei ignoratione verſabatur. Deinde, vt iſtiuſmodi poſtulis ſatiſfieret, poſteaquam Colinius apud Gallos Thalaſſiarcha ad quem Villagagno ea de cauſa ſcripſerat Philippum Corguillerium, qui ſe prope Geneuam contuliſſet, eiúſque fuiſſet iuxta Caſtillionem in Gallia vicinus, per literas hortatus eſſet, vt eos qui ad Villagagnonem ire vellent, deducendos ſuſciperet: is & paſtorú Geneuenuſium quotidianis vocibus excitatus, & ſingulari erga opus tam pium voluntate, non ſene-

Philippus  
Corguille-  
rius, se ad  
Villagagno-  
nem iturum  
profitetur.

senectutem neque valetudinem excusans, negatiâque & liberos, qui tot regionibus interpositis essent relinquendi, se profecturum esse pollicetur.

Restabat omninò, vt de pastoribus eligendis ageretur: itaque Philippus amicisque cum quibusdam, qui tùm Geneuæ, sanctioribus literis operam dabant, communicat: præcipuè cum Petro Richierio, quinquaginta tùm annis nato, Gulielmòque Charterio. Ii communi sententia respondent, si Ecclesia se legitimè vocasset, non recusaturos esse. Quibus à collegio pastorum Geneuensium, cùm essent interpretati desumptas è sacris voluminibus periodos, de more approbatis, suòque vt fungerentur officio admonitis, duce Philippo se nauigaturos ad Villagagnonem, sponte sua professi sunt, vt Euangelium in America publicarent.

Richierius  
& Charterius  
ministri in  
Americam  
missi.

Adiungendi erant etiam comites, qui summa religionis Christianæ capita probè tenerèt, ex literis que Villagagnonis periti artifices: nihilò secius neminem circumuenire Philippus: demonstrare, longo difficilique itinere, terra trecentis, mari quadragies centenis milibus passuum superandis, elaborandum esse: delatisq; Brasiliam, panis loco farinâ ex radicibus apponendam, vinòque abstinendum, quòd eo Brasilienses careant: vt que nouo in orbe, quod & literæ Villagagnonis declarabant, nouo victui, dapibusq; à nostra Europa penitus alienis, assuescendū esse. Qua de causa, qui res incognitas audire quàm experiri mallent, neque solum vertere cuperèt,

Quæ in Brasilia viuendi ratio.



vt & maris tempestates, Zonámque Torridam paterentur, & Polum viderent Antarcticum, de nominibus dandis non admodum fuere solliciti.

Eorum nomi-  
na, qui Ge-  
neua profe-  
cti, nauiga-  
runt in Ame-  
ricam,

Attamen multum appellando & conquiren-  
do, cæteris, vt videtur, melius animati, Philippo  
se, Richerióque & Charterio dant comites Pe-  
trus Bordónius, Matthæus Verneuilius, Ioan-  
nes Bordelius, Andréas Fontius, Nicolaus Dio-  
nysius, Ioannes Gardienus, Martinus Dauid,  
Nicolaus Rauiquetus, Nicolaus Carmulus, Ia-  
cobus Ruffus, egoque Ioannes Lerus, duos &  
viginti annos natus, qui tum vt Dei gloriæ, pro  
sua erga me misericordia seruirem: tum vt no-  
uum orbem cognoscerem: illis tredecim suc-  
centuriatus, anno 1556. 4. Id. Septemb. Geneua  
sum egressus.

Castillionem petimus ex itinere, ibique Co-  
linium, quem mari præfectum fuisse demonstr-  
ui, conuenimus, is non vt incæpto tantum in si-  
steremus adhortatur, verum etiam pollicitus se,  
in iis quidē rebus, quæ ad nauigationē pertine-  
rent, auxilio futurū: in spem nos erigit fore, vt  
permagnas vtilitates, Deo fauēte, nostri labores  
afferrent. Inde Lutetiam profecti, dū mēsem  
integrum, in vrbe commoramur, tū nobiles  
aliquot tū plebeij, cū de nauigatione audi-  
uissent, se nobis adiunxere: Rhotomagóq; tan-  
dē præteruecta, Iuliobonæ, qui portus in Neu-  
stria obtigerat, in apparadis rebus ad profectio-  
nem necessariis, armandaque classe. mensem al-  
terum consedimus.



## C A P. II.

*Ascensus in naues Iuliobonæ itemque occurſus  
nauium & expugnatio: tempeſtates, litora que &  
inſula primum obuia.*

**I**T A Q V E cū Boiſius Villaga-  
gnonis nepos, qui antè Iuliobo-  
nam aduenerat, pecunia regia tri-  
bus inſtructis nauibus, prouiſaque  
re frumentaria, pro imperio iuberet: 13. Cal. De-  
cembr. in naues conſcendimus. Ipſe Boiſius, ex Boiſius claſ-  
ſi præſicitur.  
nauibus vna, quæ Roberga minor appellabatur,  
octoginta nautis militibusque occupata, legati  
nomen imperiūque habuit. Alterā, duce Ma-  
rio, Robergæ maioris titulum præferentem, gu-  
bernatore autem Ioanne Humberto Hareſflori-  
enſi, vt res ipſa docuit, experientia in nauigando  
ſingulari, centum & viginti mortalibus, quo in  
numero cenſebar, attribuit. Tertia quæ Roſea,  
cēturionis nomine vocabatur, annumeratis ſex  
puerulis, ad linguam Americanorum addiſcen-  
dam, transportandis: quinque autem, vnā cum  
moderatrice, virginibus (quæ primū è Gallia mu-  
lieres, magna Barbarorum admiratione, qui tan-  
tum nudas antè vidiffent in Braſiliam delatæ  
ſunt) nonaginta circiter hominibus comple-  
ta eſt.

Eo die ipſo, cū è portu ſolueremus, tormē-  
torum ſtrepitus atq; tympanorū, buccinarūq; E portu na-  
ues ſoluant.



soni, cæteraque eiusmodi, quæ nauibus in expeditionem euntibus, solemnia esse consueuere, circa meridiem audita sunt. Primum in mari Cauxio, duobus à portu salutari milibus, anchoræ iactæ, quo in loco, vt assolet, nautis militibûsque recognitis, & profectioe imperata: eius nauis quam conscenderam funis anchorarius abrumpitur, anchoraque labore maximo recuperata, profectio in crastinum indicta est.

Naui-  
gatio-  
nis, ac  
usque  
adeo  
mariti-  
mæ præ-  
stantia.

Itaque 12. Cal. Decemb. è terra prouectis, & Britanniam sub dextra relinquentibus, duodecim dierum tempestate coorta: plerique metu & nausea vehementer conflictati præcipuè qui mare nunquam viderant, singulis se momentis absorbendos esse cogitabant. Resque profectio est admiratione dignissima, nauē è ligno quantumvis magnam atque firmam Oceani vim pati posse. Nam vt è crassissimis trabibus naues fiant, arcæque fibulis vinciantur: quemadmodum qua eram delatus, circiter centum pedes in longitudinem, in latitudinem verò viginti patebat quanam est. cum altissimo latissimoque Occidentali Oceano, magnitudinis tantulæ collatio? Qua de causa cum nauigandi artem vniuersam, tum sigillatim acum nauticam, ad moderandos cursus maritimos excogitatam, nemo fatis vnquam laudauerit: quam tamen antè annis ducentis & quinquaginta esse in vsu, quidam memoriæ prodidère. Igitur, cum diestredicim, magnis difficultatibus, nobis esset nauigatum, Deo fauente, tranquillitas reddita est.

Con-

Consequenti pòst die Dominico, duabus onerariis nauibus Britannicis, ex Hispania red-euntibus occurrimus: parúmque abfuit, quin nautæ nostri, cùm esse quæ eripere possent, intellexissent, eas penitus expilarent. Quemadmodum enim demonstraui, tormentis cæteroque omni apparatu bellico instructi, confidebant, neque si infirmioribus occurrissent, ab iniuria facillè temperabant.

Et quoniam in hunc sermonem incidimus, quæ nautarum sit rapacitas, hoc primo nauium occurfu, declarare visum est. Qui enim robore & armis præstant, quod etiam in continente nimium sæpè accidit, reliquos prædæ habent. Afferunt tamen, cùm vela obuios contrahere iubent, se iamdiu tempestate aut malacia terrâ non attigisse, rebus egere omnibus, orántque vt pecunia redimere liceat: qua in colloquutione nauibus occupatis, ne scilicet onere pessum eant, præstantissima quæque extorquent. Obiicientibus (quod sæpè nobis erat vsitatum) iniquissimum esse hostes iuxtà sociósque prædari: solennia terrestribus etiam copiis verba reponunt: more belli accidere, sibi vt quisque prouideat.

Nautarum  
rapacitas.

Addam, quod exemplis postea comprobabitur, cùm Hispani Lusitanique, se Brasiliã adiisse primos, omnémque adeò continentē, quæ à freto Magellanico, qui meridiem versus quinquaginta gradibus extenditur, ad Perusium, citraque Aequinoctialem lineam gloriantur: eaque de causa possidere affirmant, Gallos verò



se in iure suo interpellare : si mari vincant, crudelissimè interficiunt, in eamque feritatem aliquando deuenire, cutem vt viuentibus detraxerent, teterrimove genere mortis afficerent. Galli contra, se Americæ participes esse demonstrant: neque ab Hispanis Lusitanisque vinci facillè patiuntur, seque acerrimè tuentes par pari hostibus referunt, qui eadè certè classe manum conferere non audent.

Mire Deus  
mari, pro ar-  
bitrio impe-  
rat.

Vt ad nos redeam, iterum tempestate co-  
orta, sex septemve dies mare adeò intumuit, ple-  
risque vt fluctus non tantùm foras superarent;  
verùm etiam, cùm eius rei periculum facere-  
mus, de qua Psalmus 107. meminit, sensibus  
penè orbat, ebriorum more vacillabamus: na-  
uis autem ita fluctuabat, nemo vt ex nautis sta-  
re posset. Vt eodemque Psalmo continetur,  
cùm suprà montes aquarum altissimos, maxi-  
mèque timendos erecti : è vestigio infrà pro-  
fundissimos hiatus de merfi, tamen inter tot fa-  
ta conseruamur: sentimus profectò admiran-  
dam Dei optimi maximi potentiam. Itaque,  
cùm periculo tam sint affines, qui nauigant:  
Poeta qui latitudine lignorum, quibus nauigia  
facta sunt, eos à morte separat, videtur, quam  
par sit longius seiungere. cuius, quòd sint ele-  
gantissimi versus adscribere visum est.

*In nunc, et ventis animam committe, doloso*

*Confusus ligno, digitis à morte remotus*

*Quattuor, aut septem, si sit latissima cæda.*

Tempestate sedata, cùm Deus qui mari pro  
arbitrio imperat, ventum secundum excitaf-  
set,

set, ad mare Hispanum peruenimus, Nonisq[ue]  
Decembr. obiectum habuimus promontoriũ  
Sacrum. quo in loco, Hibernica naui obuiam  
facta, arte, de qua paulò ante diximus, nostri  
epibatae sex septemve Hispaniensis vini dolia,  
ficus, malaque Aurantia exportarunt.

Sacrum Pro-  
montorium.

Septimo post die, ad tres insulas delati su-  
mus ex Fortunatis: has qui è Neustria nauigant,  
Gratiosam, & Lancilotam, & Fortaen-  
turam nominant, antiquis autem appellaban-  
tur, Aprositus & Iunonia, Ombriosque: sep-  
temque numero sunt, quas nunc, vt opinor,  
omnes, Hispani occupant. Et quamuis in or-  
be describendo, quidam Fortunatas insulas, sub  
vndecimo citrà Aequatorem gradu collocent:  
cũ me presente, Astrolabus litem diiudica-  
ret, inuenimus, ad vicesimum octauum Ar-  
cticum versus sitas esse: idcirco fatendum est,  
suo aliorũque periculo, decem & septem gra-  
dibus, istiusmodi Cosmographos aberrare, qui-  
bus eas insulas à nobis remouent longius.

Fortunatae  
insulae.

Hic scaphis eductis, viginti ex nostris benè  
armati, ad populandũque progredientes, con-  
spicati ab Hispanis, & repulsi, fuga naues peti-  
re. Attamẽ cum se in omnes partes conuerte-  
rent, nauigiolo piscatorio metu ab suis dereli-  
cto facti obuiã, cum maximã vim marinorũ ca-  
num, circinorũque nauticorum abstulere, ni-  
hilque omninò, ne velis quidem exceptis reli-  
quere: tũ quòd de Hispanis peius mereri non  
possent, quos vlciisci percupiebant, scaphã vnã  
eum lintre securibus depresserunt.



Trichides  
prodigiosa.

Admirabilis  
fluctuum re-  
ciprocatio.

Canaria.

Dùm tres dies, ob malaciam propè Fortuna-  
tas insulas commoramur hamis retibúsque in-  
gentē piscum copiam cepimus: ideóque veriti,  
quòd aqua dulcis non suppetebat, ne siti pre-  
meremur, plus dimidia parte, in mare conieci-  
mus. Genera, canes marini, Auratæ, piscésque  
alij quorum ignorabamus nomina. erant etiam  
Trichides, corpore tam paruo, vt caput cum  
cauda (quæ nihilò minus lata est) cohærere vi-  
deatur: capite autem galeæ cristatę persimili, sa-  
tis prodigiosa. Decimo septimo cal. Ian. mari  
tertiò intumescente, scapham quæ vni ex naui-  
bus adhærebat, fluctus tam citò compleuit; vt  
pessum iret: vixque duo nautæ, qui asservabant,  
demissis è naui funibus periculum effugerent.  
Illud etiã cōmemorandum videtur quod acci-  
dit, tēpestate dies quatuor desæuiente: coquus  
quidam laridum in cado ligneo temperans, flu-  
ctu supra foros elato, cūm cibum in mare lon-  
gè proiectum amisisset: fluctus alter oppositus,  
eundem in locum vi magna retulit, neque ca-  
dum subuertit, veréque prædium restituit, quod  
vt aiunt, præter casam fugerat.

Ad 15. Cal. Ian. die veneris Canariam in cō-  
spectu habuimus. consequenti autem Domini-  
co propius facti, erat constitutum ibi comeatū  
expedire: aduerso tamen vento insulam nō te-  
nuimus. Hæc amœna est admodum, quam &  
incolūt Hispani, gignitq; saccharum in arundi-  
nibus, & vina præstantissima. Cæterum tanta  
est altitudine, vt LX passuum milibus interie-  
ctis conspici possit. A quibusdam Taneriffe di-  
citur

titur, opinantibus antiquorum Atlântem esse, à quo mare vocatur Atlanticum. Alij contrà, autumant duas esse insulas, Canariam & Taneriffen. quæ lis, quod ad me attinet, manebit sub iudice.

Eo die ipso fumus conspicati myoparonem Lusitanum: qui cum neque fugere posset, quoddeditio. vento ferebatur aduerso, neque armis confideret: contractis de more velis, Boïsio se tradit in manus. Nec morati centuriones, ut qui iandiu decreuissent, suæ classi nauem adiungere, quâ Hispanis Lusitanisve sperabant se erepturos: in myoparonem, ne aufugere posset, quosdam ex suis imponunt. Veruntamen, cum nescio quibus de causis, Lusitano gratificari vellent, si confestim myoparonem alterum inuenisset adduxissetque, quem eripuissent, redditum iri promissere. Ille, ut qui sibi melius esse vellet, quam alteri, accepta, ut postularat, vnâ cum armis scapha, viginti autem ex nostris, cum quibusdam ex militibus suis: prædonis more, pyratricam enim, ut opinor facitabat: ut de improviso fortunam experiretur, longè classem contendit anteuertere.

Tum legebamus oram Africæ, à Mauritanis Mauritania occupatam, ab ea ferè disiuncti quatuor milia passuum: estque, ut à multis tunc fuit obseruatum, terra valde plana, humilisque adeo, ut quantum oculi valebant, montibus nullis officientibus, ea nobis videremur altiores, ita ut, breui submergenda crederetur, nauibusque superanda. Et quamuis, oculo iudice, se ad hunc



modum res habeat, in omnibus ferè littoribus tamen cùm illustrius appareret hoc in littore: cùm tantam ego planiciem, quæ vallis haberi poterat: contra, mare tranquillissimum, quod altissimi môtis effigiè præferebat, intuerer: memoria repetens quæ, hac de re, sacræ docent litteræ: illud excellentissimum Dei opus, magna cum admiratione, contemplabar.

Iob. 38. s. 10  
11. Psal. 104.  
9.

Myoparonis  
expugnatio.

Nauarum  
crudelitas.

Duarum na-  
uiū deditio.

Vt ad piratam redeam, qui vt diximus, scapha erat antegressus, ad 8. Cal. Ian. quo die natus est Christus, in Liburnicam incidit, quā tormentis petere, viqueretinare contendit, & ad nos adducere. Quæ res valdè nostris cēturionibus placuit. navis erat enim eximia, & plena sale candido: quam, vt decreuerant, in Brasiliā ad Villagagnonem deduxere. At in fide Lusitanis præstanda, de restituendo myoparone, crudeles adeò extitere: vt Hispanis & Lusitanis, in vnum idemque nauigium coniectis, ne frusto quidè nautici panis relicto, velis dilaceratis, scapha etiam ablata, qua destituti terrā tenere nō possent: mitiore consilio vsi esse viderentur, miseros si deprehsissent, quam si ita dimisissent. Nā nisi alicundè scapha laborantibus opitulata sit, certū est, aut naufragio tandē, aut fame perisse.

Hoc facinore, compluribus inuitis, perpetrato: longè sumus in altum prouecti, secundo flante Vulturno. Ne autem lectori fastidium pariam, si tot naues expugnatas, sigillatim commemorē: crastino, tertioque post die, cùm resisteret nemo, duas in potestatē, redegimus. Cùm Liburnicam, quæ prius occurrit, epibatæ nostri, præ-

præcipuè qui myoparonem Hispanicū ascenderant prædæ habere cuperent: eaque de causa essent minoribus tormētis aggressi: ducibus tamē ultro citroq; colloquutis ab iniuria tēperarunt. Ex Hispaniensi altera, vinum, pnis nauticus, aliaque cibaria direpta. Nullius tamē rei iacturā magis conquerebatur Hispanus, quā gallinæ. hāc aiebat, cum procelloso mari ponere nō intermitteret, ouū sibi quotidie in naui sufficere.

Die dominico, qui proximè sequutus est: cum is, qui speculabatur signū de more dedisset, animaduersis quinque nauibus (de quarū magnitudine atq; forma diiudicare nequiuimus) nauis nostræ, quibus fortasse non sum placiturus, eorū virtutibus prædicādis, expediti & ante victoriā præana concinentes, se cōsequi posse arbitrabantur. Sed cum nos aduerso, illi secundo vento delati, velis, vt aiunt, remisque fugerent: quāuis, magno ne classis euertetur periculo, pedē vndique faceremus, ad prædandūq; milites incumberent: frustra defatigati manū conferere non potuerunt.

Ne quis autem quæ cōmemorauī hactenus, falsitatis accuset: nos videlicet, cum Brasiliā peteremus, mare infectum habuisse: obuiis aut fuga salutis consulentibus aut vela demittentibus: affirmabo tribus omnino nauibus, quæ tormētis erāt instructissimæ, adeo vt quæ me accipisset, maiora octodecim ex ære tormēta, minora è ferro plus triginta sustineret: nautas militesq; decreuisse, vt qui omnes ferè essent Ne-

Neustrii in  
naumachiis  
excellunt.



Ofor. in Hi-  
stor. Lus. lib.  
2. & 9.

occurrissent configere, magna spe victoria. Animosum certè consilium, si ab iis qui res gestas memoriae prodiderunt, nominatùmque ab Oforio repetamus, quantum armis Lusitani excelluerint, quas nationes, quàmque varias deuicerint: cùm & bello contra Mauritinos in Africa contenderent, & Orientem versus contra Indos dimicarent. opponi tamen posset Gallos Barbaris dexteritate praestare (ex quibus cùm initio peterentur extitere, qui aluearibus apum in hostes coniectis se defenderent) neque sine sanguine & sudore, tam fortes viros vnquam posse superari.



### C A P. III.

*Bonita, Albacora, Aurataque, & sues marini piscèsque volatiles, aliquæ quos tum vidimus, tum cepimus sub zona Torrida.*



X illo tempore, tranquillitate vsu ventòque accommodatissimo, ad tertium ferè gradū citra Aequinoctialem peruenimus. ibi maximam suam Marinorum copiam & Auratarum, eorùmque piscium cepimus quos Albacoras & Bonitas, qui è Neustria navigant, appellare cōsueuere: ex aliisq̃ue generibus quamplurimos. Quò in numero erant & piscium volantium. de

Pisces volan-  
tes.

qui

quibus, cum nautæ mentionem facerēt, existimabam nobis imponere velle: donec ita se rem habere comprobauit experientia. Tum è mari emergere, & sublimè volando gregatim petere pisces vidimus, in morem alaudarum sturnorumque: volatus vero altitudine hastam æquabat, largitudine centum passus. Sæpè numero ad malum nauium impingentes cadebant, & manu facilè capiebantur. Piscis est, vt eundo & redeundo animaduerti multoties, haleci valdè similis: paulò tamen & longior & rotundior: habetque sub gutture paleolam, alis ad modum vespertilionis toto corpore contextis porrectisque. sapore autem suauissimo & probatissimo. Cæterum, quoniam huius generis nullum citrà Tropicum Cancrì videram, primò existimabam quod calore gauderēt, sub Torrida Zona degere, in neutrâ inque partem Polos versus excedere. Sed cum quidam scripserit marinas hirundines, propè magellanicum fretum videri: quas opinor easdem esse, rem in medio relinquere visum est. Obseruari etiâ istiusmodi pisces nusquam tutò agere posse. Nam cum in mari degunt Albaiores prædonésque alios è piscibus habent inimicissimos: si subuolando periculum effugere tentant, aues sunt marinæ, à quibus capti vorantur.

Aues marinæ.

Dicendū quoque aliquid videtur de his aui-  
bus quæ prædam è mari pro victu habēt. Hæ sunt  
adeò cicures, vt supra foros funésq; nauium fidē-  
tes, capi manu patiātur. quarū certissima, vt qui  
de iis gustauerim, penitusque cognouerim, hæc



est descriptio, pluma sunt, vt accipitres, leucophæata; magnitudine cornicum esse videntur nudati paulò plus carnis habent passere: vt mirum sit corpore tam paruo capere posse, atque in vsum vertere pisces multo se maiores, atque crassiores. Denique vno sunt intestino, pedibusque planis, vt anates.

Bonita pi-  
scis.

Quod ad ceteros pisces attinet, de quibus paulò ante diximus: Bonita nulli sapore cedit, Cyprinis communibus assimilis, cùm squamis tamen careat: illas maximo vidi numero, circiter quadraginta dies quibus ferè nostris nauibus adhæserunt, idque accidere verisimile est, quòd pice naues vnctæ sint.

Albacoræ.

Albacoræ autem à Bonitis forma non admodum alienæ, tamen cùm & viderim, & comederim Albacoras, quinque pedum longitudine, crassitudine corporis humani, quod ad earum magnitudinem, nulla esse potest cum Bonitis collatio. Deinde cùm nullo modo sint Albacoræ viscosæ, sed carne vt salar friabili, nullis aculeis, paucis visceribus, inter pisces optimos sunt annumerandæ. Et quamuis quæ ad condiendam Albacoram, necessaria videbantur, præstò nō essent (vt accidit peregrè nauigantibus,) ideóque sale cōtenti, latis orbibus, igne tostam ederemus: tantillo tamen apparatu erat nobis gratissima. Quamobrem si Cupidiorum natio, quæ mare tentare non audet: nihilóq; secius (vt de fele vulgò dicitur) siccis pedibus, abligurire pisces percipit; Albacoram in cōtinenti tam facile mercaretur, quàm reliqua genera;

genera; ecquid dubitatis quin vnà cū pisce digitos sæpe circumlamberet? vt enim dixi de hirudinibus marinis; cūm Albacoræ degant inter Tropicos, in altóque mari versentur, nō ita litoribus appropinquant, vt à piscatoribus integræ ad nos peruenire possint. Quod verò ad Africanos attinet, qui mare ad Orientē accolūt, Perusiósque qui Occidentem versus, tum & Albacoras facillè piscari: tum incorruptè suis apponere, credibile est.

Aurata, quæ meo iudicio ita vocatur, quòd in Aurata.

aqualuteo esse colore videatur, & auro quā simillima, figura Sulmoni proxima est; differt tamē dorso depresso. expertus ita pronūtio; Auratā nō tātū ceteris de quibus mentionē fecimus, bonitate præstare: verū etiā nego, in mari fluminibúsque quicquam inueniri posse suauius.

Sacs marini.

Suum autē marinorum duo sunt genera, vnū rostro acuto, vt anseres, alterū tā obtuso, vt cūm è mari attollit, sphæra esse videatur. Idcirco ab ea similitudine, quæ est illi cū cucullatis, capita monachorū appellabamus. Ex iis animaduerti lōgos circiter senūm pedū, cauda lata, bifidāque, in capite omnib. erat foramē, quo spiritū ducere, & vndā vibrare solebant. Cū incipit mare commoueri, super aquam eminentes, præcipuè nocte tempestate conflictati, virides apparent; viridēque reddunt maris effigiem. præterea in morem suū terrestriū, altè anhelant stertuntque. Quamobrem nautæ illos vagari & respirare conspicati, tempestatem certissimè præsciunt, quod & sæpe sum expertus. Et quam-



Ingens suū  
marinorum  
copia.

Modus piscā  
di sues mari  
nos.

uis, cū tranquillitas esset, pelago modò crispante, vndique suum marinorum circumiecta multitudine, quoad prospici posset, totum mare illis constratum videretur: tamen cū nō tām faciles captu essent, quā pisces reliqui esse consueuissent, prout collibuisset in promptu non erant. Itaque, vt lectori satisfaciam cumulatius, qua tandem arte capiātur, explicabo. Qui probè inter eos, piscandi modum callet, cōspicatus è prora, harpagonēque ferreum manu tenens longurio reuinctū longo crassoque vt hasta dimidiata: qui etiam funi alligatur viginti circiter pedum: gregatim accedentibus, quē ferire possit eligens, tanta vi harpagonem iaculatur, vt si rectè percutiat, ferro sus adunco teneatur: tum relaxato fune, quo ad fieri potest, dum se dolore faucius in omnes partes cōuertit, ferrōque magis induit, sanguis eum paulatim virēsque deficiunt. Nec morati nautæ ceteri, manu ferrea, quæ & ipsa longurio adhæret captum in nauē pertrahunt. Hac ratione viginti quinque in itinere cepimus.

Suum marinorum intestina.

Quo ad intestina, si vt porco, ita & sui marino quatuor tanquam pernæ demantur diuidaturque & visceribus, spina etiam dorsi, costisque ablatis eundem in modum pendeat, hic illi valdè similis erit. Iecur eodem sapore. Caro tamen recens dulcior & deterior. Pinguedo in omnibus quos vidi, pollicis crassitudinem non excedebat, nullāque puto inueniri quæ duos superet digitos. Itaque, ne nobis amplius imponat id, quod Lutetiæ alibique laridum quadrage

simæ

finē piscatores appellans, suisque marini pinguedinē esse arbitratur: Nam ea cum plus quatuor digitum crassitudine pateat, Balanæ censenda est. Ceterum quoniam in quarundā alio quas venati sumus paruuli sunt reperti, quos ut lactentes assos apponebamus, nulla contrariæ opinio nisi habita ratione, magis existimo sues marinas ut scrophas, viuos quam oua parere. Qua de re si accuser, ad arbitrium eorum qui experti sunt potius, quam qui scripta tantum legere prouocans: ut rem diuidicare mei non est instituti, ita nemo, quin ea quæ viderim certa esse credā, iure interdicturus est.

Per multos etiam Requienes, ut à Neustriis Requienes appellatur cepimus. Ii quoque mari sedato virides apparent: quibusdam longitudine quatuor pedes superantibus, crassis pro magnitudine corporis. Tamē quod eorum caro minus probetur, necessitate compulsi & meliorum inopia, nautæ Requienē attingunt. Pelle sunt aspera feratāque, capite plano atq; lato. ore patulo tamquā lupi Molossiiue Britannici. Cum hac de causa monstriosi sunt, tum dentibus accutissimis dānosi: quemque semel corripuerint, aut dilacerant: aut in mare deprimunt, Qui lauant in Oceano sibi à Requentibus valde timere coguntur. Nec cum essent educti supra foros nauium, quod sæpe accidit, hamis è ferro digitali crassitudine minus ab iis cauendum erat quam à feris canibus. Quapropter cum neque capti, neque liberi ab iniuria tēperarent: parūque ad vescendum accommodati censferentur: quos eramus

Requienes  
damnosi,



Marinæ te-  
studines.  
Plinius lib.  
9. cap. 10.

Modus piscā-  
di marinas  
testudines.

piscati lancinantes, atque cruciantes, ut damno-  
sis animantibus dignum erat, claua ferrea ma-  
ctabamus. Decisis aliquando branchiis, dolis-  
que circulo per caudam traiecto, in mare pro-  
iciebamus: tum se ipsi iactantes quod diu non  
mergebantur, ingenti nos voluptate perfun-  
debant. Cæterum, etsi sub Zona Torrida, non  
sint ea magnitudine testudines, qua in Rubro  
Indicove mari Plinius esse dicit, ut singularum  
superficies contegendis habitabilibus casis, pa-  
randisque cimibus accommodetur: tamē cum  
tantæ ibi existant, ut parum sit credibile, breui-  
ter attingere visum est. Proponam igitur speci-  
men, quo de magnitudine lector iudicare po-  
terit, vnam videlicet in naui Boissiana captam,  
adeo grandem extitisse, ut octoginta homini-  
bus, quos naus acceperat, more nautico pran-  
dentibus, largè suffecerit: superior testa ouali  
effigie, lata duos pedes cum dimidio, & iusta  
crassitudine centurioni Mario ad clypeum data  
est. carne tam proximè ad vitulinam accedunt,  
ut lardo traiectæ, tostæque, eodem sapore vi-  
deantur. Hic quoque ut animaduerti, earum est  
piscatus. Tranquillo mari, aliàs enim rarò appa-  
rent, in summâ pelagi euectis, Sol testam ac-  
cendit, ut pati non possint: itaque se inuertunt  
ad tēperandū calorem, diūque in gyrū versant:  
hoc cōspicati, manu ferrea commissuræ testa-  
rū impacta, vi magna nautæ quatuor aut quin-  
que connitentes, in phaselum pertrahunt.

Hactenus de marinis testudinibus scripserā.  
At Theuetus in sua virorum illustrium Histo-  
ria, Quoniam beci mentione facta gigantis fi-

Et ita graphicè ostendit perculsum ingenium. Quemadmodum enim patet huiusce Cominè tarij exordio in me inuectus ineptissimè tandè exclamat. *Quid dicemus de prodigiosis testudinibus illis, quas tam horrenda magnitudine sub Torrida zona finxit, ut octoginta homines una impleuerit (qui fortasse non esuriebant) testa autè superior contegenda habitabilis case suffecerit, quā destinasse hominibus nō arbitror, sed insectorum generi.* Cū igitur Theuetus plagis se denuò induerit, cadat sanè in foueam, vndè nunquam poterit emergere. Itaque audiamus quæ scribat cap. 14. Singular Amer. de testudinibus loquens, quas dicit esse in insulis pertinentibus ad viride promontorium. cuius quidem hæc sunt verba. *Inter illas testudines, ait, quaedam reperiuntur tam ingenti magnitudine, ut homines quatuor unā retinere non possint: quod tum vidi, tum ab explorata fidei auctoribus didici.* Plinius etiam tradit, tam immanes in mari Indico testudines existere, ut easam testa integat, interque insulas Rubrimaris eisdem testis ad cymbas utuntur. In mari Persico fretoque Carmania similes inueniri Plinius idē auctor est, Deinde Theuetus quot modis capiātur explicatis cogitandū relinquo, ait, quāta testa sit crassitudo si cū amplitudine cōferatur. Nā qui & fretū Magellanicum incolunt Barbari & qui flumē Argenteum is ad excipiendos ielus hostium pro scutis utuntur: Similiter & pro vallo Amazones (has commentus est Theuetus, nusquam enim apparent) mare Pacificum accolentes, cū oppugnata tugriola defendunt, Testamque assueuere ausim

Plinius lib.  
9. cap. 10.



adeò esse firmam ut minusculi tormenti, quod manu gestatur, glante trauci non possit: Insulani circa viride promontorium affatim vescuntur testudine, ut apud nos bubula aut veruecina: Nam & vitulina similis est, eiusdemque saporis. Hæc ille: quæ ut cetera prætermittam, per se satis aperte accusationem qua me, iocando aspergere conabatur in autorem retorquent. Et quoniam, parum de proverbio cogitavit, quo fecit mendacem esse memorem oportere. quàm perfricta fronte calamniatorem agat, demonstrandum est clariùs. Ac primùm lectoribus animaduertendum est, quod Theuetus accusat, nempe testudinis testa posse casam contegi, non à me sed à Plinio quem laudaui esse dictum: Hunc etiam locum citavit proluxius, bonus ille reprehensor. Et si vitio vertenda est auctoris prolatio, primus peccauit Theuetus scilicet. quamobrè vno verbo tum ego à culpa liberor, cum ille cōuincitur. Restat ut purgem id, quod insinuat esse commemoratum elatiùs nimirum testudinē in naui Boissiana captam octoginta mortalibus largè cibū præbuisse. Quid tum? An magis vero est simile Theuetū vidisse tā magnas testudines, ut à quatuor piscatoribus retineri nō possent: qui non modò porcum retinerent, tāta corporis mole: verū etiam bouem, vnde homines plus mille quingenti lautè pranderēt. Si tamen robore cum celebri Quoniam beco essent comparandi, quem ineptissimus ille censor cōmētus est. Alias enim ut iocādo ait, se nō arbitrari, casam testudinis coclea inteetas, me ho  
mini-

minib. sed insectorū genere destinasse: (quāuis Pliniū accuset) si aut Pigmæi, aut deplorata valedudine homines piscarentur, magnum esset periculū scilicet ne prodigiosa illa testudo effugeret. Itaque vt coerceatur pressius, dandum est homini consilium, vt ascendat bestiam, assumpto etiam è testa clypeo, qui minusculi tormenti glande transfuerberari non possit, accersat quoque Amazonas ( quæ nusquam sunt ) infinita multitudine ad opem ferendam conuocata, si monstrum illud sæuiat. Denique sibi egregiè providebit, euocato nominatim Quoniam beco, qui permagnum vini dolium vlnis amplexus, & facillimè sustinens, singulāque humeris maiora ex are tormenta, ministris comitantibus, ad præbendos calices, ignemque tormentis admouendum, ita primam firmet aciem. Quare, quoniam in confutationibus præstigiatorum illi agere visum est hac veste indutum, decreui hominem dimittere. Hæc habui de testudinibus breuiter explicanda & aliis piscibus, postea mentio fiet de Delphinis, atque etiam Balænis, pluribusque Cetaceis.

Theuetus  
suis colori-  
bus depingi-  
tur.





## C A P. IIII.

*De Aequinoctiali circulo, tempestatibus, ventorum inconstantia, pluuiis corruptus, caloribus, siti, aliisque incommoditatibus, quas circa illam mundi plagam sustinuiamus.*

Ventorum  
inconstantia  
circa Aequa-  
torum.



T de nauigatione absoluiam, tribus aut quatuor citra Aequinoctialem lineam gradibus, vento destituti, tēpestate aduersa non modò vñ sumus, pluuiā maliciāque inuicem succedentibus, verū etiā (vt nauigatio difficilis atq; periculosa est circa Aequatorē) obseruavi ventorū inconstantia saepe accidisse, vt tribus nostris coniunctim hārentibus nauigiis, vnumquodque subito peculiari flatu raperetur, figurāque trianguli Orientē Occidentēque versus & Septentrionē delata, efficerent: nulla nautarū industria prohibente. Illa ventorum conflictatio, erat momentanea, erumpebāntque vortices, qui & subito cursum remorabantur, & è vestigio vela tam impotenter inflabāt, vt mirum sit nauem non inuertisse millies.

Pluuiā foeda  
& contagio-  
sa.  
Aestas ma-  
ximus.

Præterea quæ sub Aequinoctiali circulo decedit pluuiā, foeda contagiosaque est, vt si collapsa corpus attigerit, enascantur pustulæ, vestēsque maculentur. Sol autem mirè feruet, quā de causa caloribus pressi maximis, ingenti quoque siti

la-

laborabamus: quòd aqua dulcis, potulètiæ alia (si prandioli tempus demas & cœnule) nos omnino deficeret. Vnde accidebat, quod mihi vsu venisse memini, halitu confũpto, vt hora plus obmutescerem. Hac necessitatē cõpulsĩ natũ, nihil magis habet in votis, quàm vt aqua salsa cũ dulci commutetur. Si quis opponat (repudiato in vñdis pereunte siti Tantalò) fieri posse vt aqua marina bibatur, aut humectando saltē palato inferuiat: Respondeo nullis omninò remediis aquæ falsæ per ceram colandæ, aliterue distillandæ (præterea quàm fluctuationes nauĩũ instituendis fornacibus, lagænisque conseruandis minime conueniunt) effectum esse, nisi quis vellet, simulatque ori admouisset, ipsa etiã euomere viscera, vt ea degustationi accommodaretur, & potui multò minus, Attamen vitro infusa splendore & puritate nulli cedit. postremò aqua marina (quod & sum admiratus & Philosophis examinandum relinquo) si lardum, halem, aliæue carniũ & piscium genera valde salita temperes, & magis dulcia fient, & citius quàm si fontana.

Nautarum  
desiderium.  
Aqua marina  
minimè potabilis.

Vt vnde sum digressus eò redeam, fastigium nostræ, sub Zona Torrida, miseriae fuit, quòd maximis & continuis imbribus ad carinam vsque permeantibus nautico pane corrupto & mucido, quo tamen utebamur admodum exigue vermes vnà cum pane, tot inerant enim, quod micæ, nihil abominati ne siti conficeremur, edebamus: vitata quoque aqua dulci oppletæque vermibus

Nauticus nauticus  
corruptus.



cùm è vasis effunderetur stomacho nullus erat tam firmo quin expueret. Qui autem bibebant, vna manu tenère poculum, altera ob fœtorem nares comprimere cogebantur.

*Aduersus de-  
licatos inue-  
nitur.*

Interea quid vobis in mentem venit, hominum delicatissimi, calorem exiguum ferre non potestis, tunicæque interiori, commutata, benè ter si, opaco in conclavi & splendido, cathedra lectuloue impositi, otium agitis? vobis cordi non est ad mensam accumbere, si lances nitidissimæ, vitra benè lota, candidiora niue ipsa mantilia, dapes exquisitissimæ apparatusissimæque, vinum deest Smaragdo clariùs? Vultis nauigare vt ad hunc modum vitam traducatis? vt autor vobis nequaquam sum futurus, eaque de re minus cogitabitis, ! cùm quid in reditu acciderit audietis: ita cùm de mari mentio incidit, & nauigationibus tam longis, vos vellem oratos qui ex libris tantum sapitis, quòdque multò est deterius, ex eorum fabulis, qui mare nunquam viderint vt elato supercilio Minervam non doceretis: hoc est vt interpretor, iis paululum cederetis, qui tot incommoda perferendo ea sunt experti, quæ nullo certè modo in animum irrepunt, nisi periculum ipse fecerit.

*Gubernator  
navis egre-  
gius sine lite-  
ris.*

Addam cùm ad ea quæ ante commemoravi de varietate ventorum atque tempestatem, in-  
bribus fœtidis & caloribus: tum quæ in Oceano generaliter fiunt, præsertim sub Aequatore: vidisse me Ioânem Meunium Harefloriensem, ex nostris gubernatoribus, qui cùm literas nesciret, cognoscendo Astrolabo, chartisq; nauticis,  
&

& Baculi Iacob affecutus est tantam nauigandi peritiam, vt sæpenumerò, maximèque cum esset tempeſtas, ſilentium, imponeret viro benè docto, quem nominare non habeo neceſſe: cùm iſte tamen pacato mari explicandis Theorematis excelleret. Nec interea propositum eſt, quicquam detrudere de iis artibus, quæ in ſcholis docentur, & literarum monumentis conſeruatae ſunt. Sed magnoperè vellem, nulla vt hominum autoritas, & ratio cum experientia contenderet. Veniam igitur à lectoribus efflagito, ſi in memoriam reuocans nos aqua putri, & mucido pane vixiſſe, permultasque rerum incommoditates perpeſſos eſſe: miſera illa conditione, cum lautis cenſorum iſtorum dapibus comparanda, ſum ab incepto ſermone paululùm digreſſus, & in eos inuectus. Accidit ſæpè ob eas de quibus antè diximus difficultates, quæ poſtea demonſtrabuntur fuſiùs abſumpto omni comœatu citra Zonã torridã, retrò naues abiſſe quod æquatorem ſuperare non poſſent.

Cùm hac miſeria conſſictati circumeundo, & paulatim appropinquando, triginta quinque diebus tranſmittere tentafſemus, pridie Nouembr. Febr. Deo propitio; Aequatorem attigimus. Aequator autem dicitur, non tantum quòd ſub hac linea, dies noctibus perpetuò ſunt æquales: verùm etiam quòd cùm Sol ad eam redit, quod in anno bis accidit, nimirum ad 5. Cal. April. & Id. Septembr. eadem toto in orbe dierum & noctium exiſtit æqualitas, ita vt qui ſub Arctico & Antarcticò degunt, duob. illis demùm in anno dieb. lucẽ noc-

Aequator  
quare di-  
tus.



Eleuatio Po-  
li Antarctici.

témque participant, euestigiò Sole ab eorum conspectu alternatim recedente ad sex omninò menses.

Quo igitur die mundi Zonam fumus præter-  
uecti nautæ solemnia vsurpauere: Etenim ad me-  
moriā eius rei conseruandam, qui nunquam  
sub AEquatore fuerunt, eos funibus alligatos  
in mare demittunt: aut panniculis cacabo affri-  
catis atro vultum inficiunt, vectoribus tamen  
se pecunia redimere licet, quod & mihi conti-  
git.

Historia: uni-  
uers Ind. lib.  
3. cap. 98.

Itaque Iapyge secundo delati sumus ad quar-  
tum gradum vltra AEquinoctialem. Hic Polus  
Antarcticus primū à nobis est visus (quem  
Neustrij Stellam Su appellabāt) quibusdam stel-  
lis, vt ab illo tempore animaduerti, in modum  
crucis depictū: ideòq; sydus integrū in stellā *Su*  
nominant. Retulère, vt quidā scribit, qui hoc pri-  
mū iter sunt aggressi, albidam circa Polū An-  
tarcticū nubeculam perpetuò videri quatuor-  
que stellas, crucis forma, cum tribus aliis, quæ  
Septentriones valdè referunt. Iamdiu Polus Ar-  
cticus à conspectu nostro aberat: obiterque di-  
cam, non modò sub AEquinoctiali Polum v-  
trumque non apparere, quemadmodum ple-  
rique arbitrātur, sed neutrū, nisi duobus emen-  
sis vltra citraue gradibus.

sol pro Ze-  
nith.

Id. Feb. cum sudum esset, Nautæque Solis al-  
titudinem Astrolabo depræhendissent, affir-  
mant ad perpendicularum radiare. Idcirco,  
quamuis periculi faciendi gratia, pugiones,  
cultellos, aliáque id genus supra foros defigere-  
mus,

mus, nostris in celocibus eo die, meridiano præ-  
fectim tempore, umbra nusquam est visa. Duo-  
decim ferè gradus prouectis tēpestas tres, qua-  
tuorue dies aduersa extitit: paulò pòst è contra-  
rio tanta malacia facta est, ut interea celocibus  
inmotis, perpetuò hīc mansissemus, nisi ventus  
flauisset.

Toto itinere nostro nondum Balænae ob- Balænae.  
uiam erāt factæ, tum verò propè vidimus. Quo  
in numero vna, quæ facillimè potuit conspici,  
iuxta nauim emergens, quoad se commoueret,  
scopulus credita est, vt metuerem ne impacti,  
fracta celoce periremus: obseruaui cūm se in  
mare absconderet, antè caput exerentem, ore  
plus doliis aquæ duobus eiecisse, demergen-  
tēque tantum excitasse fluctum, denuò vt ve-  
rerer ne in gurgitem nos ad se pertraheret. Est-  
que profectò res horrenda vt in Psalmis, Iobò- Psc. 104. 26.  
Iob 40. 25.  
que legimus, eiusmodi monstra tam facilè in  
Oceano ludere.

Vidimus etiam Delphinas compluribus pis- Delphinas  
piscēs alii  
comitantur.  
cium generibus comitatos, & militari ordine  
incedentes: in mari subrubido esse colore pu-  
tantur, ex istis vnus sexies septiēsue, tanquam  
gratulari vellet, celocem qua eram vectus cir-  
cundedit: nos inuicem nihil non tentauimus, is  
vt caperetur, sed cautè cūm refugeret capi nun-  
quam potuit.





## C A P. V.

*De primo Indie Occidentalis conspectu, et  
colentium Barbarorum: deque iis quæ in mari ac-  
ciderunt ad tropicum usque Capricorni.*

Dies quo pri-  
mum Ameri-  
ca nobis de-  
te&a est.

Americus  
Vespucius in  
Americam  
primus no-  
stra memoria  
nauigauit.

Huuassou lo-  
cus asper.

Margaiates  
Gallis inimi-  
cissimi.

**N**D E secundo diu flante Fauo-  
nio, ad v. Cal. Mart. anno 1557. ma-  
nè circiter octauam horam, in  
conspectu Occidentalem Indiam  
habuimus: quæ & Brasilia, & quarta orbis  
sectio antiquis penitus incognita & America  
dicitur: eius nomine, qui circiter annum 1497.  
primus eam detexit. Explicare superuacaneum  
est, quam læti quanque alacriter Deo egimus  
gratias, tam propè intuentes continentem op-  
tatissimam, breuique adeundam. Explorato igitur,  
quod eramus conspicati terram esse (decipi  
enim facile est nubibus in aerem abeuntibus)  
eo die ipso, flatu secundo, & prora in altum  
constituta, cum Boïsius esset antegressus, an-  
choræ iactæ sunt mille passibus interiectis, à re-  
gione aspera *Huuassou* Barbaris appellata tum  
educta è naui scapha, & tormentis aduentu si-  
gnificato, vt assolent, qui illas regiones adeunt:  
virorum mulierumque statim manus ingens  
visa est stare in littore. Hi omnes, vt à quibus-  
dam ex nostris, qui loca illa iam antè cognoue-  
rant, est animaduersum: erant natione *Marga-  
iates* Lusitanis confœderata, Gallis autem  
inimi-

eiffima: vt captis nulla liberationis merces sol-  
uēda eſſet alia, quā vt mactati conciffiq. bar-  
baros ſaginarēt. Tū quoque vidimus menſe Fe-  
bruario (qui ferè tota in Europa eſt frigidiffi-  
mus, gelūque impedit, ne quid è terra pro-  
deat) nemora & lucos, herbāſque tam eſſe vi-  
rides, quā ſunt in Gallia, Maio & Iunio mē-  
ſibus, quo vere perpetuò fruuntur Braſi-  
lienſes.

Nemora,  
herbæque  
ſemper vi-  
rent in A-  
merica.

Hoſtilis *Onétacatium* atque Gallorum in-  
ter ſe animus, quem vtrique vehementer diſſi-  
mulabant, impedimento non fuit, quo minùs  
è naucleris vnus, qui eorum linguam medio-  
criter nouerat, cum nautis aliquot ſcapha con-  
ſcenſa, littus peteret, vbi magna multitudine  
Barbari conſtiterant. Nec tamen intra telī  
iactum accedere, ſed vereri ne à feris homini-  
bus capti, interfectique torrerentur. Ita e-  
minus oſtendere cœperunt cultellos, ſpecula,  
pectines, aliāque id genus, cum quibus ad vi-  
ctum pertinētia, commutare ſi vellēt, petebāt.  
Qua re à quibuſdam qui propius acceſſerant,  
intellecta, nec rogati pluribus, mira celeritate  
quæſitum excurrere. Mox redeunte Nauclero  
farina quapiam ex radice, qua panis loco v-  
tuntur Braſilienſes, pernæ, carnēsque ex apro-  
rum genere, aliāque ad victum neceſſaria, fru-  
ctus etiam magna copia, quales gignit regio,  
allari. Præterea vt & dona offerrent, & ad-  
uentum gratularentur, ſex, vna comitatē fœ-  
mina Barbari ſcapham ingreſſi, ſpontè tua  
nos inuiſere. Quos cum primū vidiffem, le-  
ctoribus cogitandum relinquo, quā eos ſim

Farina extra  
dice, aliāque  
Barbarorum  
ſibaria.

Primi Bar-  
bari ab au-  
thore viſi,  
& deſcripti



attentè contemplatus, de quibus etsi commodius & fusius agendum est suo loco, hic tamen attingere obiter nonnulla decrevimus. Principio tum viri, tum scæminæ nudi æquè agent, atque quum ex vtero prodierè, ad ornatum toto corpore atrati. Cæterùm viris est familiare sinciput attondere in formam coronæ monasticæ, occipitis verò crines dimittere, quos tamen vt hi solent qui apud nos alunt comam, circa collum refecant. Ad hæc pertuso inferiori labro, viridi colore politulum lapidem, capitati argentei latitudine atque crassitudine insertum gestant, quo dextræ foramen illud aperiunt clauduntque. Hunc ad venustatem vsurpant: quo tamen aulso, & in labro inferiori, tanquam ore altero hiantè apparent turpissimi: scæminæ labrum minimè perforant, sed vt nostrates crinem valdè summittunt, auriculas autem aded trahunt, vt digitum accipiant: vnde candida ossa pendere & supra humeros fluctuare solent. Aliò reiicienda videtur eorum confutatio qui Americanos esse villos s falsò sunt opinati. Antequam autem Barbari à nobis discederent, duo senes qui auctoritate præstabant, demonstrant, illa in regione maximam esse vim Brasilijs optimis, cui & secando, & exportando suam operam pollicentur, resque ad victum necessarias: nihilque prætermittunt, quò persuadeant, vt manere vellemus. Præterea quàm aliò tendebamus, manendi ratio non erat: quod cum inimici essent, & multitudine

Astoria Bar-  
barorum  
ad decinè-  
dos Gallos.

vin-

vincerent, hoc consilio inuitabant, vt si terrā tenuissemus, more suo, vulneribus confectos deuorarent. At cū *Margaites* tormenta & quicquid ad eō naues nostrā aduexerant, valde essent admirati: neque (maximis de causis, præcipuē ne Gallorum periculo fieret, si fortē illuc appellerent) in animo haberemus vim facere, ad suos qui expectabant in littore, veniam redeundi postulant. Itaque, quoniam nullus est apud eos pecuniæ locus, cū rebus quas attulerant, hamos, indusia, cultellos, specula, idque genus quamplurima commutauimus, quæ quidem sunt ad negotiandum apud Brasilienses accommodatissima. Ad extremum vt quum nos adire Barbari, pudenda liberaliter ostenderant, ita, quum exire, & in scapha federe vellent, indusia quæ a nobis accepissent, ad vmbilicum vsque colligentes, atque ne macularent veriti, in natibus demonstrandis nequaquam parcī fuere, mira certē vrbānitas & digna quæ legatione fungatur. Nam etsi proverbio feratur apud nos pellem indusio esse chariorem: illi contrā, excellenti erga nos magnificētia fortasse, nates aperiendo, pelle arbitrantur indusium esse præferendum.

Pecunia  
Barbari ca  
rent.

Vrbānitas  
verē barba  
ra.

Hoc in loco paululū immorati, quamuis noua illa cibaria primū aliena viderētur, necessitate coacti, tamen auidē comedebamus. At postridie eius diei, qui Dominicus erat, sublati anchoris, vela fecimus. Terram legentes viginti ferē millibus passuum interpositis, obiectum habuimus Castellum.



Spiritus S<sup>a</sup>  
Eus Castel  
lum Lusita  
norum.

Lusitanorum, quod illi Spiritum Sanctum, Barbari *Moab* appellant. Hi celoces nostras, myoparonemque adeò conspicati, quem suis ereptum esse facillè coniecerunt, tormentis vtrimque ter aut quater displosis: quòd extra iactum essemus, pilæ abierunt innoxia.

Igitur littoribus appropinquante cursu continuato, plagam præteruecti sumus quam *Tapemiry* appellant: hîc quâ in continentem mare influit, parvæ sunt insulæ, quique has incolunt Barbari, vt mea quidem fert opinio, Gallorum socij fœderatique sunt.

Vtteriùs paulò circiter gradus viginti, habitant *Paraibæ*, quorum in regione, quemadmodum præternavigando animaduerti, tumuli eminent in caminorum figuram abeunt.

Breuia &  
Syrtes.

Calendis Mart. Breuia & Syrtes legimus, scopulis & lingulis intermixtas, quæ loca, ne illis naues pereant, maximopere nautæ solent effugere.

Quetacates

Ex aduerso Breuium planiciem sumus cōspicati, amplitudine triginta miliarium: hanc incolunt *Quetacates* homines adeò feri, vt neque pacem inter se colant, & cum finitimis omnibus aduenisque bellum gerant. Cùm verò ab hostibus premuntur (à quibus tamen nunquam iugum accepere) mira pernicitate morti se eripiunt, quæ & inter venandum, feras ex ceruorum genere quodam assequuntur. Omnium Brasiliensium more, nudi penitus agunt, nihilo tamen seciùs ad nates vsque comam demittunt, contrà quàm reliquorum fert consuetudo

udo, qui, vt paulò antè diximus, dicemúsque postea fusiùs cùm sinciput attondent, rû circa collum crinem refecant. Denique efferati *Ouetacatesilli*, regiunculam inuicti habitantes cruda carne vescuntur in morem canum, luponumque, lingua etiam dissidèt à finitimis, vt inter Occidentalis Indiæ populos immanitate ac sauitia insignes meritò censendi esse videantur. Cæterùm quòd nullum cum Gal-  
lis, Hispanis, Lusitanisque commercium habeant, aliisque transmarinis, carent nostris omnino mercibus. Attamen vt postea audiui à quodam interprete Neustrio, si eas finitimi cū *Ouetacatibus* communicare desiderant, hac vtuntur permutatione, *Margaias*, *Caraias*, aut *Tonoupinambaulius* (quæ gentes sunt vicinæ) aliique Barbari, seipsi *Ouetacati* non credentes, ostentant eminus falcem, cultellum, pectinémve, aut speculū, aut alia eiusmodi, nutūque conquirunt an permutationem velit facere. Tum si consentiat, vicissim plumas depro-  
mit, aut virides lapides, qui, vt demonstraui-  
mus, labris includuntur, aut quædam non ab-  
similia. Deinde locum designant ab hinc trecentisquadringentisve passibus: hic alter in lapidem stipitémve quæ putat esse commutāda reponens, longè abit. Nec moratus *Ouetacas* ad tollendum accedit, quæ ille deposuerat, eodémq. in loco relinquendū, quæ ipse ostenderat. Fidem hætenus seruant, permutatione verò facta, cū alter eò rediit, vnde primò vi-  
sus est, violatis induciis magna cōtentione cer-  
tatur, quis cuique permutatum eripiat. Nec



dubium est quin *Ouetacas*, venatici canis leuitate, primas ferat. Itaque nostris hominibus qui arthritide laborant, claudis, tardisque sunt pedibus, nequaquam censeo, si de conseruandis mercibus cogitant cum *Ouetacatibus* negotiationem instituendam esse. Cantabritamen, quorum etiam lingua differt à cæteris, ut quod non est, agilitate præstant, optimèque ambulare videntur: cum duobus his rationibus cum *Ouetacatibus* comparandi sunt, tum eos quis meritè dignissimos existimet, qui vnà discurrerent. Quin & annumerari possent, qui Palmarum flumen accolunt, quadam in regione Floridæ. Hi (ut memoriæ proditum est) ceruum assequi, totumque diem irrequieti solè currere. Præterea Gigantes ad flumen Platā (eodem authore) tanta velocitate, ut fugientes capreas sæpe manū retineant: Sed agendum relaxatis habenis, veredos bipedes illos dimittentes. Sed ut si libet, Euro citius euolent, interdum etiam ut est verisimile non sine graui lapso, tribus in plagis Americæ (distantibus inter se tamen Plateni præsertim & Florida plus tricies centenis passuum milibus) & in quarta Europæ, niue stipatiùs concidant ad institutum sermonem reuertamur.

Hist vniuer  
Ind. lib 2  
cap. 46. &  
84.

Maq. hē.

*Ouetacatum* transmissa regione, aliam in conspectu statim habuimus, quam *Maq-he* appellabant, incoliturque à Barbaris, quos tantum dicam, ob eas rationes quæ modò explicatæ sunt, minimè in utramque, ut aiunt, aurē dormire: cum ad incursionem faciendam, paratissimos habeant finitimos. Hoc in litore,

Rupes Smaragdi cre-  
dita.

tore, magna rupes in turris modum se at-  
tollit: quæ sole iacta lucet adeò & radiat,  
vt quib. sdam Smaragdi genus esse creda-  
tur. Idcirco à Gallis & Lusitanis hæc præ-  
ternavigantibus *Mag hensis* Smaragdi no-  
men habuit. Ferūt hanc rupem nauibus adiri  
non posse, quòd ad libellā summæ aquæ scõ pu-  
li eminentis, plus quatuor millibus passuum  
excurrant in pelagus: terra etiā negant vllam  
inueniri semitam, qua rupes ascendatur.

Paruæ ibi sunt tres Insulæ, *Mag henses* ap-  
pellatæ, quarum ex aduerso cū iactis ancho-  
ris noctem quieuissemus, postridie sublati  
dolonibus Friense Promontorium tenêre cõ-  
tendebamus. Vento tamen reiecti, eò vnde  
manè profecti essemus, reuertimur: quo in lo-  
co ad Iouis diem in anchoris stetimus, parū  
que, vt audietis, abfuius à naufragio. Etenim  
postridie eius diei ad VI. Non. Mar. quo Bacha-  
nalia celebrantur ab hominibus malè feriatis,  
ante ieiunium Quadragesimæ, hora vndecima  
pomeridiana, cū primū acquiesceremus,  
adeò repentè procella extitit, vt cū tempe-  
statem ferre non posset funis anchorarius ab-  
rumperetur, nauis autem fluctuans, & vi vnda-  
rū littus petēs eò delapsa sit, vt cū aqua dua-  
bus vlnis & dimidia non esset altior (qua bre-  
uiore ne parua quidē nauis sustineri poterat)  
nihil propius fuerit quā vt in vado a thæresce-  
ret. Tū gubernator iacta bolide, cū eò rē de-  
uenisse intelligeret, quāquā illi munus incūbe-  
bat, vt bono essemus animo iubere, bis aut rer  
exclamauit, Actum est, Actum est. Nautæ

Proximum  
discrimen  
ex quo eua-  
simus.



verò cum diligentissimè alteram iecissent anchoram, quæ, Deo fauente, substitit ne in scopulos vnus ex Maghensibus insulis (profligata salute, si id quidem accidisset, quòd mare commotius illis nauem confregisset) deferremur impedimento fuere. Hoc periculo triumphè horarum spatio sumus defuncti, nec interea proderant nautica keleusmata, quæ commodius in alto vsurpantur, quàm propè littora, vbi tempestates maximè sunt timendæ. Cum autem, sedato mari, dies illuxisset, propterea quòd, vt diximus, aqua dulci utebatur vitata: quidam ex nostris aquatum profecti in desertas *Maghenses* insulas, non modò terram ouis auibúque multigenis (& tamen ab iis, quæ sunt apud nos valde forma dissidentibus) constratam inuenère, sed quòd non essent hominibus assueti tam erant cicures, vt manu capi, sustibúque interfici sustinerent, ita vt à nostris aquatoribus in scapham constipatè magna copia exportarentur. Ea de causa, cum superiori nocte laboribus extrahenda, nautæ famem excitassent (quamuis in diem, qui à cineribus nomen habet incidissemus) ne Catholicis quidem Romanensibus exceptis, aues illas promiscuè comedere. Ac profecto qui contra veritatem Evangelicam, Christianis, statò tempore, carnis vsu interdicit: cum signa in regiones illas nondum intulisset, in quibus etiam nulla erat mentio de superstitionis abstinentiæ legibus conseruandis: locus ipse ab eis solutos esse nautas plus satis admonerat. Die Iouis quo *Maghenses* insulas reliquimus, vento vsu

Aniū multu-  
tudo in  
Maghensib.  
insulis

secūdo, postridie quarta pomeridiana Friense  
 Promontorium attigimus, qui portus est ora  
 totius, ob Gallorum navigationes, nobilissi-  
 mus. Hic anchora iacta, tormentisq̃ue aduentu  
 significato, centurio & navis magister, quum  
 aliquot militibus in terram egressi, obuios ha-  
 buere, magna multitudine, Barbaros, ij voca-  
 bantur *Tououpinambaultij* Gallorum socij at-  
 que fœderati. A quibus cū accepti sumus co-  
 miter, tum quid ageret *Paycolas* (sic enim Vil-  
 lagagnonem appellabant) didicimus, quæ res  
 nobis quidem longè accidit gratissima. Eodē  
 in loco, hamis retibusq̃ue pisces multos cepi-  
 mus, complurium generum, & ab iis qui in no-  
 stro mari degunt, valde forma dissimiles. In  
 quibus maximè varium, atque prodigiosum  
 genus erat, quod ea de causa describā. Hornū  
 magnitudine vitulum ferè æquabat, rostro  
 quinque pedes longo, lato sesquipede, vtrin-  
 que dentes acuti, tanquam ferræ prominebāt.  
 Quum verò eductus in terram, rostrum adeò  
 ingens, huc & illuc vibraret, mutuò alter alte-  
 rum appellans, admonebat, tibias vt remoue-  
 ret. Cæterum carne est durissima, vt enim esse-  
 mus famelici, ea tamen, quatuor & viginti ho-  
 ras, cocta vesci nūquam potuimus. Hic etiam  
 primū vidimus, non tantum sublime volātes  
 Psittacos, & gregatim, vt in Gallia cornices,  
 columbæq̃ue: verum etiam vt ex illo tempore  
 observavi, binos in aere sibi cohærentes, quē-  
 admodū apud nos turtures solēt. Cū igitur sexa-  
 ginta fere millia passuum itineris superessent,  
 quāmq̃ citissimè fieri posset, cōtenderemus: ad

Friense Pro-  
 montoriū.

Tououpi-  
 nambaultij  
 cum Gallis  
 fœderati.

Prodigio-  
 sus piscis.

Agmen  
 Psittacorum  
 volantium.



Friense Promontorium, breuior quàm erat in votis, mora facta est. Itaque eo die ipso sublati vesperi dolonibus, tam prosperè nauigatū vt sequenti Dominico, Non. Mart, anno 1557.

Sinus Gana-  
bara.

Oceanum sub dextra relinquentes, in sinum ingrederemur, à Barbaris *Ganabara* nuncupatum, à Lusitanis verò *Geneurenſis*, quòd *Calend. Ianu.* quem ita vocant, eum primò sinum adierant. Posteaquam honoris Villagagnonis causa, quingē ūm ferè passum interuallo, tormenta displosimus, & nobis ille respōdit: (Castra enim fecerat in parua quadam huiusce sinus insula, vt ante demonstrauius;) anchoræ sunt in propinquo iactæ. Hæc igitur summa est eorum, quæ inter nauigandum in Brasiliâ, tum passi sumus, tum vidimus.



# CAP. VI.

*Qui noster fuerit aditus Castelli Colini apud Brasilienses quemadmodū à Villagagnore accepti: sequæ ille gesserit, tum in negotio religionis, tum in reliquis imperij sui partibus.*

Appulsus  
in Castellū  
Colinium.



T A Q V E cū naues in portu starent, sinus *Ganabara*, non longè à continenti, quisque impeditis in scapha collocatis, caſtellum Colonium petimus. Egreſſi, quòd non tantum à frequentibus periculis creptos, sed etiā felicissimè deductos in terram optatissimam cogitaremus: primū Deo agimus gratias, deinde Villagagnonem

adimus, expectâtem nos in platea. Quê cum singillatim salutassemus, ille vultu sereno, vt videbatur, vnūquēque amplexus, per humaniter appellauit. Tum qui nos deduxerat, Philippo, Richerioq., & Chartierio ministris, breuiter cum demonstrassent, quānam causa nos ad navigationem tantis difficultatibus suscipiendam excitasset: nempe, vt ex literis, quas Geneuam scripserat, Ecclesiam ad verbum diuinum exactam in Brasilia conderemus: excipiens ille ad hunc modum loquutus est: Ego certē cum diu toroq̃ue animo illud ipsum desiderarim, vos istis conditionibus accipio libētissimē, quodque nostram Ecclesiam, puritate velim antecellere, ab eo die ipso vitia coerceri, sumptuosa vestimēta & quicquid adeo nos à Dei cultu reuocare posset, tolli iubeo. Tum sublatis in cœlum oculis & manibus: Habeo tibi grates, ait, summe Deus, quod ea nunc mihi, quæ à te tandiu, tamque ardēter expectaui, dederis. Moxque cœtū alloquēs, filij, ait, (vobis enim sum pater) quemadmodū Christus nihil sua causa fecit, sed omnia pro nobis, ita enim spero Deū me in viuīs cōseruaturū esse, donec munitione perfectā, me carēre possitis: quicquid nūc agere decreui, tū vestra, tū eorū gratia molior, qui huc, eadē, qua vos, mēte vēturi sunt, Constitui enim sedem ponere fidelibus expulsis Gallia, Hispaniis, & transmarinis regionibus: quo metu Regisq̃ue ac Cæsaris, reliquorūque principum liberati, purē Deum colere possint. Ita nos primū Villagagno affatus est die Mercurij ad VI. Id. Mart. 1557.

Quemadmodum nos Villagagno acceperit.

Quibus nos primū vobis affatus est Villagagno.



Prima con-  
cio in Ame-  
rica.

Villaga-  
gnonis ge-  
stus inter-  
audiendū  
concionem

Quam be-  
ne prandio  
simus à Vil-  
lagagnone  
accepti.

Quo sermone peracto, imperat vt cū suis paruo in conclauī, quod construxerat in meditullio insulæ conueniremus, ad rem sacram. Tum precibus ad Deum fuis, quintoque Psalmo in cœtu modulato: verba illa xxvii. Psalmi interpretans, *Vnum petij à Domino, illud requiram vt habitem in domo Domini omnibus diebus vita mea*, primam concionem in America Richerius habuit. At Villagagno, dum ille cōtextus exponebatur, frequenter manus iungere, ad cœlum tollere oculos, altè crebrò suspirare, aliāque eiusmodi facere, quæ in admirationem vnum quēmq; raperent. Ad extremum, Gallicarum Ecclesiarum formula, quæ quidem reformatæ sunt & dicuntur, precibus conceptis cœtus dimissus est. Nos tamen qui nouissimè adueneramus, eodem in conclauī prandimus, dapes appositæ farina ex radicibus *Boucanatus* piscis, hoc est assus in morem Barbarorum, aliæque radices in cineribus coctæ (de quibus rebus omnibus, earūque natura ne orationis confundatur series alio loco dicemus) potus autem (quod fons tota insula nullus, neque puteus, aut aquæ dulcis flumen existat) è cisterna aut colluione potius decidentis pluuiæ, tam subuiridis atque foedæ, quàm illa est quæ in veteri fossa, oppletāque ranunculis stagnare consuevit. Nihilo tamen fecius, ad stomachum facere videbatur, quod in nauib. pessimā corruptissimāq; biberamus, Bellaria fuere, otiumque à laboribus tantæ nauigationis: statim à prandio, ad communiedum Castellum, quod de nomine Coliniij vo-

cabatur deducti sumus. Ita nos perhumaniter accepit Villagagno, primo aduentus die. Vespere i cum ad quietem domicilia quærerentur, Philippus & Pastores duo vile cubiculum nacti sunt in vmbilico insulæ, vtq; pietati fauere crederetur casa nobis attributa: hanc è Villagagnonis mancipiis Barbarus porrò herbis contegere, atque in littore extruere satagebat. Tum, vt Americani solent, suspensis è xilino culcitris in sublime quieuius. Postridie cum necesse non haberet Villagagno tam longa nauigatione debilitatos atque æstu, qui est ferè semper in Brasilia maximus, adeò vehementer urgere: ad hæc malignè cibum præbere, videlicet bina in diem acetabula ex crudæ farinæ radicibus (quam partim aqua putri è cisterna subigentes, vt pulticulā edebamus, partim crudam, vt Barbari) labor idem, vt & diebus, qui postea consequuti sunt, renouatur. Ea certè diligentia, vt tot incommoditatibus cōflictatos, atque à mane ad vesperam in opere esse coactos, paulò inclementius accipere videbatur, quàm officium boni patris (qualem se nobis aduenientibus demonstrat esse futurum) postulabat. Desiderio tamen arcis illius muniendæ, quàm se fidelibus extruere præ se ferebat: quodq; Richerius è ministris ætate prouectior ad excitandos omnium animos demonstraret, in Villagagnone nos alterum habere Paulum (qui tum profectò de Christiana pietate propaganda excellentissimè differebat) nemo est inuētus quin ultra vires mēsem integrum in opere uersaretur assidue, quod ta



men præter consuetudinem accidisset. Itaque Villagignonem perneco iure conqueri potuisse, quandiu ad Euangelij præscriptum vitam composuit: vnquam illi pro arbitrio nostram operam defuisse.

Disciplina  
Ecclesiasti-  
ca primū  
à Villaga-  
gnone con-  
stituta.

Dies quo  
cœna Do-  
mini primū  
in America  
celebrata  
est.

Papismum  
Cointas ei-  
rat.

Vt autem ad rem redeam, prima nostri aduentus hebdomade, non tantum Villagigno suffragatus est, verum etiam instituit, vt ad publicas preces, quæ opere; singulis diebus, ab soluto, si bantibus Dominico, singule diebus reliquis horariæ conciones adderentur, seque omnino velle docuit, purè vt sacramenta ex Dei verbo administrarentur, nullaque additione humana violata. vigere præterea disciplinam Ecclesiasticam contra eos qui delinquerent. Quibus Ecclesiasticis tanquam legibus die Dominico ad 12. Cal. April. cum sacra Iesu Christi Cœna esset primū celebranda, in Castello Brasiliensi Colirio, eosque ministri antè interrogassent, qui admitti debebāt: quod in suspicionem venisset quidam Ioannes Cointas qui Hector etiam vocabatur, quodam Sorbonæ doctotibus, ab eo petière, vt antequā ad Cœnam accederet, publicè fidem edere vellet: Ac obsequutus ille coram omnibus Papismum eiurauit.

Villagigno etiam concione peracta, zelo se ardere simulans, erectus in pedes docuit, centuriones, magistros nauium, nautas, reliquosque qui concioni cum interfuissent, Religioni tamen paræ omnia nondum dederant, huiusce mysterij nō esse capaces, ideo egredi iussos sustinere nō potuit vt administrationē panis, atque

atque vini cernerent. Præterea vt Castellum, ficuti aiebat, Deo dedicaret, fidemque coram Ecclesia ederet, genibus in puluim e bombyce (quæ illi perpetuò ferebat minister) positus, alta voce duas preces pronuntiavit, quarum exemplum nactus, quod quisque intelligat certius, quàm istius hominis difficile fuerit ingenium pernoscere, hæc ascribere fideliter visum est, ne immutata quidem literula.

Deus oculos aperi, oſque mentis meę dirig, te vt laudent, precentur, tibi que agant gratias, pro bonis quę tu in nos excellenter effudisti. Deus omnipotens, viuus, immortalis, pater eterne Filij tui Domini nostri Iesu Christi, qui tua prouidentia, omnia in cœlo & in terra cū Filio gubernas: quemadmodū infinita bonitate tua, Electis à condito mundo patefecisti: & nominatim per filium tuum, quem in terram misisti, & per quem nobiscum te communicas, vt qui alta voce dixeris, illum audite, ac post eius ascensionem per Sanctum Spiritum in Apostolos effusum: tuę maiestati corde cōfiteor coram Ecclesia tua quam hæc ædificasti, me omnibus externis viribus meis & prudentia cognouisse, quicquid inde boni emanare videtur, mera tenebrarum esse opera, sapientia carnis, zelo vanitatis polluta, solius corporis cōmodo atque vtilitati seruiens. Quare sponte mea profiteor me adēpta tui Spiritus lapa de, ad peccādum modò esse idoneū, remotāq. omni gloria, prædico, si qua luce ac scintilla virtutis commendari pōtest, illud à me opus inceptum, ad solum te bonorū omniū autōrē

Preces Vi  
lagagnonia  
antequam  
Domini ce  
nam perci  
peret.



Hoc addi-  
tum est,  
quod eo an-  
no Barbari  
extra ordi-  
nem febre  
pestilentia-  
li laboran-  
tes multos  
ex suis ami-  
sare.

pertinere. Hac fide præditus, toto corde, Deus meus, tibi ago gratias, quod me à negotiis hu-  
iusce mundi auocato, in quibus vitam am-  
bitiosè traducebam, me tamen illuminatione  
tui spiritus hîc constituere dignatus sis, vbi to-  
tis viribus palam tibi seruiam, sanctumque re-  
gnum tuum adaugeâ. Præterea mihi sedē paca-  
tâ iis optare liceat, qui nomē tuū publicè inuo-  
care nō possunt, te vt sanctificēt atque adorēt  
in spiritu & veritate agnito Filio tuo Domino  
nostro Iesu Christo, qui vnus est mediator, vi-  
ta nostra atque dux, solumq. nostræ salutis me-  
ritum. Tibi etiam ago gratias Deus optime,  
quod me in loca ista deductum, inter eos qui  
de nominis tui excellētia nunquam audierāt,  
à Satana autem tanquam illius hæreditas pos-  
sidebantur, ab eorum tamen improbitate con-  
seruâris, quamuis humanæ vires deficerent, at-  
que etiam vt nostro tantum audito nomine ti-  
merent, effeceris: nosq. palantium & disperforum  
laboribus educaris. Ad ferinosque impe-  
tus coercendos, immissis atrocibus morbis,  
eos qui erant magis cauendi è medio abstule-  
ris, cæteris ad eam paucitatem reductis, vt res  
nouas moliri non audeant. Qua de causa, cum  
sedē nobis huc rectâ, duce te appulsis. turò po-  
nere licuit: tum Ecclesiam inter nos ædifica-  
re, vt in vnitae ac timore sancti nominis tui  
ambulantes, ad vitam æternam deduceremur.  
Itaque quoniam tibi complacitum est. Domi-  
ne, regnum tuum in nobis stabilire, oro te per  
Filium tuum Iesum Christum, quem hostiam  
esse voluisti, nos vt in tua charitate cōfirmet,  
adauge

adauge tua dona in nobis, in primis verò fidem, nōsque tuo Spiritu sanctificatos illumina, vt toto animi affectu tuæ gloriæ seruiamus. Benedic etiam Domine & Pater, huic castello Colignio Galliæque, Antarcticæ, quò inuidtum sit iis receptaculum qui citra omnem hypocrisim, vt te glorificent, huc sunt appulsuri: Itaque ab hæreticorum perturbationibus liberati te vnum verè colamus. Fac etiam vt Euangelium hoc in loco vigeat, tuōsq; seruos erige ne in errores cū Epicureorum tum aliorum Apostatarum labantur, sed in vero tuæ veritatis cultu ad verbi tui normam constanter perseuerent. Tu quoque Deus Optime Regem nostrum ( qui quod ad hanc vitam supremum in nos habet imperium) eiūsque vxorem & familiam protege, eōsque quibus vtitur à consiliis, Gasparem item Colignium cum vxore ac liberis, eiūsque studium iuuandæ huius Ecclesiæ magis ac magis inflammato. Mihi verò seruo tuo humillimò prudentiam quæ me regat largire, ne à recta via deflectam, sed omnibus Satanæ auocamentis tua gratia adiutus possim occurrere, teque Deum misericordem perpetuò agnoscere cum Filio tuo Iesu Christo, qui tecū regnat cum Spiritu Sancto in Apostolos effuso. Creato igitur cor rectum in nobis, mortificā nos peccato, regenera in hominem interiorem vt iustitiæ viuamus, carnem domito vt actionibus animæ à te inspiratæ apta sit, tuæ vt voluntati in terra pa-



reamus quemadmodum in cœlo Angeli. Ne autem eorum penuria quæ ad vitam sunt necessaria in bonitatem tuam diffidentia peccemus, tua prouidentia & victum largire, & sanitati prouide. Ac velati cibus terrenus calore ventriculi coctus abit in sanguinem & alimentum corporis: sic nostrum omnium animas Filij tui carne & sanguine pascito, cûmque nobis nos in illo forma, denique expulsa omni malicia (qui à Satana est cibus) substitutis autem charitate ac fide, nos in filiorum loco habeas. Cûm autem in te peccauerimus, pro tua misericordia, sanguine Filij tui peccata ablue ( nosti. n. naturaliter in nobis Adami rebellionē hærere ) peccatum nec posse animam tibi sanctè parere imperfecto repugnâti corporis organo. Quamobrem tui Filij merito ne peccata nobis, imò sacrificium mortis eius imputato, quam fide cum illo perpeffi sumus in illo nempe insiti perceptione corporis eius in Eucharistiæ mysterio. Præterea concede, vt exemplo Christi qui pro *intersectoribus* precatus est, si qui in nos deliquerunt, eis parcamus, simusque non vindictæ, sed ac si amici essent de eorum commodis solliciti. Si quando autem felicitatis mundanæ splendoris & honorum recordatione perculsi fuerimus: contra verò paupertate atque onere crucis fermè oppressi, quâdoquidem nos ita exercere tibi visum est, ne mūdānis saginati deliciis in te rebellionem moliamur: erige nos, & afflictionum acerb

tatem

tatem tempera, ne quam leuisti in cordibus nostris sementē suffocēt. Te oramus etiā, Pater cœlestis, vt à conatibus Satanæ nos custodias, quos à te abalienare molitur. Serua nos ab eius ministris, atq; infesta barbarie, cuius in medio nos collocasti; abige etiā qui fidei Christianæ Apostatæ huc & illuc vagantur, ad tuam obedientiam illos reuoca, datoque vt tandem resipiscant. Euangelium salutare tuum per orbem vniuersum publicetur. Qui viuīs & regnas cū Filio tuo, & Spiritu Sācto, in æternum. Amen.

### ALTERA PRECATIO AD

*Dominum nostrum Iesum Christum, quam continuo Villagano pronuntiatur.*

**E**s v Christe Fili Dei viui, æterne, consubstantialis, splendor gloriæ Dei, & imago viua, per quem omnia condita sunt, qui genus humanum rato Dei decreto damnatū quod rebellasset Adamus, (is enim vt vita æterna frueretur, à Deo e terra desumptus, nequaquam virili semine contaminata vnde peccandi necessitatem hauriret, omni virtute libero etiam arbitrio præditus perfectionem conseruadam, carnis tamen concupiscentia iactatus relisque Satanæ inflammatis excitatus peccato inferior in se iram Dei prohocauit:) vnde certissima cōsequēbatur hominum perditio nisi te pro immensa tua & inenarrabili charitate, Deo pa-



tri obtulisses, te enim pro Adamo substitui-  
sti, atque ut nos purgares, fluctus omnes ma-  
ris illius indignationis paternæ tolissi. Quē-  
admodum autem Adamus ē terra minimē  
quidem corrupta eductus est absque vllō vi-  
rili semine: ita cōceptus es ē Sancto in vtero  
virginis, ad similitudinem carnis Adami ten-  
tationibus obnoxia assidueque vexatē supra  
omnes homines absque peccato: denique tuo  
corpori voluisti Adamum eiūque posteros  
inferere dum pascis eorum animas carne tua  
& sanguine tuo, mortēque subiisti ut tan-  
quam corporis tui membra in te alantur,  
Deoque Patri tuo sint accepti, tuam enim  
mortem ac si perpessi essent perinde satisfac-  
ientem pro eorum peccatis offers. Quem-  
admodum autem diffusum est in posteros  
Adami peccatum, & per ipsum mors: sic à Pa-  
tre impetrasti ut credentibus iustitia tua im-  
putaretur, quos manducatione carnis ac san-  
guinis tui tecum vniuisti, ac in te ipsum trās-  
formasti tanquam nutritos carne tua, quē ve-  
rus est ad vitam æternam cibus, quo filij sint  
iustitiæ non autem iræ. Quādoquidem igitur  
tot bonis nos cumulasti, ad dextrāmque Pa-  
tris sedēs eternū pro nobis intercedis, sum-  
mōque sacerdotio fungeris secundū ordi-  
nē Melchisedech, miserere nostri, serua nos,  
fideique incrementum dato, Patri offer con-  
fessionem quam corde non minū ac ore co-  
ram Ecclesia tua edo, sanctifica me tuo Spi-  
ritu, quemadmodū his verbis es pollicitus,

Non

Non relinquam vos orphanos, hîc etiam Ecclesiam promoue vt tranquillè degentes pure te colamus qui viuís & regnas cum patre & Spiritu Sancto in secula seculorum. Amē.

His duabus recitatis precationibus, ad mensam Domini primus accedit Villagagnus, genibúsque in terram positus, è Ministris manu panem & vinum recipit. Atque vt pau-

Ad Cœnam  
Domini acce-  
dit Villa-  
gagnus.

cis expediam non multò post, cuiusdam ex antiquis dictum comprobauit, difficile esse diu virum bonū simulare. Illi enim & Coi-  
ta, quamuis vterque Papismum eiurasset, (ac sanè iam tum nemini non patebat quicquid ab illis factum esset, ostentationem redolere,) litigare quàm doceri magis erat in votis. Quo factum est vt breui spatio interiecto de nonnullis doctrinæ capitibus, præsertim verò de

Disputatio  
Villagagnus  
& Coi-  
ta aduersus  
Ministros.

Cœna Domini, disceptare cœperint. Quamuis enim Transsubstantiationem Papisticam repudiabant, commentumque illud crassissimum, & absurdissimum esse prædicabant, Consubstantiationem verò minimè probabant, ab iis tamen erant longè alieni, quæ à Ministris ex Dei verbo docebantur: nimirum panem & vinum, in corpus & sanguinem Domini nullo posse mutari modo, nec rursus hæc illis includi: sed in cœlis Christi corpus esse, vnde seipsum vi Spiritus Sancti signa percipientibus fide in alimentum spiritale communicat. Quicquid sit (aiebat vterque) hæc verba, *Hoc est corpus meum, hic est sanguis meus*, non alium admittunt sensum, nisi vt



corpus & sanguis Christi signis continēatur. Quod si quærat quispiam, quo tandem sensu Transubstantiatione & Consubstantiatione repudiata? Illud equidem nescire me non diffitebor: ac sanè ipsos nō minùs ignorasse existimo. Etenim, cū euincerent nostri ex complurium Scripturæ locorum collatione, huiusmodi loquēdi formulas nō nisi figuratè accipi, Scripturamque consuevisse Sacramentorum signa pro rebus signatis vsurpare: illi verò quid contra afferrent solidi nihil haberent, nihilò tamē secius obstinatis animis in hæresi permanebant: ignoratæque quæ id fieret ratione non tantum carnali modo Christi carnem, sed etiam in Quætatium morem crudam deglubere volebant. Interim Villagagno animum suum dissimulabat diligenter. Itaque sibi optatius nihil esse, quàm ut rectè doceretur, testatus. Charterium ē Pastoribus alterum, naui Brasilio, Americanisque mercibus onustè impostum (quæ prid. Non. Iun. soluit) in Galliam eo consilio remittit, ut super quæstione de Cœna Domini, sententias nostrorum afferret Doctorum, in primis verò Iohannis Caluini, cuius arbitrio acquiescere se dicebat omnino velle. Ac sanè ab eo nō semel verba, hæc audiui, D. Calvinus ex iis est vnus qui ab Apostolis exstiteret doctissimi, nec vllum legi Doctorem, qui meo iudicio rectius, puriusve Scripturam eo exposuerit. Ut autem se reuerentia in Calvinum duci testaretur, nō modò proli-

Charterium  
Pastorem in  
Galliam re-  
mittit Vil-  
lagagno.

prolixè quo in statu esset iis narrauit literis quas ad Caluinum rescripsit, sed etiam peculiariter manu propria (quod à me in Præfatione est commemoratum, atque ex epistola data prid. Cal. Apri. 1557. videre est) Brasílico pigmento quæ subieciimus verba adscripsit. *Addam consilium quod literis tuis adhibuisti: summa animi contentione operam daturus ut ne vel tantillum ab eo deflectamus: hoc enim certè nec sanctius, nec rectius, nec sanius ullum esse, persuasum habeo. Quamobrem etiam literas tuas in Senatu nostro legendas, deinde in acta transcribendas curauimus: ut si quando à cursu aberrare contigerit, earum lectio ab errore renocet.* Quinetiam Nicolaus quidam Carneus, cui literæ illæ erant commissæ, cùm ad Cal. April. profecturus, valediceret, nobis renuntiavit se in mādatis à Villagagnone habere, ut Caluino significaret, consilium quod dedisset in perpetuum monumentum in æs incisum iri. Itēque ut aliquot ex Francia viros & mulieres, & pueros secum rediens adduceret, sumptibus se suffecturum. Priusquam verò ulterius <sup>pueri decē Barbari in Gallia missi</sup> progrediar, prætermittendum minimè existimo, puerulos decem Barbaros, nouem circiter annorum in Galliam missos. Hi ab hospitibus nostris bello capti à Villagagnone verò empti, postquam Richerius pastor à cōctione manus illis imposuisset, precēsque simul omnes ad Deum fudissemus, ut essent tanquam primitiæ miseri illius populi, nauibus impositi ad Nonas Iun. tandem in Gal-



liam deuecti, Henrico tum Regi oblatis sunt, qui primariæ autoritatis viris bonam partem donauit, nominatim verò Passio vnum, quem Baptismo quoque initiandum curauit, eumque ego post meum in Galliam reditum apud illum agnoui. Præterea ex Villagagnonis domesticis iuuenes duo ad 3. Non. April. iuxta Ecclesiarum reformatarum ritum vxores duxerunt puellas duas, ex earum numero, quæ nobiscum transportatæ fuerant. Quæ à me propterea commemorantur, quòd non modo nuptiæ Christiano ritu tunc primum in America sunt celebratæ: sed etiam quòd è Barbaris plerique, qui ad nos eo die accesserant, mulieres indutas (cuiusmodi nullas ante id tempus conspexerant) maiori cum admiratione contemplabantur, quàm Ecclesiasticas ceremonias, ipsis alioqui planè incognitas. Cointa itidem ad 16. Cal. Mai. matrimonium contraxit cum adolescentulâ, Rothomagensis cuiusdam cognata, cui nomen Roqueto: hic non multò post nostrum in Americam appulsum puellam hanc mercium omnium quas aduexerat testamento hærede facta, vita functus erat, merces verò erant cultelli, pectines, specula, panni crispati, hami, aliaque id genus commercio cum Barbaris habendo accommoda. Quæ quidem hæreditas commodum Cointæ obuinit: quippe vniuersam in usus suos transtulit.

Reliquæ duæ (nam quinque numero fuisse, in

Nuptiæ primò in Brasiliâ Christiano ritu celebratæ.

in describenda nauigatione nostra, à me antè demonstratum est) non multò post duobus è Neustriis interpretibus nupsere: atque ita nullæ inter nos puellæ mulierésue Christianæ superfuerunt innuptæ.

Porro, cùm hîc de matrimoniis mentio inciderit, ne id duntaxat videar, quod in Villagagnone vituperandum est, attingere, quod verò laudandum silentio præterire, aliquid obiter in eius commédationem dicam. Neustrij quidâ naufragi inter Barbaros agebant, multò antè quàm illuc appulissetus: hi abiecto Dei timore, sese cum indigenis mulieribus & puellis crebris scortationibus cõtaminabant: de quibus liberos quos suscepérât annos iam quinque natos vidi. Itaque Villagagno, cùm, vt istorum profligatam libidinem coërceret, tum etiam vt eorum omniũ, qui nostram insulam incolebant, à tanto facinore patrando animos auerteret: ex totius Senatus sentètia legem tulit, qua Christianis omnibus scortationem cum Barbaris mulieribus capitalẽ fecit: addita legi exceptione, tum demum licere cum illis matrimonium contrahere, si ad Dei cognitionem vocarentur, Baptismóque initiarentur. Sed vt nullã extitit, quæ ferinis moribus exutis Seruatorem Christum vellet agnoscere, licet crebris cohortationibus Barbaræ illius gentis aures quotidie personarent, ita tantisper dum ego in terris illis sum versatus, Gallorum nemo extitit qui vllam in vxorem duxerit. Ac

Optima lex  
à Villagagnone lata.



quemadmodum lex illa verbo Diuino dupliciter nitebatur: ita etiam, cum ab omni Villagagnonis familia, tum à nobis vniuersis studiosissimè fuit obseruata. Quinetiam, etsi post meum in Galliam reditum, acceperim solitum esse Villagagnonem in America stupris & libidinibus cum Barbaris mulieribus se inquinare: nihilò tamen secius ingenuè profiteor eum ne in minimam quidem huius criminis suspicionem quamdiu ibi viximus, incurrisse. Quinetiam legem à se latam ad eò inuiolatè obseruandam curauit, vt ex interpretibus quendam suspendio adiudicare voluerit, quòd scortationis cum muliere, quam antè compresserat reus peractus esset. Verùm amicis apud eum intercedentibus, capitali pœna liberatus, pede catena vinctus est, ac pro mancipio habitus. Itaque quantum cernere mihi datum est, hac in parte laude dignus est Villagagno. Vtinam verò in cæteris eodem se gessisset modo, Ecclesiæ magno cessisset emolumento, quo boni complures hodie fruerentur. Sed ille tanto veluti oestro contradicendi transuersus agebatur, numquam vt in ea simplicitate acquiesceret, quam accuratè retinendam esse quibuslibet verè Christianis Sacræ docent literæ, cum de administratione Sacramentorum differitur. Is enim, quæ consequuta est, Pentecostes die, qua Cœnam secundò celebrauimus, palinodiam recinens, apertè iis est refragatus, quæ ipse proposuerat, cum Ecclesiasticam infligeret

Cœna secundò à nobis in propugnaculo Collegio celebrata, obiectiōnesque Villagagnonis.

tueret disciplinam: (quo tempore, quemadmodum in superioribus dictum est, volebat humana omnia procul amoueri figmenta, & facescere: ) Assueverabat enim ex autoritate Cypriani, atque Clementis, aquam in Cœnæ celebratione vino infundendam esse, nec, ut id modò fieret, præfractè, ac necessariè iuebat: verum etiam credendum esse impudenter affirmabat, panem consecratum equè corpori, atque animæ prodesse. Sal præterea, & oleum Baptismi aquæ immiscendum censebat: neque licere Ministris ad secundas nuptias conuolare: ad cuius sententiæ confirmationem, locum Diui Pauli ad Timoth. detorquebat, *Episcopū oportet vnius uxoris virum esse.* Tandem consilio alieno penitus repudiato, à se vno duntaxat in posterum pendere voluit, nullòque fundamento nitens, in iis quæ perperam ex Scriptura proferret, omnia sus deque inuertere pro arbitrio aggressus est. Atque ut cuilibet patefiat, quàm validis utebatur argumentis, ad ea, quæ semel probare instituerat, confirmada: è Scripture pluribus, à me vna duntaxat in medium profertur sententia. Id igitur quod ex ipsius ore audiui aliquando, cum quendam è suis ad hunc modum erudiret.

1. Tim. 3. 2.

*Nunquāmpne legisti in Euangelio historiam illius leprosi, qui Christo dixit, Domine, si velis, potes me purgare: cui respondit, ac Iesus respondit, volo, purgator, statim purgatus est? ita etiam (aiebat insignis ille Scripturæ interpres) cum Christus de*

Locus Scripturæ à Villagagnone adaptatus.



pane dixit, Hoc est corpus meum, nulla adhibita interpretatione alia, credendum est illud in ipso pane inclusum esse: neque est quod moremur Geneuenses illos. Præclara scilicet vnius Scripturæ loci ex alio interpretatio. Tam sanè acuta atque illius qui in Concilio quodam, ex illo Geneseos, ubi docemur Deum creasse hominem ad imaginem suam, nervosissimè concluderat, habendas igitur esse imagines. Itaque sententia feratur ex isto Villagagnonis (qui tantum postea de se sermonem exitavit) festivæ Theologiæ præclaro specimine, an nō præstantissimus ille Theologus (quod de se, repudiata Religione vera thrasonicè prædicare non erubuit) Caluino silentium imponere, quique illius partes tueri vellent, vincere differendo facilè potuisset. Alia insuper ex illo quamplurima de Sacramentis audiui non minùs ridicula, quibus tamen commemorandis supersedeo: propterea quòd, post reditum eius in Galliam, non modò Petrus Richerius suis eum coloribus depinxit: sed & alij deinceps ita detersum, depexum-

Duo ista de-  
pectadi & de-  
tergendi ver-  
ba libellos  
duos aduer-  
sus Villaga-  
gnonem de-  
signant.

que dedere, ut palmam, id ipsum in posterum præstare cupientibus, præripuisse videantur.

Eodem tempore ad eruditionis venditionem publicè prælegere Cointas cœpit: ac Euangelium secundum Ioannem exorsus, (cuius quàm difficilis & ardua sit explicatio, iis est cognitum, qui Theologiam profitentur) tâto cū iudicio enarrabat, ut tertio quoque verbo extra oleas (ut aiunt) vagaretur, nihilque

illique fermè nisi alienum afferret: quo tamen  
 vno administro tunc utebatur Villagagno ad  
 vera Evangelij doctrinam oppugnandam.  
 Quid ergo? obiiciet aliquis, Franciscanus ille  
 Andreas Theuetus, qui grauiissimè conque-  
 ritur in sua Cosmographia, cum *Ministri à*  
*Caluino in Brasiliam missi, summa erga se inuidia* Tom. 2. lib.  
21. cap. 4.  
 flagrarent, munerique suo se interponerent, impe-  
 dimento sibi fuisse, quominus miserorum Barba-  
 rorum errantes animas Christo lucrifaceret: (hæc  
 enim sunt illius verba) obmutescebátne tunc  
 temporis? An salutis Barbarorum animosius  
 incumberebat, quàm Ecclesiæ Romanæ defen-  
 sioni, cuius se veluti fulcrum, & columnam  
 iactitat? Hanc Theueti vanitatem refellere Theueti va-  
nitas.  
 procliuè est. Superius enim demonstraui-  
 mus, eum in Galliam ante nostrum in eas ter-  
 ras appulsum rediisse. Itaque monitos iterum  
 lectores velim, vt quemadmodum in expli-  
 candis nostris cum Villagagnone, Cointá-  
 que disputationibus, ad castellum Coligniũ  
 in Brasilia habitis, nulla Theueti mentio fa-  
 cta est, neque postea fieri ita Theuetum à Mi-  
 nistris, de quibus tamen loquitur, conspectũ  
 fuisse neque Ministros ab illo. Quamobrem  
 veluti præfatione in hunc librum, à me de-  
 monstratum est, cum egregius iste Catholi-  
 cus Romanus à nobis abesset eo tempore,  
 marique quadragies centenis millibus pas-  
 suum interiecto vallaretur: quò tutior esset à  
 Barbaris, quos in suam necè à nobis excita-  
 tos fuisse, non erubuit falso prodere: nugis o- Cosmograp.  
tom. 2. lib. 2.  
cap. 2.



mnibus valere iussis, zeli, quo se erga Barbaros flagrasse profitetur, cum interpellatus est à Ministris, exemplum afferat multò certius denuò enim affirmare libet, tam illud esse falsum, quàm quod maxime.

Villagagno  
Caluinum  
vituperat,  
quem antea  
laudauerat.

Vèrùm, vt vnde sum digressus, eò redeam: statim post Cœnam Pentecostes die celebratam, Villagagno se opinionem, quam antea de Caluino conceperat, prorsus exuisse demonstrat: eum teterrimum hæreticum à fide aberrantem pronuntiat, nec responsum sibi expectandū arbitratur, quod ab eo per Characterium Pastorē postulat. Exinde nos tortè intueri, animūque à nobis abalienare, cōcionibus interesse rarò, quas etiā sub Maij mensis exitum vltra dimidiam horam prorogari vetabat. Ita Villagagnonis simulatio & hypocrisis quæ diu in pectore latuerat, tandem foras erupit, vt eum planè (vt aiunt) in-

Defectio Vil-  
lagagnonis à  
Religione  
reformatā,  
illiūque de-  
fectionis oc-  
casionēs.

tus, & in cute nosceremus. Ac si quærat quanam horrenda istius defectionis causa fuerit: non ita planè constat. Quidam enim nostrū sibi omnino persuadebant, inde id accidisse quod à Cardinali Lotharingo, aliis-  
que qui ad eum è Gallia scripserant per quēdam nauarchum qui circa id tempus ad Frisen-  
se promontorium sexaginta millibus citra insulam, in qua morabamur, appulerat, grauit-  
ter fuisset reprehensus, quod à Catholica Ro-  
manensi Ecclesia desciuisset: hisque literis eū ita perterritum fuisse, vt sententiam repente mutauerit. Post meam tamen reditum acce-

pi, Villagagnonem cum Cardinali Lotharino consilium iam iniuisse, antequàm à Gallia excederet, de vera Religione simulanda, ut faciliùs autoritate Colignij maris præfecti abuteretur, Ecclesiæque Geneuensi, & Caluino præsertim imponeret: quemadmodum initio diximus, ad manum colligendam, utrisque scripsisse. Vtunque res se habeat, id verè affirmo, eum post defectionem, conscientia, veluti à carnifice quodam excruciatam, ita tetricum, & morosum euasisse, nemo ut ad eum vellet accedere. Ac identidem per corpus Diui Iacobi (hanc siquidem deierandi formulam crebrò vsurpabat) deierans se caput ei brachiæque, & crura comminuturum esse minabatur, qui vel tantillum sibi stomachum moueret. Verùm enim verò cum se hic locus offerat, ut de eius crudelitate aliquid commemorem, insigne eius exemplum demonstrabo, quod præsentem me tunc edidit in quendam Gallum Rochæum nomine, quem catena vinctum tenebat. Huic resupino, atque humi abiecto prælongis sustibus ventrem adeò per satellitem cecidit, ut miser ille spiritum ægrè duceret. Quibus minimè contentus, altera corporis parte contusa ictibus, ita truculentus ille miserum compellabat per corpus D. Iacobi, scelestè, alterum porrigere latus: præterea infelici hominem sorte, abiectum humi, confectum plagis, mortique proximum coëgit arti operam nihilò dare seciùs, quàm antè consueuisset: faber autem

Villagagnonis conscientia excruciatam, eiusque ordinaria deierandi formula.

Villagagnonis crudelitas.



erat lignarius operis intestini. Eadem animi lenitate, ac mansuetudine erga plerosque utebatur, qui etiam erant in vinculis, quod eandem cum infelici Rochæo illo causam sustinerent. Causa porro erat, quod cum eos indignis modis antequam appulisset, Villagagno tractaret, communi consilio decreuerant eum in mare præcipitem dare, ut qui gravius multò premerentur, quàm si ad triremes amandandi fuissent. Ex quibus fabri quidam lignarij ob eius crudelitatem, se cum Barbaris in continentem recipere maluerunt (à quibus etiam benignius habebantur) quàm cum eo versari diutius. Eum etiam crudeliorem triginta, quadragintave, tum viri, tum mulieres Barbari sunt experti, lingua ipsorum Margaiates appellati. Ii à confederatis Tououpinambaulsiis bello capti erant, ac Villagagnoni pro mancipiis traditi. Cuius in Barbaros feritatis exemplum proferre visum est. *Mingantius* quidam ex iis vnus erat: hunc præsentem me, tormentum vlnis complecti cum adegisset, lardo igne liquefacto, ac in clunes guttatim distillante cruciauit, cum ne culpam quidem obiurgatione dignam admisisset. Tot, ac tantis calamitatibus Barbari conflictati, ad hunc sæpe modum querebantur. Si tot ærumnis nos ab isto *Paycola* (hoc enim nomine Villagagnonem compellabant) expositum iri duxissemus, longè ab hostibus dilaniari, deuorariq; maluissemus, quàm ad istum abduci. En obiter humanitas eius

Barbari Villagagnonis mancipia male ab ipso tractati.

eius particulam paucis attigi. Hæc verò satis  
esset attigisse, nisi, vt supra commemoravi,  
primo aduentu nostro, velle se diffluentem  
in vestibus coërcere luxum disertè denun-  
tiasset.

Itaque necessario dicendum videtur, quàm  
egregio cæteris exemplo hac in re prælux-  
erit: nempe vt, cum non solum è bombyce, la-  
næque pannis, verùm etiam vndulatis com-  
plurium colorum abundaret: in arculis tamè  
à teredinibus, ac tineis corrûpi mallet, quàm  
vestiendæ familiæ distribuere, cuius plerique  
nudi ferè incedebant. Sibi verò diebus heb-  
domadæ singulis, mutanda comparauit senna-  
vestimenta: suo singulis colore attributo, ru-  
bro, luteo, ceruino, albo, cæruleo, viridi, con-  
gruentibus inter se perpetuò tunica, & fe-  
moralibus: quæ quàm bene tum ipsius ætati,  
tum dignitati quadrarent, cuius existi man-  
dum relinquo. Inde tamen id commodi ca-  
piebatur, quòd ex colore illius vestimenti,  
quo indutus erat, facilè conijciebamus, qua-  
lis eo die futurus esset: adeò vt viridis & lu-  
teus color mali perpetuò quiddam portède-  
rent. Inprimis verò cum talarì vndulata ve-  
ste, nigro è bombyce lyngo circundata, in-  
dutus esset, mirum dictu quantam de se ri-  
dendi materiam præberet: ita vt non illepidè  
à suis histrionis effigiem præferre dicere-  
tur. Proinde, si de hac veste quicquam audi-  
uissent, qui ad summum maximè illius ruen-  
tis ollæ labrum Barbari cuiusdam instar, nu-

Villagagnon-  
nis habitus:



dum delinearunt: minimè dubium est, quin pro insigni ornamento vestem illam ei imposuisset, vt & suam ei crucē, fistulāque collo appensam reliquerunt.

Ac si quis reprehendat nimis me curiosè isthæc rimari (prout etiam fateor, quæ attigi postremò, esse indigna quæ memoriæ prodantur) facilis est responsio. Etenim cùm Villagagno furētis Herculis, maximè postquàm in Galliam reuersus est, personam induerit, aduersus eos, qui Religionem ex verbo Dei reformatam profitentur: demonstrandū existimaui, in singulis quas ille amplexus est religionibus, quàm inculpatè se gesserit: maximè cum ob eas, de quibus in præfatione dixi, rationes, pauca elegerim è multis.

*Causa nostri  
à Villagagno  
ne discessus*

Internuntio tandem Philippo ei denuntiavimus, quòd Euangelicam professionem exuisset, neque vlla conditione alia eius imperio essemus obnoxij: nos in posterum operam, in muniendo præsertim Castello denegaturos esse. Qua audita re, interdixit, ne bina illa farinæ ex radicibus confectæ acetabula, quæ (vt à me commemoratum est) diebus singulis dabantur, nobis ampliùs præberentur: sperans hac ratione futurum vt in summum discrimen adduceremur, aut fame etiā necaremur: tantum verò abfuit, vt nostrū quisquam id ægrè tulerit, vt contrà lætaremur: multò enim plus farinæ à Barbaris falce vna, vel duobus, tribusve cultellis mercabamur, quàm sex ille mensibus distribueret. (li  
siqui-

liquidem nostram sæpe insulam lintribus adibant: vt & nos ipsi mutuò Barbarorum pagos ad com meatum expediendum, petebamus. ) Itaque quòd cibaria non essent attributa, nos ab eius sacramento penitus esse liberos duximus. Ac certissimum est rem vi aggressurum fuisse, nisi vehementer suis diffusus esset, quorum primarij nobis apertè fauebant. Tamen rem tentare voluit: cùm enim ego, Ioannésque Gardienus è continente reuerteremur: (vbi tũc circiter quindecim dies inter Barbaros egeramus) is veniæ ignorationem simulauit, quam impetraueramus à Barreo ipsius Legato, antequam ex insula egrederemur. Itaque accessit legi, quam ipse tulerat, violatæ: hac cauebatur, ne absque venia Castello quis excederet. Quare nõ modò eam ob rem nobis manus iniici volebat, verùm etiam eò crudelitatis procedebat, vt pedibus, tanquam mancipiis catenam aptari iuberet. Cui pœnæ eò magis fuimus affines, quòd qui nos deduxerat Philippus, quique, vt nõnulli asserebant, demissiùs Villagagnoni, quàm eius ferret dignitas obtemperabat, non modò non opitularetur: verùm etiam oraret, vt supplicium illud vnum, alterumue diem sustineremus, à vinctis que nos liberatum iri polliceretur, vbi primum ira Villagagnonis paululùm deferbuisset. Attamen nos id nunquam esse passuros disertè respondimus: tum quòd lege non teneremur, tum verò præcipue quòd, (vt diximus) cùm fidem

Villagagnoni  
nititur nos  
in seruitutē  
redigere.



fregisset, qua receperat, se inter nos religionis verę disciplinam conseruaturum esse, addicti eius esse imperio in posterum recusaremus. Accedebant eorum exempla, qui catena vincti, indignissimè, crudelissimèque palàm accipiebantur. Quo ille respõso cessit: animaduvertebat enim quindecim esse, aut sexdecim è nostris tanto amicitia vinculo inter se cõiunctos, alter vt alteri iniuriam fieri ægrè pateretur: adeò vt difficillimè, si vltius progrediretur, in suam nos potestatem redigeret. Præcipui etiã inter ipsius milites (quem admodum superius attigi) quòd religionem veram profitebantur, iniquo animo illius defectionem ferebant. Ita vt nisi essent veriti, ne Colignius, qui autoritate regia fretus eũ misisset, neque qualis postea extitit cognouisset, offenderetur, quidam ex nostris hac occasione oblata hominem in mare præcipitem dedissent. Eius carnem, & latos humeros piscibus nutriendis aptos esse iocabàtur. Maxima tamen pars benigniùs cum eo agendum satiùs esse duxit. Conciones etsi publicè semper haberentur, ( quas vel non audebat, vel non poterat interturbare: ) attamen ne ampliùs nobis offendiculo esset Cœnam celebrãtibus, ab eo tempore noctu eo inscio celebrabamus.

Quæstio vtrũ  
Cœna sine  
vino posset  
elebrari.

Et quoniã in postrema in illis terris Cœnæ celebratione, nobis ex vino illo quod ex Gallia aduectum fuerat, cyathus tantum superfuit, cùmque aliunde habere minimè possemus,

femus, exorta fuit quæstio inter nos, vtrum scilicet, vino deficiente, posset alio potus genere celebrari. Quidam præter cæteros Scripturæ locos, hunc etiam afferentes, quo Christus in Cœna instituenda, post gratiarum actionem, Apostolis expressè testatus est, se *non amplius ex vinea fructu bibiturum esse*: censebant deficiente vino, satius fore abstinere à signo, quàm illud ipsum mutare. Alij contrà asserébât, cùm Christus in Iudæa versaretur, eum mentionem vsitati potus fecisse: credi verò par esse, si inter Barbaros versatus fuisset, non modò Americanam ceruisiam: verùm etiam farinam ex radicibus, qua illi pro pane vtuntur, Cœnæ Sacramento adhibiturum fuisse. Ac proinde concludebant, vt, quemadmodum signa panis, ac vini mutare nollent, quandiu ea præstò esse possent: ita minimè dubitatu- ros, pane, ac vino deficiētibz, Cœnam celebrare iis rebus adhibitis, quæ ad vitam hominum fulciendam, panis, ac vini locum vsūque obtinerent. Et quamvis plerique in postremam sententiam inclinabant, quia tanta rerum penuria non fuit, quæstio illa remansit sub iudice. Verùm enimuero hæc placida disputatio nullius inter nos dissidij causa fuit, qui per Dei gratiam perpetuò fuimus animis coniunctissimi, vt libentissimè optarem, inter eos omnes, qui religionē verè Christianam profitentur, tam bellè cōuenire, quàm eo tempore inter nos conueniebat.

Matt. 26. 26.

Marc. 14. 25.



Causa ob  
quam Villagagno in mutatione sua nos diutius manere non permisit.

Locus quem  
in continēte  
America in-  
coluimus.

Vt verò finem imponā iis quæ de Villagagne dicenda fuerūt, sub exitum Octobris, iuxta tritum illud prouerbum, quo fertur, In amicitia dissuenda, debere homines fucum facere: magis ac magis nos, Euangelicamque doctrinam execratus, apertèque significans sibi ampliùs in animo non esse, vt in sua Insula, Castellòque moraremur, statim egredi iussit. At si collibuisse, quemadmodum suprà demonstrauius, à nobis Villagagno pelli insula facilè poterat. Verumtamen, tum vt de nobis omnem conquerendi materiam præcideremus: tum ne nota Euangelio inurere- tur, ad cuius præscriptum nos vitā instituere velle, eaque de causā in Americam venisse, iam antè Gallia, cæteræque nationes audierant, sine vlla contentione ei loco cessimus. Itaque cū octo circiter menses apud Insulam, Castellumque Colignium mansissemus: cui etiam muniendo vehementer nostræ defudauerant operæ: in continētem exacti progredimur, ibique expectauimus mēses duos, dum è portu Salutari appulsa naus, (cuius cū magistro conuenimus, in Galliā nos vt transportaret) onustaque Brasilio vela faceret. Interim Ganabaram *sinum* ingredienti sinistro in litore, locòque à Gallis Laterana dicto consedimus, mille passibus à Castello Colignio. Quemadmodum verò frequēter, & familiariter inde apud Barbaros commeabamus, inita cum Barbaris consuetudine, vnà cominari, agere, ambulare: illi se humanissi-  
mos

mos præbere, (vt eū benignitate facile superarent, qui ne dicto quidem violatus à se nos expulisset) hospites inuisere, cibariis etiam, rebúsque necessariis adiuuare cœperūt. Hactenus quæ Villagagnonis fuit in religione inconstantia, quàm crudeliter sub religionis specie nos accepit, quæ eius disputationes, ad Euangeliumque repudiandū extitēre causæ, qui sermones quotidiani, quæ sæuitia in domesticos, qui cultus corporis, breuiter dictū sit: quem autē dedit nobis cōmeatum, quàmque proditoriè nos dimiserit in tempus illud reijcio, quo ad reditum in Galliam naues ascendemus. Interea Villagagnonem suos in Castello miserè afflictatē paululū relinquens, primò eius propugnaculum describā, sinūque cui imminet.



## CAP. VII.

*Descriptio sinus Ganabara, qui & Geneurensis appellatur: Insulæ, Castellique Coligny, atque insularum adiacentium.*

**C**UM sinus iste à Barbaris Ganabara dictus, eo tempore, quo illic agebamus, inter cæteros eius regionis portus, nauibus Gallicis notissimus fuerit: abs re non existimaui alienum, si peculiarem eius descriptionem hoc



loco proponerem. Ille à Lusitanis Geneu-  
rensis appellatur, quòd Calend. Ianuar. pri-  
mò eum intrasse credatur: tribùsque vigin-  
ti gradibus iacentem vltra Æquinoctialem  
lineã, sub Capricorni tropico: Cuius rei me-  
minisse Lectorem cupio, vt Theueti agno-  
scat impudentiam. Is in libro vir. Illustr.  
*Quoniam becum* laudans, ait, me, aut alium im-  
postorem, hunc sinum ad tres & viginti gra-  
dus, prope polum Antarcticum collocasse,  
quum tamen nunquam aliter, quàm hîc scri-  
pserim. Quæ alij de sinu isto scripserunt, præ-  
termitto, eumque quatuor & viginti passuum  
millibus patère affirmo. In quibusdam verò  
locis in latitudinem crescere, donec 14. aut  
16. conficiat. Et quamuis ij montes, quibus  
iungitur, non ad eò sint excelsi, atque ij sunt,  
quos Geneuensis lacus alluit, rectè tamen  
cum eo comparari potest propter vicinita-  
tem vndique terrarum.

Comparatio  
lacus Gene-  
uensis cum  
fluuio Ge-  
nabara in  
Brasilia.

Ostium eius periculosum est, quia relicto  
mari trium Insularum incultarum oræ legen-  
dæ sunt: vnde magnum nauibus periculum  
imminet, ne scopulis allisæ penitus frangan-  
tur. Deinde præternauigandum est fretum,  
quod cum trecentos in latitudinem passus  
non habeat, enascitur sinistrorsum è monte,  
ac rupe pyramidis formam imitante: quæ nõ  
modò est immensæ magnitudinis: verum e-  
tiam eminens artificio quodam elaborata vi-  
detur. Propter eius autem rotunditatem, &  
quòd ingenti turri persimilis esset, hyperbo-  
lice

licè à Gallis *le Pot de beurre*, appellata fuerat. Rupes voca-  
ta vas buty-  
raceum.

fatis plana, quæ in circuitu patet circiter *Le* Muscipula.

*Ratier* dicebatur, quam Villagagno cum primùm appulisset, imposita primùm sup-  
pellestile, ac impedimentis, muniri posse  
sperabat: vi tamen vndarum inde pulsus est.

Ea porrò, quam incolebamus insula, duobus  
est passuum millibus vltior: hæc (vt cōme-  
morauimus) erat inculta ante Villagagnonis ad-  
uentum. In circuitu circiter passus mille com-  
plectitur, latitudinē sexies superante longi-  
tudine: scopulisque ad libellam summæ aque  
extantibus cingitur, qua de causa naues citra  
tormēti iactum accedere nō possunt: éstque  
ideò naturā munitissima, vt adiri ne nauigi-  
olis quidem possit, nisi è portus latere ex ad-  
uerso ingredientis Oceani. Hæc si diligen-  
ter custodita fuisset, nec expugnari, nec inter-  
cipi potuisset, quemadmodū à reditu nostro  
fuit à Lusitanis occupata, eorū qui relictī es-  
sent culpa: ab vtraque parte eminebat colli-  
culus, cuius in fastigio tuguriolum Villaga-  
gno extruxerat: rupi verò quinquaginta, aut  
sexaginta pedes in altitudinē porrectæ, & ad  
insulæ cētrum sitæ, suū imposuit prætorium.  
Reliqua in planiciem redacta, domiciliis con-  
tinebantur, quæ, annumerata omni Villaga-  
gnonis familia, octoginta circiter homines  
incolebant. Illa omnia si prætorium excipias  
aliquot fabrilibus lignis ædificatum & pro-  
pugnacula qualicunque cæmento superin-

Descriptio  
Insulæ &  
propugnacu-  
li in quo Vil-  
lagagno ha-  
bitabat.



ducta, parua erant tuguriola, prout Americani solent, lignis extructa rotundis, herbâque contecta, dum paucis artificium munitionis illius, quam Villagagno nuncupauit Coligniû in Gallia erectum Antarctica. Id autem ab eo factû est, vt Gaspari Collignio Galliæ Thalassiarchè gratularetur: néque immeritò. Nunquam enim sine illius fauore, ac ope (vt antea commemorauimus) cum iter illud agere, tum vllam in Brasilia munitionem edificare potuisset. At cum illius viri longè nobilissimi memoriam immortalitati commendare velle, præ se ferret, (Nam, vt eius defectionem taceam, violatamque fidem qua receperat, antequam à Gallia excederet, se verum Dei cultum in Brasiliensi ora instauratum esse:) quantam quæso ansam Lusitanis arcem à se desertam, nunc obtinentibus præbuisse putatis erigendi trophæa de nomine Collignio, Galliæque Antarcticæ, quod illi tractui fuerat impositum?

In quibus commemorandis satis mirari nequeo, Theuetum Anno 1558. biennio post suum in Galliam reditum, vt Henrico secundo adularetur, qui regnum tunc temporis administrabat, in describendo sinu isto, & propugnaculo Colignij, ad dextrum latus in continente urbem depinxisse, quam Henricopolin nominat. Et quamuis tempus ei satis superfuerat ad illius erroris emendationem, nihilominus in sua eum Cosmographia extare voluit. At ego vehementer affirmo, cum

è Brasilia migraremus, id quod contigit plus  
 octodecim post Theueti profectionem mē-  
 sibus, pagum nullum, urbem verò multò mi-  
 nus, eo vnquam in loco fuisse, vbi suam fal-  
 sò Henricopolin collocat. Atque etiam flu-  
 ctuans vrbs sæpe nomen inuertit, quam pri-  
 mò vernaculo sermone Ville-Henry, secūdò  
 Henry uille nominat, idē etiā tertio factu-  
 rus, si ea de re loquatur in posterum. Inde a-  
 pertè liquet, hominem somnia tantum af-  
 ferre, ac vanam quandam picturam. Cæte-  
 rum quis non animaduertit, multò magis  
 Theuetum nomine Regis Henrici abusum  
 esse, quàm Villagagnonem Colignij, quod  
 imposuit propugnaculo suo? Errore autem  
 denuò repetito, videtur Principis memoriā  
 prorsus conspurcare voluisse. Rectè, Plutar-  
 chus, Augustum Cæsarem excandescere, ait,  
 solitum, si quid de se nisi grauiter, & à viris  
 præstātibus memoriæ proderetur: eum quo-  
 que magistratibus in mandatis dedisse, ne  
 paterentur nomen suum à morionibus, hi-  
 strionibúsque haberi ludibrio. Alexander  
 publico edicto cauit, ne ab alio, quàm Apelle  
 pingeretur: regium quippe nomen in pretio  
 esse debet. Vt autem obuiam respondentem  
 Theueto eam, locum cuius meminit, eum  
 esse nego quem nos Laterariam vocabamus,  
 in quo operarij nostri tuguriola quædā ædi-  
 ficauerāt. Attamen fateor, vbi primùm Galli  
 confedere, montem extare, quem de Regis  
 nomine, Henricum appellarunt: vt alterum

Vrbs imagi-  
 naria in ope-  
 ribus The-  
 ueti.



etiam postea Corquillercum diximus, de cognomine Philippi Corquillerci, cuius ductu illuc appuleramus. Sed si tanta est inter montem, & urbem discrepantia, quanta inter templum, & vaccam, Theuetum in describenda Vrbeurica, aut Henricurbe delirasse quis dubitet, aut imponere Lectori<sup>9</sup> voluisse? Ego autem, ne de his præter veritatem loqui videar, eorum appello testimonium, qui iter illud confecerunt: sedeant etiam inter iudices, qui Villagagnonem simul comitati, quorum adhuc nonnulli supersunt, an in eo loco extiterit quoddam urbis vestigium: & non potius totum illud figmentum poetarum somniis valde sit affine. Quoniam autem (ut in præfatione dixi) Theuetus, me, sociosque sine causa est adortus, molestè ferre non debet, si unius facere iacturam urbis hac mea defensione cogatur. Cæterum multos in eo præterea errores notavi, quos singillatim exponam, nisi se his contentum esse demonstraret. Malè me certè habet quod interrupta sermonis serie, huc delapsus sum, sed cum id veritatis tuendæ gratia fecerim, liberum facti mei iudicium Lectoribus relinquo.

Vt igitur quæ restant de Ganabarasim persequamur, sciendum est ultra propugnaculum, decem ferè millibus pulcherrimam, fertilissimamque insulam iacere: ea cum in circuitu duodecim passuum millibus pateret, Magnæ insulæ nomen à nobis fortita est. Quinetiam quod à Tououpinambaulsis fœderatis

Magna insula.

deratis incoleretur, eam frequenter petebamus, ad exportandam farinam, aliâque necessaria.

Sunt præterea in illo sinu maris multæ insulæ incultæ, in quibus præstantissima ostrea reperiuntur. Barbari quidem in litoribus se submergentes, manibus adferunt lapides ingentes exiguis ostreis (illi *Leripes* vocant) <sup>Leripes ostrea.</sup> circumdatos, quæ sic petris adhærent, ut vix sint auellenda. Horum plenos lebetes coquebamus, & in quibusdam exiguas gemmas reperiēbamus.

Hic fluvius multorum piscium genere abundat, in primis mulis quàm optimis, suis marinis, & mediocribus aliis, quorum nonnullos, in capite de Piscibus, describam. Hic verò ingentes, ac monstrosas Balenas <sup>Balenæ.</sup> silentio præterire nolo, quæ pinnis aquam superantibus, nobis ita fiebant obuiæ, ut tormentulis faciliè peterētur. Veruntamē istiusmodi globis eas valde lædi non existimo, tantum abest, ut interfici possint: eaque de causa recedebant à nobis innoxie, quòd pelle sint durissima, crassaque pinguedine. Harum una, quatuor, & viginti à Castello miliaribus Friē <sup>Balena in vadis.</sup> se promontorium versus in vadis adhærescens, Oceanum repetere, quòd eā aqua profundior defecerat, non potuit: ad quam tamē accedere ausus est nemo, antequàm expiraret, quippe cum suis conatibus vicinam terrā concuteret, & à quatuor millibus passuum exaudiretur. Postquam verò vitam exhalavit,



multi ex Barbaris, & nostris frustra quædam carnum decisarum abstulerunt: reliquum autem eo in loco remansit. Eas verò carnes parui faciebamus, propter insipidum gustū: pinguedinem verò colliquabamus, ut oleo expresso ad lucernas vteremur. Lingua verò, quæ pars existimatur præstantissima, sale condita fuit, Thalassiararchæ in Galliam transmissa.

Fluuij dul-  
ces.

Duo sunt etiam flumina, quæ ad extremitatem sinus terra vndique circumdata, cum eo coniunguntur. In iis ego aliquoties cum Gallis nauigavi, & multos Barbarorum vicos in utroque littore sitos inuisi. Hæc sunt quæ in hoc sinu præcipua cognoui, atque etiam arcis possessionem Gallis ereptam esse, tantò magis doleo: quantò hæc rectè custodita, ut erat facillimum, tutum nobis perfugium, & Gallis commodissimam nauigandi occasionem præbere potuissent. Ultra quadraginta, aut sexaginta passuum millia Platam versus, & fretum Magellanicum, alter est ingēs maris sinus, à Gallis Vasarum dictus, ad quem appellant, illuc qui nauigant, sicut & ad Friëse Promontoriū, quod & primū tenuimus cū Brasiliam peteremus.



## CAP. VIII.

*De ingenio, robore, statura, nuditate, ornamentis corporis virorum, & foeminarum Brasiliensium, apud quos annuū ferè sum commoratus.*

**A**CTENVS ea quę in mari vidim⁹, dū Brasiliēsiū regiones petijmus, descripsi: quis fuerit in Insula, & Colignio Castello rerum status, tantisper dum illic viximus: qualis denique sit Ganabara sinus demonstraui: Nunc antequam naui conscensa reditum in Galliā parē, vitæ genus, & alia hīc à nostris incognita, paucis describere volo.

Vt autem ordine cuncta exequar, Barbari Americani, qui terram Brasilij incolūt, *Toupinambaulsy* nominantur, quibuscum ego <sup>Statura, ac dispositio Barbarorum</sup> circiter annum familiariter sum versatus. Ii corpus nec prodigiosum, nec monstrosum habent, sed nostro, qui in Europa viuimus, persimile, quod ad staturam spectat. Sunt quidem fortiores, robustiores, saniores, & min⁹ obnoxij morbis. Pauci apud eos sunt claudi: pauci altero priuati oculo: deformes <sup>A Etas Barbarorum.</sup> ferè nulli: licet etiam centesimum, ac vigesimum ætatis annum sæpe attingant, (per lunas enim annos numerare norunt) pauci tamen canescunt. Id verò regionis illius temperiem indicat, quæ quum nullis frigoribus,



Barbari rerū  
mundanarū  
neglectores.

aut pruinis torreatur, virides herbas, agros, & arbores semper habet: ipsi quoque molestiis, ac curis omnino vacui, iuventutis in fonte labra rigasse videntur. Et quoniam fontes lutosos, & scaturigines pestilentes non adeunt, è quibus mala omnis generis oriuntur, quæ nos ante tempus attenuant, macerant corpus, animum excruciant, denique perimunt: vtrumque nihil eorum ad illos pertinet: diffidentia, auaricia, litibus, inuidia, ambitione denique non laborant. Colore prorsus nigro non sunt, sed tamen ad nigredinē accedente, propter solis vehementiā, quemadmodū Hispanis, ac Prouincialibus vsuuenire videmus.

Nuditas Barbarorum in  
genere.

In eos qui  
Barbatos vil-  
losos esse pu-  
tant.

Hist. gē. Ind.  
lib. 2. cap. 79.

Cæterum viri, scæminæ, infantes nudi prorsus incedunt, nec vllas corporis partes vnquam tegunt, nullo eius nuditatis pudore. Attamen villosi non sunt, vt quibusdam visum est, imò simul atque pili in corpore apparent, aut vnguibus, aut forcipibus paruulis, quas à Christianis accipiunt, euellunt: barbam ipsam, palpebras, supercilia eradicant, vnde lufci, toruoque aspectu fiunt. Idem legimus in insula Cumana vsurpari à Peruenfibus. Caput quidem illi capillis vestitum habent, qui maribus ab ineunte ætate à vertice ad sinciput raduntur, vt monachorum coronam dicas: ad occiput verò comam nutriunt nostrorum more maiorum, quam, vbi ad collum vsque fluctuat, refecant. Hic, ne (si fieri possit) aliquid à me prætermittatur, quod ad hanc tractationem pertineat: il-  
lud

lud addam, esse nimirum in illis tertis herbas quasdam duorum digitorum latitudine: hæ paululum incurvæ, in orbem & longitudinem excrescunt, veluti calamus, qui contegit spicam milij illius prægrandis, quod apud Gallos triticum Sarracenum nuncupatur. Vidi aliquando senes (non tamen omnes, nunquam adolescētes, multò minùs pueros) qui duobus illius herbæ foliis acceptis, filoque xylino virilia contegerent, atque etiam fasciis, ac linteolis, quæ à nobis habebāt, obvoluerent. Qua in re primo aspectu elucere videretur scintilla quædam naturalis verecundiæ, si modò id ea de causa facerent. Et si enim id penitiùs nunquam sum scrutatus: nihilominùs tamen arbitror id ab illis fieri tegendi alicuius morbi gratia, quo in senectute partes illæ confluantur.

Quare senes  
Americani  
interdū viri-  
lia tegant.

Hoc insuper de more habent, ut ab infantia puerulis omnibus labium inferius pertūdāt, eoque in foramine os quoddam perpolitum, ac instar eboris candidum inferatur, minimarum figura pyramidum, quæ supra mensam in quincuncem ordinatæ, verticillo petuntur. Pars fastigiata pollice vno, duobusve digitis extrinsecus porrecta, inter gingivas, & labium retinaculo adhæret: idque pro arbitrio auferunt, reponuntque. Os verò illud fastigiatum, ac candidum, in adolescentia tantùm gestant. Cùm verò ad grandiorē ætatem pervenēre, cūque lingua sua Cond-

Labium pte-  
foratum &  
eius perfora-  
tionis ratio.



*mi-onasson* vocari incipiunt, (quod grandem, aut crassum adolescentem sonat) foramini labiorum inserunt lapillum viridem, ex genere pseudosmaragdi, qui similiter obice quodam intrinsecus retentus extrinsecus apparet, capitati argentei rotunditate, ac latitudine, crassitudine autem duplici. Atque etiā nonnulli reperiuntur, qui digiti longitudine gestent, eūque teretem. Cuius postremi generis vnus à me in Galliam allatus est. His lapidibus interdum sublatis, Tououpinambaultij, linguam foras per rimam illā labiorum, animi gratia egerunt, ita vt gemini oris effigiem spectantibus præbeant. Vtrum verò spectaculum istiusmodi placeat, an deformes admodum hac ratione fiant, facile est iudicatu. Alios insuper vidi, qui lapillos eiusmodi virides in labiis gestare non contenti, vtrisque malis eundem ad vsum perforatis, includebant.

Malæ perforata ad lapillos inferendos.

Quod ad illorum nasos attinet, cum apud nos obstetrices soleant ab ipso puerorū ortu, vt formosiores, ac productiores efficiant, digitis extendere: contrarium prorsus institutum apud Americanos nostros obtinuit. Puerorum enim pulchritudinem nasi depressione metiuntur. Itaque simulac ex vtero matris prodire, pollice nasus eis deprimitur, perinde atque catellis in Gallia quibusdam fieri solet. A quibus longè illi dissident qui quodam in Paruani regni tractu, feruntur tā-

Hist. vnin.  
Ind. lib. 4.  
cap. 103.

to esse naso præditi, vt ex eo smaragdi, cya-  
nij, aliique lapilluli, cum candidi, tum rubri,  
filo aureo suspendantur.

Nostri præterea Brasilienses cōpluribus, Barbari nigro colore infecti, & variis coloribus picti.  
pigmētis & ac coloribus sibi corpus variegāt:  
inprimis verò crura, ac tibiae adeò inficiunt  
atro colore, ex succo fructus cuiusdā, ab illis  
*Genipai* dicti, vt eminūs animaduersa, femo-  
ralib' sacerdotalitiis induti esse videātur. Ea  
porrò nigredo expressa ex illo *Genipai* fru-  
ctu, ita illorum cuti adherescit, vt decem aut  
quindecim diebus elui nequeat, quamuis se  
frequenter abluant.

Adhæc meniscos etiam habent octo digi-  
tis longiores, ex ossibus apprimè læuatis, ac  
instar alabastris candidis (quæ *Yaci* appellāt)  
mutuato à Luna nomine, quam ita vocant:  
hos funiculo xylinò ad pectus è collo appen-  
sos demittunt. Menisci ex ossibus can- didis.

Similiter frustula compluta testē prægran-  
dis lapide quodam diu multumque attrita  
perpoliunt. Rotunda deinde, ac instar dena-  
rij tenuia efficiunt, vt vmbilico pertusa, filó-  
que xylinò traiecta, pro torquibus collo  
inferunt: (hæc *Boñ-te* ipsorum lingua vocan-  
tur) vt apud nos catenulæ solent aureæ. Id  
porrò, quod à multis buccinum appellatur  
esse crediderem, ex quo plerasque mulieres,  
zonas apud nos gestare videmus: cuius &  
quidem præstantissimi, plusquàm tres vnas  
habebam, cum in Galliam appulsem. Bar- Boñ-te tor- ques.



bari præterea torques ( quos ab illis *Boii* dici, antea commemorauimus ) conficiunt ex quodam genere ligni nigri, ac solidi, cuiusmodi sycomorum esse Matheolus testatur. quod ad eam rem valde accommodatum est: quoniam ad grauitatem, ac splendorem gagatis accedit. Maximâ præterea vulgatarum gallinarum copiam habet Americani: quarum progeniem à Lusitanis acceperunt. Albis sæpenumero plumas detrahunt, ac ferramentis quæ nunc habent: antea vero cum illis carent, lapidibus peracutis molliores plumas minutatim concidebant. Illis aquæ feruidæ, ac bullienti impositis, ac rubro coloris brasílico tinctis: postquam se gummi quoddam ad id accommodato, illeuerunt, contegunt, atque ornant corpus, brachia, tibias, variisque depingunt coloribus: ita ut instar pipionis, aliarumque auium recens exclusarum, lanuginem quandam habere videantur. Vnde verisimile est, ut, cum quidam nostrates in eas terras peruenissent, eosque ita initio ornatos prospexissent, nihil penitus de eis perscrutati, hunc rumorem sparserint, Barbaros scilicet prorsus esse villosos. Res tamen longè fecius sese habet, ut qui tales naturâ non existât. Proinde rumor ille ex rei ignoratione manauit, cui deinde nimium leuiter fides adhibita est. Quidam etiam memoriæ prodidit Cumanos sese ungere solitos gummi quoddam, vnguetumque glutinoso, ac deinde se plumis vario-

Barbari plumis ornati crediti sunt villosi.

Hist. gen.  
Ind. lib. 2.  
cap. 79.

variorum colorum conuestire.

Ornatus verò capitis *Tououpinamkiorum* nostrorū hęc est ratio: præter sincipitis abrasionem in coronæ monasticæ formā, crinē-  
que occipitis quos ad collum summitti diximus, solent insuper auiū plumas, rosei, rubei, Frontalia ex  
plumis con-  
texta. cuiusvis denique coloris aptissimè cōpositas colligare, easque ad frontaliū vsum adhibere. Hęc non malè galericula referunt non ita pridem à nobilioribus scēminis nostratibus vsurpata: Quę proinde à Barbaris nostris accepisse non immeritò dicantur. Frontale autem istud vernacula lingua est *Tempe-*  
*nambi.*

Inaurium quoque ex ossibus albissimis apud eos magnus est vsus, ossibus illis nō ab-  
similium quæ perforatis suis labiis adolescētes imponere diximus. Apud eos avis est *Toucan* nomine, atra, toto corpore ceu coruus, circa ingluviē plumis tenuissimis fuluo colore, torque miniato ab imo circumdatis. Partis istius pellem detrahunt, detractam siccāt, (avis nomē retinet) siccātam utriusque genæ applicant cera agglutinātā, quam *Trayetic* nuncupant. Quibus ita aptatis, dicas umbones lupatarios ex ære, inauratos ab illis gestari. Inaures.

Præterea si ad bellum sese accingant, aut pro more, de quo alibi, & solenni pompa captiuiū deuorandum sunt mactaturi, vt ad ornatum & elegantiam nihil desit, vestes in-



duunt, pileos aptāt, armillas brachiis imponunt ex plumis viridis, rubei, cærulei, & cuiuscunque alius coloris compactas, eximie pulchritudinis. Quibus artificiosissimè aptatis & interfertis atque adeò calamo tenui arūdineo filoque xylyno admodum cōtinne cōpactis & connexis, ut vix ullū credā in Gallia esse phrigionem qui maiori industria plumas illas tractare & aptare possit. Dicas vestes hac ratione contextas è villoso serico confectas esse. Eundem ornatum ligneis suis clavis adhibent quibus ad hunc modum ornatis elegantius dici nihil potest.

Pennarū fasciculus.

Ornamentorum postremum genus est, quod Struthicamelorum pennis leucophæi coloris, quas ab accolis accipiunt (ex quo licet colligere grandissimas illas aues in regionibus illis versari, quas tamen illic me non vidisse ingenuè fateor) hoc modo conficiunt: caules ordine ab vna parte disponunt, plumę ab altera eminent, atque in orbē circumflectuntur in modum conopæi vel rosę. Itaque fit pennarum fasciculus quem sua lingua *Araroye* appellant. Hunc tergo imponunt, filoque xylyno alligant, caulibus cutem eorum contingentibus. Quo cum sunt ornati caueam pullis includendis tergo impositam gestare videntur. Fusiùs alibi à nobis dicitur, eos qui bellicosissimi volunt haberi, quo fortitudinem suam palam faciant, multosque à se interfectos hostes esse demonstrant, captiuos denique vorādos multos mat-

et af-

stasse iacent, pectus, lacertos & femora incidere, incisuras verò illas atro quodam puluere inficere, quo, ad mortem vsque earum vestigia conseruantur, itaque aspicientibus thoraces & femoralia Helueticò more incisa representant.

Barbarorum  
incisuræ.

Computationibus autem seu *Caouinationibus* & saltationibus illis si sit indulgendum, in quibus certè vt plurimum occupatur, quo magis animum excitent, præter horrendos clamores & eiulatus quos emittere cõsueuere, fructus colligunt, corticis duri satis, echinum forma & magnitudine referentes, cuius exsiccati nucleum auellunt, atque in eius locum lapillos immittunt: huius generis multos filo attexunt, tibiisque apponunt: non minorem concitati, strepitum ederent, ac testè limacum, si eo aptaretur modo, quin à saltatoriis crepitaculis non longè absunt. Quæ quidem cupidissimè exoptant Barbari cum ad eos comportantur.

Crepitacula  
è fructibus.

Fert insuper ea regio arborem, cuius fructus *Struthiocameli* ouum crassitie adæquat, formæque refert. Hunc perforatum (eo quo à puerulis nuces apud nos perforatur modo), lapillisque aut milij crassioris (de quo suo loco) granis immixtis, baculoque sesquipedali trajecto, instrumentum *Maraca* nomine fabricant. Strepitum edit ingentem, adè vt suillas vesicas pisces plenas superet: quò fit vt à Barbaris nusquam non manu gestetur.

*Maraca* instrumentum.




tur. Quæ sit Barbarorum de isto *Maraca* atque eius strepitu opinio, præsertim cum plurimis egregiè ornatum, certoque destinatum vsui fuerit, tum à nobis dicitur cum de eorù religione agemus. Hactenus de natura, vestitu, & ornatu quo *Tououpinambaulsy* nostri uti consuevere, paucis dictum esto. Veruntamen appendicis vice addam, crispatum pannum, rubri, viridis, flauique coloris à nobis magnâ copiâ aduectum fuisse, ex eo vestes omnis generis cõficebamus: quas deinde permutatione facta cum cibariis, cercopitheris, psittacis, brasilio, gossypio, pipere indico, aliisque id genus quæ à mercatoribus asportari solent, Barbaris dabamus. At plerique nuda corporis parte reliqua, laxa & vndãtia femoralia solum induebant: Alij contra, femoralibus contemptis, tunicam nates pertingentem induebant. Mox autem emensis aliquot passibus, & in seipsos oculis identidem coherens, non sine nostrorum risu & cachinnis, exutas illas vestes domi reponebant, quoad rursus eas induere in animum inducerent. De indutis quoque & pileis idem iudicium.

Barbari ex parte nudi, ex parte vero induti.

Epilogus r.

Quæ de externo corporis habitu cum virorum tum puerorum dicenda fuerunt, satis fuscè persecuti nobis videmur. Itaque si ex hac nostra descriptione Barbarum animo sibi representare quis cupiat: in primis nudum virum imaginetur, cuius membra aptè & cõcinnè fuerint composita, pili euulsi, capilli ad fin-

incipit abradi, labia, genæq; perforatæ, quibus ossa præacuta aut virides lapilli fuerint inserti, auriculæ inauribus traiectæ, corpus variis fucatum coloribus, femora & tibie atro illo fuco è *Genipat* infectæ, collum torque ex minutis cochleæ *vignol* frustulis ornatum: talem certè habebis qualem in ea regione cōspeximus, atque in hac tabella depictū, conspiciendum exhibemus, torque tantū osseo ornatū lapillóque labio inserto in cuius altera manu arcum remissum, in altera sagittas imposuimus.







Præterea ad hanc tabellam implendam, huic *Tououpinambaultio* vnam ex vxoribus suis apposuius, puerulum suum pro more mitellæ xylinæ impositum in vlnis gerentem, qui vicissim vtraque tibia matris latus amplexatur. Lectum etiã è gossipio retis ad formam in aere suspensum adiunximus; fructumque eorum optimũ *Ananas*, de quo postea, depinximus.

Iam verò si alia forma Barbarum animo Epilog. 2. informare placet, ridiculo illo amictu detracto gummi viscosa vniuersum corpus erit perliniendum, deinde plumæ minutim concisæ superiniiciendæ. Hac verò artificiali lanugine indutus vbi fuerit, quàm lepidus sit futurus non necesse est dicere.

Deinde siue naturalem retineat colorem, seu variis coloribus aut plumis fucatus fuerit, Descriptio 3. vestes illas, pileos, armillas plumaceas quas descripsimus adhibeto. Tum maximè ornatum esse constabit.

At si vestes illas, crispatis panni admouere visum fuerit eisque (quemadmodum facere Descriptio 4. eos demonstrauimus) alia ex parte nudis tunicam imposueris, cuius altera manica sit luteo, altera viridi colore, ad certissimas morionis notas perparum deerit. Denique instrumentum *Maraca* his adiungere si lubet, pennarumque fasciculum *Araroye* tergo Barbarorum inter saltandum & potandum ornatus. aptatum, crepitacula quoque ex fructibus tibiis alligata, eam referet formam quã saltaturus aut compotaturus obtinet.



Reliquam Barbarorum in ornandis corporibus industriā, iuxta integram quam ante edidimus descriptionem, vix multi exprimerent typi, qui etiam nisi adhibitis coloribus rem totam commodè haud repræsentarent: veruntamen præter ea quæ iam ante commemorauimus, cum ad arma & prælia eorum ventum fuerit, toto corpore incisos, clauis ligneis instructos truculento aspectu homines dabo. Attamen hos in præsentia omitamus, ornatuque suo & voluptatibus (quibus non imperitè indulgent) frui sinamus. Cultus verò scæminarum quas illi *Quoniam*, & quibusdam in locis ex quo commercium cum Lusitanis habent *Maria* nōminant, quantò sit præstantior dispiciamus.

Americana  
scæminæ nu-  
da incedūt.

Nuditas in primis, sicut initio huius capituli monuimus, cum viris illis est communis, pilos quoque consimiliter omnes euellunt, ne palpebris quidem & superciliis exceptis. Ad comam quod attinet, ab illis differunt: viri enim, ut dictum est, ad sinciput abradunt, ad occiput verò demittunt: scæminæ contra non modò alunt: sed etiam more nostratium frequenter pectere & abluere solent. Quintæ etiam xylina vitta rubro colore infecta constringere & cōplicare illis est familiare. Passis tamen & oberrantibus capillis ut plurimum incedunt, quippe iis circa humeros circumfluentibus & volitantibus delectantur.

In aures mō-  
stroz.

Alterum quoque discrimen in eo positum est, quòd perinde ut viri, labia non perforat:

ac proinde gemmis siue lapillis faciem non exornant. Auriculas tamen adeò traiciunt, vt detractis in auribus digitum capiant: in aures istæ ex prægrandi illa cochlea *vignol* candore & longitudine candelam mediocrem adæquant: quo fit vt humeros, atque adeò pectus ipsum pertingentes si eminus conspiciantur, vestigatoris canis pendulas aures referant.

Faciei verò hunc adhibent cultum. Accersita ad hoc ministerium socia vel vicina circulum penicillo in media gena delineat, in cochleæ verò formam fucum feruleum, flavum, rubrum tantisper circunducit dum uniuersam faciem coloribus illis distinxerit ac variarit: Quinetiam palpebrarum ac superciliarum locum ( quod fœminas parum pudicas in Gallia factitare audio ) penicillo oblini.

Mira Americ. fœminar. fucandarum ratio.

Armillas etiam ex compluribus candidissimis ossium frustulis in squamæ modum incisis contexunt. ea tamen adeò aptè & concinnè cera gummi permixta iungunt, vt nihil suprà. Hæ longitudinem palmi obtinent: ac non malè brachiale illud referunt quo folliculo pellendo vtuntur apud nos. Torques quoque candidissimos quos *Boñ-re* nuncupant gestare illis est familiare: collo tamen non appendunt, qui mos est virorum, sed iis in armillarum modum brachia inuoluunt. Hûc in vsû vitreos globulos flauî cærulei, viridisque coloris quos filo trajectos habeba-

Armille prægrandes ex compluribus ossium frustulis cõpositæ.



mus summè exoptabant, *Maurobi* appellāt. Hos, siue ad earum pagos accederemus, siue ipsæ Castellum nostrum adirent, vt à nobis extorquerent oblati fructibus aut aliis quibusdam, crebrò blandissimis his verbis urgebant, *Mair, deagatore, amabé Mauroubi*. hoc est, Galle, bonus es, da mihi armillas ex vtreis globulis. Eadem prorsus ratione pectines quos *Guap* aut *Kuap* vocāt, specula quæque *Arona* reliquasque merces quibus delectantur flagitabant.

Certum fœminar. Am. de vestibus reiciendis consilium.

Barbararum fœm. de crebra ablutione consuetudo.

Mirum verò mihi præ cæteris hoc videbatur, quòd licet corpus, brachia, femora, tibiasque variis coloribus non ita frequenter distinguant, nec plumarum ornamentis vtantur, vestes tamen ex crispato panno; à nobis sæpiùs vnà cum indusiis oblatas, vt induerēt nunquam impetrauimus. Etenim in ea pertinacia permānebant, à qua nondum demotas esse existimo. Excusationem ex recepta ab omnibus accolis consuetudine captabant, Solere omnes ad obuia quæuis flumina & fontes subsidere, vt hausta manibus aqua, caput aspergant: contingere nonnunquam vt (anatum more) vno die decies immergantur: vestes si toties sint exuendæ, molestissimum fore. Præclarā certè & speciosam causam. Atqui, quā necesse erat admittere, quippe cum illis disceptando nihil promouebamus. Adeò autem nuditas est illis cordi, vt non modò *Touonpinambaultiorum* fœminæ liberæ quæ in continente versabātur, vestes

vestes omnes pertinaciter reiicerent, sed etiam captivæ pretio à nobis emptæ, quibus pro mâcipiis ad Castellum nostrum muniendum utebamur, cohiberi non poterant quin animi gratia, noctu, indusiis reliquisque panniculamētis depositis ante somnum per insulam nudæ oberrarent. Denique si penes eas accipiendarum aut reiiciendarum vestium fuisset potestas, à nobis verò ad eas induendas flagris adactæ non fuissent, æstum solis perferre, lacertosque & humeros lapidibus & humo comportandis lædere maluissent.

Captiva fœmina mirum in modum nuditate delectatur.

Hæc de ornamentis, armillis, reliquoque Americanarum fœminarum mundo paucis fuere dicenda. Itaque nullo addito epilogo prout cuique visum fuerit, animo concipiendas relinquo.

Quis sit infantium ab vtero matris ornatus tum à me dicetur cùm de Barbarorū coniugiis agemus. Hic locus postulat ut aliquid de masculis, hoc est, tertium aut quartum annum excedentibus, quos vulgò *Canomimiri* nuncupant dicamus. His certè non parum delectabamur: siquidem, præ nostratibus puerulis, corpore præpingui, osse candido labio inserto, circumtonsis capillis, corpore nonnunquam depicto, nobis ad pagum accedentibus, gregatim choreas agitantes obviam veniebant. Ut autem aliquid premij à nobis referrent, sæpius blanda ista verbarepetebant *Contouassat, amabé pinda*. hoc est, Socie da mihi hamos. hos si quando à nobis im-

*Canomi-miri* pueruli.



petrabant (quod non rarò contingebat) hamósque decem vel duodecim minores arenæ aut pulveri imponebamus, tum illi confestim exultare, & humi fusi terram instar cuniculorum radebant. Quæ res non minimæ erat voluptatis.

Denique quanvis Barbaros cuiusvis ætatis per annû integrû quo apud eos vixi sollicitè admodum sim contemplatus, adeò vt idea quædam etiamnum animo meo inhæreat: fateor tamen ob varios gestus à nostris prorsus alienos, literis eos picturæ exactè referre difficillimû esse. Si quis igitur plenâ voluntatem ex illis capere cupit, vt ipsam Americam adeat autor fuerim. At verò, dices, non vnius esse iter diei. Id quidem ego confirmo: ac proinde nonnisi cautè suscipiendum esse suadeo. De illorum casis, supellectile, cubandi ratione, aliisque non paucis, prout res tulerit, posthac dicturi sumus. Priusquam autem huic capiti finis imponatur, in eos aliquid dicendum videtur qui aut opinantur tacitè, aut etiam scriptis mandarunt commercium illud adeò frequens cum Barbaris nudis ac præsertim cum fœminis, ad lasciviam & libidinem prouocare: dico igitur, quamvis in speciem nuditas illa concupiscentiæ esca non immeritò censeatur, tamen, vt res ipsa comprobavit, inculta illa nuditate certû est, multò minùs opinione viros ad libidinem pellici. Itaque ausim asseuerare splendidum illum cultum, fucos, supposititias comas, capillos

Barbari cur  
exactè expri-  
mi non pos-  
sint.

Americana-  
rum nuditas  
cultu nostra-  
rum fœmina-  
rum minùs  
noxia.

pillos calamistratos, ampla illa & tanto artificio complicata, amictoria pretiosa, mammillaria, laciniatas & vndantes vestes, cæteraque eiusmodi, quibus scemina nostrates tam sedulo formam mentiuntur, plura incommoda & mala parere, quam faciat Barbararum nuditas, tametsi forma ab illis non vincatur. Ita ut si pluribus servato decoro hæc persequi liceret, efficacissimas huic sententiæ meæ subiicere rationes, refutatis omnibus argumentis quæ in contrariam partem afferri possint. Ac ne diutius immorer, eorum testimonium hic appello qui mecum in Brasiliam nauigarunt, quique vtrasque conspexerunt. Hæc tamen ita accipi nolim, ac si nuditas illa mihi ullo modo contra Scripturæ auctoritatem probaretur. Testatur enim Adam & Euam, post peccatum, agnita nuditate, pudore suffusos fuisse. Eorum etiam detestor hæresim qui violata naturæ lege, non satis hac in parte à miseris nostris Americanis seruata, morem illū turpissimum inuehere moliti sunt.

De Barbaro-  
rum nudita-  
te quid fen-  
tiat autor.

Sed quæ de Barbaris. istis à me dicta sunt  
eò certè tendūt vt constet, nos nihilo minùs  
culpandos esse, qui istis damnatis quòd ab-  
iecto pudore nudi incedant, in aliud externè  
peccamus, cultu nimirum nostro nimio. At-  
que vtinam nostrum quisque in modesto cultu  
habita necessitatis & honesti ratione poti-  
ùs quàm fastus, & vanitatis, vtatur.





## CAP. IX.

De crassis radicibus, & crasso milio, ex quibus Barbari farinam conficiunt, qua in panis utuntur locum: deque eorum potione quam Caou-in appellant.



VANDOQVIDEM externum ornatum habitumque Barbarorum superiori capite accepimus, à recto ordine alienum non videtur, si de eorū cibariis hoc loco differamus. Hoc autem in primis est notandum, licet frumentum nec habeant nec ferant, vitésque minime colant, nihilominus tamen, (quod experientia non semel sum edoctus), laurè admodum eos vivere quantumvis pane & vino carentes.

Sine pane & vino laurè vivunt Barbari.

Aypi & Maniot radices.

Duorum generum radices habent, quibus Aypi & Maniot, nomina indidere: Hæc intra tres quatuorue menses adeò crescunt, ut sint longitudine sesquipedales, femoris crassitudine. Erutas fœminæ (neque enim circa isthæc occupantur viri) igne exsiccatas, Boucano nimirum impositas, nonnunquam etiam recentes, acutis silicibus postis infixis atterunt, prout caseum & odoratas naces corraderè solemus, farinamque candidissimam ex ea conficiunt. Tum verò cruda illa farina, atque adeò succus albus, de quo mox, qui ab ea ex-  
pri-

primitur, recentis & liquidi amyli triticei, a-  
quâ diu madefacti, saporem prorsus refert.  
Adeo ut cum post meum in Galliâ reditum  
alicubi me presente fieret, odor ille memo-  
riam refricauit eius quo Barbarorum casæ,  
tantisperdum ex radicibus farina conficitur,  
perfundi solent.

Ad farinæ istius apparatus scēminæ Bra-  
silienses, vasa fictilia prægrandia, ut pote quę  
singula capiant modia, satis commodè effin-  
gunt. Quibus ad ignem positis farinam im-  
mittunt, continuoque dum coquitur, dissectę  
cucurbitæ altera parte, qua pultarij loco utū-  
tur, permouent. Cocta tragematis minoris  
formam habet.

Duplex istius farinę genus ab illis confici-  
tur: Alia enim percocta est & dura, *Ouy-entan* *Ouy-entan*  
durior fari-  
na. appellant, quam in militiam profecturi secū  
ferunt quod diutius conseruetur: Alia verò  
minus est cocta & mollior, *Ouy-pou* nomi- *Ouy-pou* mol-  
lior farina.  
nant: hæc priore est eò præstantior, quòd dū  
recens ori admouetur ac manditur, panis cā-  
didi medullæ saporem refert. Prior verò ille  
sapor, de quo egi, inter coquendum, in gra-  
tiores & suauiores mutatur.

Quamuis autem hæc farinæ, præsertim re- Farina ex ra-  
dicibus ad  
panem con-  
ficiendū mi-  
nus apta.  
centes saporis sint optimi, summam alendi  
habeant facultatem, ac facilis earum sit con-  
coctio, nihilominus tamen pani conficiendo  
(ut ipse sum expertus) nullo modo sunt aptę.  
Massa quidem conficitur, quæ non dissimili  
à triticea modo intumescit, specieque est op-



tima, ac instar similaceæ candida: inter co-  
quendum tamen aded exsiccat & adurit  
crusta, vt pane scisso fractõe interior pars  
sicca & ad pristinam farinæ formam redacta  
reperiatur. Quibus adducor vt credam eum  
qui primus retulit, (cũ non satis diligenter  
Hist. gē Ind. quod à me dictum est perpendisset) eos qui  
lib. 2. cap 92. viginti duobus, aut tribus gradibus vltra  
Æquatorē porrecti sunt (quos *Tououpinambaultios* esse planè cõstat) pane ex lignis attri-  
tis confecto vesci solitos, quod de radicibus  
istis de quibus agimus est intelligendũ, hal-  
lucinatum fuisse.

*Mingant* pul-  
mentum &  
radicum fari-  
na

Vtraque verò farina pulmento conficien-  
do, quod à Barbaris *Mingant* nuncupatur,  
præsertim si pingui quodã iure diluatur: tunc  
enim orizã refert, atque eo condita modo  
optimi est saporis.

Barbari peri-  
tissimè fari-  
nã in os con-  
iciunt.

Galli ad fari-  
nam in os  
iniiciendam  
inepti.

Cæterũ *Tououpinambaultij* nostri cũ  
viri tum mulieres, nec non ipsi pueruli ab  
ineunte ætate huiusmodi farinam siccã panis  
vice edere consueuerunt. Cui rei adeo apti  
frequenti vsu sunt facti, vt summis digitis è  
figulinis vasis desumptam certa manu, ne mi-  
nima quidem excepta mica, eminũs in os  
coniciant. Hunc morem imitari aliquoties  
tentauimus, at farina illa vultum inspergeba-  
mus, in hoc nimirum negotio minũs exerci-  
tati, ac proinde, nisi mimicos moriones refer-  
re volebamus, cochlearibus vti necesse erat.

Porro radices illæ *Aypi* & *Maniot* inter-  
dum recentes frustatim conciduntur, ex qua-  
rum

rum farina, humida quidem illa, pilæ amplæ à mulieribus compinguntur, è quibus intra manus compressis succum, lactis instar, candidum ac liquidum exprimunt. Eum vasis figulinis exceptum soli exponūt, cuius calore ad modum lactis coagulatur. Edendus verò in patellis testaceis infunditur, ac deinde, prout solemus oua frigere, excoquitur.

Succus ex humida radice expressus esculentus.

Præterea radix *Aypi* non modò ex farinæ usu probatur, sed etiam sub cinere cocta utiliter comeditur: quippe & tenerascit, & diffunditur, castaneæque in prunis coctæ, cuius saporem refert, est persimilis: ac proinde ita parata edulis est maximè. At radice quæ *Mantos* dicitur longè alia est ratio, nisi enim in farinam redacta erit atque percocta, periculosissimè editur.

Radix sub cinere coctus.

Vtriusque caulis, quæ forma inter se sunt persimiles, Iuniperi humilis magnitudinem æquat: foliisque Pæoniæ similitudine. Quod verò in hisce Brasiliensis radicibus, *Aypi* & *Mantos* maximè est admirandum, totum in copia positum est, earum rami qui calamos cannabinos fragilitate adæquant, quantocopia perfringi ac in terram quàm altissimè defigi possunt nulla adhibita alia cultura bimestri aut trimestri spatio radicum copiam gignunt.

Quæ sit radicis cum istarum caulis & foliorum forma.

Mira ratio radices illas propagandi

Mulieres quoque amplum illud milium, de quo dictum est, quòdque vulgò à nobis triticum Saracenum, à Barbaris *Anati* dicitur, præacuto baculo in terram defixo se-

*Anati*, milium amplum.



runt: ex eo item farina ab illis conficitur, quam eodē prorsus modo coquunt & comedunt quo superiorem diximus. At verō crediderim (contra quā à me dictum fuerat prima huiusce historię editione. duo enim distinguebam quæ vbi penitus perspexi, vnū idēque esse iam comperio) hoc *Auari* nostrorum Brasiliensium idem esse cū eo quod Indorum Historiographus *Mais* nominat, quod, vti ipse testatur, Indis frumenti vsum præbet. Illud his verbis describit.

*Mais* Peruanum triticū.

Hist. Gen.  
Ind lib. 5.  
cap. 215.

Harundo *Mais*, inquit, in hominis altitudinem, ac nonnunquam amplius adolescit, fatis crassa est, foliis palustrium arundinum persimilis, spica nuci pinastrio simili, grano amplo, nec rotundo, nec quadrato, nec longitudine cum nostro tritico comparanda, à semente mensibus tribus metitur: imò irriguis locis XLV. diebus. Ex vno grano 100. 200. 300. 400. 500, nonnunquam etiam 600. gignuntur. His abundē docetur quæ sit illius regionis fertilitas, quam nunc Hispani occupant. Quidam scriptis mandauit ad eò fertile esse in Occidentali India solum, vt frumentum, hordeum, miliū denique ad cubitos quindecim adolescat. Hęc sunt quæ panis vicem apud Americanos supplere animaduerti.

Calcondilus  
de bello Turcico lib. 3. cap.  
24.

Americanū  
solum tritico & vino  
accommodatum.

Hispani ac Lusitani qui sedes in illis terris fixerunt magna frumenti ac vini copia abundant, ex quo apparet Brasiliensium oram horum esse maximè feracem. Quòd autem iis rebus Barbari carent, ipsorum inscitie tribuendum esse. Nos verò frumētum & vinea-

rum palmites eò comportauimus, expertique sumus vtrumque illic optimè prouenire posse, si modò agri eo labore quo apud nos colerentur. Vites enim à nobis plantatæ rami fluxerunt, maximo feracissimi soli argumento. Quod ad fructus attinet primo anno racemi nati sunt acidi, qui non modò non maturescerēt, sed etiā in dies indurescerent. At verò quantum à peritis vinitoribus, non ita pridem edoctus sum, constat nouelletæ primo & secūdo anno labruscas nullius pretij plerumque producere. At verisimile est Gallos si vitem illam colere perrexerūt optimas ex ea vuas collegisse.

Frumentum verò secale à nobis fata folia quidem emiserunt, inque stipulam sunt fastigiata, ac spem fecerūt, in spicis nulla grana extiterūt. Hordeum grana permulta produxit, & ad iustam maturitatem peruenit: unde credibile est illud solum nimium celeriter extrusisse frumentum, & secale, quæ diutius in terra foueri expetunt, quàm hordeum, ita vt nec florere, nec grana proferre potuerint. Eam ob causam, quemadmodum in Gallia agros, vt sint fertiliores, stercoramus, contra illam terram assiduo cultu, ac versatione defatigandam esse arbitror, vt eo modo ferēdis frugibus sit aptior.

Quis verò dubitat eadem commoda ex illis terris quæ Lusitani iam percipiunt, Gallos si diutius mansissent, percipere potuisse? Quòd certè fecissent, ac frequenter, nisi Vil-

Americanū  
solū ob pin-  
guedinem  
frumento no-  
stro ferendo  
ineptum.

Apostasia Vil-  
lagagnonis  
in causa  
quòd Galli  
non sint in  
America.



lagagno puriorem Religionem deseruisset, eò commeassent. Ac sanè cùm tellus lōgè plures quàm facit, incolas alere possit: vt ego verè affirmauerim millena me tum præstantissimi totius Galliæ agri iugera possidere potuisse. Atque hoc obiter dictum sit, vt iis satisfiat, qui curiosius inquirunt, an apud Brasilienses frumentum, ac vinum prouenire possint, si modò excolantur.

Vt autem eò redeam vnde digressus sum, priusquam de carnibus, fructibus, piscibus, & aliis Barbarorum cibis, nostris prorsus assimilibus, loquar, vt melius quæ dicenda proposui distinguam, quæ sit ipsorum potio, quæque conficiatur ratione, edisseram.

Brasil. formi-  
næ potum cō-  
ficiunt.

Hic primò notandum est, viros, vt in paranda farina operam non ponunt, sed curam illam mulieribus relinquunt, illud idem hoc in negotio illis vsuuenire. Quin à conficienda potione multò religiosius cauent, præterquàm quòd radices *Aypi*, & *Maniot* eo modo quod diximus, paratæ, præcipuum ipsis cibum subministrant, potionem quoque ex illis hac ratione conficiunt. Eas in primis postquam minutatim considerunt quomodo hinc rapas ollæ iniiciendas, solent, inque vasis luteis sufferuefaciunt, quoad mollescant, emollitas ab igne remouent, ac desuerescere sinunt. His ita expeditis, earum pleræque circa ingentia illa vasa sedentes frustra illa mollita mādendo comminuūt, deinde singula manu ab ore excipientes in aliud vas igni impositum deijciunt,

ciunt, vt ibi rursus ferueât: baculo autem continuo agitant donec satis ferbuiffe iudicent: tum secundo à flammis ablatum in alia vasa è cannis, quorum singula cadum minorem Burgundium æquant, minimè colatum reponunt: vbi verò rursus ferbuerit, despumatumque fuerit, cannas illas operiunt quoad, eo quo dicemus modo, ebibant. Vasa porro illa de quibus vltimo loco dixi, figuræ earum cuparum imitantur, quibus ad lixiuiû passim vtuntur Borbonij, & Auerni, ore tamè aliquantò angustiore.

Eedem quoque Brasilienses sceminæ feruefacientes, ac ore mandentes milium illud <sup>Potus ex milio.</sup> quod *Auati* nominât, potum eadem prorsus ratione conficiunt cum superiori. Nominatim verò sceminas eâ artem exercere repeto. Nam quamuis distinctionem inter virgines & mulieres, quæ propterea non abstinent à virorum consortio (vt malè Theuetus scripsit) ea in re nō viderim: nihilomin⁹ hoc sibi <sup>Sing. Amer. cap. 24.</sup> firmiter persuadent Barbari, potionē nullius saporis futurâ, si radices aut milium ipsi mandant. Deinde tam hoc indignum arbitrâtur, quàm ineptum est quod à rusticis Segusianis fastitatur, qui & nent, & colum gestant. Hanc potionem Barbari vocant *Caou* in quæ sub-turbida & spissa est, ac ferè lactis saporē imitatur: rubeam etiam habent, & albam, vt & nos vinum.

Quoniam autem radices istæ, ac milium quolibet tempore in eorum regione proue-



niunt, ideo quotiescunque visum est potum eiusmodi conficiunt tanta copia, vt semel plusquam triginta cados sexagenum sextariorum Parisiensium in ipsorum ædibus dispositos viderim: vbi pleni, opertique remanent donec illi ad computandum conueniāt. Priusquam verò quæ sit computandi ratio referam, exclamando præfari liceat. Procul estote Germani, Flandri, Heluetij, omnesque adeò qui strenuè potando palmā petitis. Vos enim audito Barbarorū potandi modo sponte illis cessuros esse video.

Amerieani  
potatores  
eximij.

Caou-in ante  
quam bibant  
calefaciunt.

Ergo cūm potationem aggrediuntur, præsertim cūm captiuum mactare adhibitis solemnibus ceremoniis, de quibus postea scemina lentum ignem circa vasa accēdunt, vt potus ille tepescat. tepido enim delectantur, contrario prorsus à nostro more, qui vinum frigidissimum expetimus. Id vbi factum est, primūm aperiunt cadum, & poculorum loco cucurbitæ amplè altera parte, quæ tres Parisienses sextarios capiat, hauriunt. Tum viri saltando ad illas accedunt, plenosque cyathos ab ipsarum manibus accipiunt, illæque identidem bibunt, & vno haustu plena pocula absorbent. Haustus verò tantisper repetunt, dum in cadis omnibus vel vna *Caou-in* gutta restat. Ego quidem ipsos tres dies & noctes continuè bibentes conspexi: quin etiam cūm vsque adeo esset expleti, potūque oppressi, vt oneri ferendo impares essent, operi sese denuò applicabant, quia incepti cerami-

taminis defectio ignauiam argueret.

Illud quoque est obseruādū, Tououpinā-  
baultios inter bibendum nihil edere atque Tououpinā-  
baultij inter  
edendum nō  
bibunt.  
inter comedendum omnino non bibere: quo  
suebat vt nostrum viuendi morem valde mi-

rarentur, cū nos alternatim bibere, ac ede-  
re conspicerent. Ac si quis eos hac in re cum  
equis comparet, faceti cuiusdam responsum  
afferam, qui dicere solebat discrimen in eo  
esse, quod Barbari aquatum minimè essent  
deducendi, quodque periculum non esset ne  
postilenas abrumpere cogerentur. Et quam-  
uis ad cibum sumendum horam statutā non Barbari quo-  
ties esuriunt  
edunt.  
habeant, sed ad libitum urgente fame, vel de  
media nocte comedant, neque vllum in bi-  
bendo modum seruent, in cibo tamen maxi-  
mè sunt sobrij. nonnulli os manūsque ante,  
ac post pastum abluunt: quod ad os spectat,  
id fieri puto, quod alioqui viscoso humore  
impeditum illis esset futurum, propter eas fa-  
rinas quibus panis loco, vti diximus, vtūtur.  
Mirum illi silentium tempore cibi obser-  
uant, ita vt in aliud tempus referāt ea de qui-  
bus colloquuturi sunt. Nos autem cum vio-  
lato ipsorum instituto, vt in Gallia vsuuenit,  
inter prandendum sermones misceremus, ab  
illis irridebamur.

Itaque tantisper dum hæc celebratur com-  
potatio, Americani hilares canunt, saltant,  
choreas agitant: quin etiam se mutuò hortan-  
tur vt in bello sint strenui, & quamplurimos  
hostes capiant: deinde instar gruum ordine



dispositi saltant per domum in quam conue-  
nerant, cursitant, donec cados penitus ex-  
hauserint.

Ebrietatis  
Barbarorum  
argumentum.

At certè quòd ebrietatis palmam referant  
non infirmum hoc est argumentũ, quòd nō-  
nulli in istis symposiis 4. Caouini sextarios  
exhauriant: sed tum maximè sunt, quum plu-  
mis instructi (vti antea diximus) captiuũ ali-  
quem mactant, & deuorant: tunc enim Eth-  
nicorum more Bacchanalia sua celebrāt. Par-  
cius quidem vicini inter se in pendulis illis  
lectis è gossypio contextis sedentes compo-  
tant: sed cum singuli alicuius pagi incolæ  
conueniant sapius ad computationes im-  
modicas, nunquam ad cibos, hoc fit vt rarò  
mediocres illæ & modestæ computationes  
locum habeant.

Nusquam verò, ad computationes seu me-  
diocres, seu immensas accedunt, quin (vt an-  
tea diximus) ad expellendas sollicitudines ad  
choreas conueniant. Sed præterea peculiare  
hoc est iunioribus nondum coniugatis vt  
pennarum fasciculis tergo annexis, & *Ma-  
raca* manibus admoto, nec nō aridis illis fru-  
ctibus traiectis filo, tibiisque aptatis strepitũ  
edentibus, (vt antea dictum est) totā noctem  
huc & illuc circumcursent ostiatim saltātes:  
ita vt iis visis & auditis sapius in mētem ve-  
niret eorum insania, qui in quibusdā Galliæ  
locis vernaculè Famuli dicuntur. Solent isti  
tempore cōstituto sanctis & patronis vniuf-  
cuiusque parœciæ summa cum pompa decer-  
nen dis

nendis stultorū amictu incedere, tibiis multis tintinnabulis resonantibus, atque adeo per ædes & plateas choreas agitantes, ac maximè Pyrricham illam saltationem, huc & illuc diuagari.

Hic verò quiddam notatu dignum succurrit, in omnibus Barbarorum choreis, siue alij alios consecretentur, siue in circulum disponantur, vt pluribus alibi dicturi sumus, nusquam tamē mulieres aut puellas viris interferi: quin potiùs seorsim saltare solitas.

Mulieres si-  
lieque à Bar-  
barorum cho-  
reis sejun-  
ctæ.

Priusquam verò narrationem institutā de computationibus nostrorum Americ. cōcludamus, faciam admodum historiam, tragicam tamen recitare placet, vt à nemine ignoretur quàm largè essent vinum hausturi si copia illis suppeteret. Quidam *Moussacat*, id est paterfamilias mihi narrauit.

Contigit nobis non ita pridem (inquit vernacula lingua) vt dromadē *Peros* (sic illi Lusitanos cum quibus inimicitias gerunt, nuncupant) opprimeremus, mactatis & deuoratis quos in ea nacti sumus hominibus, cum merces eorum à nobis expilarentur, prægrandes offendimus *Caramemos* ligneos (quo nomine dolia, & reliqua vasa significant) potione quadam oppletos: Quibus ab altera parte apertis ecquid rei inesset periculum facere placuit. Ego verò (inquebat vetulus ille) quodnam esset genus illud ignoro, nec satis scio an etiam apud vos tale exstet. Hoc tamē scio nos ybi ad satietatem potauimus, totos tres

Faceta Brasi-  
liensis *Moussa-*  
*cat* de vino  
narratio.



dies ad eò sopitos fuisse, vt ægrè excitati tertio die fuerimus. Plena nimirum fuisse vasa illa conijcio generoso Hispanico vino, quo imprudentes Barbari Bacchi festum celebrarint. Mirum proinde non est vini illius vaporibus correptos, cõfestim sopitos fuisse prout ab illo vetulo referebatur.

Nos verò commanducatum illum sceminarum in suo *Caou*-in conficiendo initio abhorrebamus: quem vt vitaremus, radices aliquot *Aypi* & *Maniot* cum quadam milij copia contusas feruefecimus gratiorem potum confecturos nos esse opinantes: sed experientia edocti sumus rationē hanc nō succedere. Quo factū est vt paulatim Barbarico *Caou* in assueuerimus: Attamen illius vsus nobis non fuit perpetuus. Nam saccari cannis, quarum copia nobis suppetebat in aquam refrigeratā ob perpetuum regionum illarum æstus, per aliquot dies madefactis, potum parabamus gratissimi saporis. Frigidam quoque nonnūquam bibebamus. Illic enim fontes sunt limpidissimi, flumina quoque aquæ dulcis, ob aeris temperiem ita probatæ & salubris, vt nemini quantumvis largē pota periculum crearet. Hic mihi succurrit, aquam dulcem à Barbaris *vhete*, salsam verò *vhéen* appellari. In qua dictione efferenda præ cæteris laborabamus: ab illis enim imo gutture pronuntiatur, quo modo suas gutturales Hebræi solent efferre. Denique quia non dubito quin ea quæ radicibus & milio sceminarum dentibus at-

tritīs

Aquæ Brasiliensis optimæ.

trititis ad *Caou-in* parandum diximus stoma-  
 chum multis ad nauseam vsque mouerit, quò  
 fastidium illud abstergant, peto ab illis vt ra-  
 tionem qua mustum apud nos exprimitur a-  
 nimo repetât. Enimuero si vinitores, vinde-  
 miarû tēpore, in iis præsertim locis quæ vina  
 generosissima gignât, nudis pedibus, nōnun-  
 quam, calceis indutis labra vinaria ingredi  
 vuâsque calcare, inque ipsis torcularibus im-  
 mundissimè tractare meminerint, multa cō-  
 perient non mundiora illo radicum commā-  
 ducatu. Si verò quis instet feruendo ac de-  
 spumando vinum purgari, respōdeo *Caou-in*  
 quoque eadem penitus ratione sordes omnes  
 abijcere, ac proinde parem vtriusque esse hac  
 in parte rationem.

*Caou-in* cum  
 vino colla-  
 tio.



## CAP. X.

*De feris, pragrandibus lacertis, serpentibus aliis-  
 que America monstruosis animantibus.*

**P**RIVS QVAM vlteriùs progrediar,  
 statim ab initio huiusce capitis le-  
 ctorem breuiter admonere visum  
 est, nullas è quadrupedum genere  
 animantes, figura nostratibus omnino simi-  
 les in toto Brasiliensi orbe reperiri, neque  
 solere *Tououpinambaultios* ex istis aliquas nisi

Animalia in  
 America na-  
 scuntur à no-  
 stris prorsus  
 dissimilia.



Tapironsson fe-  
ra quæ asinū  
& vaccam  
refert.

perquam rarò cicuratas domi educare. Vt  
autem generatim describam animantes fe-  
ras, quæ à Barbaris *Soo* appellantur, ab iis  
quæ vsui humano accommodatæ sunt face-  
re initium decreui. Primo illa videtur loco  
esse ponenda, quæ & vulgaris est maximè  
hanc *Tapironsson* appellant, pilo subrube-  
scenti atque promisso, vaccam magnitudi-  
ne ac forma valde referentem. Attamen-  
tum cornibus careat, sitque contractiore  
collo, auriculis longioribus & pendulis, sic-  
cioribusque tibiis atque gracilioribus, vngu-  
la continua & asini vngulæ persimili, meritò  
quis eam vaccæ asinique naturæ participem  
esse diceret. differt nihilominus ab utroque  
plurimum, quòd & breuissimam gerat cau-  
dam, (obiterque hîc monendus est Lector,  
permulta in America gigni animantia, quæ  
omniò sine cauda sint) & dentes habeat  
multò acutiores. nec hominibus propterea  
quidquam periculi ab ea potest creari, quum  
in fuga potius, quàm in viribus salutem po-  
nere consueuerit. Eam Barbari sagittis con-  
fixam, vt & alias plerasque interficiunt, aut  
fossa excauata, decipulisue alius modi inge-  
niosè fabrefactis, venari solent.

Parmæ ex co-  
rio *Tapironsson*

Cæterum fera illa, magno est in pretio apud  
Barbaros, pellis gratia quam simulatque  
illi detraxerint, dorsi corium in orbem circum-  
cidentes, ad solem exsiccant, in parmasque  
fundi mediocris cadi magnitudine confor-  
mant, quibus in bello tela hostium excepta  
repel-

repellunt. Tantam verò duritiem pellis ad solem siccata cōtrahit, vt nullius ictu teli quārumuis magno impetu vibrati, transigi posse, faciliē credam. In Galliam duas eiusmodi parmas studiosē efferebam: redeuntibus verò fames ita molesta fuit, vt omni comineatu assumpto, ne Cercopithecis quidem & psittacis, eiusdemque generis animantibus exceptis, quæ ex regione illa nobiscum aduehebamus, parmae illæ duæ, carbonibus impositæ, fuerint etiam ad depellendā famē comedendæ: quibus reliquæ pelles, quæ, vt suodiciam loco, in navi erant, additæ sunt.

Porro *Tapirousson* caro ad bubulæ gustū ferè accedit. Hanc suo Barbari more coquunt, *Tapirousson*  
carnium fa-  
por.  
*Boucanare* patria lingua appellant. At quoniam vocabulum illud iam vsurpauit, & postea sæpius repetendum erit ne diutiùs letor hæreat, oblata occasione, quid hoc rei sit exponam.

Americani defixis in terra ligneis quatuor furcis crassitudine brachij, trium pedum interuallo, quadrati figura, æquali verò trium ferè pedum altitudine, baculos in transuersum duobus à se inuicem distantes digitis superimponunt, itaque ligneam cratem comparant: hanc sua lingua *Boucan* nominant. In ædibus permultas huiusmodi crates habent, quibus carnes in frustra concisas imponunt & lentō igne siccis è lignis excitato, vt ferè nullus existat fumus, quādiu fert voluntas coqui hunc in modum patiūtur bis horano

*Boucan & Bar*  
barorum  
culina.

Conseruandorum ciborum apud Amer. ratio



spatio inuerfas. Et quoniam sale cibos minimè condiunt, quemadmodum hîc mos est, vno tantùm coquendi remedio vtuntur ad eorum cōseruationem. itaque etiam si 30. vno die feras quales hoc capite describem⁹ essent venati, omnes frustatim concisas illis cratibus ingererent, quàm citissimè fieri posset, ne corrumperentur: ibi sæpiùs circumactæ aliquando plus quatuor & viginti horis torrētur, donec pars interior carniū æquè cocta sit atque exterior, eaque ratione omnes sint à corruptione tutæ. Nec in piscibus apparandis & conseruandis alia est ratio, quos quū nacti sunt, magna copia ad farinam conficiendam

Farina è piscibus.

Humanæ carnes Boucan impostæ.

exsiccant, eos præsertim quos patria ipsi lingua *Piraparati* vocant, qui germanissimi sunt muli, de quibus dabitur aliàs dicendi locus. Istæ autem crates apud Barbaros carnaria & promptuaria meritò habenda sunt: ideòque vix eorum pagos adire licet, quin ferarū pisciūque carnibus onusta conspiciantur: sæpiùs etiā vsuuenire solet, vt postea dicemus, si adeas Barbaros, vt istiusmodi crates humana carne refertas, quàm scilicet, de victis hostibus interficiendis & comedendis, vt optima spolia reportant, intueare. Hactenus de Americana *Boucanatione* dictum sit, cui cum Barbaris placet elixæ carnes succedunt, quod cum bona Theueti venia scribā, qui hoc negare ausus est.

Vt autem inceptā ferarum descriptionem persequar, secundæ magnitudinis partes deferen-

ferendæ videntur cuidam ceruorum generi, <sup>Seouassou ge-</sup>  
 quod illi *Seouassou* nominant, sed cum hoc <sup>nus ceruo-</sup>  
 differunt à nostris, quòd multò sint humilio- <sup>rum-</sup>  
 res, quòdque minora gestent cornua, tum e-  
 tiam illo, quòd æquè pilos demittant, atque  
 nostrates capræ. Aper autem Americanus,  
 quem illi *Taiassou* vocant, corporis mole, <sup>Taiassou aper</sup>  
 auriculis, capite, pedibus, atque iis quæ apud  
 nos gignuntur forma valde similis est, denti-  
 bus etiam & prolixis & acutis, vehementer  
 damnosus: tamen cum & macilentior existat  
 & gracilior, si endeatque terribiliter, illa quo-  
 que deformitate insignis est. Habet à natura <sup>Sues quibus</sup>  
 foramen in dorso, quemadmodum in capite <sup>foramen est</sup>  
 suem marinum habere dixi, quo spiritum e- <sup>in dorso:</sup>  
 mittit adimittq; Ne quis verò istud prodigio <sup>Lib. 5. cap.</sup>  
 sum existimet, Autor Gener. Indic. Hist. 204:  
 memoriæ prodidit apud Nicaraguenses qui  
 non multum à noua Hispania distat, sues nas-  
 ci quibus umbilicus in dorso est: qui procul  
 dubio, ad idem genus cum iis de quibus hîc  
 trado, reuocandi sunt. Cæterum *Tapiroussou* <sup>Maxima A-</sup>  
 & *Seouassou* & *Taiassou* reliquas Brasiliensis <sup>mer. animas</sup>  
 oræ feras magnitudine superant. <sup>tia.</sup>

Est quoque apud Americanos fera quædā  
 rufa quam *Agouti* nominant nefrendis tri- <sup>Agouti nefre-</sup>  
 ginta altitudine, pede bifido, breuissima cau- <sup>dis ceruus:</sup>  
 da, rostro & auriculis ferè leporinis, palato  
 gratissima. Sunt & aliæ duorum aut trium  
 generum quas *Tapitis* appellant, nostrati-  
 bus non absimiles leporibus, subrubescenti  
 autem pilo.

*Tapitis* lepō-  
 ris genus.



ures sub-  
rafi.

In sylvis quoque magnas venantur for-  
ces sciurorum pilo & magnitudine, quæ ad  
cuniculorum delicias accedunt.

Pag animal  
maculis di-  
stinctum.

*Pag* aut *pague* (quonâ enim modo id pro-  
nuntient, vix ac ne vix quidem intelligas) fe-  
ra est altitudine mediocri venatici canis, ca-  
pite deformi, carne ad vitulinæ gustû acce-  
dente, pelle pulcherrima, & maculis albis,  
leucopæis, nigrisque distincta, vt maximi apud  
nos pretij futura esset, si modò nanci-  
scerentur.

*Sarigoy* foeti-  
dum animal

Alia etiam inuenitur, quam *Sarigoy* appel-  
lant, quæ ob foetorem à Barbaris non com-  
ditur: Nos autem quibusdam excoriatis, &  
detracta renum pinguedine, vnde foetor ille  
manabat, sine fastidio edimus: carne enim  
cûm tenera, tum optima est.

*Taton* armata  
squamis

Est etiam illa quam *Taton* vocant. Hæc  
non adeò cursu valet, veruntamen (vt apud  
nos hermalei) per dumeta reptans, durissi-  
mis est armata squamis, ita vt gladio trans-  
uerberari nequeat, pellem etiam illi detra-  
ctam, ex qua Barbari permultas compingunt  
cistas. Caramenos ipsos nominatas, si com-  
plicaueris, digitalia esse militaria dices. Car-  
ne candida est, optimique saporis. Quod  
autem ad figuram attinet, tantæ proceritatis  
nullam videre licuit, quantam expressit Be-  
louius suarum obseruationum extremo li-  
bro tertio, vbi tamen Brasiliensem *Taton* no-  
minatum designat.

His etiam animalibus, quæ apud America-  
nos

nos frequentissima sunt, adduntur Crocodili *Iacare* dicti, instar humanæ coxæ, longitudine iusta. At tantum abest ut noceant, ut plenæ istis Iacaris Barbarorum sint domus, puerique sine ullo periculo cum iis ludent. Nihilominus audiebam senes commemorantes, dum peregrinarentur, se à nescio quo Iacarum genere peti, à quo se magna difficultate sagittis tuerentur. Illud cum appropinquare homines persentisceret ex arudinibus erumpere dicebant, & impetum in obuium quemque facere.

*Iacare* Crocodili.

Cæterum ut illa omittam quæ Plinius & alij de Crocodilis, qui in Nilo degunt, memorie prodidere, vniuersalis Indiar. Hist. scriptor illis in regionibus infestos fuisse Crocodilos, ad urbem Pamaña refert, qui plus ceterum pedes in longitudinem patebant: quod mihi quidem mirabile & portentosum videtur, tantum abest ut affirmem, quemadmodum falso Theuetus obiecit, eo in libro quæ de viris Illustribus edidit, de suo fabulari Quoniā beco verba faciens: à qua calumnia quem margini adscripsi, author me vindicabit. Eis autem Crocodilis quos mihi videre cōtigit, os erat valde patulum, alta crura, cauda verò nec rotunda, nec acuta, sed ad extremum tenuissima. Vtrum autem, ut quidam scripsere, superiorem mandibulam moueant, ingenuè fateor me non obseruasse. Venantur insuper Americani lacertas, *Tonous* illi appellant, ut nostrates rerum leucopeas & pelle variega-

Lib. 5. cap. 196.  
Crocodili portentosa magnitudinis.

*Tonous* lacertes.



ta, vt noſtrates paruæ lacertæ. Et quâuis longè ſint quatuor, aut quinque pedes, iuſta craſſitudine, ideóque forma terribili, nihilominus in ranarum morem flumina paludèſque incolunt, nemini noxiæ. Addam pelle illis detracta exenteratæ ſi coquâtur ſummè delicatæ eſſe, nihil vt in America guſtauerim ſuauius. Carne enim ſunt, vt apud nos capones alba, delicata, tenera, ſuaui, vt nihil ſupra.

Maximæ in  
America e-  
dules lacer-  
tæ.

Edules in  
America Bu-  
fores.

Initio tamen ab iſtarum guſtu abhorrebam, poſteà verò quàm primum attingi, quod ad cibos artinet, ferebât apud me primas lacertæ.

Buſones quoque permagnos habêt Touou pinâbaultij, quib⁹ minimè exenteratis, toſtis veſcuntur. Quâ verò & medici doceât & vulgo etiam notum ſit, & perſpectum carnem, atque ſaniem, & quicquid adeò buſonis eſt, lethale eſſe, facile quilibet me tacente propter illius regionis temperiem, aliâue de cauſa, quæ me lateat, vſu venire vt illic buſones, vt ſunt apud nos, minimè ſint venenati atque periculôſi.

Americani  
permagnos  
ſerpentes co-  
medere ſo-  
lent.

Comedunt etiam ſerpentes craſſitudine brachij, quinque ferè pedum longitudine, quinetiam animaduerti Barbaros, vt de Crocodilis commemorauimus, genus quoddâ ex nigro & rubeo diſcolor, domum afferre interque vxores & liberos proijcere, ita ſecuros vt manibus cōtrectarent. Haſ immanes anguilas terreſtres, fruſtatim conſcindūt apparânt que. Inſipidæ tamen ſunt & per quàm exigui ſaporis.

Diuerſi etiam generis ſerpentes apud eos gignuntur, & in fluuiis præſertim, ubi oleum inſtar virides apparent: longi atque graciles, quorum iſtus maximè noxiuſ eſt. nec non in ſyluis exiſtunt lacertæ, præter eas de quibus ſupra mentionem fecimus valde periculoſe vt ex narratione quam ſubijciam patebit. Itaque quum aliquando duobus Gallis comitantibus iter facerem viſendæ regionis gratia, neque vt mos erat, vię duces Barbaros haberemus, ideoque oberraremus in ſyluis, vallẽmque profundam pedibus metiremur, audito ſtrepitu venientis animalis ad nos cuiuſdam, imbellem eſſe feram opinati, non ſecus iter inceptum perſequentes ſecuro eramus animo. Statim verò ad dextram triginta fere paſſuum interuallo, in colle lacertum conſpicimus: corpore humano craſſiorem quinuꝝ aut ſenuꝝ pedum. Ille in modum Oſtrei ſquamis albicantibus & aſperis totuſ, altero pede anteriori erecto, capite ſublimi, collucẽtibꝝ oculis noſ intueri cœpit. Quare attoniti (nemo enim fortè noſtrũ ſclopẽttam tuꝝ ferebat, gladiis tantũ eramus accincti, arcuſque nobis ſuppetebãt & ſagittæ, quæ tela illi monſtro tam duris armato ſquamis nocere non admodum poterat, nihilominuſ veriti, ne ſi fuga nobis conſulere vellemuſ celeritate ſuperiuſ noſ vnà conficeret) alter alterum trepidè quũ intueretur, eodem in loco ſtetimus. At poſtquam ille prodigioſuſ & formidabilis lacertuſ, ore aper

Autoris de  
prodigioſa  
lacerta com  
memoratio.



to, & quòd æstus magnus esset (suum enim erat meridiano ferè tempore) altè anhelans, ut facillè exaudiremus, per quadratè horæ nos esset intuitus, derepentè mōtis verticem petiuit, tanto fragore virgultorum, atque ramorum, quantum ceruus syluam cursu pererrans vix ederet. Itaque nos, qui tum valdè timueramus de illo insequendò non admodum solliciti, Deo liberatori gratias egimus, & institutum iter denuo sumus aggressi. Mihi autem eorum opinionem recolenti, qui affirmant lacertum aspectu hominìs delectari, visum est illi monstro tantum placuisse intuitum nostrum, quantum eius angebamur præsentia. Nec non apud eos fera gignitur è præda victum quærens, quam appellat, *Ian-ouate*. Ea ferè tibiaram altitudine & velocitate canem equat venaticum, circa mentum verò pilo est promisso, pelle variegata, pulcræque instar lyncis, ac in reliquis vehemèter illi similis. Barbari non immeritò feram illà valdè reformidant. Nam cum prædæ sit assueta, quemadmodum & leo, si quem eorum assequitur in frustra concisum devorat. Illi verò ut sunt vindictæ appetentes, nec quid eorum quæ molesta sunt inultum esse patiuntur, si quā excauatis ea de causa foueis alioue decipulorum genere intercipient, sagittis confixam pluribus, quò diutius langueat, lèrè interficiunt: utque facillius pateat, quàm malè fera illa cum Barbaris agat, cum aliquando quinque aut sex Gallorū de comitatu, hæc trāsirent

*Ian-ouate* fera hominibus infesta.

firent, monebant Americani vt nobis à *Ian-ouare* crueremus, quòd illa ipsa hebdomade tres crudeliter mortales in quodam eorum pago absumpsisset.

Addendum verò huic editioni Latine existimaui, Americanos ante Villagagnonis expeditionem canes nunquam vidisse: ideòque cum permagnum ex venaticorum genere canem intuerentur, quem cum aliquot paruulis eò aduexeramus, nobisque ille applauderet, propterea quòd vt antea commemorauì, ad *Ian-ouare* formam accedit, obstupescébāt, ab illòque refugiebant. Ea de causa etiam Gomara in generali sua Indiarum historia testatur, anno 1509. cum Christophorus Columbus primùm ad Insulam Beringuam appulit, quæ & S. Ioannis nomine insignitur, huiusce regionis Indos, qui cum Hispanis bellū gerebant, vehementer canem subrubidum timuisse, quietiā duorum ferè sclopetariorum erat loco: propterea quòd non modò in Barbaros ferociter impetum faciebat, verùm etiam socios ab hostibus discernens quātumuis prouocatus minimè illis erat molestus, quin etiam Caribas recognoscens (pessima & maximè detestanda illarum omnium regionum natio) fugientes persequeretur in mediam vsque hostium aciem, qui etiam tantum excitatus, nulla quiete fruebatur, quousque arreptum hostem dilaniasset: pro Hispanis tam dextè præliabatur, vt illo comitari tam alacriter aduersus Indos pugnaret quàm si

Canes primū ab Americanis conspecti.

Cap. 44.



Cap. 62.

Cay cerco-  
pitheci.Cercopithe-  
corum in  
parulis è  
periculo eri-  
piendis, in-  
dustria.

tres in suo numero habuissent equites. hic tamen canis dum nescio quem Caribam nãdo persequitur, venenata sagitta ictus oppetit, dominumque tristem admodum reddidit, lætantesque Indos. Sic & Vallouas Hispanorum centurio fortissimus cum primū Australē patefecit Oceanum, emissis quos habebat canibus in Indos, qui aditu illum arcebant, Barbari tanto timore sunt perculsi, ut fuga sibi cōsulere cogerentur, Vallouēque canes tam profuerint quàm milites omnium præstantissimi. Insuper multi reperiuntur in Brasiliensium ora Cercopiteci, paruuli atque nigri, quos illi Cay vocant, quibus describendis supersedebo, propterea quod nobis sunt notissimi. Vnum hoc tantum dicam, quum in arborum cacuminibus, quod fructu quodam filicis vestito, instar fabarum nostratiū viuunt, procelloso præsertim tempore acerrime garriant atque clamitant, iucundissimos esse tum aspectu tum auditu. Cæterum, cum vno tantum partu, vnicum edat foetum, Cercopithecus simul atque editus est in lucē, ea naturali præditus est industria, ut à collo patris matrisue firmissimè pendeat: itaque si venatores ingruāt, parentibus per ramos desilientibus via etiam fuga abripitur: Quod certè incredibile videri non debet cum Mathæolus Commētariis in Dioscoridē editis, Plinio atque Aristotele authoribus affirmet, tam amātes prolis esse muscelas, ut teneram adhuc ore comprehensam, huc & illuc circū-

ge-

gestent. Quin etiam animantibus est omnibus illud à natura tributum, vt non modò conseruandæ prolis studio teneantur, sed etiam ad id efficiendum sagacitate mira sint præditæ. Quâ de causa non faciliè Barbari Cercopithecus quacûque sunt ætate venari possunt: sagittis tamen vulneratos deiiciunt de arboribus, ac deinde sanatos, & aliquâtis per domi cicuratos cum mercibus commutant. Verùm initio adeò sunt feri vt attrectantium digitos dentibus conuulnerèt, adeò vt morsu dolore cogantur illos sepius iectibus conficere.

Modus capiendorum Cercopithecorum.

Est quoque apud Americanos alterius generis Cercopithecus, quem ipsi *Sagouin* nominant, crassitudine Sciuri, eodémque piloruso: Quod verò ad formam attinet rostro, pectore, collo, reliquisque ferè partibus leonipersimilis, andæ etiam, nulli paruulorum animalium pulchritudine cedit, quos quidem illic viderim. Et si tam faciliè mare transmitteretur quàm cætera, multò maioris esset pretij. Sed cum tam infirmo sit corpusculo, vt vacillantem nauem ferre non possit, ea etiam est superbia, vt vel minimùm, offensus, ædio vitam cum morte commutet. Hic tamē quidam reperiuntur, mihi que fit verisimile eam esse bestiolam, de qua Marotus suum induxit loquentem seruulum, cuidam zoilo cui nomen erat Sago: alludēs enim Cercopithecici nomen esse dicit Sagonem. Vt autem fatear ingenuè quòd res est quamuis fuerim curiosus

Sagouin pulchrum animalculum.



me, omnibus animantibus Americanis obseruandis, non ita fuisse diligentem, quam optarem, nihilominus vt semel finem faciam, duo adhuc describā genera, quæ figura sunt prodigiosa vtquæ maximè.

*Hay* deforme animal

Vnum quod Barbari *Hay* vocant, magnitudine canis est, facie Cercopithecæ, vëtre pedulo, quemadmodum Scrofæ parturientis, pilo leucopeato valde dilato, longissimâ cauda, pedibus in morem Vrsi villosis, prolixis vnguibus: vt autem dum in syluis agit, valde sit ferum, captum nihilominus cicuratur facillimè. Nudi autē Tououpinambaultij non libenter cum illo colludunt, propterea quòd tum longos habeat vngues, tum acutos. Cæterum (quæ res fortasse videbitur incredibilis) audiui & à Barbaris, & à quibusdam interpretibus qui diu in America sunt commorati, neminem vnquam vidisse tum in syluis tum domi animal illud cibo frui, vt quidam aura illud viuere opinentur.

*Coaty* rostro prodigioso largo.

Alterum, de quo etiam mihi dicendum est, à Barbaris *Coaty* appellatum, altitudine leporis est, breui pilo & maculoso, auriculis parvulis & acutis, capite cum paruo, tum ab oculis eminente rostro, plus pede vno longo. scipionis instar tereri, subitò ad extremum decrescente, ita vt æquè sit omnino crassus, ore ita angusto, vt vix auricularem digitum recipiat. nullū prodigiosius inueniri potest: deinde cum hæc est capta fera collectis quatuor pedibus, aut in alterum vergit latus, aut

con-

conceidit, neque vnquā erigi, neque cogi potest vt vascatur nisi præbeatur formicæ, vnde etiam in syluis sibi victum parat. Octauo ferè die, quo ad Villagagnonem venimus, Barbari eius generis ferā ad nos attulerunt, quæ ob nouitatem omnes magna impleuit admiratione. Nam, vt commemorauī, cū si cum nostratibus conferatur sit valde prodigiosa, sæpe à quodam ex nostris familiaribus excellenti platore summopere contendī, vt tum illam, tum plerasque ceteras, non tantū admirabiles verū etiam nobis incognitas, penicillo representare vellet, quod maximo dolore meo nunquam ab illo impetraui.



## CAP. XI.

*De varietate Americanarum auium. De vesper-  
tilionibus, apibus, muscis, aliisque regionis il-  
lius insectis.*

**H**OC etiam caput, quo de auibus agam, ab iis ordiri placuit, quæ *Oura* auge. victui humano sunt accommodatæ, generalique vocabulo à Tououpinambaultiis *Oura* nominantur: maximam illi habent earum copiam gallinarū, quibus ab India cognomen addimus easque



*Arignan-ou-  
sou Gallinæ  
Indicæ.*

*Arignan-mi-  
ri Gallinæ  
nostrates.*

*Arignan-ro-  
pia ouum.*

*Gallinarum  
magna copia  
in America.*

*Vpec Anates  
Indicæ.*

*Arignan-ou-sou* appellant : me non ab eo tempore quo Lusitani apud Barbaros agūt, gallinas etiam nostrates alere solent, ipsis *Arignan-miri* dictas. Quamuis autem ut alias commemoravi, candidas plurimi faciāt, ut plumis auulsis, rubroque infectis exornēt se atque vestiant, ab utroque tamen genere plerumque abstinent, quod ad vescendum at tinet. At hæc quum sibi persuadeant oua quę *Arignan-ro-pia* nominant, esse instar veneni, non modò stupecebāt, si oua coram illis forberemus, verum etiam nos increpantes addebant, non ferendū esse dum pullationē anteverteremus nos gallinam in ouo comedere. Itaque de suis gallinis æquē ferè sunt solliciti, atque de auibus quę vitam in syluis agunt. Illas ubicunque fert impetus ponere patiuntur. At gallinæ vicissim, pullos & dumis & vepribus domum deducūt, ita ut ea molestia careant Americanæ mulieres, quæ nostrates, in pullis Indicis educandis, quibus etiā ouorum præbent vitellos, fatigantur. Ac tanta fit apud eos pullatio, ut iis in pagis, qui minus sæpe ab extraneis inuisuntur, gallina Indica gladiolo veneat, qui quidem apud nos vix festerterio nummo æstimaretur : altero autem duorum obolū quinq̃ue aut sex gallinę nostrates consent.

Vnà cum Gallinis Barbari alunt etiam domi anates Indicas *Vpec* ipsi nomināt. Quoniam verò ea imbuti sunt superstitione Tio-  
oupi-

oupinambaultij, fore vt si Animali tã tardo  
 uelcerentur, eandem tarditatem contrahe-  
 rent, ita vt si hostes imminerent, fuga sibi  
 salutem quærere non possent, vt vel tãtillum  
 de iis degustent non facile quisquam persua-  
 derit, eaq; de causa sibi tẽperant ab omnibus  
 eis animãtib; quę tardẽ incedũt, piscib; etiã  
 vt raiis alijsq; qui nõ celeriter nare possũt.  
 Quod ad illas aues attinet, quę degunt in  
 syluis magnæ caponum instar, capiuntur, il-  
 læque trium generum, quod Barbari *Iacon-*  
*in*, *Iacoupen* & *Iacon-ouassou* appellãt. *Iacon* phas-  
*ianorum*  
*genus.* Pluma  
 est omnibus nigra & leucopeata, gustu ad  
 phasianos accedunt, verẽque possũ affirmare,  
 nihil *Iacon* illis edi vnquam suauius.

Præterea duo sunt genera exquisitissima-  
 rum auium, quibus nomen est *Mouton* Pauo *Mouton* auis  
 rara.  
 num magnitudine, ijsdem plumis quibus  
 superiores, raróque admodum inueniuntur.

*Macacoua* & *Tnambou-ouassou*, duo sunt  
 genera perdicũ, anserum nostratium magni-  
 tudine non absimili, quo *Mouton* gustu. Idẽ Magnarum  
 perdicum ge-  
 nus.  
 est, ferẽ trium sequentium sapor *Tnambour-*  
*miri* perdicum altitudine: *Pegassou*, palumbi,  
*Paicacu* turturis.

Vt autem breuiter de auibus, quę ma-  
 gna copia reperiuntur, tum in syluis, flumi-  
 nibus, tum etiam in littoribus finiam, ad eas  
 veniam quę non ita sunt ad victum accom-  
 modatæ. Inter cæteras duo sunt genera ea-  
 dem magnitudine, ad corui crassitudinẽ ac-



*Arat* avis ex  
cellenti plu  
ma.

cedentia: quæ vt reliquæ aues Americanæ ro  
stro sunt atque vnguibus incuruis, quemad-  
modum & psittaci quorum in numero cen-  
feri possent. Quod verò ad plumam attinet,  
vt facile est indicatu, vix crediderim in toto  
terrarum orbe aues inueniri tam excellenti  
pulchritudine, in quibus contemplâdis abun-  
dè non naturam vt profani, sed creatorem  
laudandi suppetit materia: vt quæ res pateat,  
prima, cui nomen apud Barbaros est *Arat*:  
plumis caudæ, atque alarum sesquipede por-  
rectis, partim purpuræ instar rubeis, partim  
cæruleo colore, vehementer splendenti, cui &  
reliquæ partes corporis respondent. cum in  
sole agit hæc avis vbi plurimum versatur, ne-  
mo vnquam illius aspectu satiari potest.

*Canide* plu-  
ma cærulea.

Altera *Canide* dicta plumis inferioribus,  
queque collū circumagūt auri colore mican-  
tibus, quæ verò dorsum, alas, caudamque ve-  
stiunt excellenti cæruleo cum textili aureo  
infernè induta esse videntur, supernè autem  
holoserico pallio eos qui intuentur summa  
perfundit admiratione. In suis versibus Bar-  
bari huius persæpe meminerunt ad nume-  
rum cantillantes.



hoc est, avis flaua, avis flaua, &c. nam *Iouue*  
aut *Ioup* apud eos flauum sonat. Quamuis  
autem domesticæ non sint hæ aues, frequen-  
tius tamen in arborum quæ in mediis Vicis  
sunt

sunt cacuminibus nidificant, quàm in syluis, quò sit ut ter quaterue in anno à Barbaris depumentur, è quibus plumis pileos, vestes, armillas compingunt, clauarum suarum capulos exornant, corpusque suum cohonestant. Huiusmodi ego pennas non paucas mecum in Galliam afferebam, earum præsertim quas flauo & cæruleo colore esse dixi, sed vbi Luteiam veni, aulicus quidam cui videndas exhibui, prius importunus mihi esse non destitit quàm eas à me extorsit.

Plumæ è quibus pilei, vestes &c. componuntur.

De psittacis, trium aut quatuor generum illic capiuntur, maximos, & pulcherrimos *Aiourous* Barbari nominant. His rubeo, luteo, ac violaceo colore caput est distinctum, extremis alis est coccineus, cauda, quæ est prælonga, lutea: reliquo corpore viridis. Huiusmodi perpauci ad nos adferuntur. Præter plumarum elegantiam eo commendantur nomine quòd edocti, optimè humanum imitantur sermonem. Vnum ab interprete quodam accepi, ab ipso iam per tres annos educatum, qui Gallicas, & Americanas voces tam genuinè pronuntiabat, ut si non esset in conspectu, eius vocem ab humana discernere vix quisquam potuisset.

*Aiourous* psittaci maximi & pulcherrimi.

Longè admirabilius erat, Mulierem in vicu quodam qui ab Insula nostra IV. passuum millia distabat, huius generis vnum educasse, qui non secus ac si ratione præditus esset ea quæ iubebatur, caperet. Illac quoties nobis iter erat, statim ab avis illius hera audieba-



*Psittaci mira  
historia.*

*Lib. 10. cap.  
63.*

*Marganas psit  
taci apud  
nos frequen  
tes.*

mus, vultisne mihi dare pectinem aut speculum, ego ved iamiam coram vobis psittacum meum iubebo canere & saltare? Si forte postulatis illius annuebamus, psittacus confestim auditis quibusdam heræ verbis, non modo saltabat in pertica cui infidebat, sed & garriebat, & sibilabat, Barbaros denique in bellum euntes mirabiliter referebat. In summa si heræ visum erat imperare ut caneret canebat, saltaret, saltabat: Contrà, si indonata paulò acerbiori sermone illi suum *Auge* hoc est consistite, imperasset, tum ille obmutescibat, nec ullis verbis efficere poteramus ut vel linguam vel pedem motitaret. Quare reputandū Lectoribus relinquo annon Romani qui, Plinio autore, coruo à quo omnibus matutinis nominatim ad Rostra salutabatur, funus innumeris exequiis olim celebrarunt, cumque à quo esset interfectus morte multarunt, Si huiusmodi psittacum habuissent per quam maximi fecissent. Illum barbara mulier *Cherimbané* hoc est dilectissimum appellabat. Eiusanè adeò Charus erat, ut quærentibus nobis, quo pretio mercari possemus, illa *Mocasson* hoc est tormentum æneum maius, per irrisionem respondebat, itaque nullo pretio ab ea extorqueri à nobis potuit,

Psittacorum alterum genus est eorum qui in Galliam aduchi solent, quos *Marganas* Barbari appellant, & minimi faciunt. At verò tam sunt illic frequentes quam apud nos columbi quo siebat, ut licet carnibus essent paulò durioribus, quòd ad perdicis saporem acce-

derent illis non rarò vesceremur.

Tertium genus psittacorum *Tonis* Barbari, nautæ verò Neustrij *Moiffons* vocât: stur-  
 norum magnitudine, caudam prælongâ, cro-  
 ceis pennis distinguuntibus, cætera viridis est. *Tonis psitta-*  
*corû genus*  
*minimum.*  
 Priusquàm autem sermoni de psittacis insti-  
 tuto finem imponam, succurrit nonnihil à  
 Cosmographo quodam relatum, Psittacos  
 nimirum in arborum ramis pendulos nidos  
 construere, ne à serpentibus ova absorbean-  
 tur, quod quidem meras esse fabulas existi-  
 mo, siquidem in arborum cauatarum antris  
 nidos construere eos deprehendi.

Inter reliquas aues Americanorum, primus  
 locus cuidam *Toucan* nomine dabitur, cuius  
 ante meminimus: Is columbi est magnitudi-  
 ni, colore atro seu coruus, excepto pectore,  
 quod crocei est coloris, torque miniato ab in-  
 feriori parte circumducto, detracto Barbari  
 ad genarum aliarumque corporis partium or-  
 natum vtuntur. Tum verò maxime apud illos  
 est in pretio quòd saltaturi eo vtuntur. No-  
 men inde est sortitum *Toucan-rabouracé* hoc  
 est pluma ad saltandum. Nihilominus tamẽ,  
 tanta illis earû suppetit copia, vt cû mercibus  
 nostratibus permutare eas non grauẽtur. A-  
 nis istius rostrum reliquum corpus longitu-  
 dine superat, cum quo gruis rostrum mini-  
 mè est comparandum, itaque pro monstro-  
 sissimo totius orbis rostro est habendum, er-  
 go non immeritò Bellonius, vnum cum na-  
 tus esset, sub finem tertij libri descriptionis

*Toucan auis*  
*columbi ma-*  
*gnitudine.*

*Rostrum a-*  
*uis môstro-*  
*sissim.*



avium depingendum curavit: nomen quidem non edit, at ea omnia quæ ab illo narrantur de isto rostro necessario sunt intelligenda.

*Panon* cui pe-  
ctus rubra.

Alia est merula magnitudine, & colore, excepto pectore quod bubuli sanguinis ruborem adæquat, à Barbaris eodem quo superius detrahitur modo, Avem verò *Panon* nominant.

*Quampiana*  
avis cocci-  
nea.

Est & alia turdi magnitudine, plumis omnibus coccineis, hanc illi *Quampian* vocat.

*Gonambuch*  
avis mini-  
ma.

Minimè verò est prætermittenda auicula nō minoris admirationis quàm subtilitatis, quam Barbari *Gonambuch* appellant, plumis albicantibus, & fulgentibus, fucum, aut scarabeum magnitudine non superat, miros tamen cantando edit concentus. Milio illi crasso quem Americani *Anati* nominant, aut aliis altioribus herbis infidens, tam editum edit cantum, ut, nisi cōspiciatur, vix credas ab illo corpusculo tantum, tamque suavem edi posse. Luscinia nostræ minimè cedit.

America-  
nium varie-  
tas.

Cæterum, quia sigillatim Americanas aves omnes, quæ à nostris nō modò genere, sed & coloris varietate, putà rubei, rosei, violacei, albi, leucopæi, purpurei, &c. à nostris non parùm differunt, describere non possum, vnam tandem descripturus sum quàm adeò observant Barbari, ut eam non modò afficere damno nolint, sed afficientes inultos abire non patiantur. Columbi est magnitudinis, colore cinericio, lugubri voce eam *Tononpinambaultij* noctu frequentius quàm interdiu ex-  
au di-

audiunt, atque ab amicis & cognatis mortuis ad se mitti credunt, tum ut bonū omen renuntiet, tū præcipuè ut animos addat, monèatque ut se aduersus hostes fortiter in bello gerant. Existimant præterea si rectè istæc auguria obseruent futurū ut hostes, hac quidem in vita superent, sed & post mortem ad maiores suos animas post montes conuolaturas, ut illic perpetuas agitent choreas.

Contigit mihi semel ut in pago à Gallis *Vpæ* denominato diuerterem, ibi de nocte aues illas non quidem canentes sed gementes audio. Barbaros attentissimos video. Rei totius gnarus, stultitiam illā increpo. Sed ubi Gallo mihi adstanti arrisi paululū, vetulus quidam seuerè satis me compescuit his verbis: Tace, ne nos audiendis faustis nuntiis auorum nostrorum intētos auertas. Quoties enim hæc aues audimus, toties & exhilaramur, & vires nostræ augmentum capiūt. Cui ego ne gry quidem, frustra enim cum illo contendissem. In mentem tamen mihi tum veniebat eorum opinio qui asserunt animas è purgatorio igne ad suos officij monendos deuolare, Barbarorūque nostrorum figmentum ea tolerabilius esse iudicabam: Etenim, ut suo dicetur loco, quamuis animas credant immortales, eò tamen dementiæ nō veniunt, ut è corporibus semel egressas ad patrios lares redire dicant, aues istas earum esse nuntias tantummodo fingunt. Hæc sunt quæ de aibus Americanis dicenda mihi fuere.

Barbarorū  
deliratio;  
qui auis cā-  
tum obser-  
uant.



Habent tamen præterea terræ illæ vespertilioes cornicularū nostrarum magnitudine: hi noctu non rarò in casas veniunt, si verò quem apertis pedibus dormientem offendant, summum eius articulum adoriuntur, sanguinēque exugunt tanta copia, ut duos sextarios nostrates plerumque antequam perspiciantur ebibant. Experrecti, manè cubile xylum cruentatum admirantur. Barbari, siue suis siue nostris id contingebat in ludibria vertebant. Mihi semel istud accidit, præterquam verò quod sannis sum exceptus, accessit & illud quod extremo illo (licet nō infestissimus erat dolor) summi articuli læso, triduum in tibialibus induēdis non parū laboravi. Cumanenses quoque qui cis æquatorē decē gradibus iacent, grandibus istis & infestis vespertilionibus infestantur. Gener. Indic. histor. Scriptor de his rem & facetam & notatu dignam memoriæ prodidit. Monachi cuiusdam puer pleuretide laborabat, ad Sanfidem Ciribici, cuius cum vena aperienda reperiri non potuisset, mortuus verò ipse haberetur, accedit ad eum noctu vespertilio, talumque momordit, tantamque copiam sanguinis hausit, aperta que vena sponte emisit æger, quanta ad valetudinem sufficiebat. Ego verò cum historiæ illius Scriptore dico, opportunissimū & faustissimū ægro illi fuisse istum Chirurgum. Itaque præter eam quam vespertilioes istos afferre dixi molestiam, satis docet exemplum istud postremum, non adeo

Lib. 2. ca. 80.

De vespertilione facta historia.

adeo noxios esse, ac fuerunt olim græcorum striges, quæ ut inquit Ouid. fast. 6.

*Nocte volant puerosque petunt nutricis egētes,*

*Et vitiant cunis corpora rapta suis.*

*Carpere dicuntur lactentia viscera rostris,*

*Et plenum poto sanguine guttur habent.*

quam ob causam nomen illud veneficis est attributum.

Apes Americane à nostris sunt ab similes, Americane apes.

ad minores muscas atras quibus ætatis tempore infestamur accedunt, fauosque suos in exarsæ arboris antro condunt. Barbari mel ceramque colligere norunt. Mixtim collecta,

*Yra-ietic* vocant, *yra* enim mel sonat, *ietic* vero ceram. Seorsim positum mel, nostro more comedunt, ceram verò picis nigredinem imitantem, asseruant, massis brachij magnitudine compositis. Non tamen quod facēs vel candelas ea conficiant, lucernæ enim alius apud eos usus non est præterquam ligni cuiusdam flammam lucidissimam emittentis. Yra mel yetic cera nigra.

Præcipue verò ea cera utuntur ad obturandas ingentes illas cannas quibus plumas suas imponunt, ne à papilionibus exedantur, quos etiam hoc loco describemus.

A Barbaris *Araneus* appellantur, gryllorū Araneus papilio. magnitudine, gregatim quoque ad focum ut & grylli accedunt, si quid autem offendant, exedūt, præsertim verò thoraces coriaceos & calceos ita corradunt ut superficiem penitus absument. Si vero gallinas aut alia id genus cibaria, negligentius recondebamus, manē à



nobis ossa carnibus nudata reperiebantur.

*Ton* insecti  
genus infe-  
stissimum.

Barbaros præterea infestat exiguum insecti genus, quod *Ton* nuncupât. In pulvere nascitur, pulicis magnitudine, At ubi sub pedum & manuum ungulis sese insinuavit prurigo statim oritur, acyri modo, nisi verò confestim euellatur breui spatio, ad pisi magnitudinem accrescit, extrahique nisi magno cruciatu non potest. Non solum autem Barbari qui nudi toto corpore incedunt, sed & nos quoque, quantumvis bene induti hoc insecto infestabamur. Ego pro mea parte, licet diligentissime mihi ab illis cauebam, ita fui infestatus ut vno die ultra viginti è variis mei corporis partibus sint euulsi.

Lib. I. ca. 30.

Nonnullos etiam vidi minus sibi prospicientes, quibus non modo manus & pedes ab illis infestabantur, sed & axillæ reliqueque molliores corporis partes pustulis istorum insectorum erant refertæ. Hoc illud esse animalculum credo quod Ind. Occid. hist. Scriptor *Nigua* appellat, quod etiam apud Insulam Hispaniolam extat: Ab eo his describitur verbis. *Nigua* pulicis salientis speciem refert, pulvere delectatur, nonnisi pedes infestat, quorum cuti sese insinuat, moxque lædes maiori copia gignit, quàm sit credibile, habita subtilitatis ratione, hæ alias quoque generant, Ac nisi maturè obuiam eatur, nonnisi igne & ferro eiiciuntur: si verò tempestiuè extrahas, minimo dolore curantur. Quin & addit, Hispanos quosdam adeo illis fuisse infestatos

statos vt multi articulorum, nōnulli verò pedum ministerio caruerint.

Aduersus ea incōmoda hoc remedio Barbari vtuntur: Eas partes, quæ huic lui sunt obnoxia, oleo quodam inungunt, spisso, rubri coloris, ex fructibus quos illi *Courog* nominant expresso. hoc etiā remedio nos Galli utebamur. Addo oleum illud curandis vulneribus aliisque corporis humani incommodis, adeo esse accommodatum, vt apud Barbaros non minoris sit pretij atque est apud nos, confectio illa quam Sanctum oleum nuncupant. Chirurgus noster, in Galliam remigraturus 12. ingentia vasa istius olei asportauit, totidēque seui humani, quod dū suos captiuos torrebant Americani collegerat.

Gignit prætereā Americanus aer subtilissimum culicum genus, quod Barbari *Yetin* nomināt, adeo lancinat etiam leuius indutos vt mucrones acuum referant. Ex quo facile est colligere quā ridiculē Barbari nostri conspiciantur vbi his culicibus infestantur, manibus enim sua crura, nates, humeros, brachia ita plaudunt vt aurigam flagellum quatientem referant.

In puluere quoque & sub lapidibus latent in America Scorpiones, iis qui in Prouincia Americani  
Scorpiones. conspiciuntur longē minores, non tamen, vt experientia edoctus sum, ictu min⁹ venenato & mortifero. Hoc insectum munditie delectatur. Cubile meum mundari curabam,



Remedium  
aduersus  
Scorpionum  
ictus.

Barbari vin-  
dictæ cupi-  
dissimi.

Terrestres  
Canri.

mundatum denuo appenderam, more solito, Scorpio in ruga quadam delituerat, qui mihi quidem incauto dum cubile ingredior sinistra manus pollicem perculit: Manus mirum in modum è vestigio intumuit, ita vt venenū fuerit corpus totum inuasurū nisi mihi præstò fuisset pharmacopola, ad quem confestim me recepi: Is mortuos Scorpiones cum oleo in phiala asseruabat, quorum vnum vulneri applicuit. Illud remedium etsi præsentissimum ab omnibus habetur, tanta fuit tamen vis veneni vt per 24. horarum spatium summo dolore laborauerim. Barbari quoque eodem vtuntur remedio, scorpiones nimirum, si eos assequi possint, vulneri attritos applicant. Præterea, prout alicubi à nobis dictum est, eos esse vindictæ cupidissimos, immo penè dixerim in noxia quæque furentes, ita vt si imprudentes in lapidem impingunt, rabidorum canum more eos mordeant, in animantia quæuis sibi noxia sedulò inquirunt, eaque quantum possunt penitus extirpant.

Habet quoque Americana regio Cancros terrestres, eos *Oussa* nominant *Tououpinambaulty*, turmatim locustarum more ad maris littus, & palustria loca conueniunt, si quis ad ea loca accedat hac illac fugientes videat: In truncos arborum radicésque sese recipiūt, è quibus extrahi tutò nō possunt, digitos quippe & manus capientium forcipibus comprimunt: Marinis longè sunt macriores, quoniā  
autem

autem iuniperinas redolent radices palato  
minimè sunt grati.



## CAP. XII.

*De nonnullis piscibus apud Americanos maximè  
vulgaribus, deque eorum piscatu.*

**N**E idem sæpius repetere cogar,  
à quo abstinere quoad eius fieri  
potest cupio: Lectorem tum ad  
capita 3. 4. 5. & 7. historiæ huius  
tum ad loca alia in quibus de Balænis, ma-  
rinis monstris, piscibus volantibus, aliâque  
complurium generum egimus, remitto. Eos  
verò hoc capite describam qui maximè apud  
Brasilienses nostros sunt vulgares, de quibus  
nulla est hætenus facta mentio.

Ac primùm quidem pisces in genere Bar-  
bari *Pira* vocant. Mullorum genera duo ha-  
bent: *Kurema*, & *Parati* appellant: optimi  
saporis tum elixa, tum tosta. Quoniam verò  
nulli gregatim oberrant, (quod non ita pri-  
dem in Ligeri aliisque fluminibus est obser-  
vatum) Barbari eos ubi vident telis petunt,  
ac nonnunquam tam certa manu, ut duos  
tresve vno iactu figant, transfixos natantes  
quæsitum eunt Barbari, ut qui mergi nequât.

*Pira pisces.*

*Kurema &  
Parati mulli.*

*Sagittis mul-  
los petunt  
Americ.*



Horum piscium caro est admodum friabilis, quo fit ut si magno capiantur numero, *Boucan* impositi exliccentur, deinde friati in optimam farinam redigantur.

*Camourou-  
pouy-ouassou*  
piscis præ-  
grandis.

*Camourou pouy-ouassou* piscis est prægran-  
dis (*Ouassou* enim Americana lingua gran-  
dem autoassum sonat, prout accentu disci-  
minatur) Huius *Tououpinambaultij* in suis cho-  
reis & cantibus frequentem faciunt mentio-  
nem: hæc enim verba hoc modulatur modo:



Pira- ouassou a-oueh, Camou rouppou y- ouassou a-oueh.

edulisque est maximè.

*Ouara & A-  
caraouassou*  
piscis opti-  
mi.

Duo insuper sunt illis piscium genera, quæ  
*Ouara & Acara-ouassou* nominant à superio-  
re non absimiles, bonitate tamen vincunt:  
Immo affirmare ausim *Ouara* salari nostro  
nullo cedere modo.

*Acarapep pla-  
nus* piscis.

*Acarapep* piscis est planus, inter coquendū  
pinguedinem subflavam emittit quæ eis est  
pro condimento, estque carne optima.

*Acarabouten*  
piscis subru-  
ber.

*Acarabouten* viscosus est, colore ceruino,  
aut subrubro, superioribus bonitate cedit,  
minúsque palato sapit.

*Pira-ypochi*  
piscis oblon-  
gus.

*Pira-ypochi* longus est instar anguillæ, est-  
que minimè edulis, quod etiam Americana  
lingua *ypochi* sonat.

*Raix* à no-  
stratibus dif-  
similes.

*Raix* quæ in *Ganabara* sinu marique vici-  
no capiuntur, nō modò à *Neustriis* & *Britan-*  
*nicis* aliisque nostratibus magnitudine dif-  
ferunt, sed etiā eo quòd cornua duo oblonga  
gerant, præterea quinque aut sex fissuras in  
ventre

ventre habeant, quas minimè natura sed arte factas credas, cauda oblonga est & tenui, atque adeo venenata, cuius rei experimento sum certior factus. vnam enim cepimus, in- que scapham eduximus, quæ mox cuiusdam è nostris tibiam punxit, quæ statim intumuit & inflàmata est. Hæc sunt quæ paucis de piscibus marinis Americanis, quorum tamen numerus est infinitus, habui dicenda.

Raiarū cau-  
da venenata

Ad hæc flumina aquæ dulcis, piscibus mediocribus & minimis abundat quos sua lingua Barbari, *Para-miri* & *Acaramiri* nuncupant. *Miri* enim eorum lingua, paruulum sonat. Huius generis duos monstruosissimos paucis perstringam.

*Para-miri* &  
*Acaramiri*,  
pisces mi-  
nores.

Vnum Barbari *Tamouata* appellant, palmi longitudine, capite amplissimo atque monstroso, habita reliqui corporis ratione, pinnulas sub brachiis habet duas, dentibus lucio nostrate est acutioribus, aristis quoque acutissimis, squamis quoque durissimis, adeo ut (quot de *Taton* iam antè dixi,) gladio transuerberari nequeat. carne est probatissima, & saporis gratissimi.

*Tamouata*  
piscis mon-  
strosus.

Alterum *Pana-pana* vocant, mediocris longitudinis, cuius hæc est forma, pelle est instar Requieuis aspera, corpore & cauda illius non absimili, capite plano, atque admodum deformi, quod ab aqua elatum, in duas diuidit partes, ita ut caput piscis deformius & monstruosius conspici minimè possit.

*Pana-pana*  
piscis capite  
deformi.

De Barbarorum piscatu quod attinet, in



Viri, mulie-  
res, pueri-  
que peritissi-  
mè natant.

primis ad ea quæ dixi de nullis quos sagitis transfigunt (quod etiam de reliquis quodque piscibus est intelligendum quos petere in aquis possunt) notandum est, non modò viros & mulieres, sed etiam puerulos nandi peritissimos esse. illi prædam natandæ more barbatulorum canum in medias petunt aquas. hi simulac ambulare didicerunt, in flumina marisque littus se coniiciunt, atque anatum more huc illuc oberrant. Cuius rei ad fidem faciendam exemplum paucis commemorabo. Die quadam Dominica manè, in quodam Castelli nostri propugnaculo expatiabamur, lintrémque corticeam (quæ etiâ suo loco à nobis describetur) qua, vltà triginta tū virosum & mulierū cum puerorum capita ad nos inuisendos vehebantur, in medio mari euersum. Confestim nauigium conscendētes opem laturo ad eos properamus, omnes ad vnum natantes & ridentes comperimus. Quidam verò eorū his nos compellauit verbis, Quoniam ita festinantes tenditis vos *Mair*? (quo nomine Gallos appellant) Ad vos, (dicebamus) opem laturo. Magnam, inquit, habemus gratiam: Atqui existimatísne nos quamuis in mare delapso, in discrimen vitæ adductos fuisse? O octo dies potius hoc modo in aquis versaremur, quam vt mergeremur. magis verò metuemus ne magni quidam pisces in fundum nos pertrahāt: Cæteri verò qui instar piscium placidissime natabant, audita ob quā ad eos accessissemus causa

causa, fannis nos exceperant, præque risu nimio eos suum marinorum more flantes videbamus. Ac sanè, licet 500 passibus à Castello nostro aberamus perpauci eorum (idque potius garriendi causa, quam ullius periculi metu) nauigium conscenderunt. Ego obsequi abam eos nonnunquam nobis præire, ad libitum modò tardè, modò celerius nantes, quotiesque visum esset ad aquæ summum quiescere. Lintrem verò cum quibusdam xylinis lectis, cibariis, nonnullisque aliis quæ ad nos aduehebant submersum tuncundem curabant quantum sollicitudinis afferret nobis pomi vnius iactura. Dicebant enim, An non sunt alià in terra?

Priusquàm verò ab hoc de piscatu sermo ne digrediar, historiam à Barbaro acceptam prætermittere nolo. Cùm inquit die quadà vna cum nonnullis aliis in summa maris malacia lintre quadam veherer ingens quidam piscis manu nauigij oram apprehendit, meoque iudicio aut euertere aut conscendere volebat: Id ego conspicatus falce quam præ manibus habebam, manum illam abscidi quæ in lintrem decidit, digitos vero nostris persimiles quinque habebat, præterea præ dolore quo piscis ille fuit affectus exerto supra aqua capite, ad humanum accedente, aliquatulum concrepuit. Ego lectori dispiciendum relinquendo vtrum (iuxta vulgi opinionem, qua fertur mare in se singula animalium genera habere quæ in terra conspiciuntur, præsertim

Barbari narratio de pisce, manibus & vultu humanum formam referentibus.



verò habita eorum ratione quæ de Tritonibus & Sirenibus à nonnullis sunt scripta) Sireni an verò potius simiæ marinæ manus illa fuerit amputata: Tamen (non quod præiudicium iis quæ in hanc rem afferri possunt allatum velim) ingenuè fateor me, qui menses novem in alto mari versatus sum, quique non rarò circa littora nauigans oberravi, piscem yllum, in tanta tot generum copia quæ à nobis sunt capta, non conspexisse qui adeò ad humanam accederet formam.

Spinæ quibus pro hamis utuntur Barbari.

*Toucon* herba.

*Piperis* rates earumque usus.

Atque ut tandem sermoni de Americanorum piscatu finem imponam, præter eum, de quo diximus, modum quo pisces sagittis trāsfigunt, prisco etiam suo more, spinas in hamorum modum componunt, lucicāmque herba quadam quam illi *Toucon* vocant conficiunt, quibus non modò in littore piscantur: sed etiam in medium mare, flumināque progrediuntur, ratibus vecti, quas illi *Piperis* vocant quāsque hoc modo componunt, longurios quinque aut sex rotundos brachij crassitudine, vinculis ligneis colligant, quibus, exporrectis cruribus, ac tibiis incidentes, susteplano pro remo utentes, quocunque fert animus errant: Attamen rates istæ vlnæ longitudinem nō superant, latitudine pedes duos, quo fit ut neque procellarum fluctus ferant, neque plures vno homine capiant. Noctu itaque Barbari tranquillo mari singuli illis insidētes ac solis radiis oppositi, simias optime referunt, seu potius ranas eminens spe-

specti. Attamē, quia hæ rates celeriter admodum componuntur, & mergi nunquam possunt, si apud nos in usu essent, cōmodissimas fore autumo tranandis tum fluminibus leniter fluentibus, tum stagnis & paludibus, quibus tranandis cūm vrget necessitas frequenter non parū laboratur.

Ad hæc, Barbari nostri non modò mirè delectabantur retiū nostrorū quibus piscamur conspectu, sed & ipsi nos adiunabāt, atque adeo si per nos licebat peritè ipsi piscabantur. Hæc illi sua lingua *Puissa-ouasson* <sup>*Puissa-ouasson*</sup> <sup>retia.</sup> nuncupant. Præterea Gallos eo præcipuè laudant nomine, præter alia non pauca commoda quæ ex mercibus eorum percipiunt, quod nū anteà spinas ad piscandum lineis aptare necesse esset, eorum beneficio iam copia illis sit vnculorum illorum ferreorū quos alio ad piscandum accommodatos esse prædicant. Ac sanè pueruli, (vt ante dictum est,) b aduenis hamos flagitare probè sunt edocti his verbis: *De agatorem, amabè pinda.* hoc est, tu bonus es, da mihi hamos. *Agatorem* enim eorum lingua bonum sonat, *Amabè* da mihi, *pinda* verò hamum. Si verò repulsam patientur, capite conuerso in hæc verba statim rumpunt *De engaiya-aionca*, hoc est, tu es nequam, es occidendus.

Itaque si quis gratiā inire à parētibus & à liberis cupit, nihil illis est denegandū. Gratiū idem sunt, præcipuè verò senes tū cūm mīus de eo cogitaueris, muneris accepti merito detestantur.



mores, aliquid dare solent. Hoc ergo obseruatum est à me, homines hilares, alacres, & liberales, summo apud illos esse loco: Contrà verò tristes, morosos, taciturnos, auaros, eosque qui sibi solis viuunt, vsque adeo detestatur, vt author sim istius farinæ hominibus ne Barbaros nostros adeant.



## CAP. XIII.

*De Arboribus, herbis, radicibus, exquisitissimisque fructibus qui in Americano proueniunt solo.*

**Q**UANDOQVidem in superioribus, de quadrupedibus, de auibus, piscibus, reptilibus, denique de omnibus Americanis animantibus, à nobis actum est, consentaneum videtur vt priusquam ad religionem, bellum, politeiam, aliosque Barbarorum mores accedamus, non nihil de soli illius arboribus, herbis, plantis, fructibus, radicibus, omnibus denique iis quæ vegetante anima sunt prædita agamus.

Primò autem, quia Brasilia arbor est totius soli illius celebratissima, (à qua etiam nomen est sortita regio illa) præcipuè ob fucum quæ ex ea conficiunt insectores nostri, eam hoc loco describam. Hæc itaque arbor Barbaris *Araboutan* nuncupatur, quercum nostram proceritate & ramorum copia adæquat. Quædam reperiuntur quarum crassitudo trium

*Araboutan*  
Brasilia arbor  
eiusque  
forma.

trium hominum vlnas complectentium implet. Scriptor Hist. Occid. Ind. prodidit duas in illis regionibus visas esse arbores; quarum <sup>cap. 61. 83. & 264.</sup> altera vltra octo vlnas, altera sexdecim in ambitu haberet: ita vt ad culmen prioris, quæ tanta erat altitudine, vt lapidis iactû superaret, *Cacicus* quidam casulam cum construxisset, Ciconiæ modo, Hispanis risum comonebat. Alterâ admiratione dignissimam asserit. Idē quoque narrat in *Nicaragua* Pro- uincia arborem provenire nomine *Cerba* cuius crassitudo quindecim hominum complectentium vlnas impleat. Sed vt ad Brasiliam nostram reuertamur, foliis est buxeis persimilibus. Fructum verò non fert.

Arbores miræ crassitudinis.

Qua verò ratione materia illa in naues importari soleat hoc loco describere visû est. In primis verò sciendû est, nisi ab incolis iuuarentur mercatores, intra annum vix nauem eâ materia onerare posse, tum ob duritiem, ac proinde in secando difficultatem, tum verò præcipue, quòd iumentis omnibus careat illa regio, ac proinde humeris humanis sit com- portanda. Barbari igitur, vestibus, indusiis, pileis, cultellis, aliisque mercibus conducti, non modò materiam illam securibus & cuneis secant & findunt & rotundât, sed etiam humeris nudis impositam in naues comportant, nonnûquam verò locis impeditissimis, tribus aut quatuor passuum millibus à sylua ad litus intercedentibus. Nominatim verò dico Barbaros, ex quo Galli & Lusitani ad

Iumentis caret America na regio.

Barbari materiã secant, & in naues important.



Priscus arbo-  
res excidēdi  
modus apud  
Barbaros.

eos accessere, suas Brasiliās arbores secare, earum enim excindendarū (quantum à senioribus accepi) ante illud tempus, ratio alia nō erat, nisi quòd igne admoto eas deturbabant. Præterea quoniam nonnullos scio existimare materiam illam quæ ad nos aduehitur arborum crassitudinem obtinere, de industria addidi Barbaros eam rotundare quo facilius comportari ab ipsis possit.

Brasiliicum  
lignum ferè  
Æg. 27707.

Ad hæc observatum est à me, tātisper dum in America vixi, caminòque luculento ligni istius beneficio vsus sum, minimè humidum hoc ligni genus esse quod plerisque aliis lignorum generibus vsuuenit: immo quasi natura ficcum esse, accensum verò perparum sumi parere. Sycomorus verò contrā (vt ait Matthiolus,) præ cæteris lignorū generibus hoc habet peculiare, vt etiam si excisa sit, humiditatem retineat, ac nisi in aquam demersa, non exsiccetur. Aliud insuper commemorabo, Quidam è nostris industria nostra mūdare cupiebat, cineres brasiliij ligni imprudens in lixiuium imposuerat, adeo tenaciter rubeo infecta sunt colore, vt quantumuis ablota illud nunquam mutarint, atque eo colore infecta fuerunt nobis induenda. Si verò delicti illi qui suas rugas dealbandas in Belgium mittunt minùs fidem his adhibeant, per me licet illis non modò periculum facere, sed etiam si volēt, ingentes illas suas rugas viridi inficere colore.

Brasiliici li-  
gni cineres  
indubia ru-  
bro color:  
inficiunt.

Cæterum quia non mediocriter miratur

Tonon-

*Touonpinambaultij* nostri quum vident Gallos, alióſque aduenas è procul remotis terris venientes, tantum laboris ſumere vt Arabo utano ſuo (id eſt Braſilio ſeu coccineo ligno) naues onuſtas reuehant. Itaque magno natu quidam ex Barbaris hunc in modum me ſuper ea re aliquando interrogauit: Quid ſibi vult, inquit, quod vos *Mair & Peros* (id eſt Galli & Luſitani) tam procul petatum ligna veniatis? Nullane vobis ligna ad focum tellus veſtra ſuppeditat? Tum ego, Suppeditat verò, inquam, & quidem magna copia: ſed non ex eo genere arborũ quales veſtræ ſunt: Braſilium in primis, quod hinc noſtri non ad vrendum, vt tu exiſtimas, ſed ad tingẽdum exportant: ſicuti & vos & funiculos veſtros bobyminos, pennas aliáque rerum inficitis. Hic ille protinus excipiens: Verũ tantane eius ligni copia vobis opus eſt? Enimvero inquã, quum enim (vt hominis animum admiratione ſuſpenderem) apud nos vel vnus mercator plures coccineos pannos, plures cultellos, & forſices (nota ipſi & familiaria exempla ſubiiciens) plura ſpecula poſſidet, quàm quanta huc ad vos vnquam allata ſunt: ſolus ille omne Braſilium coëmet, quo plures hinc naues onuſtæ redeunt. Ah! (inquit Barbarus) mira mihi narras. Mox eorum quę audiuerat memor, percontari vltra perrexit: At, inquit, vir ille adeo locuples, quem tu refers, non moritur, Moritur, (inquam) vt & alij homines. Ibi tum ille (vt iſti Barbari commẽtari amãt,

Barbari cuiusdam cum authore colloquium.



& cœptum sermonem nullis interruptum di-  
uerticulis ad finem vsque haud absurdè perte-  
xunt) querere ex me. Ergo, inquit, eorum quę  
iste moriens bona reliquit, quis heres est?  
Liberi eius, inquam, si habet: si nō habet fra-  
tres, sorores, aut proximi eius agnati.

Sententia  
eximia à Bar-  
baro prolata.

Quum hæc dixissem, Equidē (inquit meus  
ille haud sanè ineptus senex) facilè hinc ani-  
maduerto vos *Mair*, (id est Gallos) esse in-  
signiter fatuos. Nam quid trajiciendo mari  
tātōpere vos fatigari necesse est, in quo supe-  
rando (sicuti nobis quidē huc appulsi dicitis)  
tantū malorū exhaustis? Nēpe ut liberis ve-  
stris aut superstitis cognatis opes queratis?  
Tellus quę nos aluit, nō illis quoque alendis  
sufficiet? Nos quidē, & liberos, & p̄pinquos  
habemus, eosque, ut tu vides, summa caritate  
amplectimur: sed quum confidamus fore ut  
post mortem nostram terrā quę nos aluit,  
eadem & illos quoque enutriet, in eo acquie-  
scimus.

Et certè in hanc sententiam, præclarè So-  
crates, olim cuidam vehementi studio sua-  
denti ut se liberis etiamnum paruulis serua-  
ret incolumem, Liberi, inquit, Deo qui mihi  
eos dedit curę erunt: Agesilaus, verò Lace-  
dæmoniorum rex amicos admonēbat ne tam  
pecuniis quàm fortitudine, ac virtute stude-  
rent ditescere: quod frustra parat opes, qui ve-  
ris animi bonis vacat. Quę sententię ab Eth-  
nicis profectę admirationem non parvam  
merentur. Prior enim conuenit cum eo quod  
scriptum est, *Ero Deus tuus & seminis tui*

post te. Altera verò respondet dicto illi  
Christi, Operemini non cibo qui perit, sed Ioan. 6. 27.  
cibo illi qui permanet in vitam æternam,  
quam Filius hominis dabit vobis.

Hactenus paucis, sed fideliter narrationē  
ab Americani Barbari ore acceptam recitavi.  
Quamobrem, gens illa quæ adeo Barbara à  
nobis habetur, non modò lepidè eos irridet  
qui magno suo periculo Brasilio ligno quæ-  
rendo ex quo quæstum faciant mare traij-  
ciunt: sed etiam quātumuis obcæcata (quan-  
doquidem naturæ & soli fertilitati plus quàm  
nos Dei potentia & providentiæ tribuit) ali-  
quando cum raptoribus in iudicio surget qui  
Christianum nomen præ se ferunt, quorum  
tam est Europa ferax quàm Brasilia immu-  
nis, quoad incolas attinet. Quare, prout à me  
dictum est, immortale odium aduersus aua-  
ros à *Tououpinambaultijs* geri, vtinam aua-  
ri omnes qui cùm satiari nusquam possint  
cōtinuò pauperum medullam & sanguinem  
exugūt, in illis terris essent relegati, vt ab iis  
iā furiis aut Dæmonibus exagitarentur. Ne-  
cesse mihi fuit magno nostro pudore in Bar-  
barorū gratiā qui adeo res mūdanas cōtēnūt,  
digredi. Addere autē non incommodè meo  
quidē iudicio possum rem ab Ind. Occid. hi-  
stor. scriptore memoriæ proditā, de quadam  
Barbara gente Peruana, quæ cū primū Libr 4. cap. 108.  
Hispanos versantes in suis locis sunt cōspica-  
ti, tum quòd barbari essent, tum verò præci-  
puè quòd luxui indulgerēt, verebantur ne ab In errores Barbarorum accusatio.



illis ipsi corrūperentur aut auiti mores im-  
mutarentur, eos abeuntes increpabant, his  
nominibus, Spuma maris, sine patribus ho-  
mines, inquieti, quisque nullibi consistere pos-  
sunt ad laborandum, quo victum sibi parent.

Palmarū in  
America 4.  
aut 5. gene-  
ra.

Sed ut arborum Americanarū descriptio  
nō persequar, Palmarū quatuor aut quinque  
genera illic reperiuntur: inter quæ frequentissi-  
ma numeratur ea, quam illi *Geran*, alia quoq;  
quam *Yri* nomināt: Attamē quemadmodum  
fructus nulli à me sunt conspēcti, credo etiā  
nollos edi. *Yri* quidem fructum rotundū pro-  
ducit instar spineorū prunorum ad effigiem  
racemi amplioris tātī ponderis ut agrē vna  
manu subleuetur, sed nucleus tantūm cerasi  
crassitudine, est edulis. Præterea in culmine  
harum palmarum est turio quidam albus,  
qui à nobis vescendi gratia abscindebatur:  
Philippus verò qui hæmorrhoidibus labora-  
bat asseuerabat illi morbo remedium esse,  
cuius rei fides penes medicos esto.

Turio in ca-  
pite palma-  
rum edulis.

*Ayri* hebeni  
species spi-  
nosa.

Alia quoque est arbor, à Barbaris *Ayri*  
appellata, quæ licet foliis palmæ sit persimi-  
lis caudice spinis circumquaque armata  
acuum mucronum specie & aculeo. Fructus  
mediocri crassitudine, cuius in medio nucle-  
us est niuali albedine, qui tamē edulis non est,  
quam hebeni genus esse credo: præterquam  
enim quod colore est nigro tantæque durities,  
ut Barbaris clavis suis & sagittis partim con-  
ficiendis, ( quas fusiùs cū de bellis eorum  
agetur describam ) sit in usu, læuigatum est  
quo-

quoque ac lucidissimum, adeo denique graue  
vt in aquam deiectū ad imum statim feratur.

Compluria quoque lignorum multiplicis  
coloris in America reperiuntur genera, quo-  
rum nomina sigillatim edere non possum.

Ligna varij  
coloris.

Nonnulla vidi, buxi colorem imitantia, alia  
violacea, è quibus frustula quædam in Galliã  
aduexeram, alba vt charta, rubra, diuersi à  
Brasilio generis, è quibus etiam clauas suas  
Barbari conficiunt: vnum quoque quod illi

*Copau* ar-  
bor nuci per-  
similis.

*Copau* nominant, cuius arbor nuci Iuglandi  
est persimilis, nucibus tamen caret, materia  
quoque affabrefacta easdē cū nuce maculas  
habet. Denique nonnulla reperiuntur, quo-  
rum folia sunt capitati numi crassitudine:  
alia, quorum etiam folia sunt latitudine ses-  
quipedali, atque adeo complurium generum  
quæ omnia sigillatim recensere longū esset.

Arborū folia  
crassissima,  
alia quoque  
amplissima.

Ad hæc arbor in illis nascitur terris pul-  
chritudinis eximie, atque etiam, (quod est  
maximum) adeo suavis odoris, vt dum à fa-  
bris vel scinderetur, vel expolliretur frustula  
à nobis collecta vel fragrantissimam rosam  
referrent. Contra alia illic adolescit quam  
Barbari *Aou-ai* nominant allij teterri-  
mo odore, quem dum secatur, aut vritur nemo  
est qui ferat: foliis est à pomis nostris nō ab-  
similibus: fructus verò eius (qui proximè ad  
echinū formā accedit) præsertim verò nucle⁹  
adeo est venenatus vt comedēri veneni præ-  
sentissimi effectū referat. Nihilominus ta-  
mē Barbari nostri, quod ex eo crepitacula sua

Lignum ro-  
sei odoris.

*Aou-ai* li-  
gnum teter-  
rimi odoris.



Complures  
Americana  
arbores fru-  
ctus ferunt  
venenatos.

componunt, fructum illum plurimi faciunt. Hic quoque animaduertendum est, Brasiliā (vt mox dicemus) poma complurium generum optima ferentem, abundare etiam arboribus, quæ pulcherrimos quidem fructus edunt, ad vescendum tamen inutiles. In litore præsertim multæ sunt arbusculæ, quarum poma mespilis nostratibus valde similia, periculosè comeduntur. Idcirco Barbari cum Gallos, cæterosque aduenas ad poma illa colligenda accedentes conspiciantur, suo idiomate *Ypochi* crebrò vsurpantes, vt ab eis abstineant, admonent.

*Hinuoræ*  
guaiaci spe-  
cies.

*Hinuoræ*, cui cortex est semidigiti crassitudine, sapore gratus, præsertim recūs ab arbore extractus, genus est Guaiaci, quantum accepi à duobus Pharmacopolis, qui mare nobiscum transmiserant: eaque Barbari vtuntur ad morbum, quem *Pians* appellant, qui, vt postea dicam, æquè apud eos perniciosus est, atque apud nos lues Venerea.

*Choyne* arbor  
ex cuius fru-  
ctu Barbari  
suū *Maraca*  
conficiunt.

Arbor *Choyne* Barbatis appellata, mediocri altitudine, foliis, forma & viriditate lauri, pomis, magnitudine capitis infantis, ad figuram ouorum Struthiocameli accedentibus, quæ quidem non sunt edulia. Ex his *Tononpinambaulty* ob duritiem corticis integra quædam in longitudinem, latitudinēque perforantes, quibus *Maraca* conficiunt (de quo iam ante mentio facta est, fietque in sequentibus: ) illa etiam ad calices, aliæque vascula, excauant, dimidiāntque.

Inter

Inter arbores quoque Brasilienses numeratur *Sabaucæ*, pugnibus ambobus pomo ampliore, formamque calicis imitante: in cuius imo exigui quidam nuclei amygdalini similes comperiuntur, eundem quoque ferè cum amygdalis saporem referunt. Cæterum cum pomi istius putamen vasis conficiendis sit aptissimum, arbitror illud esse quod vulgò nucum Indicarum nomine appellamus, aut certè ex illarum genere. Matthiolus enim suis in Dioscoridem commentariis aliarum nucum Indicarum meminit, quæ formæ sunt rotundæ, ac magnorum melonum instar ab arbore dependent: quarum ego in illis regionibus, prout sunt ab illo depictæ, ac descriptæ, putamina vidi, quæ torno expolita hîc solent à nostris hominibus argento includi. Præterea cum in illis terris versaremur, quidam Petrus Bordonius nomine artis torrandi peritissimus, varia eaque pulcherrima vascula fabricavit, cum ex istis *Sabaucæ* fructibus, tum ex aliis versicoloribus lignis, quorum partem Villagagnoni dedit, à quo plurimi fiebant. Verumtamen aliquâto post indignissimam reportavit mercedem: eorum enim fuit numero (ut à me suo loco dicitur) quos Villagagno propter Evangelij professionem in mare demersos suffocavit.

*Sabaucæ* arbor cuius fructus vasis conficiendis est accommodatus.

Petrus Bordonius torator peritus, quam mercedem à Villagagno ne retulit.

Est præterea in illis terris arbor proceritate sorbi nostræ, cuius pomum Barbari *Aca-ion* nominant, amplitudine, & figura oui gal-

*Aca-ion* fructus edulis.



linacei, quod ubi maturuit, colore ad aurum inclinato instar cotonei mali, non modò vtiliter comeditur, sed etiam subacidum, nec minùs palato gratum succum emittit, qui calore æstuentes iucundissimè refrigerat. Attamen cum difficulter è proceris illis arboribus decutiatur pomum illud, nonnisi à Cercopithecis qui illis vescuntur excussa habebamus.

*Paco-aire* frutex tenera.

*Paco* poma oblonga

*Paco* ficus sapore.

*Paco-aire* frutex est decem aut duodecim pedum altitudine, caudice femorali nōnnumquam crassitudine, qui tamen adeo est tener ut gladio vno icu secetur: pomum *Paco* vocant Barbari palmi longitudine, formâ cucumeri non absimile, eiusdem etiam coloris cum ad maturitatem peruenit. Hæc autem poma nascuntur ut plurimum viginti aut vigintiquinque simul & confertim in singulis ramis, quæ Americani legentes in casas suas important tanto pondere quantū altera manu ferre possint. Ad pomi verò istius bonitatem quod attinet, ubi maturuit, calyce ad modum recentis ficus auulso, grumosum apparet: quo fit ut mandentibus ficum referat, unde à nobis ficus nominabatur: sapore verò vel delicatissimas Massilienses ficus superat: itaque non immeritò inter optimos totius oræ illius fructus recenseatur. Memoriam quidem est prodiū, Catonem cum Carthagine Romam rediisset, miræ magnitudinis ficus attulisse: verum quoniam antiqui de his nostris nullam mentionem fecerunt, credibile

bile est aliud fuisse generis, ab istis de quibus  
 fit sermo. Foliorum verò *Paco-aire* forma fo- <sup>*Paco-aire fo-*</sup>  
 liis lapathi aquatici non est absimilis: tanta <sup>*lia immen-*</sup>  
 tamen sunt magnitudine, ut vulgò lōgitudō <sup>*sæ magni-*</sup>  
 ad sex pedes, latitudo ultra duos protenda- <sup>*tudinis.*</sup>  
 tur: quo fit ut nulla ratione adduci possim ut  
 credam in Europa, Asia, & Africa tantæ lon-  
 gitudinis & latitudinis folia extare. Nam et-  
 si Pharmacopolam quēdam audiui asseue-  
 rantem se vidisse folium Petasitis latitudine  
 vlnæ cum quadrante, hoc est ( siquidem ro-  
 tunda est hæc planta) cuius circumferētia tres  
 vlnas cum quadrantibus tribus suo ambitu  
 caperet: nusquam tamen accedebat hæc am-  
 plitudo ad nostri *Paco-aire* magnitudinem.  
 Verum quidem est foliorum illorum crassi-  
 tudinem longitudini non respondere, imò  
 exilia maximè esse, assiduè tamè erecta, adeo  
 ut venti paulò vehementioris, (quo regio il-  
 la frequentissimè vexatur) mediana tantum  
 costa impetum ferat: reliquum verò ita disse-  
 catur ut eminèns conspicienti hi frutices plu-  
 mis struthiocamelinis ornati esse credantur.

Mattheolus commentariis in Dioscoridē  
 de palma & dactylis agens, scribit quandam  
 esse plantam in Aegypto, Cypròque nascentem,  
 quam Veneti inde redeuntes Musam  
 appellant, & Musas similiter fructus: quàm-  
 que optimè eo loco depinxit: cuius descri-  
 ptionem, quia non parum ad nostrum *Paco-*  
*aire* accedit, hoc loco adscribere placet. Mu- <sup>*Musa arbor*</sup>  
 sa igitur, inquit ille, adolefcit ad quinūm, se- <sup>*eiusque de-*</sup>  
 scriptio.



nûmûe cubitorum proceritatem è stolonibus alterius fata: folio est arundineo, quod tamē perquàm longo, latòque ambitu se diffundit, adeò vt in longum trium cubitorum mensuram quandoque excedat, in latum verò sesquicubitum spatietur, lata, crassiàque per medium excurrente costa. Torrescunt folia ætate sui naturâ, vel etiam fortasse solis ardore, adeo vt mense Septembri eorum costæ prorsus nudæ cernantur, decidente foliorum materia, quòd admodum sit tenuis. Caulis squaroso foliorum cortice vestitur, palmæ, vel arundinis modo. Ramos habet nullos, sed caudice tantùm consistit. E vertice germen emergit materie molli, longitudine ferè cubitali, à quo alia ab origine, ad summum prodeunt germina ternùm, quaternùmve digitorum inuicem distantia: è quibus circumueniunt fructus, parui cucumeris magnitudine, qui per maturitatem quadantenus flavescunt, cortice fici, qui eodem modo digitis detrahitur. Substantia pulpæ consistit melopeponum modo, nullo intus osse, neque semine. Primum gustantibus fructibus insipiditatem quandam præ se ferre videntur, adeò vt primo statim gustu non placeant, verùm qui esui assuescunt, iis indies magis delectatur: quippe qui quadam occulta saporis suavitate allekti, quæ nisi tractu temporis cum palato init gratiam, nunquam saturi videantur. Ita Musam (inquit Matthiolus) mihi descripsere qui ex Aegypto, & Cypro ad nos re-

vertuntur. Sed quænam antiquis Musa fuerit planta, quid referam non habeo. Fusiùs hoc ille persequitur allato Theophrasti, & Serapionis testimonio, ut videre cuius licet. Aliibi quidem de ficu Indica (puta Oriëtali) agit, cuius pictura quam eo loco exhibet, indicat arborem esse monstruosissimæ formæ: ac veritus ne Lectori rædium afferam, (præsertim cum minùs ad *Paco-are* nostri formam accedat) intermissam repetam historiam meam feriem: siqui verò plura nosse cupiant, eos ad 145. commentariorum illorum libri I. caput remitto.

Quod igitur attinet ad Xyla frutices, quæ in mediocrem proceritatem assurgunt, in Brasilia magno reperiuntur numero: flores instar campanularum lutearum citrullinarum emittunt: ubi verò efformatum est pomum, non modò ad fageam glandem proximè accedit, sed etiam maturum in quatuor dividitur partes, quæ per floccos pilæ magnitudine xylum emittunt, quod Barbari *Amenion* nuncupant. In floccorum illorum medio reperiuntur grana quædam nigra compacta, atque admodum compressa ad renis humani formam, cuius compacturæ magnitudo fabam non superat. Porro Barbaræ fœminæ xylî illius colligendi, & nendi ignaræ nō sunt, eo siquidem cubilia sua conficiunt ad eum qui à nobis dicitur, modum.

Xyla arbores.

Amenion  
Xylon.

Præterea quamvis olim (quantum accepi) in America nullæ crescerent aureæ ac citreæ

Aurea &  
citreæ mala



magna in A-  
merica co-  
pia crescūt.

mali, hodie tamen cū Lusitani multas ma-  
ritimis oris quas accolunt conseruerint, non  
modò indies propagantur, sed etiam poma  
ferunt aurea (quæ à Barbaris *Margou-ia* ap-  
pellatur, prædulcia, & amborum pignorum  
crassitudine, citrea quoque & ampliora, &  
maiora numero.

Saccari cāq̃  
in America  
nascuntur.

Saccari quoque cannæ optimè in illis ter-  
ris crescunt, & maxima copia: Attramen cū  
nos Galli, & hominibus, & machinis ad eli-  
ciendum saccarum idoneis nondum essemus  
instructi (vt sunt Lusitani in iis quæ occupāt  
apud Barbaros locis) in aqua cannas illas vt  
saccari saporem induerent, madefaciebamus:  
prout ante est à nobis dictum cap. 9. vbi de  
Barbarorum potu egimus: alij succum & me-  
dullam earum exfugebant. Hoc porrò loco  
rem multis fortasse admirandam narrabo,  
cannas huiusmodi nonnunquam mucescere  
sinebamus, & in aqua madefaciebamus, quæ  
contra saccari qualitatem, quam dulcissimam  
esse nemo ignorat, adeò acida fiebat, vt aceti  
nobis esset loco.

Acetum è  
cannis sacca-  
ri.

Arundines  
quibus Bar-  
bari sagittas  
suas arman.

Similiter in syluis non rarè arundines nas-  
cuntur crassitudine cruris humani: sed quem-  
admodum supra dixi de *Paco-aire*, adeo sunt  
teneræ vt singulæ earum vno ictu gladio fe-  
centur adhuc stantes, aridæ verò tanta duri-  
tie vt fissis illis, & in modum chirurgicorum  
scalprorū efformatis sagittas suas ita arment  
Barbari vt vno iactu feras homi fundant: Sed  
quando de cannis & arundinibus incidit fer-  
mo,

mo, Calcondilus hist. de bello Turc. scribit in India Orientali arundines reperiri tantæ magnitudinis ac crassitudinis vt nauigij vicem præstent, non modò tranandis fluminibus, sed etiam singulæ quadraginta tritici medimnos capiant, medimno sex modios Græcos continente. Libr. 3. cap. 14.

Ad hæc Matthiolus suis in Dioscoridem commentariis ait, arundinem quæ magna copia in Italia nascitur palis vitium apta, ad decem cubitorum altitudinem exsurgere, læcæ crassitudine, & pari firmitudine.

Mastiche etiam in hac nostra America in dumetis nascitur, quæ vnâ cū aliis propè infinitis herbis & floribus odoratis, terram suauissimo odore perfundit. Mastiche.

Quamuis autem ea quam incolebamus regio, quæ nimirum Capricorni tropico subest, a tonitruis horridis (quæ Barbari *Toupan* vocant) imbribus vehementioribus, ventisque rapidissimis non sit immunis, tamen quia nusquam in ea gelu, nix, nec grando conspicitur, ac proinde suis nunquam spoliatur arbores frondibus, vtpote quæ frigore non infestentur, per totum annum eo vigent modo, quo mense Maio solent apud nos syluæ. Præterea quando huc vsque sum progressus, iuuat commemorare, cū mense Decembri non modò breuissimi sint dies apud nos, sed etiam frigore rigentes manus perflemus, glaciésque naso dependeat, tum temporis A-

Americana regio à niue gelu & grandine immunis.

Arbores assidue virentes in America.



mericanos diebus longissimis uti, tantoque estu torreretur, ut ego sociique ad 25. Decembris fluvij illū ardore solari cogeremur. Verūtamē, quod spherę nō ignaris facile est intelligere, cū dies sub tropicis nusquā tā longi, neque rursus tam breves atque in nostro climate exoriantur, multo sunt æquabiliores multo clementiore cœlo utuntur incolæ. Hæc mihi dicenda fuere de arboribus Americanis.

Cœlum sub  
tropicis ele-  
ment. simū.

Plantarum, herbarumque factorum mentionem, ab iis exordiar, quas tum fructibus, tum effectis aliis antecellere existimo: ac primum quidem planta quæ fructum *Ananas* edit, forma iri similis, foliis incurvatis, in ambitu divisis, ad aloë accedentibus, eiusdem cum carduo maiore formæ, pomū verò melonis mediocris est crassitudine, nucisque pineæ forma, in nullam reclinatum partem ad cinaræ nostræ modum crescit.

Planta folia  
que *Ananas*.

*Ananas* opti-  
mus totius  
Americæ  
fructus.

Cæterum *Ananas* illa cum ad iustam per-  
venerunt maturitatem, colore sunt aureo cœ-  
ruleum imitante, odorem Idei rubi fructus  
edit, adeo ut à nobis in sylvis aliisque locis,  
ubi nascuntur, errantibus ex odore facile de-  
prehenderentur: sapore adeo dulci ut à nullis  
sagamis nostris superetur. Itaque optimum  
esse totius Americæ fructum existimo. Ipse  
vnum aliquando compressi, ex quo cyathum  
succu elici qui maluatice vino nihilo cedere  
mihi videbatur: sceminæ verò America-  
næ canistros iis plenos, quos *Panacous* nun-  
cupant, vna cum *Pacos* illis, de quibus paulo  
antè

antè mentionem feci, alijsque fructibus ad nos afferebant, quos singulos singulis pectinibus, aut speculis mercabamur.

Inter ea quæ in America nascuntur simplicia, vnum est quod *Tououpinambantij* nostri *Petum* nominant: eodem cum lapatho maiori nostro modo crescit, altitudine nonnihil superat, foliis ab eo non absimilibus, quæ tamen propius ad Consolidam maiorem accedunt. Hæc herba ob insignem, qua est prædita, vim, magno apud Barbaros est in pretio. Hoc autem modo ea vtuntur, Collectam manipulatim in casis appendunt, & exsiccant, dein quatuor aut quinque folia alio ampliori folio inuoluta accendunt, orique accensa admovent, fumumque attrahunt quo, licet naribus, labijsque perforatis exeat, adeo sustentantur, vt si ad bellum proficiscantur, aut alia urgeat necessitas, eo per triduum, aut quadriduum alantur. Benzo quoque Noui Orb. hist. ait Indos Peruanos peregrè profecturos, herbam (quam Coca ipsi appellant) ore clausam, veluti panchrestum quoddam pharmacum circumferre: quippe eius præsidio freti integrum diem nullius nec cibi, nec potus egentes iter faciunt. Matthiolus quoque post Theophrastum scribit Scychas glycirissa contentos absque alio alimentorum præsidio decem, duodecimque dies degere: Quæ *Petum* Barbarorum nostrorum non malè respondent. Ea quoque in alium vtuntur vsum: nam quod è cerebro humores superfluos eliciat,

*Petum* admittenda vires.

Fumus *Petum* quomodo à Barbaris absorbeat.

Lib 3. c. 26.

Fumus *Petum* cerebrum purgat.



Lib. I. c. 26.

vix vllum ex Barbaris offendas, è cuius collo fasciculus istius herbæ non pendeat, cuius fumum cōtinuò absorbent, etiam cum familiaribus colloquentes: fumus verò (vt ante dictum est) per nares, labiâque pertusa exhalat, velut à turibulo: odor verò ille minimè est grauis. Benzonis itaque interpretis magno errore credidit, hanc eam esse herbam, quam Mexicani *Tabacco*, Hispaniolæ verò insulæ incolæ *Cozobba* nominant, cuius odorem acutum, & tetrum, atque adeò Diabolicum esse Benzo affirmat. Mulieres hac herba vtentes nunquam animaduerti: cuius quidem rei causam ignoro: assero autem fumū illum (quem expertus sum) famem non mediocriter depellere.

Nicotiana  
verum non  
est *Petum*.

Cæterum Nicotiana, seu Reginæ herba, licet apud nos *Petum* nominetur, tamen ea nō est de qua iam ago: quin imo duæ istæ plântæ, neque in forma, neque in viribus vllò connenire modo Villæ Rusticæ scriptor Gallicus lib. 2. cap. 79. asserit Nicotianam, quæ à Nicoto, qui primus eam è Lusitania in Galliam trāstulit, è Florida allatam esse, quæ 200000, passuum millibus ab America distat. tota enim torrida Zona inter vtramque est interiecta. Præterea diligenter in plerisque hortis, quorum domini vera *petum* gloriabâtur, perquisiui, nec tamen hætenus in Gallia nostra reperi. Ne autem Theuetus (qui non ita pridem Angolismensem suam herbam adeo celebravit, vt veram esse *Petum* affirmet) credat à me

à me quod scripsit ignorari, de ea idem quod de Nicotiana iudico: siquidem effigies quam in sua Cosmographia depingendam curavit, plantam referat. Itaque à me illi non conceditur quod sibi assumit, se primum omnium veræ *Petum* semen in Galliam attulisse. Quin credo ob cœli inclementiam ægrè apud nosadolescere posse.

Brassicarum quoque illic vidi genus à Bar *Caion-a bras-*  
baris *Caion-a* nominatum, quibus nōnunquā *sica.*  
ius condiunt, foliis est latitudine & forma ad  
Nenufar accedentibus.

Quantum verò ad radices attinet, præ-  
ter *Maniot* & *Aypi*, ex quibus, vt dixi cap. 9.  
Barbaræ mulieres, farinam suā cōficiūt alias  
etiā habēt, quas *Hetich* appellant: quarū non *Hetich radi-*  
modò æquè ferax est Brasiliēse solum, atque *ces optimæ*  
*Lemouicēse*, & *Sabaudicum* est raparum, sed *& magna co-*  
etiam radices ipsæ sunt crassitudine amborū *pia.*  
pugnorum, longitudine sesquipedales plus  
minùs. Licet autē primo aspectu à terra auul-  
sæ vnus generis esse videantur, quia tamen  
inter coquendum aliæ violaceum ceu *pasti-*  
nacæ, aliæ aureum ceu *cotonea* mala, aliæ de-  
nique album colorem induūt, trium esse ge-  
nerum autumo. Vt vt sit, verè possum affir-  
mare has radices præsertim quæ aureo sunt *Mira multi-*  
colore in cineribus coctas piris nostris vel *plicandarum*  
optimis bonitate non cedere. Eorum folia *Hetich radi-*  
quæ hederæ terrestris more humi serpunt, *cum ratio.*  
foliis cucumerum, aut latissimorum spinacio-  
rum simillima, colore tamen differunt, pro-



piùs ad vitem albam accedente. Cæterùm quia semine carent, Barbaræ mulieres quibus est curæ radicum istarum propagatio, minimo negotio (rem in agricultura inauditam) eas ferunt minutatim: siquidem concisas instar pastinacarum, quibus in acetariis utimur, ferunt: quæ frustula non multò post totidem gignunt crassas radices *Hetich*, quot in terrâ fuerunt iniecta. Tametsi quia cibarium est terræ illius præcipuum, passimque peregrinantibus occurrunt, eas etiam spòte nasci existimo.

*Manobi* auell  
lanarum nu-  
cuni genus  
sub terra nas-  
centium.

Barbaris quoque fructuum genus est quod illi *Manobi* vocant, qui sub terra nascuntur more tuberum, tenuibûsque filamentis inter se deuinciuntur, nucleum auellane amplitudine & sapore habent: colore tamen leucopæo, putamine pisii siliqua non firmiore. An verò folia, seménque proferat hic fructus, quamuis sæpius eo vesci mihi contigerit, non tamen adeo est à me obseruatum, ut à memoria repetere possim.

Matthiolum quarundam auellandarum Indicarum meminit, quæ à Serapione, inquit, *Fausel* nominantur, nuci myristicæ per similitudinem, in quodam inuolucro crescunt *Bombycis* non absimili, quæ frequenter inter alia aromata, ex India aduehantur.

*Piper Indici*  
cornutum.

Præterea illic quoque magna est copia *Indici* piperis, non oblògi (sicut magno errore meo à Neulstriis nautis accepto, superioribus editionibus scripseram) sed cornuti à quibusdam,

dam, (inquit Matthiolus, à quo etiam est optimè depictum.) Siliquastrū appellat, quòd sit gustui acerrimum: foliis, vt idē ait hortensi Solano similibus, paulò tamen amplioribus, caule cubiti magnitudine, viridi colore, albicante & geniculato: floribus albicantibus, fructu longo corniculorum instar, qui primo exortu virefcet, maturus verò adeo refuscat, ac leuore quodam ita pelluceat vt corallum referat: & in quo concludatur pumilum semen lentium modo compressum, vsque adeo acre, præsertim antequam sit exsiccatum, vt si quis manu attrectet, eamq; postea ori, aliue corporis parti admoueat, pustulæ statim exsurgant, quod & ipse experimēto didici. Quo fit vt mercatores nostrates ad tincturam tantum eo vtantur. Barbari verò nostri cū sale, quem conficere optimè norunt, aqua in fossis ad id seruata, piper illud conterūt: compositionem illam *Ionquet* appellant, qua eodem modo, quo nos sale in cibis vtuntur, non tamen quòd *Ionquet* buccellæ antequam in os ingerant applicēt, buccellam enim ante, post verò *Ionquet* summis digitis apprehensum, vt cibo saporem addat, ori imponunt.

*Ionquet* sal  
Barbarorū.

Denique crescit quoque in illis terris fabæ genus pollicis crassitudine, à Barbaris *Commanda-ouassou* appellatæ: pisa quoque alba, & leucopæa, quæ *Commanda-Miri* nuncupant: citrullæ quoque rotundæ nomine *Mauron* suauissimi cibi.

*Commanda-ouassou* fabæ  
amplæ.  
*Commanda-miri* pisa miri  
nora,  
*Maurongaus*  
citrulli.

Hæc sunt nō quidem quæ in vniuersum de



arboribus, herbis, & fructibus Americanis dici possunt, sed quæ à me sunt observata per annum quo illic vixi.

Arbores, her-  
bæ fructu-  
que omnes  
Americani à  
nostris exce-  
ptis tribus  
differunt.

Denique sicut est à nobis dictum apud Americanos, quadrupedes, nullas aves, pisces, nulla denique animantia per omnia Europæis nostris respondere: ita nunc assero, quantum per sylvas, & agros errando experiri mihi datum est, nullas esse arbores, aut herbas, nullos denique fructus, qui à nostris non sint dissimiles, his tribus exceptis plantis, portulaca, ocymo, & filice, quæ in quibusdam locis nascuntur. Quapropter quotiescunque novi illius Orbis imago ob oculos obuersatur, aërisque temperiem, animantium multitudinem, avium varietatem, arborum & plantarum elegantiam, fructuum denique bonitatem animo recolo, toties Prophetæ ista Psal. 104. exclamatio mihi in mentem venit,

*O qua vis fuit illa, qua potestas,  
Qua prudentia multiplex, creandis  
Tot rebus, simul, & simul regendis!  
Nam quacunque patet globosa tellus,  
Vis quoque imperij tui patefcit.*

Ergo beatos terræ illius incolas prædico, si verum istorum omnium Conditorem agnoscerent. Atqui ad res describendas me accingo, quæ plus æquo, quam sint ab eo alieni, demonstrant.

## CAP. XIII.

*De bello, prælijs, fortitudine, & armis  
Barbarorum.*

**Q**UANTUM *Tououpinambaultij*  
*Toupinenquin* nostri bellum im-  
 mortale gerunt aduersus varias fi-  
 nitimas gentes pro more reliquo-  
 rum omnium Barbarorum, quartam illā Or-  
 bis partem incolentium, quæ à Magellanico Americæ am-  
 freto (quod ad 50. grad. vltra Antarct. cū Po-  
 litudo.  
 lum iacet, vsque ad terras Nouas, quarum si-  
 tus est ad 60. grad. citra eundem Polum) lati-  
 tudine citra quadragies centena passuum mil-  
 lia occupat: proximi tamen & infensissimi  
 eorum hostes ij sunt qui *Margaiates* appel-  
 lantur, quique eorū sunt socij Lusitani, quos  
*Peros* appellant. Sicut etiam *Margaiates*, nō  
 modò *Tououpinambaultijs*, sed etiam Gallis  
 eorum sociis sunt capitales hostes. Non ta- Americanis  
 quæ causa  
 belli.  
 men quòd Barbari isti de finibus propagan-  
 dis bello certent (plures enim agros quàm  
 opus sit occupant) aut de diuitiis ex spoliis,  
 redemptionibus, armisque deuictorum paran-  
 dis, cogitēt. Hæc, inquam, eos minimè mo-  
 uent. Prout enim fatentur omnes, non alio  
 permouentur affectu, quàm vt parentum,  
 amicorūque iam olim captorum, & ab ho-



Barbari in  
gratiam cum  
inimicis re-  
duci non  
possunt.

stibus eo qui à nobis dicetur modo, deuoratorum, mortem quàm seuerissimè vlciscantur. Cui studio tam pertinaciter adhærent, vt quisquis eorum in hostium manus incidit, eandem pœnam necessariò expectet, nimirum fore vt mactetur, deinde deuoretur. Præterea, vbi primum inter quosdam ex illis populis bellum est indictum, in eo consentientibus omnibus hostem cui illata sit iniuria in perpetuum de ea vlciscenda cogitaturum, ac proinde ignauix tribuendum esse, si in suam redactum potestatem impunè dimittant: eorum inimicitia adeo sunt inueterata, vt in gratiam inter se reduci nunquam possint. Merito itaque dicemus Machiauelem, eiusque discipulos (quibus hodie magno suo malo scatet Gallia) Barbaras istorum actiones imitari. Cùm enim isti cōtra doctrinam Christianam & docent, & ad praxim reuocant, recenti gratia veteres iniurias non esse abolendas: hoc est, homines Dæmonum similes alios aliis parcere nunquam debere, annon satis declarant animos suos tygribus esse ferociores?

Ratio autem qua *Tououpinambaulty* nostri ad bellum profecturi conueniunt, hæc est, quantum obseruare mihi licuit. Etsi Reges aut principes inter se nullos habent, sed pares sunt fermè dignitate, tamen hoc illis à natura inditum est (quod etiam à Lacedæmoniis exactissimè olim est obseruatum) vt seniores, quos *Peorery picbeh* nominant, propter

pter rerum experientiam suspiciant & obser-  
uent: in singulis itaque pagis non aspernan-  
dum illis præstatur obsequium. Oblata hi oc-  
casione, vel in ambulantes, aut lectis suis pen-  
silibus xylinis insidentes, cæteros his aut simi-  
libus hortantur verbis.

Brasilienses  
senioribus  
obsequium  
præstant.

Ergone (inquiunt alternatim loquentes, <sup>Seniorum  
Americ. ora-  
tio.</sup> sermone minimè interrupto) maiores nostri,  
qui tot hostes non modò debellarūt, sed etiā  
deuicerunt, & mactarunt, & deuorarūt, exem-  
plo nobis fuere vt perpetuò domi delitescam-  
us? Gentē in ne nostram, quæ tanto olim cæ-  
teris omnibus fuit terrori, vt eius cōspectum  
ferre minimè potuerint, magno nostro cum  
dedecore, tanto affici probro patiemur, vt in  
laribus ipsis nostris ab hostibus bello petamur?  
Nostrāne ignauia commitemus, vt  
*Margaiates* & *Peros-engaipa* (hoc est ille gē-  
tes nequam,) primi in nos impetum faciant?  
Tum orator ille, manibus humeros, & nates  
plaudens, cum exclamatione hæc addit ver-  
ba, *Erima, Erima, Tououpinambaults, Conomi-  
ouassou Tan, Tan, &c.* hoc est, Nequaquam,  
populares mei, adolescētes fortissimi, ita no-  
bis est agendum: quin potius ad certamē nos  
instruamus, mortique & mactationi nos de-  
uoueamus, aut nostros vlciscamur.

His ergo seniorum orationibus, quæ ali-  
quando in sex horas producuntur, auditores,  
qui attentissimè audiunt, adeo vt ne syllaba  
quidem illis excidat, & animo & viribus au-  
cti, in singulis pagis se inuicem compellātes,



ad præfixum locum quàm celerrimè possunt magno numero conveniant. Verùm antequàm *Tououpinambaultios* nostros ad prælium deducamus, quibus sint armis instructi dicendum est.

*Tacape* genus clauæ lignæ.

Ac primùm quidem *Tacapes* hoc est clauas, autenses rubro, aliàs nigro ligno fabricatos habent: longitudine vulgò sunt quinque aut sex pedum, extrema parte orbiculatæ, aut ouali figura, latitudine pedali, crassitudine digiti pollicis in media sui parte, oræ verò comodissimè exacuatæ, siquidem ex grauissimo ligno, quale est buxum, sunt confectæ: securis acutissimæ aciei perparum cedunt. Adeo vt facile credam vnicum *Tououpinambaultium* istiusmodi claua armatum, ac furore percitum, multum negotij duobus gladiatoribus nostratibus exhibere posse.

*Orapat* arcus.

Arcus insuper habent, quos *Orapats* narrant, ex eodem ligni genere rubro nimirum & atro fabricatos: ij longitudine & crassitudine nostros adeo superant, vt eos nec lentare, nec adducere vllus nostrum possit: quin potius imò totis viribus puerorum decem annorum arcibus curuandis opus esse. Pro neruis ea est illis herba quam *Tocon* vocant, quæ licet admodum sit exilis, tanta tamen est firmitudine vt equi vires ferat. Sagittæ sunt vlnali longitudine: tribus iuncturis perficiuntur: media pars ex rûdine, reliquæ verò duæ è ligno sunt nigro: segmina porrò illa adeo concinnè quibusdâ arborum corticibus colligan-

*Tocon* herba arcibus neruorum loco.

Sagittarum longitudo.

ligantur, ut firmitus agglutinari nequeant. Plumulas duas illis applicant pedali longitudine, quas filo xyolino: quod gluten apud eos non sit in usu, cōstringunt: ossa præacuta mucronibus aptant: aliquando arundinis siccæ frustulum palmi longitudine in modum scalpri dolatum: nonnunquam raia piscis caudæ extremum, quæ ut alibi dixi maximè est venenata. Ex quo verò Galli & Lusitani in eas regiones commeant, recepto eorum more Barbari sagittas ferreis spiculis, aut saltem clavis acutioribus firmare assueverunt.

Iam dictum est quæ sit illorum in versandis clavis illis suis dexteritas: ad arcus verò quod attinet, confido fore ut ij omnes à quibus sunt conspecti Barbari, confirmet eos nudis brachiis tanta celeritate, tamque certo ictu iaculari, ut (quod bona Anglorum pace, qui tamen peritissimi sagittarii habentur, dictum sit) sagittis suis manui quæ arcum tenent impositis, duodecim ab illis citius quàm ab Anglis sex fuerint emissæ.

Postremò parmas habent ex tergo *Tapi-* *rousson*, cuius iam ante memini, latas, planas, & rotundas ad modum fundi tympani germanici. His inter præliandum non obteguntur ad eum quo solent milites nostri modum, sed iis dimicando sagittas hostium excipiunt. Hæc verò sunt vniuersa Americanorum arma: neque enim aliis armaturis corpus suum obtegunt: quin contra (exceptis plumaceis pileis, armillis, breuibûsque aliis indumentis

Americani  
sagittarii peritissimi.

Parma coriaceæ.



quibus corpus suum, vt ante dictum est, exornant) si vel indusio essent induti ad præliū profecturi, confestim illud exuerent, veritine illo intricarentur.

Ferreos enses Barbari parui faciūt.

Vt autem sermoni de armis Barbarorum finem imponam, illi siquando à nobis enses ferreos accipiebant sicut *Moussacat* cuidam ex meis vnum dono dedi, statim vaginas procul abijciebant: (idem quoque acceptis cultris factitabant, eorum fulgore delectabātur, aut ad abscindendos arborum ramos vtiliores, quàm ad pugnam censebāt: ac sanè, vt à me dictum est, optimè suis versandis eos esse exercitatos, commodiùs illis vtuntur.

Cæterùm tormenta aliquot minimi pretij eò deuexeramus: hæc Barbari terni singula displodebant, vnus manibus impositum ad destinatum intentabat, alter collimabat, tertius ignem admouebat. Tamen quia cannam ad os vsque complebant, nisi carbo contusus pulueri tormentario à nobis fuisset admixtus, magno eorum periculo tormentum fuisset disruptum. Ad hæc nolo prætermittere Barbaros, cum primùm tormentorum maiorum, & minorum strepitum audirēt, quodammodo territos fuisse, præsertim cum nō nullos ex nostris auem ab arbore deijcientes videbant, feramue humi sternentes plumbe glande, quam ipsi non cernebant, tamen arte cognita, hæc reformidare desierunt: dicebant enim se celerius sagittas sex iaculari posse, quàm quis tormentum semel aptaret. Si qui autem

autem obijciat tormentum longè altius penetrare: Respondeo nec thoraces bubalinos, nec hamis confertos sagittæ à Barbaris emissæ impetum ferre, quin eâ æquè ac glande tormentularia traijciantur. Veruntamen quia commodiori loco hæc à nobis dici poterūt, cum ad Barbarorum prælia ventum erit, ne confusè agam, iam Barbarorum copias ad præliandum educo.

Ea qua dictum est ratione coacti ad octo, aut decem capitum millia, mulieribus non paucis, non ad præliandum quidem, sed ad impedimenta, & com meatus comportandos, in castra cōuenientibus, ex senioribus ij qui Seniores Barbari agminis duces. hostes maximo numero interfecerunt, & deuorant, copiis præficiūtur: quibus ducibus itineri se accingunt. Quamuis autem incedāt nullo ordine, tamen cum iter faciunt conglobati, fortissimis primam aciem occupantibus, Barbari sine ordine, incōfusè tamen incedunt. mirum est quàm commodè vniuersa illa multitudo, sine tribuno & mensore se recipiat, ita vt signo dato celerrimè in aciem conueniāt.

Cæterum nonnulli sunt qui cornibus quæ Inubia cornua ingētia, ipsi *Inubia* vocant, sesquiulnæ longitudine, & crassitudine hastæ nostratis ab inferiori parte palmi latitudine, instar buccinæ milites cient, tum patriā excedentes, tum etiam castra mouentes. Nonnulli etiam fistulas ex Fistulæ ex ossibus humanis. ossibus hostium olim mactatorum & deuoratorum, gerunt, quibus assiduè in itinere canunt, vt sociorum animos excitent, studiūque hostes consimiliter mactandi, augeant.



*Tgat* lintex  
corticæus.

Si verò, quod frequenter contingit, nauigio expeditionem in hostes facere placeat, litora legunt, nec alto mari se committunt. In suis verò se lintribus disponunt, eos *Tgat* narrant, singuli constāt ex singularum arborum cortice detractō in hunc vsum destinato, tantā tamen amplitudinis vt singuli quinquagena capiant hominum capita. Itaque stantes pro more suo nauigium agūt remo vtrinque plano, quem medium comprehendunt. Hi porrò lintres cum plani sint, minimo negotio aguntur. Eorum tamen in alto mari, vel oborta tempestate vsus est nullus. Sed in summa malacia Barbaris nostris ad militiam proficiscentibus, classem sexaginta huiusmodi lintribus constantem conspicias. Hi tam celeri æquor percurrunt motu, vt mox oculos fugiant. Atque hi sunt exercitus *Toupinëquin* terrā, marique.

Primum Bar  
barorum stra  
tagema.

Hoc instructi modo quinquaginta nonnunquā passuum millia in hostium fines progrediuntur. Primòque hoc vtuntur stratagemate, fortissimi quique cæteros cum mulieribus, & impedimentis post se relinquūt itinere vnius, aut duorum dierum: summo cum silentio accedunt, syluāsque occupant insidias hostibus struētes, quibus adeo sunt intenti vt non rarò per 24. horas illic delitescant. Hostes verò si ex improviso fuerint adorti, quot quot viri, scēminæ, ac pueri occurrunt, non modò deducuntur, sed etiam mactantur ab hostibus in patriam reducibus, frustratimque

Bon-

*Boucan* imponuntur, ac tandem deuorantur. Atque ed facilius incautos opprimunt, quod pagi (nam vrbes nullæ sunt illis) mœnibus non cinguntur, castrarumque, (quæ tamen 80. aut 100. passus in longitudinem protenduntur) fores nullæ sunt, earum verò loco palmarum ramos, aut herbarum *Pindo* caulē ad ianuās suas apponunt. Quosdam tamen pagos, qui hostibus sunt contermini, iam palis ex palmis longitudine 6. pedum munire & circunvallare didicerunt, præterea stipitibus ligneis præacutis muricum loco aditus muniunt: itaque si hostes noctu aggredi pagos illos uoluerint, quod illis est familiare, pagani tum in eos tuta via irrumpunt, quo fit ut siue pugnam, siue fugam capeant, nusquam euadant, quin aliqui pedum vulneratorum dolore prosternantur, qui confestim ab paganis torrentur, & eduntur.

Si verò aperto Marte pugnare contendunt, copiis utrinque eductis, vix credibile est quàm atrox, quàmque horrendum sit prælium: cuius ipse spectator fui, ac proinde merito de eo referre possum. Ego cum Gallo altero, paulò curiosius (magno nostro periculo, si enim à *Margaiaribus* capti aut læsi fuissetus, deuorationi fuissetus deuoti) Barbaros nostros in militiam euntes comitari volui. Hi numero 4000. capita cum hostibus ad littus decertarunt, tanta ferocitate ut vel rabidos & furiosos quosque superarent.




Ad prælium  
venientium  
Barbarorum  
vlulatus.

Ossium ma-  
statorum o-  
stentatio.

Barbari fe-  
cissimi.

*Tououpinambaultij*, cum primum hostes conspexêre, in râtos, tamque editos vlulatus perruperunt, vt qui lupos hîc venantur, cum illis vlulatibus comparandos minimè edant: clamor verò aërem adeo fericbat, vt tonitru vix exaudiri tum potuisset. Accedentes verò propius clamores ingeminabant, cornibûsque concrepabant, fistulis denique cane-  
bant, minas aliij in alios intentabant, ossaque mortuorum hostium ostentabant: dentes item quorum nonnulli filo traiectos vltra vlnas duas collo appensos gerebant: denique gestibus horrorem spectantibus incutiebant. Ad manus autem vbi ventum est, longè in peius res ruere: tanta enim sagittarum nubes est vtrinque emissa, vt muscas volantes multitudine imitarentur. Saucij verò non pauci strenuè tela à corpore auellebant, quæ rabidorum more canum mordebant, nec tamen propterea prælio abstinebant. Hæc enim gens adeo fera est, & truculenta, vt tantisper dum virium vel tantillam restat, continuò dimicent, fugamque nunquam capeffant. Quod à natura illis inditum esse reor. Etenim à Nobili quodam accepi viro Gallo, qui militiam colit, bel-  
lorum civilium nostrorum tempore, in legionibus Gallicis Americanos milites duos fuisse, qui strenuè & fortiter se gerebant: quapropter à Centurionibus plurimi fiebant. Quod tamen in eam accipi partem no-  
lim,







lim quasi affirmarem nullos in illis reperiri posse, qui ignauiam Asianorum, molli-  
tiam Europæorum aut Afrorum imitaren-  
tur: assidua enim exercitatio militem strenuum  
facit. Vtut sit, vbi manus cum hostibus *Tou-  
oupinambaulty* conferre ceperunt, clavis illis  
suis utrinque acerrimè ferierunt, adeo ut  
obuium quemque non modò humi sterner-  
ent (non secus ac lanij boues) sed etiam pe-  
nitus mactarent.

Vtrum generosis insideant equis annon,  
à me non quæritur: Lectorem enim memo-  
rem esse credo eorum quæ superius à me di-  
cta sunt, equis aliisque iumentis Barbaros  
penitus carere, ac proinde pedites omnes in-  
cedere. Ego verò qui aliàs sæpe equum mihi o-  
ptarem quem Barbaris conspiciendum præ-  
berem, tum sanè optimum cui insiderè, præ-  
sentique me periculo liberarem, votis omni-  
bus exoptabam: Quippe mihi fit verisimi-  
le, Barbaros si cataphractarum militem no-

Barbati è-  
quos si vi-  
derent quid  
de illis sen-  
tiant.

stratem equo generoso insidentem, ignem-  
que hinc è tormentulo erumpentem, illinc,  
verò equum resiliètem còspicerent, *Aignan*,  
hoc est cacodæmonem adesse credituros.  
Tamet si à quodam memoriæ est proditum,  
magnum illum Attabalipam Peruensium  
Regem, quamuis equum ante conspexisset  
nullum, tanta fuisse animi magnitudine, ut  
Pisarro (qui cùm ut sese ostentaret, tum ut  
Indos Attabalipam stipantes perterreface-

Hist. Gen.  
Ind. lib. 4.  
cap. 113.



ret, continuò equum suum glomerato gressu solo insultantem agitabat, propius ad Regem accedente, spumâque ab equi ore in regis vultum defiliante, minimè tamè commotum fuisse, quin morte plecti eos imperasse qui equi horrore stupefacti terga vertissent. Quæ res (inquit historiographus) Barbaris fuit terrori, nostris verò admirationi.

Iam verò, vt narrationis seriem repetam, si quis quærat quid tu, comêsque tuus tantisper dum prælium committebatur, annon vnâ cum Barbaris dimicabatis? Ingenuè fateor nos, qui adeò imprudenter Barbaros essemus comitati, imprudentiam illam altera cumulare noluisse: sed paullum à conflictu remotos, spectaculo illo contentos fuisse. Testor interea me, qui non semel tum equitum tum peditum copias ingêtes in aciem instructas, hîc conspexi, tanta nunquam voluptate videndis peditum legionibus armis fulgêtibus, quanta tum pugnantibus istis *Tououpinambaultijs* perfusum fuisse. Præterquàm enim quod sibilantes, saltantes, & celeriter admodum & dextrè sese in orbem glomerantes, iucundissimè spectabantur, accedebat insuper telorum nubes densissima, quorum pænæ rubræ, cæruleæ, virides, rosæ, aliorumq; id genus colorum, soli obiectæ radiabant, vestes itê, pilei, armillæ, cæteraque ex plumis compacta ornamenta, quæ mirum in modû spectantium oculos fulgore feriebat.

Hoc prælio trium horarum spatîo confecto

Corpora telâque Barbarorum plumis ornata.

Atque, multis vtrunque cæsis & faucibus, *Touon-  
pinambaulty* nostri victoriam reportarunt,  
captiuosque, cum viros tum fœminas plus  
minus triginta ad suos deduxerunt. Nos ve-  
rò qui officium aliud præstiteramus nullum,  
nisi quod strictis gladiis, tormentulisque vt  
Barbaris animos adderemus, nonnunquam  
dispositis præliantes spectaueramus, (quod  
maximè gratum sit illis si cum ipsis ad bellum  
profisciscantur hospites) tantam de nobis cõ-  
citauimus opinionem, vt ab eo tempore se-  
niores peculiari nos beneuolentia & amore  
sint complexi.


Captiuis itaque in medio agmine collo-  
catis, nonnullisque ex robustioribus funibus  
vinctis, ad Ganabaræ sinum tendimus, à quo  
passus circiter XXIV. M. aberamus. Vndique  
verò ex fœderatis permulti saltantes, tripu-  
diantes, & plaudentes nobis gratulatum ob-  
uiam veniebant. Denique cum ad locum in-  
sulæ nostræ oppositum peruenimus, ego co-  
mèsque meus scapham conscendimus, ad  
castellumque nostrum reuertimur. Barbari  
verò in continente pagos suos singuli repe-  
tiere. Paucis pòst diebus Barbari quidã ex iis  
qui captiuos apud se habebant, ad castellum  
nostrum accessere, quos per interpretes ro-  
gamus, vt mancipia aliquot Villagagnoni  
vendant. Sic captiuorum pars magna ex Bar-  
barorum faucibus est erepta: ægrè tamen, &  
inuitis Barbaris. Quod mihi non multò post  
est apertissimè indicatum. Mulierem quãdam

Captiui vin-  
cti.  
Barbarorum  
ob victoriã  
reportatam  
plausus.

Captiui à  
Gallis em-  
pti.



cum puerulo suo vix dum bimulo emebam, pretium erant merces quædam, quarum estimatio ad tres libellas Francicas accedebat, venditor autem meus ita cōquerebatur, Quid in posterum futurum sit nescio, ex quo autem *Paycolas* (sic Villagagnonem nominabant) huc appulit, vix dimidiam captiuorum nostrorum partem comedimus. Puerulum illum mihi reservare vehementer cupiebam, sed Villagagno, restitutis mercibus meis & matrem & filium vendicavit. Matri nonnunquam dicebam fore ut cum mare transmitterem, puerulum huc transportarem. Illa verò (adeo vindictæ reposcendæ animis gentis illius hæret cupido) respondebat malle se ut à *Tonoupinambaultys* vocaretur, quàm ut in tam remotas terras deportaretur: sperare se ut grandior factus ad populares suos quoquo modo elapsus se reciperet, ac cognatorum suorum mortem vlcisceretur. Nihilominus tamen (ut ante est à me dictum) è quadraginta aut quinquaginta mancipiis quibus ad Castellum nostri munitionem utebamur, decem pueros selegimus quos nauibus impositos ad Henricum secundum tum Galliarum regem misimus.



## CAP. XV.

*Captiuos suos quo tractent modo Barbari, quibusque ceremoniis in iisdem mactandis & edendis utantur: quibus per occasionem immanissima crudelitatis alia exempla adiecta sunt.*

**N**UNC superest ut dicamus quonam modo captiui à victoribus excipiantur. Vbi primum in victorum fines sunt deducti, non modo exquisitissimis aluntur cibis, sed etiam vxores viris dantur, (non autem viri fœminis) Immo non dubitabit is qui captiuum apud se habet, filiam suam aut sororem in vxorem illi dare, quæ viro diligentissimè ministrabit. Cæterum cum mactationis tempus non sit præfixum, sed modo citius, modo tardius expediantur prout fuerint utiles, viri quidè aucupio, venationi, & piscatui: fœminæ verò hortis colendis, aut ostreis colligendis: omnes tandem suum more saginatos mactant, vorantque his ritibus.

Captiui quo modo excipiantur ab hostibus.

Primum finitimis omnibus res denuntiat, tum virorum, fœminarum, puerorum fit concursus ad locum vbi est futura mactatio. Ibi matutinum tempus potando transigunt. Inter quos captiuus ille, quem non latet eam in se cudi fabam, plumis ornatus, non modo

Ad captiuum mactationem conuentus.



Captivus vin-  
ctus per vicū  
circumduci-  
tur.

mortem non horret: quin immò saltando, bi-  
bendo, ridendo reliquos superat. At post quā  
per sex aut septem horas vnā cum ceteris per-  
bacchatus fuerit, duō trēsue ex robustissimis  
eum arreptum funibus xylinis, aut ex arboris  
illius cortice (quam *Tuire* vocant, quæque ti-  
liæ est persimilis), medium, minimè renuen-  
tem quamvis vtrōque sit brachio soluto, cō-  
stringūt: pèrque pagum quasi in triumphum  
deducunt. At verò, num putas propterea eum  
caput dimittere vt solent hīc fontes? Minimè  
verò id quidem. Quin contrā incredibili au-  
dacia res suas gestas apud eos à quibus con-  
strictus detinetur enumerat, his verbis. Ego,  
ego ipse fortissimus, sic vestros olim cognat-  
os vixi, tum se laudibus magis ac magis  
euehens, modo in hanc, modò in illam con-  
uersus partem, alium quidem ita compellat.  
Heus tu, patrem tuum ego voravi, alium verò  
ô bone, fratres tuos mactavi & *Boucanaui*.  
Tot denique viros, scēminas, puerulosque,  
ex vobis *Tououpinambaultis* bello à me cap-  
tos deuoravi vt numerum assequi non pos-  
sim. Cæterum ne ignorete populares meos  
*Margaiates* tot in posterum mactaturos esse  
quot è vobis intercipere poterunt: atque ita  
mortem vlciscantur meam.

Tandem, postquam omnium oculis satis  
superque fuit expositus, duo illi lictores à  
quibus constrictus tenetur, circiter tres vlnas  
ab eo recedunt, funē tamen pari longitudine  
firmissimè vterque contrahit: adeo vt cap-  
tius

tius gradū præcisè sistere cogatur, progredi autem aut regredi minimè possit. Vincito lapides aut testæ confractæ adferuntur. Tum lictores parmis ex tergo *Tapirousson* (cuius antè memini,) sese obtegūt, captiuūq; his compellant verbis. Mortem tuam ante obitum vliscere: Ille confestim lapides in eos summo impetu cōtorquet qui se circumstāt quorum nūmerus plerumque ad quatuor milia accedit. Ex his minimè est quærendum quàm multi vulnerentur. Equidem in vico quodā quem *Sarigoy* appellāt vidi captiuū eiusmodi tanto impetu lapide mulieris crus pertigisse, vt cōfractum illud esse crederem. Porro lapidibus, accespitibus, quos potuit colligere absumptis, prodit is qui mactationi se accingit, quique per totum diem latuerat, clauam ligneam plumis decoram manibus gerens, pileo quoque ac cæteris ornamentis plumeis ornatus: atque ad captiuū accedit, eūque his compellat verbis. Annon ex *Margaiati* es gente nobis infensissima? Annon tu ipse ex nostris amicis & cognatis cōplures mactasti, ac deuorasti? Cui captiuus, animo quàm antea longè præsentiore, sua sic respondet lingua, (*Margaiates* enim à *Tououpinambaultis* sermone non sunt dissoni,) *Pa, che ran ran aionca atoupanè*. hoc est, vtrique sum fortissimus, atque ex vestris quàm plurimos mactaui & deuoravi.

Captiuus  
præcisè re-  
uinctus mor-  
tem imminē-  
tē vliscitur.

Mactatoris  
cū captiuo  
colloquium.





Deinde, quo magis hostes suos vrat, vtraque manu capiti imposita, in hæc erumpit verba: O quam strenuè in eo me gessi! O quam gnauiter vestros bello lacessiui, cepique, quos penè innumeros vorauì. aliàque id genus multa subiungit. Mactator verò addit, Idcirco tu qui in nostra es potestate, mox à me mactaberis, *Boucanóque* affatus à nobis voraberis. Quid tum? (inquit ille, ne fractioni quidè animo pro sua gète mactatione subire paratus, ac *Regulus* ille quondà pro Rep. Romana mortem oppetijt) mei quoque cognati mortem vlciscentur meam. Ad hæc, vt pateat istos mortem (quam tamen mirum in modum reformidant) prorsus cōtemnere, quòd beari se credant publico illo & solenni supplicio: exemplo re cōfirmabo. Fortè in pago quodam Insulæ maioris quam *Pirani-ion* nuncupant diuertii, mulieremque offendi mox isto supplicij genere interituram, ad hanc accedo propius, moneo vt se *Toupan* cōmendet (nam ad illius captum sermo erat accommodandus. *Toupan* verò non Deum, sed tonitru sonat,) atque ad eum prout à me docebatur preces conciperet. Illa verò nutato capite me deridens respondit, Quid verò mihi es daturus si id quod vis exequar? Tum ego, Miserrima muliercula, mox rerum omnium istarum vsus tibi nullus erit: Itaque de anima tua quā immortalem esse credis (quod faciūt Barbari omnes vt mox sequenti capite dicemus) serio cogitato. Illa verò rursus me irridens, est

Mira captiui  
confidentia  
mortem cō-  
temnentis.

Barbara mu-  
lier mortem  
contemnit.



maetata.

Captiuus v-  
no ictu ma-  
etatur.

Barbarorum  
proverbium  
a Gallis vsur-  
patum.

Sed vt ad rem redeam, variis disceptatio-  
nibus vltro citroque habitis, nonnunquam  
inter colloquendum, maetator qui praesto  
adeft, claua lignea vtraque manu in altum su-  
blata, orbiculo extremo, captiui caput totis  
ferit viribus, adeo vt paucissimo sanguine ef-  
fuso, altero ictu non sit opus. Hinc prouer-  
bium illorum, quod iam apud Gallos nostros  
erat in vsu, Confringam tibi caput, pro eo  
quod solent altercantes milites aduersatio  
minitari his verbis, Ego te confodiam.

Luctu simu-  
lat vxor cap-  
tiui maetati.

Captiuo in hunc modum maetato, si con-  
iugatus erat, (vxores enim nonnunquam illis  
dari diximus) vxor illius cadaueri adhærens,  
aliquantulum luget, aliquantulum inquam,  
nam Crocodilum imitatur, quem ferunt, an-  
tequam hominis a se necati cadauer deuoret,  
lachrymas emittere solitum. Non absimili  
modo illa postquam lachrymis extortis lu-  
ctum simulauit, viri sui carnibus omnium  
prima nisi quis anteuertat vescitur. His ita  
gestis reliquæ mulieres, praesertim vero anus,  
quæ cum sint humanarum carnum appeten-  
tiores, iuniores continuo eos a quibus ca-  
ptiui detinentur hortari solent vt confestim  
morti addicant) aquam feruentem admouen-  
tes ad cadauer accedunt, quod adeo fricant,  
lauant & calida perfundunt, vt cute sublata  
pari sit cum nefrendibus assandis candore.

Captiui ca-  
dauer nõ se-  
cus ac ne-  
frens calida  
perfunditur.

Deinde captiui dominus assumptis secu  
quanto

quanto numero visum fuerit sociis, cadauer diuidit, ac tanta celeritate frustatim discerpit, vt lanius apud nos vix reperiatur vllus qui veruecem celerius in frusta secare possit. His accedit quod prout venatores, hic cerui capti viscera canibus venaticis porrigunt, Barbari consimiliter hostium suorum mactatorum sanguine liberos illinunt suos vt ad ferociam crudelitatemque animos illis addant.

Cadauer captiui incredibili celeritate in frusta secatur.

Hæc porro immanis crudelitas, apud Barbaros frequentissima, per se est quidem abominanda. Atqui portentosius id esse videtur quod patratum à Iudeis fuisse legimus, (quos tamen humanitate cæteras gentes antecellere par erat, prohibito à Deo, sanguinis esu) Illi enim tumultibus concitandis, vt tradunt historiæ, deditissimi, Traiani tēporibus adeo horrendas seditiones excitarunt, eoque crudelitatis & immanitatis processerunt, vt cæsis quadraginta hominum millibus in Ægypto, Cirene, & Cypro, eorum carnibus vesci, sanguinéque vultū oblinire suum sustinuerint. Quin multos à vertice transfixere medios, eorumque pellibus induti immanissimam præ se ferentes rabiem obambulauere. Quæ historia si nō absoluat, saltem extenuet Americanorum crudelitatem. Cæterum ex quo Christiani ad eos accessere cum mactatorum corpora, tum animantia omnia, reliquosque cibos cultris secant. Antea verò, quantum à senioribus accepi, lapidibus præacutis ad eum vsu accommodatis utebantur.

Barbarorum pueri cum hostium sanguine illinantur.

Iudeorum immanis crudelitas.

Lapides cultrorum vsu Americanis olim præbebant.



Captiui car-  
nes *Bouca-*  
no impositę.

Barbarę  
anus adipem  
diffluentem  
lingunt.

Chartarum  
Cosmogra-  
phicarum  
error.

Singula porro cadaueris frustra, atque adeo ipsa viscera abluta, & expurgata, *Boucano* imponuntur. Hęc tantisper dum coquantur, anus continuo *Boucano* adhærent, mirum enim in modum carnes humanas appetunt, adipemque à *Boucani* baculis diffluentem excipiunt. Adeo eorum sapit palato ut continuo adolescentes ad capiendos hostes horrentur, qui cibum eiusmodi suppeditent. Digitos quoque suos adipe illo, conspersos lingentes, conclamant suum *Tguaton* quod sonat, bonus est. Habes, Lector, quantum obseruando assequi potui, qua ratione Barbari Americani captiuos suos assant, more nimirum penitus nobis ignoto, nimirum *Boucando*.

At verò quoniam cap. 10. de *Tapirousson* agens, *Boucani* formam fuisse descripsi, ne tautologia laborare videar, ad locum illum Lectores remitto. Interea verò eorū error à me refutabitur qui suis chartis Barbaros nostros carnem humanam verubus perinde ac nos armos veruecinos assantes depinxerunt, duos etiam prægrádibus cultris ferreis carnes dissectas ad speciem suspensas exponere sunt commenti, prout hęc bubula venalis exponitur. Sed ista tam vera, quàm ea quę fabulose de Panurgo Rabelesius refert, quod lardo transfixus & semiaffatus tandem euaserit, arguunt chartarum illarū authores crassissimę ignorantia. Hęc ut confirmem addo. Brasilienses nō modò à nobis differre assandi mo-

do

do, sed etiam nostrum morē illis planē fuisse incognitū tum etiam cū apud illos degēbamus. Etenim ego & sodalis quidā meus in vico quodam Indicam Gallinā cum non nullis aliis volatilibus veru ligneo impositis nostro more ad ignem versantes assabamus. Barbari nostrum assādi morē, ludibrio habent. Quod factum Barbari in ludibria vertebant, nec prius adducti sunt vt crederent carnes quæ continuò agitantur percoqui posse, quā ipsi periculum fecere. Ergo (vt vnde digressus sum eò redeam) vnus aut plurium captiuorum carnibus (duos siquidem aut tres nonnunquam vno die mactant) in eum modum assatis, turba illa vniuersa quæ mactationi interfuit *Boucano* circumit exultans, Barbari singuli captiuū carniū frustum arripiunt. membræque hostiū torrentia toruis intuetur oculis, deinde quantūvis multi particulā singuli arripiunt: non tamen cibi causa, (quod suspicari non immeritò quis posset) isthæc perpetrant: quamuis enim sine controuersia carnes humanas sapore cōmendent, vltionis tamen potius iis edendis quā victus rationem habent: anus excipio carniū illarum, vt dixi, auidissimas. Huc verò tendūt, vt mortuos ad ossa vsque corrodes superstitibus metum incutiant. Quippe, quò animos suos truculentissimos & s̄uissimos expleant, nulla est cadauerum illorum particula, ab extremis articulis ad nasum vsque aures & verticem (quæ excepto cerebro) ab illis non exelatur. Ptolemēi itaque Lathuri Regis *Ægypti* barbaries eò fuit immanior, quòd licet



humaniore est disciplina excultus, ad tãtam sit delapsus crudelitatem, vt cæsis xxx. Iudeorum millibus captiuos cæsorũ carnibus vesci adegerit. Cæterum *Tououpinambaulty* nostri

Caluarũ acer  
ui à Barbaris  
cir asservien-  
tur.

in singulis pagis acervatim mactatorum caluarias diligenter asservant, (prout apud nos in cœmiteriis solêt) Gallis verò ad eos commean-  
tibus fusissimè rerum suarum gestarum præconium persequuntur, acervosque illos quasi trophæa quædam, fortitudinisque suæ monumenta ostentant. Præterea grandiora crurum & brachiorum ossa non negligenter recondunt, fistulis (vti dictum est) conficiendis: dentes quoque avulsos filo trajciunt, & circa collum obuolutos gestant. Gen. Ind. Hist. scriptor de Insulæ *Zamban* malis agens, refert eos hostiũ ab se mactatorum capita ædiũ sacrarũ valuis affigere solitos: dentesq; collo appēsos ad ostentationẽ gestare.

Lib. 2. cap. 71.

Mactatores verò isti summo illud tribuũt decori, patrato enim egregio illo facinore, secedunt, pectusque, brachia, crura, suras & reliquas corporis partes incidunt, incisurasque vt perpetuo cuti inhæreãt vnguento nescio quo illinunt, atròque puluere inspergunt, quem nulla temporis diuturnitas delere potest. Creduntur autem eo plures mactasse hostes quo pluribus scatent incisuris, ac proinde fortissimi censentur. Quæ vt facilius à quibusvis percipiantur sequenti pictura expressimus, Alterum quoque Barbarum sagittam arcu iaculantem adiunximus.



Hæc pictura superiori pag. 186 collocanda erat, quæ verò ea  
pag. habetur in istius loco hîc debuit poni.



Horrenda  
crudelitas.

Neustrij in-  
terpretes vi-  
tam atheorū  
more transi-  
gunt.

Denique vt tandem horrendæ isti tragœdie finem imponamus, si fortè contingat vt mulieres quæ captiuis nupserant grauidæ ex illis sint factæ, Barbari (dictu horrendum, visu verò maxime stupendum) liberos nonnunquā recens natos, rarò paulò adultiores vorant, hanc autem causantur rationem, pueros illos ex hostium semine progenitos esse. Barbari verò hostes suos quibuscum continenter bellum gerunt funditus aboleri non modò percipiunt (eandem enim crudelitatem *Margaites* in *Tououpinambaultios* exercent) sed etiam mira perfundūtur voluptate si videant hospites suos eodem esse animo. Etenim carnes humanas nobis ab illis appositas quoties reiciebamus, (quod à me & plerisque ex nostris semper est factum, neque enim per Dei gratiam adeò immanes vnquam fuimus vt eas vel attingere religio nobis non esset) nos non satis fideles sibi censebant. At meo maximo dolore referre cogor, Neustrios quosdam interpretes, qui apud Barbaros nouennium exegerant, sese vt ad illorum mores accommodarent vitam atheorum more transigentes, non modò crebris scortationibus sese cum Barbaris foeminis inquinabant, adeo vt vnus ex illis trimulum puerulum ex vago illo concubitu sustulerat: sed etiam exuto omni humanitatis sensu, Barbarosque immanitate superantes, à se permultos *Margaites* & mactatos & deuoratos fuisse gloriabatur. Porro vt quæ sit *Tououpinambaultiorum* in ho-

hostes suos crudelitas pergā describere, contigit eo tempore quo apud illos degebamus, vt de vico quodam in maiori insula sito cogitarint. Pagus hic à quibusdam *Margaiatibus* incolebatur qui tamen *Tououpinambaultiorū* ingruente cum *Margaiatibus* bello *Tououpinambaultijs* in deditionem venerant, perque totos viginti annos pacificè apud illos egerant. At tandem inter *caouinandum* sese mutuo incitantes & animos addentes, pagi illius incolas vniuersos internecioni deuouēr. Decretum exequi non cunctantur, noctu inopinantes intercipiunt & semisopitos opprimunt, ad eò vt non sine commiseratione clamores & eiulatus audirentur. Galli re audita circa mediam noctem eò properant armati, pagus enim à castello nostro non longius X passuū millibus aberat. verū antequā eò aduenissent, Barbari rabie & praeda incitati obuios quosque trucidarant, casāsque vt latentes extruderent incenderant, ad eò vt perpaucos superstites nostri inuenerint. Quinimò ex nostris nonnulli asseuerabant se non modò adultos frustatim concisos, sed etiam infantulos lactantes integros *Boucano* impositos vidisse. Ex adultioribus tamen aliquot mari sese commisere, & noctis tenebris obsecundantibus natantes euasere, inque nostrum Castellum se recepere. Quod vbi rescuerunt Barbari non æquo tulerunt animo: immò suos hostes à nobis detineri mussitantes conquerebantur. Tandem verò mer-

Pagus à Barbaris vastatus.

Barbaties horrenda.



cibus quibusdam à nobis placati fuere, clientes verò nostros, Villagagnoni mancipia reliquere.

Interiectis aliquot diebus, ego cum quibusdam aliis Gallis in pago ab indigenis *Pirani-ion* nominato, in insula illa maiore animi gratia exspatiabamur, inopinantes captivum iuvenē, forma & statura non mediocri, in cōpedibus ferreis quas Barbari à Christianis acceperant, detentum offendimus. Is lingua Lusitana nos compellat, (duo ex nostris ob Hispanici sermonis peritiā eius verba capiebant) significat se in Lusitania fuisse, Christianum esse, Baptismo initiatum, Antonio sibi nomen. Præterea, quamvis natione

Margaias in  
Lusitania ba-  
ptisatus cap-  
tivus.

*Margaias* esset, quòd frequenti cum Lusitanis commercio ferinum ingenium ex parte exuerat, innuit se vehementer optare, si quid ratione fieri posset, ab hostium manibus evadere. Tū nos, præterquam quòd nostrarū erat partium quotquot dabatur è Barbarorū faucibus eripere, auditis vocibus Christiani & Antonij longè vehementius commoti sumus, & miseratione ducti. Atque ita è nobis vnus, qui linguam Hispanicam callebat, quique fabrilem exercebat artem, recepit se postridiē eius diei limam ad compedes dissecandas allaturum: monuitque vt simulac solutus esset, (nam à nemine obseruabatur) in dumentis ad maris littus sese abderet, tantisper dum  
Barba-

Barbaros colloquio occuparemus : nos seapha exceptum, in Castellum nostrum transflecturos: quò si perduceretur, minimò negotio cum Barbaris de sua redemptione transigi posse.

His non parùm recreatus gratias egit, seque singula exactè exequutorum spondet. At Barbari licet sermones vltro citroque habitos non cepissent, nonnihil tamen suspicâtes, simulac è pago egressi sumus vicinitate demum, idque tumultuariè coacta, miserum Antonium mactant. Nos postridie limam afferentes, per speciem farinæ aliorumque cibariorum quærendorum pagum illum repetimus: atque à Barbaris quærimus vbinam captivus ille, quem pridie videramus. Illi nos in casam proximam deducunt, carniùmque Antonij frustra *Boucano* imposita ostendunt. Deinde nos abs se elusos fuisse suspicâtes per ludibrium caput ostētabant, nòsque cachinnis excipiebant.

Non multò pòst duos quoque Lusitanos Barbari nostri cepere: quos ex improvviso in Tuguriolo luteo, in mediis sylvis constructo, non procul ab Castello suo quod *Morpion* vocant, adorti fuerant. Lusitani quidem totius diei spatio Barbarorum impetum sustinuerant, at tandem cum eos tela cæteræque munitiones deficerent strictis maioribus gladiis, quos nos ambarum manuum dicimus, in Bar-

Lusitani duo à Barbaris capti, & devorati.



in Barbaros irruunt, ac complures cædunt, multos quoque vulnerant. Barbari, contrà pertinaciter obſiſtūt, ſingulis potiùs occumbendum ducunt, quàm victòria non parta pedem referre. Itaque tãdem Luſitanos captos abducunt è quorum ſpoliis ipſe veſtes bubalinas à Barbaro emi. Vnus quoque ex interpretibus argenteam lancem emit, quàm Barbari cum multa alia ſupellectile in illo tuguriolo erant deprædati, quàmque, pretij ignari, cum duobus cultellis permutarunt. Porro Barbari in ſuos pagos reuerſi Luſitanis per ludibrium barbam conuellunt, doloriſque impatientes derident, hiſque verbis increpāt. Quid? vòſne qui nuper impetum noſtrum tã fortiter ſuſtinuiſtis, nunc cum mors erat fortiter obeunda muliebri eſſe animo? Ac tandem more ſolito eos immaniter maſtant deuorántque.

Exempla quidem permulta de Barbarorù crudelitate præter iſta à me poſſent afferri, niſi quæ attulimus ad horrorem cuiſlibet incutiendum ſufficere exiſtimarem. Verum enimverò vt ij qui hæc tam horrenda paſſim apud Barbaros uſurpata legent, norint permulta quoque non minùs deteſtanda alibi geri, præter eam quam commemorauimus Iudæorum crudelitatem qui Traiani temporibus quadraginta hominum millibus cæſis non modò eorum carnes deuorarunt, ſed etiam ſanguine vultum obliuerunt, pelléſque induerunt: Præter etiam horrendum Ptolomæi

mei Lathuri Regis Ægypti facinus qui triginta Iudeorum millibus cæsis, captiuos occisorum carnibus vesci vi adegit, alia quoque exempla in medium afferam. Chalcondilus historia de Imperij Græci lapsu & Turcici incremento, (quod verè tragicum dixeris) scribit Turacanium vnum ex Amurati II. Legatis, Albanorum copiis instructa acie deuictis fuffisque captiuos 80. immaniter trucidasse, quorum capita truncata, in pyramidis formam coæceruari iussit, quasi partem victoriæ insigne trophæum. Amuratus verò ultra istmi angustias transducto exercitu, trecentos milites qui noctis tenebris obsecundatibus in proximum montem confugerāt, intercludit. Illi cōmeatus inopia in deditionem venerūt honestas expectantes condiciones, At Amuratus omnes in vnum locum conuenire mandat, ac coram se iugulandos curat. Idem Amuratus, cuius nondum erat sæuitia expleta, ex omni captiuorum copia sexcentos adolescentes forma præstantes, sua emit pecunia: quos deinde patris Manibus immolat quasi peccatorum expiatio in tanta sanguinis humani profusione esset posita. Sed isthæc ludi iocique dicantur præ sceleratissimi Mechmeti XII. Turcarum Imperatoris crudelitate, qui non modò Imperij administrationis Amurato successor fuit, sed maximè in omni immanitatis genere, immo quem in hac parte magno superauit intervallo. Vt enim omnem tam florentissimæ simul ac celeberrimæ vr-

Lib. 5. c. 5.

Trophæum  
ex capitibus  
humanis.

Lib. 7. c. 4.

Imanitatem  
Amuratus  
immanitate  
cumulat.

Lib. 8. c. 6.

Cōstantino-  
pol. expugna-  
tio, regnante  
Mechmeto  
12. Tur. Imp.  
ad 56. Cal. II.



bis Constantinopoleos expugnationem que ipso regnante Anno salutis 1453. Ad V. Cal. Iunias contigit, qua sanguine omnia, horrore, morte, fugientibus & persequentibus, victoribus & victis repleta erant: Adeo ut caforum & eorum qui præ ingenti irruentium multitudine suffocati erant cumulus portarum fornices superaret: Peculiaria quædam de monstri illius crudelitate posteris madata recēsebo. Viginti Albanos milites, qui Thracia, quam ipse expugnarat, relicta, in oppidulum quoddam Phiasæ, Rupellam nomine, sese receperant, rotario supplicio brachiis cruribusque conquassatis semivivos in summo cruciatu languentes desperabundos reliquit. Insuper immanissimo illi monstro non satis erat quoscunque in oppidis aut castellis offendeat ferro cedere, prout Leontarij contigit, vbi ne vnus quidem superstes est relictus, adeo ut sex mille hominum cadauera, præter ingentem equorum & pecorum copiam, illic fuerint numerata: Sed inaudito hoc supplicij genere complures insuper affecit. Acinace peracuto singulos homines in duas partes vno ictu circa transversum septū diuidi iubebat, artificio barbariem omnem superante; bis enim singuli mortis persentiebant dolores. Vtraque pars per aliquod tempus præ summo quo opprimebatur cruciatu huc & illuc non sine gellibus horrendis sese volutabat. Trecenti milites in oppido Mitylene anno 1459. quo capta est vrbs illa, hoc imma-

Lib. 9. cap. 1.

Mechmeti  
in ipsa bruta  
animātia cru-  
delitas.

Monstrōsa  
crudelitas.  
Lib 9. cap. 7.  
& Lib. 10.  
cap. 12.

immanissimo supplicij genere sunt affecti. Quingenti quoque alij ab Omare Bassiano Constantinopolim missi, quos in oppidulo à se expugnato ceperat eadem occubuerunt morte. Horum Cadauera postquã aliquandiu in area in qua laniati fuerant neglecta iace-  
rũt, bos horrèdè mugies ad ea accedit, vnãm-  
que cadaueris partẽ cornu attollit, aliòq; loci  
cõportat, tum alterã petit priórque adiũgit.  
Quæ res cùm à multis perspecta fuisset breui  
ad Mechmetum perfertur: Ille mirum in mo-  
dum anxius, cadauer illud disiungi, partèsque  
seorsim ad pristinum locum comportari iu-  
bet. Bos insequitur repetitis mugitibus, cada-  
uer verò illud, inter cætera agnoscit, denuò-  
que cornibus sublatum aliò asportat. Mech-  
metus hoc portento vehementer commotus  
(ac meritò quidem) è vestigio, cadauera se-  
peliri iubet, bouẽ verò ad sua pecuaria dedu-  
cendum, ac per reliquũ vitæ tẽpus alendũ cu-  
rat. Tradunt nonnulli cadauer illud à boue  
canibus Turcis clementiore asportatum Ve-  
nẽti cuiusdam corpus fuisse: alij Illyrico tri-  
buunt. Atqui vt vt sit (inquit Chalcondylus)  
hoc ostento multum fœlicitatis genti à qua  
ille oriundus erat, portendebatur.

De boue qui  
herum mor-  
tuum agnos-  
cit mira hi-  
storia.

Vladi verò sæuitia humanis auribus tinni-  
tum longè grauiorem ciebit, idcirco de ea  
referre vltimo loco visum est. Vlando attri-  
buita Moldauia Mechmeti liberalitate in gra-  
tiam fratris cuiusdam Vlandi quo sceleratus

Vladi imma-  
nitas horren-  
da & cætero-  
rum omniũ  
atrocitatem  
superans.



Libro 9. cap.  
12. 13. & 16.

Mechmetus ad nefarias libidines abutebatur, hoc primo veluti auspicio provinciam illam administrare cœpit. Potentissimos quoque Moldavienses, ac primariæ autoritatis viros, à quibus propter authoritatem & gratiam, ne defectionem molirentur sibi metuebat, corripit, eosque non contentus est vulgari aliquo supplicio è medio tollere, sed viuos omnes palis transfixos summo cum cruciatu extinxit. Immo eorum familias ne vxoribus quidem & infantibus exceptis, eodem furore sustulit. Adeo vt breui temporis spatium triginta & eo amplius hominum millia ab eo trucidata fuisse à multis confirmetur. Mortuorum porrò bona & honores satellitibus suis est largitus. Mechmetus certior factus Vladum de defectione & rebellionem in se cogitare, quendam suum à secretis Catabolmum nomine, natione Græcum per speciem amicitiae ad eum mittit, eo cōsilio vt Vladum ad se blâdis verbis pertraheret. Eodem quoque tempore Mechmetus ad Chamum quendam cui Valaquiam provinciam clam demarcat, literas dat, mandatque vt quacumque ratione vi, doloue Vladum corripere: eo nihil gratius sibi accidere posse significat. Hi duo communicatis consiliis Vladum intercipere conantur, Vladus verò nullo modo perturbatus confirmatis militum suorum animis, reliquis omnibus in fugam versis Chamum & Catabolmum cum quibusdam aliis viuos capit. Quos cruribus & brachiis abscis-

sis

sis palis viuos affixit. Chamo verò, prout eius  
 postulabat dignitas eminētiorem tribuit lo-  
 cum. Quod ab eo hoc consilio factum est, vt  
 subditis suis terrorem incuteret, ac ne tale  
 quid in posterum auderent nisi idem suppli-  
 cium subire vellent, ansam præriperet. Præte-  
 reà exercitum ingentem summa celeritate  
 conscripsit, Danubiúmque flumen transiit,  
 atque in Mechmeti ditionem quam flumen  
 illud alluit, magno irruit impetu, eámque est  
 populatus, pagos incendit, fœminas ipsas,  
 immò infantes, in cunis vagientes ferro ceci-  
 dit. Quacúmque verò iter faceret immanissimè  
 fœuiebat, & vastitatis vbique notas inurebat.  
 Quibus ad Mechmetum perlatis, maximè ve-  
 ro nuntio de Legatorum morte crudelissi-  
 ma, ac in primis de Chamo tam atroci suppli-  
 cio affecto, qui præcipua in aula ministe-  
 ria olim gesserat, Mechmetum non parum  
 commouerunt. At longè molestius illi fuisset  
 tantam iniuriam ab infimæ fortis homine  
 sibi illatam inultam relinquere. Itaque cum  
 instructissimo exercitu valaquiam ingressus,  
 & Legatorum suorum cadauera palis adhuc  
 affixa conspicatus, nouo quasi dolore, & no-  
 uo furore fuit percitus. Cadaueribus autem  
 illis auulsis & sepultis, tria passuum millia est  
 progressus, ac in lanienam illam incidit ab  
 Vlado in subditos patrata, quæ res horrore  
 conspiciantibus mouebat. Erat enim locus a-  
 liquantulum editus, & in omnes partes aper-  
 tus, duo passuum millia in longitudinem ob-

horrendum  
 visu specta-  
 culum.



tinebat, latitudo mille occupabat: Innumeris rotis, palis, crucibus, furcis, cadaueribus onustus ceu sylua quædam confitus erat. Ex cadauerum facie perhorrida, cruciatus quos ante obitum pertulissent cõijcere facile erat. Laniatorum numerus ad millia viginti facinoris atrocitatem augebat. In his erant infantiuli maternis adhærentes vberibus, lactantes enim suffocati fuerant. Inauspicatæ præterea aues, aerem seu nubes atra condensabāt, ac in corporum humanorum concauo vnde iam antè viscera extraxerant, nidos struebant. Quibus conspectis Mechmetus, ingenio aliqui barbaro & crudelissimo, apud se cogitans vnus homunculi, & quidem abiectissimæ conditionis, atrocitatem ac immanitatem crudelissima quæque facinora ab se patrata longo interuallo superasse, modò obmutescibat, modò misericordia quadam ducebatur, atque apud se mussitabat, mirum nō esse quod sceleratus ille subditis suis adeo formidolosus esset, quandoquidem tale facinus patrare sustinuisset: Ideoque difficillimum esse statuebat hominem ab sua ditione depellere, qui & imperio suo & subditorum obsequio tam insigniter vteretur. Mox verò collecto animo, neminem esse qui carnificem illum non contemneret arbitratur. Quinimo Turcæ ipsi tam horrendo ~~horrendo~~ <sup>horrendo</sup> conspecto, Vladum adeò atrocis facinoris auctorem diris deuoueabant. At Vladus omnibus illis neglectis, Mechmeti exercitui continuo insta-

instabat, eumque modò in alis, modo in nouissimo agmine laceſſebat, atque ita non paucos ſingulis diebus perimebat, damnùmque non minus equitibus ac Arapibus afferebat. Tamen (ne vltèriùs in his recensendis progrediar) ille ſuo tandem periculo eſt edoctus ſæuitiam illam qua in ſubditos uſus erat, dum res ſuas egregiè ſtabilire volebat, multò plus detrimenti quàm commodi ſibi attuliſſe. Nā paulatim ſuis à ſe deficientibus Mechmeto prouinciā cedere, atque in Hungariam profugere coactus eſt. Eò ubi appulit, ob ſcelera quæ mille ſuppliciis expiari non potuiſſent in vincula coniectus fuit. Quatuor hæc monſtra coniuganda & quaſi concathenāda duxi, utpote quæ infernali remigio ſint aptiſſima, Turacantum videlicet, cuius (quantumuis flagitioliſſimi) nequitia penè nulla videatur ſi cum Amurato conferatur: Quem rursus crudelitate & ſæuitia ſuperauit Mechmetus: Omnes verò ſceleratiſſimus & immaniſſimus Vladus magno poſt reliquit interuallo. At verò (inquies) Turcæ iſti fuerunt, inhumaniſſimi, quos merito Braſilienſibus αἰθραιοφάγοις immaniores dixeris.

Quare ut paulò attentius ad ea quæ apud nos geruntur animum aduertamus, quæro in primis quid à ſceneratoribus & rapacibus tuarum præſtetur? qui ſanguinē & medullas tot viduis, tot orphanis exugunt, ac proinde viuos deuorant, quos ſemel iugulaſſe ſatiùs eſſet quàm languentes diutiùs detinere? Annò

Sceneratores  
barbaris  
Americanis  
immaniores



Mich. 33.

feritate & crudelitate Barbaros Americanos  
superât? Atque hinc fit vt exclamet Prophe-  
ta. Quod comedunt, caro est populi mei, &  
cutem eorum ab eis nudant, ac ossa eorum  
diffringunt: diuiduntque vt quod est in olla  
& velut carnem quæ est in lebetæ. Iam verò  
de carniū humanarū esu ferino prorsus &  
tygrino, quot quæso, hîc apud nos reperti sūt  
cum in Italia, tum in aliis regionibus, exii  
qui Christianum præ se ferunt nomen, qui eo  
immanitatis delapsi sunt, vt sæuitiam suā ex-  
plere cupientes, cor iecurque inimicorū su-  
orum deuorarint? Penes historias innumeras  
de rebus istis scriptas fides esto, singula enim  
persequi si cupiam tempus me deficiat. An  
ne in aliena inquiram, Quæ lingua, quis cala-  
mus immania facinora referat quæ in Gallia  
nostra sunt patrata? Tædet me certè, tam hor-  
renda commemorare, Gallus enim sum. Fu-  
nestissimis bellorum civilium temporibus,  
quibus ab hinc annis xx. iuxta eorum calcu-  
lum qui diligentius isthæc sunt persecuti, de-  
cies quater centena hominum millia interie-  
runt, inter quos quadraginta reperiuntur no-  
bilissimorum virorum millia, qui vniuersæ  
terrarum orbi, deuincendo, vel saltem Gre-  
ciæ Turcarum Tyrannide tam diu oppressæ  
in libertatem asserendæ suffecissent. Atque  
vt aliquid afferam è tot in vulgus emisis in-  
gentibus voluminibus, quibus prouinciarū  
locorum, vrbium, homicidarum, atque adeo  
trucidatorum ipsorum nomina eduntur, que

con-

consultò à me omittuntur, ne ea quæ iam  
 consensuisse videntur recrudescant: Nobilis  
 cuiusdam viri reformatam religionem pro-  
 pitentis viscera auulsa fuere, ac primò per to-  
 tam urbem circumducta deinde in urbis fos-  
 sas ad iterquilinum coniecta sunt. Cor au-  
 tem, & iecur, baculis affixa, instar trophæi ve-  
 rè Diabolici circumgestata fuere. Quin eo-  
 rumque perrupit scelesti cuiusdam rabies, vt ie-  
 cinoris illius particulam cani obiecerit, canis  
 verò homine longè humanior attingere re-  
 fusauit: tum immanis herus canem nō sine  
 blasphemis vocibus hoc sermone insequen-  
 tatur, Nunquid tu quoque es Lutheranus?  
 Alibi vir quidam insignis & de literis opti-  
 mē meritis, ventre, vultūque humo pertin-  
 gente, in publicam urbis plateam pertractus,  
 primò semiustulatus in mare deijcitur, tum  
 extractus canibus lacerandus obijcitur. Mech-  
 neti immanitatem superiùs meritò sumus  
 detestati, qui vno Acinacis ictu medios ho-  
 mines dissecabat, duabùsque veluti mortibus  
 mulctabat: At si istum de quo agimus dispi-  
 ciamus quater eum necatum fuisse compe-  
 riemus, nam vultu ventréque terram euer-  
 rēte pertractus, quodammodo inactatus fuit,  
 deinde vstulatus, tertio submersus, quarto à  
 canibus dilaniatus. Non multò clementiùs  
 cum alio actum est cuius cerebrum lapidibus  
 comminutum fuit, deinde in flammis con-  
 lectus est, indeque extractus, muro est appo-  
 situs vt quibusuis tormentulorum dispo-

Consule hi-  
 storiam ec-  
 clesiasticam  
 Gallicam.  
 Anno 1580.  
 excusa lib.  
 3. pag. 374.

Canis homi-  
 nibus ipsis  
 longè hu-  
 manior.

Lib. 3. pag.  
 383.

Tomo 2. lib.  
 7. pag. 356.



dentibus scopus esset. Puerpera quædam die à partu quarto de lecto deturbata & in infimos gradus deiecta fuit. Infantulum verò cui diligentissimè in vlnis posito cauerat, lanij illi crudelissimè ei auellūt muroque allidūt, vocibúsque blasphemis Lutheranorum progeniem esse extirpandam prædicabant. Cor ex cadauere iacente ab militibus seu potiùs furiis eductum mordebatur: illi verò inutuo sibi illud porrigentes se prælagijse iam antè dicebāt, Hugonottum à se comestum iri. Mulieri honestissimæ, vestibis penitus nudatæ, vbera in orbem excisa fuere, tum patris in eam nefandis sceleribus, in proximum flumē deiecta est duabus eius filiabus tam horrendum facinus spectantibus. Itali quidam in religionis odium puerulum viuum in duas dissecant partes, eiusque iecur deuorāt. Adolescenti cuidam oculi pugione effossi sunt, tū vltimo est ex pedibus suspensus tormentulorumque glandibus est confossus. Viri quatuor veram religionem profitentes carceribus noctu educti in pontem deducti sunt, vbi primùm vestibis omnibus exuti sunt, tum miserè excarnificati sunt, sicarij enim eos minutim concidentes per ludibrium sese inuicem compellant, nescio an brachium possem amputare, tum crebris ictibus alius brachiū, alius collum, alius caput contundebat, donec seminiuos in subiectum flumen coniecerunt, at humus eorum sanguine infecta horrorem prætereuntibus incutiebat. Carnifices verò

ad eluendam crudelitatis suæ notam humum multa aqua perfundunt. Sed efficere non possunt quin sanguis ille continuò apud Dominum personet, qui cum sanguinem humanum à brutis effusum repositum non cunctetur, quid de hominibus est statuendum à quibus adeò iniuste effusus fuerit, quique hac ratione Dei imaginem violare non dubitarint? Quidam Evangelij minister multis acceptis vulneribus, ambobus oculis effosis, tū fane pedibus alligato, huc & illuc est pertractus ac tandem palo alligatus, in struem lignorum coniectus est, atque ita viuis exustus.

Gen. 9. 5. 6.

583:

Vt autem appareat nullius conditionis homines à tanta barbarie fuisse immunes, Quidam ex summi senatus præsidibus, senex, & venerandus, qui quidem iam pridem Religionis reformatæ opinionem habebat, quam tamen (quæ erat illius timiditas) palam professus nunquam erat, baculis primum immaniter verberatus, ac penè mactatus est. At sicarij cum satis amplos loculos pro libidine non inuenissent, eum pecunias suas deglutiisse prætexentes capite ad pectus usque in aquam demerso, ex pedibus suspenso, adhucque vivo, ventrem dissecant, visceraque in flumen proiciunt. Cor verò hastæ affigunt, perque urbem circungestant, in hæc erumpentes verba. En vobis cor nefarij illius Hugonottorū Præsidis. Quid plura? Nonquid ex humanis auriculis frictura est confecta? Nobilis quidam adolescens glandibus scopetariis ictus,

595:

596:

pag. 608.



Lib. 8. pap.  
723.

nudusque in dumum spinis confitum con-  
iectus est, atque ibi ardentissimis ad Deum  
precibus animā agit. Prouecta ætate vir pu-  
gionibus confossus & lapidibus obrutus, ca-  
nibus obiectus est. Ex permultis cadaueribus  
viscera extracta sunt, sicariis exclamantibus  
annon quis esset qui Hugonotti viscera eme-  
re vellet. Sed, ô rem nefandam & inauditam!

717.  
Lib. 9 775.  
777. 778. &  
823.

annon pueruli affati fuere? virique viui terræ  
mandati? Quinetiam inuentum est cadauer  
multis confectum vulneribus sale aspersis.

260.

Quo nimirum supplicij verè diabolici gene-  
re miser ille crudelissimè fuit excruciat.

735.

Præterea ducenti vigintiquinque homines  
brachiis adnexo fune colligati fuerunt qua-  
terni, & quini, nudi, oculis ad solē positis, at-

795.

que hoc modo ensibus, securibus, & pugio-  
nibus confossi fuere, stramine incenso pu-  
dendis eorum ambustis. Vir pugione cōfos-  
sus cum statim animam non ageret crebris  
securis ictibus confestim mactatus fuit. Alius  
letali vulnere percussus in lecto decumbe-  
bat, huic malæ ad aures vsque dissectæ sunt,  
tum in ipso cubili iugulatus est.

815.

Sed ne in istis historiis recensendis quæ li-  
bris quos ad marginem adnotauimus memo-  
riæ proditæ sunt, æquo sim prolixior, præfer-  
tim quum tabellis iam pridem excusis depi-  
ctæ sint, quæ hæc præ se ferunt nomina, La-  
nienæ Valsiacæ, Lanienæ Turonenses, La-  
nienæ Cadurcorum, aliæque in Gallia nostra  
patræ: Quid quæso, dicturi sumus de cruen-

ta

tā illa Tragœdia quæ initium habuit Lutetiæ die 24. Augusti, Anno 1572. qui dies D. Bartholomeo dicitur facer, atque Gallicis in calendariis meritisimè rubrica est adnotatus? Cuius quidē culpam in eos non reiicio, quos authores minimè habuit. Quāmq̃ Rex noster pacis edicto summo suo dolore actam fuisse iure declarauit. Inter cætera innumera, quæ tum per vniuersum regnum crudelissimè sunt admissa, annon cadauerum humanorū adeps, ex Arari flumine ( in quod proiecta fuerant plusquam Americana aut Turcica feritate mutilata,) extractorum Lugduni auctione publica venundatus fuit? Nonne iecinora, corda, aliæque humanorum corporum partes ab immanissimis sicariis, quosque inferi ipsi abominantur, deuoratae fuerunt? Nunquid Antissiodori, viri cuiusdam pij, nomine Cor-regis, atrociter excarnificati, cor in frustra concisum venale est à carnificibus expositū, ac deinde ad prunas tostum & deuoratum? Innumera etiamnum sunt in viuīs hominum millia, qui de istis ante nostra tempora inauditis cumulatissimè testabuntur.

Libris quoque (vt iam dictum est,) hac de re scriptis & excusis posteris mandabuntur. Ac ne plura persequi cogar, (nam horret animus, deūmq; precor vt tanto vulneri remedium adhibeat) sæuitia cum sæuitia; immanitasque cum immanitate comparatur: tresque aptentur tabulae contiguae, in quarum

Vide Comment. Gallica. & h. storia nostri temporis. Gallica immanitas cum Americana; & Turcica comparatur.



prima Barbari Americani depingantur, Clavis suis ligneis captivos mactantes, foeminae quoque cadauera, calidâ perfundentes, tum corpora frustatim concisa, brachia etiam, crura, foemora, capita *Boucano* imposita, inter coquendum horridè contrahantur & deturpentur, ipsi denique Barbari gestu quàm fieri poterit immanissimo carnes illas vorantes apponantur.

In secunda Turcanus tiara amictus, pyramidem ex humanis capitibus crudeliter obtruncatis construens. Amuratus quoque & Mechmetus Turcarum imperatores adhibeantur: quorum prior, innumeris necatis hominibus eorum sanguine Patris Manibus litet: Posterior rotario afficiat supplicio complures milites, aliósque in duas partes vno acinacis ictu dissecet, atque ita bis mori cogat. Addatur Vladus, qui subditos palis transtigmat, & quidè magno numero, effingantur quoque rotæ & patibula, tanta copia ut syluam efficiant, humanis cadaueribus onusta, infantuli ab matrum vberibus pendeant, vultu quos dolores moriendo persenserint, deformitate indicante: Coruis aliisque inauspicatis auibus circumuolantibus, atque in mediis quorum antè oculos, & viscera deuorarint nidos construentibus: Cæteraque ad rem exaggerandam adiiciantur, quæ ex descriptione superiùs allata pictor excogitare poterit.

In tertia, furentes & rabidi Galli, naturæ

turæ leges & Principum suorum edicta violantes, qui veluti Tortores & carnifices immanissimi, homines ex pedibus suspendant, facie ad humum inuersa, ventrem ferro dissecant, viscera eximant, per vicos circumducant, & in fœdissima quolibet sterquilinia conijciat: Qui humana corda & iecinora verubus & longuriis transfixa circumgestent, eaque modò cruda, modò in prunis tosta vorent, immò cani deuoranda porrigant, qui horrore percitus aufugiat, taliæque monstra humanitate superet: Qui semiuista corpora humana, in mare proijciant, rursúmque extrahant, muróque applicent, ac tormenta dispendentibus pro scopo proponant: Qui adipem humanum educant, venalémque instar bubuli seui exponant: Qui quorundam capita lapidibus comminuant, corporaque in flâmas conijciant, ac postea canibus dilanianda proijciant: Qui muliebres mammas circumsecant: Qui puerperas è cubili auellant, puerulósque muris allidant, nonnullos instar nefrendis assent: Qui vitris quibusdam oculos pugionibus eruant, quos arbore ex pedibus suspensos tormentulorum glandibus conficiant: Qui de media nocte nudos homines ad pontem quendam sicis dissecant, minutimque concidant, inque subiectum flumen dent præcipites: humo cruore adeo infecta, vt tortores ipsos horrore perculsos notam illam eluere oporteat: Qui Eumenidû furorem longè superantes, auriculas humanas in



sartagine frigrant, omasorúmque instar comedant: Qui viuos homines sepeliant: qui minutatim corpora concidant, vulneráque sale aspergant, vt grauiori cum dolore coniunctant mortem comminiscantur: Qui complures simul vinctos, nudato corpore, soli oculis oppositis, gladiis, securibus, pugionibus dilanient: quorum pudenda accenso stramine amburant: Qui corpus sica confossum nec dum exanimatum, securi mactent: Qui viro, vulnere lethali accepto ac in lecto decumbente, vtramque malam ad aures vsque diffindant, eúmque instar ouis iugulent.

His, inquam, ita depictis, quæ minimè exaggero, ita enim gesta sunt, immo maiori quàm quæ verbis exprimi possit, crudelitate: Quænam trium harum tabularum immanior & visu magis horrenda est iudicanda? Nunquid hæc postrema? hæc vtique. Itaque non abs re quidam, cuius nomen me ignorare sanctè affirmo, post Gallicam illam lanienam quam reliquas omnes omnium temporum immanitates longo interuallo superare videbat, versiculos Gallicos scripsit, quos ita expressimus.

*Exulta Pharao, Neròque saue,  
Herodésque, & Achabe: nam furore  
Gallo sæuitia est sepulta vestra.*

Immo addere possumus sæuitiæ omnia quæ vnquam extiterunt exempla, siue apud  
Scy-

Scytas, aut Tartaros, siue apud alias nationes, ne excepta quidem immani Triumviratus Romani laniena. Quapropter ne deinceps Barbarorum *αἰθραπάρων* crudelitatem adeò abhorreamus, quandoquidem non minor, immo longè immanior apud nos passim locum habet. Illi enim feritatem in hostes suos tantum exercent: Nos verò, vt constat ex iis quæ relata sunt, cognatorum, vicinorum, propinquorum sanguine manus nostras comaculamus. Itaque monstrosissima quæque vt videamus in Americam vsque non est excurrendum. Verùm hîc forsitan Catholicus quispiam Romanus obijciat, quid? tu inuidiam omnem in nostros deriuas, de vobis autem Religiosum nomen profitentibus, ne verbum quidem. An scelerum immunes, & quasi Angeli in armis fuistis? Ego verò respondeo, quantum obseruando assequi potui, primo quidem ciuili bello ex nostris nō paucos tales extitisse, præsertim si cum vestrarum partium hominibus conferantur: Secundo autem non parum à pristina pietate degenerasse, ac proinde humana æquo plura perpetrasse: Tertio verò in peius ruentes, præsertim ex quo vobis admixti fuerunt, non negarim complures deploratæ spei homines in furias degenerasse. Quibus æquiores ab eo tempore minimè nos præbuimus, ac iis, aduersus quos sese bellum gerere profitebātur, buibus tamen meliores non essent: Quod apparet vel ex ea, quam edidi, historia de fa-

Religiosi  
bellorum cū  
uiliū in peius  
ruere coe-  
runt.



me & obsidione Sancerrana, cui ipse interfui, Anno 1573. nec non ex iis quos in ipso exercitu conscripsi commentariis. Eorum itaque peccata minimè dissimulaui, à quorum partibus stabam in optima causa, quantumvis pessimè acta. Atque ut hoc etiam loco tester quanto cum dolore Galliam à suis alumni sanguine scædatam conspexerim, facinus narrabo cuius recordatio animū meum sine fremitu nunquam subit, adeo mēti meæ, immanitatis illius imago adhæsit.

Nostri oppidulum quoddam (cuius nomē consultò non edo) obsedère, oppidani rei militaris imperiti, sese ad defensionem parant, auxilium præsto sibi affuturum rati: itaque tormenta crebrò displodunt, ac nō modò milites quosdam interficiunt, sed etiam ex ducibus nonnullos vulnerant, Item equos præstantissimos. Quæ res nostros non parum exacerbat. Denique cohortes aliquot ex nostris sub vespertinum crepusculum, Ducum industria deductæ, ac sermone animatæ muris succedunt, scalas admouent, conscendunt, oppido denique quamvis munitissimo, fortiterque ab ciuibz propugnato, adeò ut nō semel nostros incenia iam occupantes propulsarint, vi potiuntur: obuios quosque ferro transfigunt, immo ne vnum quidem virum superstitem fuisse credo, nisi si qui abditissimis latibulis sese commiserant. Ego tum in vrbe vicina ab nostris occupata eram. Po-

stri-

stridie cum quibusdam aliis ad expugnatum illud oppidulum accedo, ut quid ibi contigisset viderem. Tantam nimirum stragem <sup>Funestū spe-</sup> <sup>atriculum.</sup> nactus sum ut totus cohorrerim: quippe iugulatis plerisque, locoque declivi, undique sanguinis riuuli defluebant. Ego tā atrox facinus conspicatus, quod tamen infectum fieri nequibat, Præfectum rogo, liceat cadauera illa terræ mandare, quod lubens concessit. Rusticos duos latentes metu consternatos magno labore inuenio, eos mortis metu eximo: tres ingentes fossas ab iis excavari curo: vnam in Sacello, reliquas duas in hortis, pro temporis opportunitate commodis, illa enim die eò vnde migraram redeundum mihi erat. Cadavera undique scalis & asseribus imposita ad fossas illas cōportari iubeo. Inter mortuos septem mulieres repertę sunt <sup>Fœminę &</sup> <sup>pueruli ab</sup> <sup>Religiosis</sup> <sup>per impru-</sup> <sup>dentiam in-</sup> <sup>terfecti.</sup> tresque pueruli. Euestigio Præfectum adeò, rei atrocitatem ostendo, iusta Dei iudicia tātam crudelitatem ultura nobis imminere expono. Ille diligenti facta inquisitione, refert ea non consulto sed per imprudentiam contigisse, dum noctu milites oppidum ingressi domos intrant, lucernisque minimè accensis obuios quosque trucidant, vel in ipsis cubilibus ubi permulti latitabant: veriti ne oppidani instauratis viribus noui quidpiā molirentur. Ego ad institutum opus reuertor. Mortuorum, qui numero erant centum & quinquaginta plūs minūs, aceruo iusto. Fœminę viros suos & affines singulę perquirūt,



Facinus lu-  
gendum.

quarum pleræque lugentes & lachrymantes me quem sedulo de sepeliendis illis curam gerere videbāt, rogant liceat sibi linteis suos inuoluere. Id verò per me omnibus quibus ea res erat cordi licuit. Sed (Proh, facinus indignum! atque irati in te Dei certissimum iudicium, miserrima Gallia, apud quam iustis suppliciis minimè profecit, tu enim magis ac magis induruiſti.) mulier quædam suos inter cadauera requirit, virum primò conspicit, vnumque ex natis: tum alterum mox animaduertit: suos deinde fratres duos conspiciatur. Hæc iustissimo mœrore ac dolore (si quæ vnquam mulier) perculsa, puerulum septem annos natum quem manu tenebat his compellat verbis: Ah mi filiolo, quàm verè orphanū te homicidæ isti effecerunt! Patrem tuum, duos fratres, duos etiam auūculos tibi hodie abstulerunt. Quanto tum dolore perculsus fuerim quærendum minimè arbitror. Ac ne quid dissimulē, immo quas pepererint miserrimas bella nostra ciuilia commonstrem (hic enim est scopus meus vt agnito malo, nostro saltem cauti fiamus periculo) miles quidam è nostris legionibus (nostrum non dicam) repertus est adeo humanitatis sensus expers, vt audita homicidarum voce quam mœstissima illa mulier emiserat, viris quinque illa cæde amissis quibuscum tam arcto amoris vinculo erat coniuncta, eam confossurus pugioni manum admouerit. Illum ego compesco, quæroque nunquid me agnoscat: pro-

bè ex-

bè excipit. (nos enim cuilibet satis eramus noti, utpote qui ministerio nostro in ipso exercitu fungeremur.) Tum doceo miserrimam illam mulierculam in tanta animi ægritudine ferendam esse: Se nisi ferreus sit, mecum gemitus illius tuctibus adiungere debere, ob tam immane facinus, quod omnium nostrum peccatis acceptum erat ferendum: Simulque miseri illius populi reliquias consternatas metu consolor, ac periculi, quo nondum liberatas se esse credebant, metu eximo. Miles verò ille seu ebrius, seu potius infano aut Diabolico furore percitus, gementi illi mulieri denuo minatur. Ego verò qui amicis verbis erga immanissimum illum nihil profeceram, denuntio, si eam attingat, fore ut nostrum alter sepeliendorum augeat numerum. Hoc ego narraui exemplum, ut quanta confusio nostros quoque inuasit palam faciam. Nostrum omnium Deus misereatur: Enimvero si Gallos ob insignem suam comitatem & mansuetudinem olim per uniuersum terrarum orbem adeò celebratos inspiciamus: eos ab auitis moribus usque adeo degenerasse comperiemus, ut crudelitate vincant non modò ceteras omnes gentes, ut satis demonstratum est à nobis, sed & feras ipsas, Leones, Tigres, ursos, lupos, ipsumque adeo *Ian-ou-are* Americanum. Deum Opt. Max. rursus oro ut Gallorum tot sceleribus condonatis, faxit tandem ut ad sanam mentem redeant.

Miles nature  
affectu va-  
cuus ac Dia-  
bolico furo-  
re percitus  
inter Reli-  
giosos.





## CAP. XVI.

*Quid nomine religionis apud Barbaros Americanos veniat: De erroribus in quos ab impostoribus, quos Caraibes vocant inducuntur: Deque crassissima Dei ignoratione quæ apud eos obtinet.*

i. de legib.

Toupin. verū  
& falsos  
Deos ignorant,  
mundique creationem.

**V**AMVIS Ciceronis illud dictum, nullam esse gētem neque tam imāsuētam, neque tam feram quæ non, etiam si ignoret qualē Deum habere deceat, habendum sciat, communi omnium calculo pro axioma certissimo habeatur, tamen quomodo erga *Tououpinambaultios* nostros constet, non satis scio. Nam verum Deum ignorāt. Nullos quoque Deos falsos siue cœlestes siue terrestres agnoscunt, nec colunt: ac proinde locum vllum publicū in quem religionis ergō conueniant non habent. Contrā quān ab Ethnicis olim, ac etiānum ab Idololatrīs nostri temporis vsurpatur. Nominatim verō ab Indis Perūanā provinciam incolentibus, quę cum *Tououpinambaultiorum* regione est continens, ab eāque distat passibus 1000000, qui Soli & Lunę sacrificant. Mundi quoque creationem ignorant, dies nominibus non discrimināt, alium alio non præferunt: hebdomades, menses & annos non obseruant, Tempora Lunis dimetiuntur.

metiuntur: Scripturę, siue sacra illa sit, siue  
 prophana, non modò penitus sunt ignari, <sup>Quid de scri-  
 ptura sentiãt</sup>  
 sed etiam Characteribus quibus animi sensa Barbari.  
 notare possint penitus carentes, Quum pri-  
 mò in eas terras venissem, verba & sententi-  
 as aliquas vt sermoni eorum assuescerem scri-  
 bebam, easque mox coràm ipsis legebam. Illi  
 pręstigias id esse rati, inuicem his verbis ali-  
 j alios alloquebantur: Non mirum! istum qui  
 heri ne vnum quidem verbum idiomatis no-  
 stri callebat, nunc vi & ope huius chartę, quę  
 illum nostra eloqui docet, ita peritè ea sona-  
 re vt à nobis intelligatur? Barbari Hispanio-  
 lam Insulam incolentes idem prorsus de his-  
 panis qui primi ad eos accesserunt, iudica-  
 bant: Hęc sunt historiographi verba. Indi a-  
 nimaduertētes Hispanos etiam absentes, mu-  
 tuo inter se colloqui literarum beneficio, cre-  
 debant vel eos prophetico agi Spiritu, vel  
 literas ipsas loqui. Quo factum est vt Barbari,  
 veriti ne peccata innotescerent sua, ita sese in  
 officio cōtinuerint, vt ab eo tēpore, nec mēti-  
 ri, nec quicquā Hispanis suffurari ausi fuerint.

Hic si quis hoc argumentum dilatare cu-  
 piat latissimus ei pateat campus tum ad scri-  
 pturę artem laudibus prosequendam, tum ad  
 demonstrandum quanto nos Deus affecerit  
 beneficio, nos, inquam, Europęos, Asiaticos, <sup>Scripturę ars  
 excellentis-  
 simum Dei  
 donum.</sup>  
 & Afros, prę Barbaris istis quartā orbis par-  
 tem incolentibus. Illi enim mentis conceptū  
 non nisi expressis vocibus exponere possunt,  
 Nos verò scripturę adminiculo, aliorum ar-  
 cana cognoscimus, nostra verò consilia cum



eis communicamus, qui vel in remotissimis degūt terris. Ac sanè præter bonas artes quas ex libris addiscimus, (quæque Barbaris sunt ignotæ) scripturæ quoque ars inter excellentissima quibus nos Deus cumulauit dona est recensenda.

Minimè autem moror quod Socrates (vt refert Plutarchus) dicebat: Literas quas vulgus putat repertas iuuandæ memoriæ, vchemèter illi officere. Olim enim homines si quid audissent dignum cognitu, nō libris sed animo inscribebant: hac exercitatione confirmata memoria facilè tenebant quicquid volēbant: & quod quisque sciebat habebat in promptu. Post, reperto literarum vsu, dum libris fidūt, non perinde studuerūt animo infigere quod didicerant. Ita factum est, vt neglecto memoriæ cultu, minùs viuida esset rerum cognitio, & pauciora quisque sciret: quandoquidem tantum scimus, quantum memoriā tenemus. Quam ego sententiam, præsertim in Philosopho, ac Græciæ sapiente dignam iudico reprehensione. Nam & Cicero, ceterique docti, post eum, historiam, quæ sine librorum vsu commodè contexi non potest, matrem esse temporum affirmarunt. Illud quidem verum est, Patres qui ante Moysis scriptorum omnium primi, tempora vixerūt permulta, & quidem optima, quæ non commentariis, sed menti & memoriæ mandabātur posteris per manus tradebant. At longè tutius illud est factum ex quo obtinuit scriptura.

Ergo, vt ad *Touonpambantios* nostros

redeamus, Quoties cū illis colloquebamur, ac mentio de Deo incidebat, dicebamus nos credere in vnum Deum creatorem cœli & terræ, qui vt orbem & quæcunque in eo sunt, condidit, ita omnia pro arbitrio gubernat. Illi vbi hæc audierant, alij alios intuentes, & in hanc vocem (quæ admirationis nota ipsis familiaris est) erumpentes, *Teb!* defixi & stupefacti hærebant. Præterea, quoniam, vt suo dicemus loco, Tonitru fragore vehementer terrentur, (id *Toupan* vocant) si eorum consulentes ruditati occasionem inde arripemus, eos edocendi, diceremusque Deum illum esse de quo verba illis faciebamus, qui, vt suam indicaret potentiam, cœlum terramque eo modo concuteret: illi excipiebant Deum illum à quo adeo terrentur esse nequam. Hæc est hominum illorum miserrima conditio. At, quærat fortasse quispiam: fieri ne potest, vt brutorum instar Americani sine religione viuant? Ego verò respondeo, quod iam antè attigi, perparum ab eo abesse, nec credere me gentem vllam in toto terrarum orbe esse quæ ab omni religione sit magis aliena. Attamen vt etiam exponam quantum lucis inter densissimas tenebras quibus obcæcantur perspexerim, Affirmo eos non modò immortalitatem animarum credere: sed pro certo quoque habere, post mortem eorum animas qui virtutem coluerint (virtutem autem illi definiunt suo more, nempe vltionem sumere de hostibus & quam plurimos mandere) post altissimos montes euo-

Barbari de Deo vero audientes admirabundi defixi manent.

*Toupan* tonitru.

*Psal.* 29,

Americani animarum credunt immortalitatem.



lantes, patrum & auorum suorum animis ag-  
gregari, ibique in amœnissimis hortis perpe-  
tuis deliciis ac tripudiis lætum æuum agere:  
(Hæc est longa illa Socratis peregrinatio, hi  
Poetarum Elysijs campi) ignauorum contra  
manes, qui sine vlla propugnandæ patriæ cu-  
ra inglorij vixerunt, abripi ab *Aygnan*, (sic il-  
li cacodæmonem vocant) & cum eo sempi-  
ternos inter cruciatus viuere.

Ioseph. de  
bello Iudæi.  
lib. 2. cap. 7.

Constat etiam Essenios Græcorum sen-  
tentia suffragantes, olim credidisse bonas a-  
nimas carnalibus vinculis releuatas vltra O-  
ceanum degere, (cui furori si fides esset adhi-  
benda, Brasilia denotaretur) vbi eis sit repo-  
sita perfruitio: Illic quippe esse regionē, quæ  
neque imbribus, neque niuibus, neque æstu  
aggrauetur, sed quam Oceano oriens Ze-  
phyrus, & leniter aspirans amœnet: malis au-  
tem animabus affirmant (seu potius som-  
niant) procellosa loca & hyberna destinari  
plena gemitibus exercedarum sine fine pœ-  
narum. Cæterum miserrimi nostri Barbari,  
in hac etiam vita misere ab Cacodæmone  
torquentur. (quem alio nomine *Kaagerre*  
vocant) ipse enim eos nonnunquam vidi e-  
tiam nobiscum colloquētes protinus inflat  
phreneticorum exclamantes! *Hei, hei*, opem  
ferre nobis, nos enim verberat *Aygnan*. Im-  
mò affirmabāt illi cacodæmonem ab se con-  
spici modò beluæ specie, modò auis, modò  
etiam portentosa aliqua forina. Quia autem  
magnopere mirabantur nos ab cacodæmo-  
ne non infestari.

*Aygnan* caco-  
dæmon Bar-  
baros vexat.





Itaque dicentibus nobis tormētis illis à Deo illo nos eximi, de quo frequenter illis verba faciebamus, qui Aygnano longè superior esset, ac ne nobis molestiam ullam pareret obesset, non semel contigit, ut periculo vrgēte, se in Deum credituros pollicerentur, malo autem liberati promissionis erant immemores. At verò ut constet tormenta quibus infestantur ludicra non esse, ipse eos nonnunquā vidi, malum illud recordantes adeo horrore percussos, ut præ angore sudantes manūque femur plaudentes, his verbis apud nos conquererentur. *Mair Atourassap, Acequeiey Aygnan Atoupané.* Hoc est mi stulte, mi socie, Cacodæmonem præ reliquis omnibus malis reformido. Si verò quis nostrū contrā his eū compellabat verbis, *Nacequeiey Aygnan,* hoc est ego verò Cacodæmonē non metuo. Tum illi sortem suam deplorantes, Ah, quam nos felices essemus, si eo, sicuti vos estis ab illo, tuti essemus! Tum nos excipiebamus, credendum igitur esset in eum qui *Aygnan* est potentior. At illi, ut dictum est, quamvis periculo præsepte sese id facturos pollicerentur, mox ad ingenium suum redibant. Antequam progrediar ulterius, ad ea quæ de Barbaris animam immortalem esse credētibus, addam, id quod ab Occid. Ind. hist. scriptore est relatū, Barbaros Cusco vrbis accolæ non modo animarum immortalitatem, sed etiā (Præter Theologorum axioma Philosophos omnes cæterosque ethnicos ac Barbaros corporum

Peruēses Bar-  
bari, corporū  
credunt re-  
surrectionē.

rum resurrectionem ignorasse, immò negasse) corporum resurrectionem credere. Quæ res hoc exemplo ab illo confirmatur. Indi, inquit, cum animaduernerent Hispanos sepulchra, ut auro, cæterisque pretiosis potirentur, aperientes ossa proicere, ac dispergere rogabant ne ita dispergerentur, ne illud resurrectioni obesset: illi enim (inquit) corporum resurrectionem ut & animæ immortalitatem credunt. Alius quoque author prophanus affirmat gentem Barbaram & ethnicam eò usque processisse ut resurrectionem crederet. Hæc sunt illius veba. Postea Cæsar Ariouistum & Germanos deuicit, qui corporis erant insolita proceritate, fortitudine non minori, fortiter enim pugnabant, mortemque contemnebant, se resurrecturos opinantes.

Hist. Gen.  
Ind. lib. 4. c.  
124.

Vide Appianum de bello Celtico, cap. 1.

Hæc ego ideo commemoro ut intelligat omnes, si Athei, quorum plena hæc sunt omnia, id habent cum *Tonoupinambaultys* commune, quod sibi persuadent, & quidem portentosiùs quàm illi, nullum esse Deum, ab illis saltem discant Cacodæmones esse, qui in hac etiam vita eos excruciant, qui Deum, eiusque potentiam inficiantur. Si verò obii-  
ciant (quod faciunt nonnulli,) Cacodæmones aliud nihil esse quàm prauos hominum affectus, ac proinde stultè Barbaros ea imaginari quæ non sunt: Respondeo: si ea quæ a nobis verissime dicta sunt considerentur,

In Atheos.



nimirum Americanos visibiliter, & realiter à Cacodæmone excruciiari, ex eo patere satis quàm ineptè cruciatus ille humanis tribuatur affectibus. Etenim quàm fieri potest, ut quantumvis sint violèti, homines usque adeò afficiant? Ea omitto quæ quotidiana hic edocet experientia, immò etiam, nisi illud esset coràm porcis margaritas prolicere, Dæmoniacos, quorum meminit historia Euàgelica à Christo sanatos huc afferre possim.

Deinde quandoquidem Athei isti indigni sunt penitus, quibus ea proponantur, quæ tã disertè de animæ immortalitate sacræ testantur literæ, Barbaros denuò illis nostros opponam, à quibus, licèt obcæcatissimis, discant animâ hominem præditum esse, quæ nonmodò nunquàm intereat, sed etiam à corpore seiuncta, vel æternæ destinetur beatitati, vel damnationi sit obnoxia.

Tertiò, ad carnis resurrectionem quod attinet, quoniam canes isti sibi quoque persuadent, corpus semel extinctum nunquam excitatum iri: Indos Peruenfes illis oppono, qui falsa licèt sint imbuti religione, immò non alio quàm naturæ ducantur instinctu, cum nefariis tamen istis in iudicio sunt surrecturi. Verumtamen cum sint Cacodæmonibus ipsis peiores, (uti iam diximus) qui Apostolo teste Deum vnũ esse credunt & horrescunt, plus æquo illis à me tribuitur,

buitur, quando Barbaros Americanos illis pro doctoribus propono. Quapropter perditorum illorum mentionem in posterum non faciam, sed eos iam inde ad Inferos relego ubi portentosorum errorum suorum fructus promeritos percipient.

Ergo ut ad institutum sermonem meum reuertar, nimirum de eo quod religionis nomine apud Barbaros nuncupari potest, si diligenter id quod iam antè attigi perpendatur, eos nimirum quibus alioqui maximè grata esset ab omnibus perturbationibus immunitas, audito tamen tonitru inuitos contremiscere, potentiæ cuiusdā metu, cui resistere nullo modo possint, inde facile est colligere nō solum Ciceronis sententiā à me initio allatā apud eos locum habere, verū etiam metū illum potentiæ Dei, quem agnoscere nolunt, ἀναπολογίως illos redditurum esse. Ac sanè ex eo quod Apostolus dicit Deum, qui præteritis temporibus finit omnes Gentes suis ipsarum viis incedere, non tamen passum esse se expertem testimonij, bonatribuendo, dando cœlitus pluuias, ac tempora fructibus edēdis apta: patet satis solam hominum malitiam obstare quò minùs ad Creatoris sui notitiam perueniant. Alibi quoque dicitur Dei inuisibilia ex creatione Mundi per-  
Act. 14. 17.  
Rom 1. 20.

Itaque licèt Americani nostri ore Deum non confiteantur, quandoquidem apud sei-



plos conuincuntur aliquam esse diuinitatem: Inde colligo eos nec excusabiles futuros, nec ignorantia prætextum meritò captaturos esse. Verùm præter ea, quæ à me dicta sunt de animæ immortalitate, quam ipsi credunt, de tonitru, quem perhorrescunt, & de Cacodæmonibus, à quibus excruciantur: (quæ tria in primis sunt notanda) quartum insuper addam caput, ex quo manifestum erit tenebras densissimas, quibus obruuntur, minimè efficere ut religionis illud semen, (si modo nomen tam augustum rei adeo obscuræ conueniat) in illis non pullulet, aut penitus extinguatur.

*Caribes seu  
dopropheta.*


Igitur ut narrationem ipsam ordiar, in primis tenendum est Prophetas, seu sacerdotes quosdam apud eos esse, quos ipsi *Caribes*, qui vicatim commeantes miseris illis persuadent, se (quod cum Spiritibus commercium habeant) quibuscunque visum fuerit fortitudinem impertiri, qua bello hostes superentur, sed etiam sua ope fructus omnes, crassasque illas radices enasci, quas Americanum solum producere diximus. Præterea (quantum à Neustriis interpretibus accepi, qui multos à annos in illis terris vixerant) *Tououpinambaultis* id moris est, ut tertio, vel quarto quoque anno frequentissimi conueniant. Cui conuentui ex inopinato ut mox dicam ipse interfui. De quo quæ sequuntur referenda habeo. Ego, cum Gallo quodam nomine Iacobo Ruffo, atque etiam interprete quodam

Neu

Neustrio peregrè profecti, in vico quodam  
diuertimus: postridie illius diēi ad iter nos-  
summo manē accingebamus, cū vndiqua-  
que confluentes accolæ conspicimus. Vici  
verò illius incolæ aduenientibus sese adiun-  
xerunt, ac mox sexcentenos in area quadam  
aggregatos videmus. Nos conuentus illius  
causam sciscitamus: consistimus: sciscitantes  
turbam illam in tres diuidi partes videmus.  
Viri omnes in casam quandam se recipiunt,  
fœminæ in alteram, pueri quoque in tertiam  
confugiant. Ego, qui *Caraibes* aliquot viris  
permixtos videram, insolitum quid ab illis  
factum iri suspicans ab comitibus meis effla-  
gito, vt mecum rem totam obseruaturi illic  
consistant: quod ab illis impetraui. *Caraibes*  
antequam fœminas & pueros dimitterent  
summa cautione prohibuerunt ne è casis suis  
egrederentur, sed diligenter ad cantum attē-  
derent, nobis quoque indicūt vt in ea in qua  
erant mulieres casa delitesceremus. Nos qui  
ientaculo intenti eramus, atque eorum quæ  
acturi erant ignari, murmur quoddam sub-  
missum è casa, in quam viri secesserant eru-  
pens exaudimus (casa porrò illa à nostra tri-  
ginta fermè passibus distabat) mulieres quæ  
numero erant 200. stantes, aurēsque arrigen-  
tes in vnum veluti acervum sese glomerant.  
Viris verò vocem paulatim attollentibus,  
adeò vt eorum distinctæ voces à nobis exau-  
direntur hortantium istam interiectionem  
identidem repetentium,



Barbarorum  
modulatio.



he he he he he he he he.

Vlulatus ge-  
stusque hor-  
rendi foemi-  
narū Amer.

Lib. 3. cap. 3.

Lib. 2. cap. 3.

& lib. 3. cap. 1.

mox mulieres tremula voce eandem illam interiectionem recinentes audimus, *He, he, he, &c.* Vocem verò tantâ animi cōtentione sustulerunt, idque toto quadrantis horæ spatio, vt nos spectatores in admirationem raperint. Ac sanè illæ non modo horrendum vlulabant, sed etiam magno impetu profiliabant, mammâsque suas concutiebant, spumâque ore emittebant, immo nonnullæ (non absimili ab iis modo qui comitali morbo conflictantur) exanimis procidebant. Quo fit vt credam Cacodemonem corpus illarum inuasisse, easque dæmoniâcas repentè factas fuisse. Præterea perspectis iis, quæ à Bodino libro cui Dæmonomania nomen fecit de veneficarum extasi, quam asserit veneficis omnibus quæ cum Cacodemone expressum fœdus pepigerunt, familiarem esse, quæque nonnunquam spiritu rapiuntur, corpore sensus omnis experte remanente, quamuis etiam & corpore & animo nonnunquam rapiantur. Adde (inquit ille) quod nusquam conueniunt quin choreas agant, inter quas quantum ex veneficarum quarundam confessione elicere potuit, conclamant omnes. *Har, har* (quod optimè cum *He, he, Americana* nostrarum conuenit,) *Demon, huc salta, illuc salta.* Aliæ verò respondent, *Sabbath, Sabbath*, hoc est festum, seu quietis diem, manus,

nus, scopasque, quas in manibus habent attollentes, vt certissimum letitię edāt signum, seque ex animo Dæmoni seruire significant. atque adeò vt adorationem Deo debitā imitentur. Nam in Lege diuina Israelitis præscriptum erat, vt ad Dominum manus attollerent, ac coram ipso sese exhilararent. His inquam perspectis colligo Satanam vtrarumque Dominum esse: easque eodem duci spiritu, nec locorum interuallum obstare quominus pater ille mendaciorum hīc & illic in eos agat, qui sibi iusto Dei iudicio traditi sunt. Pueros consimiliter conclamantes cūm audissem ( etiam si iam per semiannum cum Barbaris egeram, ac penè eorum moribus assuefactus eram, ) tamen, ne quid dissimulem, nonnihil tum timui, præsertim quum quis rei illius exitus esset futurus ignorarem, tandem quum clamoribus illis finis est impositus, viris aliquantulum silentibus, pueris quoque & fœminis penitus tacentibus, mox viri tam suauiter, tantæque cum harmonia cantare cœperunt vt miro eos videndi tenerer desiderio. Sed cūm è casa illa exire vellē, & à mulieribus detinebar, & ab Interprete admonebar, se (qui septem iam annos apud Barbaros exegisset) ad solennia illa accedere nunquam ausum fuisse, denique si accederem non satis prudenter me facturum. Quibus effecit vt periculi metu paulisper hæserim, attamen, quoniam ille probabilem nullam rei illius causam afferebat, fœminis & inter-

Deut. 22. 6-7.

Americanæ mulieres eodem cum veneficis nostratibus ducuntur spiritu.



Quæ sit casa-  
rum Americ.  
forma.

Barbarorum  
in orbem  
saltantium  
gestus.

*Caraibes Ma-  
raca* conse-  
crantes.

prete nonnihil reluctantibus, egressus sum:  
vetulorum quorundam vici illius incolarum  
amicitia fretus. Accedens igitur ad eum lo-  
cum in quo concentum illum audiebam, ego  
ut commodius quid intus fieret perspicerem,  
casæ tectum manu perforavi. Sunt enim o-  
blongæ ac rotundæ in morem pergularum  
hortensium nostratium, herbisque à summo  
ad imum contextæ. Inde comites meos digi-  
to innuens aduoco, ac tandem in casam illam  
ingredimur. Barbaros ut vidimus præsentia  
nostra non commoueri, (quod futurum suspi-  
cabatur Interpretes) immò ordines optimè  
seruare, ac versus suos persequi: in angulum  
quoddam secessimus, ac otiosè eos contem-  
plati sumus. Atque ut id exequar quod polli-  
citus sum superius, descripturum me esse al-  
terū chorearum genus: Hi sunt eorum inter  
saltandum gestus. In orbem dispositi erant,  
sibi mutuò adhærentes: manus tamen sic mu-  
tuò non apprehendebant proni, corpore nõ-  
nihil inclinato, alteram tatum è tibiis, nimi-  
rum dextram, succutientes, manu dextera  
clunibus imposita, sinistra verò pendula, at-  
que hoc habitu & cantilabāt, & tripudiabāt.  
Tres istiusmodi orbis vniuersa illa multitu-  
do constituebat, in quibus mediis terni erant  
aut quaterni *Caraibes*, pileis, vestibus, atque  
armillis plumaceis ornati. Eorum singuli  
vtraque manu *Maraca* gestabant, hoc est  
crepitaculum illud è fructu struthiocameli  
ouum

quum magnitudine superante, cuius iam antè  
facta est mentio, in eum inquiebant vsum, vt  
ex illis Spiritus loqueretur: atque vt ea ritè  
consecrarent continuò concutiebant. Hos  
eo habitu commodissimè conferre possum  
cum circulatoribus papisticis, qui ementita  
diuorum Antonij, & Bernardi fercula, aliá-  
que idololatriæ instrumenta circumferentes  
miseræ plebeculæ imponunt. Porro typo,  
quem subiecimus & tripudiatorem, & *Carai-*  
*kem Maraca* quatientem oculis conspicien-  
dum præbemus.










que omnes vna voce, eaque rauca, hunc crebrò repetitum modulabantur cantum.



He he hua he hua hua hua.

Tum ego qui, quòd eorum linguam nondum planè callerem, non pauca eorum quæ ab illis fuerant dicta non ceperam, Interpretem rogo vt ea mihi explicare velit. Ille mihi significat istos primùm quidem auos vita functos, qui fortissimi fuerant, luxisse, tandè verò consolationem ex eo cepisse quòd sperarent futurum vt illos tandem post montes adirent, accum illis tripudiarent & hilaria celebrarent: deinde grauissimè *Ouetacubus* (populi sunt non multùm ab eis remoti, quibuscum inimicitias perpetuas gerunt, quos etiam superare nunquam potuerunt.) interminatos esse, ac prædixisse futurum vt breuicaperentur ac deuorarentur, prout ab *Carabibus* ominatum erat. Insuper nescio quid cantionibus suis interseruisse de diluuiò aquas olim adeò exundasse, vt vniuersam terrâ operuerint: atque illa inundatione homines omnes fuisse extinctos exceptis demùm maioribus suis, qui præaltas arbores cõscenderant. Quod postremum proximè ad sacram accedit historiam & ab illis aliàs non semel audiui. Verisimile est autem illos de Diluuiò quod Noachi temporibus contigit aliquid audiuisse, ac postea (quæ est hominum in veritate obscuranda procliuitas, adde quod vt nuper

Confusa Barbarorum opinio de diluuiò.

Super attingi, omni carent scripturæ genere, ac proinde difficile est illis res vetustate obfitas ab mendacio factas tectas conseruare) fabulam illam confinxisse, Proauos nimirum suos proceris arboribus conscensis saluti consuluisse.

Sed ad *Caraibes* nostros redeamus. Illi eodie ab Barbaris lautè excepti fuere, nam & cibus exquisitissimis, & largo potu *Caonin* liberaliter fuerunt tractati. Ego quoque cum sociis meis qui inopinato Bacchanalibus illis interfueramus à *Moussacat* nostris, hoc est patribus familiâs, qui victum hospitibus præbent, lautismè fuimus excepti. Præter ea autem quæ à me dicta sunt diebus illis (quibus hæc solennia tertio quoque anno celebrantur apud *Tonoupinambaultos*) exactis, aliquando quoque antequam aduenerint, *Caraibes* illi viciatim circumeunt, plumis præstantissimis in singulis familiis iubent ornari tria quatuorue illa crepitacula quæ *Maraca* nominât: quibus ita ornatis, longiorem baculi quo transfiguntur partem humi defigunt, tum cibum potumque eis apponi iubent. Quo fit ut miseri illi ex impostorum illorum persuasione credant fructus illos excavatos atque ad illum modum ornatos, cibos absumere. Quare singuli *Moussacat* diligenter eis apponunt non modò farinam cum carnibus & piscibus: verum etiâ *Caonin*. Quinimodò *Maraca* illis in terrâ ita defixis totos dies quindecim summa cum diligentia

*Maraca*  
Apparatus.

Crassa super  
stitio.



Crafsissi-  
mus error.

ministrant. Denique miseri illi post fascina-  
tionem illam tantam de *Maraca* illis ( quæ  
continuo manu gestât) opinionem induunt,  
vt sanctitatem illis tribuentes, affirmet dum  
ab se concutiuntur spiritum quendam secum  
è mediis illis colloqui. Adeò autem erât præ-  
stigiis illis fascinati, vt si nos illac iter facien-  
tes conspectis delicatioribus quibusdâ cibis  
quos *Maraca* suis apposuisent, edendos ac-  
cipiebamus, (quod sæpe factum est à nobis)  
Barbari magnum aliquod infortunium inde  
nobis euenturum rati, non minùs offende-  
bantur, ac solent superstitiosi, ac Baalis sacer-  
dotum successores, si libationes idolis suis  
oblatas abripi videant: Quibus tamen in Dei  
contumeliam tum ipsi, tum meretrices cum  
spuriis suis aluntur. Præterea si ex eo arrepta  
detegendi eorum errores occasione, signifi-  
caremus se ab *Caraibibus* decipi non modò in  
eo quod *Maraca* edere ac bibere docerent,  
sed præsertim in eo quod falsissimè iactarent  
sua opera, fructus & radices crassas quibus ve-  
sceretur, nasci: quod soli Deo in quem crede-  
remus esset acceptum ferendum: hæc inquam  
tanti erant apud eos momenti, ac si quis hic  
in Papam obloquatur, vel Lutetiæ Genoue-  
sæ ferculum pluuiam ciere negarit. Quam ob  
causam impostores illi *Caraibes* non minore  
nos prosequabantur odio, atque olim Baalis  
pseudoprophetæ Eliam suas præstigias dete-  
gentem. Ac proinde conspectum nostrum  
fugiebant. Cæterùm licet *Touonpinambaulty*

1. Reg. 18. 19.

Veritas men-  
tium fugat.

nostri,

nostri, vt à me initio huius Capituli est dictū, externo ritu nullo, immò ne adgeniculatione *Caraibes* suos nec *Maraca*, nec rem vllam creatam colant, multò minùs adorant, vel inuocant. Exemplum subiiciam earum quas in illis obseruaui religionis reliquiarum. Cùm forte aliquando cum aliis Gallis aliquot in quodam pago essent (*Ocarentim* ipsi nomināt) & in aperto ac propatulo coenaremus, confluentes Barbari eius vici incolæ, nostri contemplandi non conuiuandi gratiâ (nam hoc de more habent, vt cum iis quos maximè colunt nusquam conuiuentur) maiores natu præsertim, cum multis beneuolentiæ signis nos tanquam stipatores nostri circumstabāt. è naribus piscis cuiusdam os longitudine trium quatuorue pedum, in ferræ formam, præ manibus habentes pueros à nobis arcebant his verbis: Procul este, nebulones: estis enim indigni qui ad viros istos accedatis. Nos verò ne minimo quidem verbo dicentes interfati, attentè & tacitè intuebantur. Donec peracto conuiuio magno natu quidam quum obseruasset nos à precibus cibum auspicatos, precibus cibum auspicatos, precibus quoque cœnam clausisse, accedēs ita infit. Quid sibi vult hic ritus, quò vos modò vti estis cùm sublati pileis omnes præter vnum qui loqueretur silentium tenuistis? ad quem pertinebat ea oratio quam ille habuit? Vestrumne præsentium ad aliquē, an ad ab-

Vetuli Barbari quomodo Gallos excipiant.



Occasio veri  
Dei annun-  
tiandi Bar-  
baris.

sentium? ibi ego opportunè oblatam eam  
occasionem arripiens, vt apud eos de vero  
Dei cultu loquerer: cùm prater eius pagi am-  
plitudinem & frequentiam, Barbaros etiam  
solito attentiores animaduverterem: rogare  
Interpretem nostrum vt suis verbis meum  
illis sermonem quoad capere ipsi possent ex-  
plicaret. Tum à quæstione senis exorsus, pre-  
ces nostras ad Deum dirigi respōdi: eumque,  
etsi sub ipsius aspectum non caderet, non  
tantum liquidè audiuisse nos, sed etiā quid-  
quid pectore occultum haberemus, id per-  
spicue cognoscere. Inde ad creationem mun-  
di delapsus, in primis laboraui, vt docerem  
hominē nobilissimum inter creaturas à Deo  
esse conditum, vt eo magis celebrandæ opi-  
ficis sui gloriæ studēat. Ac nos quidem quod  
ipsum coleremus eius manu infinitis pericu-  
lis longissimæ nauigationis in tam valto ma-  
ri eripi, eiusdemque ope fretos ab omni *Asi-*  
*gnan* metu tum in hac, tum in ventura vita es-  
se liberos. Quare si *Caraium* suorum impo-  
sturas, & Barbarum deuorandæ humanæ car-  
nis morem abiicere vellent, eadē prorsus Dei  
dona consequuturos, quæ nos habere cerne-  
rent. Multa præterea de humani generis labe  
ac ruina, vt eorū animos ad Christū præpara-  
remus subiecimus, quoad eius fieri potuit  
accommodatis ad eorum captum rationibus  
& exemplis: (prout legimus à Paulo & Bar-  
naba factum, qui Listrenses ab idololatria ad  
verum

verum Dei cultum renocaturi docebant, ut à vanis rebus, quibus dediti erant ad Deum vinum conuerterentur qui, fecit cœlum & terram & omnia quæ in eis sunt) quæ in præsens fusiùs persequi supersedeo. Illi quum nos ingenti cum admiratione duas amplius horas perattentè auscultassent: tum vnus ex iis auctoritate & ætate grauis, in hûc modum disseruit: Mira, equidem, optima & nobis non antè audita, hîc dixistis, Ac vestra quidè oratio mihi in memoriâ redigit, quæ nobis sæpe auos nostros narrantes audiuiamus: Nempe iam inde à priscis temporibus, & tã multis ab hinc Lunis quot iam meminisse non possumus (quippe illi Lunarum numero aut vicibus, non mensibus atque annis, temporû spatia definiunt) venisse in has terras quendam *Mair*, (id est Gallum seu qualibet alia è gente aduenam) vestro more vestitum & barbatum. Atque eum, ut ipsos sub Dei vestri obsequium duceret, eadem oratione apud eos esse vsum qua nos hodie affamini. Sed, ut nobis quoque à Patribus per manus traditum est, eos illius verbis fidem adhibere noluisse. Itaque mox successisse alium, qui Ensem, symbolum maledictionis, illis traderet. Inde sequuta inter nos bella, neque ex eo mutuis cædibus alij in alios sæuire deficiimus. Nunc verò postquam diuturno vsu his assueuimus, si nunc repente autum morem exueremus,

Barbari de vero Deo sermonem audientes obstupescunt.

Notatu dignissima Barbari narratio.



apud vicinas gentes ludibrio & derisui ef-  
semus.

Hic nos summa contentione ac vehemētia  
testari, tantum abesse, vt finitimorum ludi-  
briis moueri oporteret, vt cōtrā, si summum  
illum & cœli & terræ opificem seriò cole-  
rent, de omnibus, qui ob id vltro molesti ef-  
sent, victoriam referrent. Postremò eam ver-  
bis nostris efficaciam addidit Dominus, vt  
non multi tantum Barbarorum, ad eam quā  
ex nobis didicissent legem, deinceps vitam  
composituros, nec cælorum hostium carnes  
vltà esturos, se promitterent: sed secundum  
hoc Colloquium, positis humi genibus, no-  
biscum Deo gratias agerent. Ea oratio quæ

Barbari Dei  
cultui adhe-  
rere pollicen-  
tur precibus  
que inter-  
sunt.

ab vno è nostris clara voce in medio eorum  
cœtu ad Deum concepta fuerat, mox illis per  
interpretem exposita est: nos ab illis in pen-  
silia è bombyce cubilia, dormitum deduci-  
mur: Sed nondum somnus nos corripuerat,  
quum ecce istos cantantes, & conclamantes  
audimus. Sumendam de hostibus vltionem,  
& plures quàm antea esse mandendos. En in-  
constantia miseri huius populi, & humanæ  
naturæ triste exemplar. Mihi tamen equi-  
dem persuadeo, si Villagagno nunquam à  
vera Religione descuiisset, & nos diutiùs in  
illis terris morati essemus, fore vt aliqui tan-  
dem Christo lucrifierent.

Id mihi ab illo tempore non semel in mē-  
tem venit quod dixerat ille à maioribus sibi  
per

per manus traditum fuisse, *Mair* quendam, hoc est nostratem hominem, (neque enim Gallusne fuerit an Germanus multum laboro) ad se deuectum, verum sibi Deum annuntiasse: Ac quærere apud me cœpi an non ex Apostolis quendam innuant. Ac sanè, quamuis eos libros meo calculo comprobare nolo, qui præter Dei verbum de Apostolorum peregrinationibus mira narrant, Nicephorus de Diuo Matthæo agens, scribit illum apud Cannibales Euangelium prædicasse, qui & *Lib. 2 cap. 11.* *αὐθιγὰν φάγος* sunt, nec multum ab *Tououpi-nambaultiis* distant. Sed multò magis mouet me Diui Pauli, quem ex psalmo 19. desumpsit locus, In omnem terram exiuit sonus eorum, *Rom. 10. 18.* & in fines orbis terrarum. verba eorum, quod à doctis quibusdam interpretibus ad Apostolos refertur. At enim quandoquidem constat Apostolos in remotissimas vsque orbis partes penetrasse, quid incommodi ex eo consequetur, si asseramus vnum aut plures Apostolos in Americam commeasse? Faceret illud quoque ad generalissimam expositionem, quam nonnulli afferri volunt dicto illi Christi, fore vt prædicetur Euangelium regni in vniuersa terra. Quod tamen præcise de Apostolorum ætate affirmare nolim. Confirmo tamen (quod à me iam initio est dictum) me nostra memoria Euangelium apud Antipodas annuntiatum vidisse & audisse. *Mat. 24. 14.* Itaque & obiectio soluetur quæ illi loco fieri solebat, & Barbari in extremo die magis

Euangelium  
nostra ætate  
-apud antipo-  
das annun-  
tiatum.



Cap. 6. 4.

fient ἀπαλόγητοι: Ad reliquum verò Americanorum sermonem quod attinet, quo affirmant maioribus suis recta docenti & morienti obsequentes se præbere recusantibus, gladium datum fuisse, quo etiam nunc se mutuo trucidant: non alienum ab eo videtur, id quod est in Apocalypsi equo rufo insidenti datum fuisse ut tolleretur pacem e terra, ut alij alios mactarent, datumque fuisse ei gladium magnum. Hæc sunt ipsa Ioannis verba, quæ, quo ad literam (ut loquuntur) ad *Tououpinambauliorum* nostrorum sermonem proxime accedunt: Attamen, ne sententiam detorquere, neue longius petita afferre videar, locum hunc aliis applicandum relinquam.

Interim alterum succurrit exemplum, ex quo patet Barbaros illos Brasilienses, si modo diligenter docerentur, satis dociles esse, ut ad veram Dei cognitionem perueniant. Exemplum illud hoc loco inseram. Ego cibariorum parandorum causa, in continentem transductus, cum Barbaris duobus *Tououpinambauliis* ac tertio *Oueanen* (quæ gens est *Tououpinambauliis* fœdere iuncta) qui cum vxore amicis inuiserat, atque tum domum redibat. Cum his tribus iter per syluam faciens, noua arborum herbarumque specie, simul canoro auium concentu, ad prædicandas Dei laudes imitatus, totum psalmum 104. alta voce cecini. Tres illi mei comites adeo cantu (neque enim verba capiebant) sunt delectati, ut *Oueanen* ille finito psalmo vultu maximè hilarari

Nota sermonis  
seriem &  
questiones  
Barbari.

lari his me compellarit verbis. Tu sanè suar-  
uissimè cecinisti. ac tuus cantus mihi in me-  
moriā reuocauit gentis cuiusdam, quæ &  
vicina est nobis & sociā modulationem: Quo  
nō mediocri affectus sum lætitiā. At (inquit)  
illius verba capimus, tua verò minimè: Que-  
so igitur vt quidnam id sibi velit quod ceci-  
nisti nobis exponas. Ego, tum quantū po-  
tui copiosè (solus enim tum Gallus cum illis  
eram, duo verò me in proximo vico oppe-  
riebantur) exposui me in genere Deum cele-  
brasse, ob rerum conditarum pulchritudinē,  
ac earum administrationem: Speciatim verò  
id illi à me tributum fuisse, quod solus homi-  
nes cæteraque animantia alat, quòdque ar-  
bores ac plantas, quæ in vniuerso sunt ter-  
rarum orbe eius vi ac potentia enascantur.  
Cantionem porrò illam iam olim ante de-  
cem Lunarum millia (quæ sola est illis tem-  
porum distinctio) à Dei illius mei Spiritu di-  
ctatam fuisse, atque ab Propheta ex nostris  
summo cantatam, & posteris in eundē vsum  
traditam. At hæc Barbari, (prout sunt ad ea  
quæ dicuntur attentissimi, & cæptum ser-  
monem minimè abrumpunt) hunc meum  
sermonem, quem in semihoram produxe-  
ram auidè excipientes ingenti cum admira-  
tione in exclamationem hanc eruperunt.  
*The!* quàm vos *Mair* (sic illi Gallos appel-  
lant) fœlices estis, qui tot arcana sciatis quæ  
nobis miseris occulta sunt! Inde ex illis qui-  
dam vt mihi gratularetur animalculū *Agois*,

Barbari suā  
agnoscunt  
obsecratio-  
nem.



quem gerebat, (de quo Ca. 10.) ita me cōpellans dono dedit. En tibi quia suauiter acciuiti. hāc ego digressionē haud grauatē adiunxi, vt docerem] Barbaros Americanos quantumuis in hostes ferocissimos, non adeo esse agrestes vt ea quæ audiunt cum iudicio non discernant. Immò ausim affirmare illos sermonibus texendis aptiores esse quàm sint rustici nostrates, atque adeo ex illis permulti, qui vel magnificē de se sentiunt.

Vndēnam  
originē tra-  
xerint Bar-  
bari.

Gen. 10. 5.

Iam superest vt quæstionem expediam, quæ hinc oritur, vnde nam Barbari Americani genus duxerint. Ego verò primū assero quidem eos ex vno filiorum Noachi originem traxisse, sed à quō non ita constare: Quod neque ex sacra historia, neque ex profana confirmari possit. Constat quidem Mosem, vbi de Iapheti filiis verba facit, eos Insularum incolas fuisse asserere, sed quia omnes in eo consentiunt, quod eo loco Moses Græciam, Galliam, & Italiam designet, quas regiones, quod interiectum sit mare, insulas appellat, minimē consentaneum est illud ad Americam referre. Neminem quoque credo assensurum si dicantur à Semo oriundi à quō Iudæi & semen benedictum: licet ipsi quoque vsque adeo fuerint deprauati vt eos tandem meritissimē, reiecerit Deus. Itaque quandoquidem illi earum rerū penitus sunt ignari, quæ ad salutem æternā spectant, (quā in solo Christo sumus adepti,) sintque gens (si quæ alia) à Deo maledicta & derelicta: etsi  
ad

ad hanc vitā quod attinet, iam demonstraui  
 atq; demōstrabo etiā deinceps, eos de rebus <sup>Americani</sup>  
 istis caducis non admodū sollicitos esse, quo <sup>feliciter hāc</sup>  
 fit vt vitam hilarem ac ferme curis vacuam <sup>transigunt</sup>  
 transigant, contra quā faciunt nostrates  
 non pauci, terrenis, istis adeo inhiantes,  
 vt verius languere quā viuere dicātur) pro-  
 babilius esse videtur eos à Chamo originem <sup>Ios. 2. 9.</sup>  
 trahere. Quam sententiam hac coniectura,  
 verisimillima confirmo. Cū Iosue iuxta  
 promissiones Patriarchis factas mandatū-  
 que sibi peculiariter datum, in terram Cha-  
 naan ingrederetur, testatur Scriptura, tātum  
 terrorem irruisse super illius terræ incolas,  
 vt difflexerint metu Israelitarum: vnde etiam  
 fieri potuit ( quod aliorum pace dixerim ) vt  
 Americanorum nostrorum Maiores, Israeli- <sup>Lib. 5. c. 217.</sup>  
 tarum conspectum fugientes mari se com-  
 miserint, ac tandem in terram Americam  
 appulerint. Quinetiam Gomara, historiæ In-  
 dicæ scriptor, vir eruditus, existimat Peruen-  
 ses, (quorum terra Americæ est continens) à  
 Chamo originem ducere, ac maledictionis  
 diuinæ in Chamum heredes esse. Quod mihi  
 in mentem venerat & in commentarios re-  
 tuleram, annis 16. antequam Gomaræ libros  
 conspexissem. Huic quoque sententiæ id suf-  
 fragari videtur, quod in Sapientiæ libro scri-  
 ptum extat, cap. 12. ver. 4. 5. Antiquos habita-  
 tores terræ sanctæ, viscera comediisse huma-  
 narum carniū. Attamen quia multa aduer-  
 sus isthæc afferri possunt, prout multos in ob



iectionibus afferendis laborasse scio, nihil mihi hac de re statuendum existimo. Ergo fruatur unusquisque sua sententia, ut ut sit, ego pro mea parte, certissimò scio eos homines esse, ex Adami corrupto semine progeneratos, ac tantum abest ut eorum in diuinis rebus *diuina* perspecta, fides mea, quæ aliunde, per Dei gratiam firmatur, concussa aut labefactata fuerit, multò minùs, ut inde, Atheorum & Epicureorum more, aut nullum esse numẽ, aut si quod sit rerum humanarum curam abiectis cõcluserim: Cùm potius agnito in illis maximo discrimine quod est inter eos qui Spiritu Sancto & Sacrarum literarum lumine sunt illustrati, & alios qui cæcitati suæ ac reprobo sensui sunt traditi, magis ac magis fuerim in amplexanda cœlesti veritate confirmatus.



## CAP. XVII.

*De coniugia, polygamia, & consanguinitatis gradibus quos Barbari obseruant: deque liberorum apud eosdem educatione.*

Consanguinitatis gradus.

**I**N coniugiis hi tantum obseruantur consanguinitatis gradus: Nemo eorum matrem, sororem, vel filiam in vxorem ducit: reliquorũ ratio nulla habetur: patruus neptem ducit, atque ita deinceps. Tamen, ut infrà dicetur in Collo-

Colloquio Americano, nemo filiam aut sororem sui *Atourassap* matrimonio sibi iungere potest. Is autē *Atourassap* dicitur, cuius tanta est cum quodam necessitudo, ut bona inter verumque sint communia. Ritibus vero seu ceremoniis nullus est locus. Qui viduā aut virginem cupit, comperta amatae voluntate parentes, aut si desint, propinquos adit, rogātque num filiam suā sibi nubere velint? Si annuant, eam continuò domum deducit, nullo conscripto dotali instrumento (perscriptoribus enim apud Barbaros nullus est locus) atque pro legitima vxore habet. Si vero repulsam patiat, absque vlla animi perturbatione, cœpto desistit. Sed notandum Polygamia. est polygamiam apud eos in usu esse, ac proinde cuilibet viro tot vxores ducere, quot visum fuerit licere. Immo quò plures quis habuerit, eò fortiolem & generosiolem censeri. Inter cæteros quendam vidi qui octo Domi haberet, atque de illis non rarò permulta in sui commendationem prædicaret. Id verò est maximè mirandum quòd in tãta vxorum multitudine, licet vna præ cæteris à viro diligatur, cæteræ nusquam illud ægrè ferāt, aut Zelotypia ducāt, aut apertè mussitent. Itaque tranquillissimè & maximè concorditer viuunt, sua xylina cubilia texentes, rem familiarem curantes, hortos construentes, radices plantantes. Dispiciant verò omnes, annon (etiam si polygamia à Deo non esset prohi-

Cōcordia inter Americ.  
mulieres ad  
miranda.



Gē. 29. &amp; 30.

adulteriū ab  
horret Am.

bita) inter mulieres nostrates tam bene conuenire posset. Melius sanè cum quouis ageretur si ad trirèmes demāderetur, quàm vt tātō rixarum inuolucro implicaretur. Huius rei testis est Iacobi Sancti Patriarchæ anxietas, ductis Lea & Rachel quantūvis sororib⁹. Qui verò fieri posset vt nostrates mulieres plures vnà simul viuerent? vt vna illa quæ à Deo in adiutorium viro data est non rarò instar mali cuiusdam genij domestici cum vexet? Attamen non eo hæc à me dicuntur animo, quasi eas insimulare velim quæ sese in officio continent, hoc est, obsequium cultūque viris debitum exhibent: quin immò has quæ sibi hac ratione laudem conciliant, tanto magis laudandas, quam reliquas vituperādas existimo. Atqui, vt ad institutam de Americanorum coniugiis sermonem reuertar, sciendum est adulteras mulieres adeo Barbaros abominari, vt sola naturæ lege ducti, hæc obseruent, in viri sitam esse potestate adulterā, vel mactare, vel saltem summa cum ignominia & opprobrio dimittere. Hoc quidem verum est eos de innuptarum pudicitia conseruanda non admodum sollicitos esse: immò faciliè cuius eas prostituere. Ita vt (quod iam à nobis est dictum) permultas in variis pagis ab Neustriis Interpretibus compressas viderim, quibus tamen nulla ob eam rem ignominia nota iniusta erat. Nuptæ verò diligenter caueāt ne hac in parte peccent, ni mactationis aut ignominiosæ dimissionis pœnam velint

velint incurrere.

A me præterea est obseruatum, (quamuis illi regionem calidam incolant, ac contrà quàm de Orientalem plagam incolentibus vulgò dici solet,) Iuvenes cum mares tū feminas libidini non admodum deditos esse. Atque vtinā nostrates æquè sibi hac in parte temperarent. Verùm ne plura quàm par sit illis tribuam, memini eos non nūquam interrixandum, conuitium hoc *Tyuire*, hoc est, ἀρσενικοίται, mutuò sibi obiicere solitos, ex quo conijcere est (neque enim pro comperto habeo, nec assenerare velim) flagitiū illud apud eos locum habere.

Grauidæ mulieres, ab grauioribus oneribus tantum abstinēt, reliqua munia consue-  
ta exequuntur. Ac sanè mulieres multò labore  
viro antecedunt, viri enim (nisi quod aliquādo matutino tempore, nusquam meridiano, arbores quasdam ad hortos construendos collocant) tempus infumunt in militia, venatione, piscatu, clauis ligneis fabricandis, arcubus, sagittis, alijsque id genus. Ad mulierum partum quod attinet, non auditione accepta, sed visu percepta referemus. Ego aliūsq; Gallus in vico quodam diuerteramus, circa mediam noctem clamorem muliebre in-  
gentem exaudimus, surgimus, eam ab belua  
*Jan-ouare* interceptam rati, accurrimus, mulierem parturientem offendimus, cui vir ob-  
stetricabatur: is puerulo in vlnas recepto, de-  
tibus umbilicum abscidit, nasum verò de-

Grauidæ mulieres Americ. quomodo se gerant.

viri Amer. vxoribus obstetricantur.



Quare Bar-  
bar. infantu-  
lis deprimat-  
ur nasus.

Infantuli cre-  
pundia.

Quæ sit Ame-  
ric. nominũ  
imponendo-  
rum ratio.

Infantulorũ  
alimentum.

pressit, (illi enim puerorum formam in simi-  
tate collocant contrà quàm faciant obstetri-  
ces nostrates, quæ infantulorum recens nato-  
rum ad elegantiam protrahunt) quod etiam  
apud cæteros omnes locum habet editus in  
lucem infantulus. statim lauatur, ac coloribus  
atro & rubro ab patre depingitur: tum, fasciis  
minimè inuolutus, xyolino cubili pensili im-  
ponitur. At si masculus fuerit, pater ligneum  
gladiolum, pusillum arcum, & paruas sagittas  
iam inde ab natiuitate ei dabit, lectulòque  
cum puero imponet, ac puerulum osculis,  
hisque compellabit verbis. Mi fili, vbi adole-  
ueris, ad ultionem de hostibus tuis sumendã  
fortis esto. Ad nominum impositionem quod  
attinet, memini eum de quo modò egi ab  
parente *Orapacen* nominatum fuisse. Quæ  
dictio arcum & neruum sonat: vox enim est  
composita ex *Orapat* quod est arcus, & *Cen*  
neruus. Eadem quoque in aliis seruatur ratio.  
Nam illi sine delectu rerum sibi cognitarum  
nomina liberis imponunt, vti nos canibus,  
aliisque nostratibus brutis: verbi gratia, *Sa-*  
*rigoy*, quadrupes animal: *Arignan*, gallina: *A-*  
*rabouten brasilia arbor*: *Pindo*, herba prægrãdis:  
& sic de aliis.

Alimentum est præter lac maternum, fari-  
na masha, & tenerrimum quodque cibi genus.  
Puerpera biduo tantum, aut ad summũ triduo  
discumbit, deinde puerulo mitella xyolina  
imposito vel hortum petit, aut ad cætera ex-  
pediendã negotia proficiscitur. Quæ tamen  
non

non ita sunt accipienda, quasi nostratium mulierum cōsuetudini detractum quicquam velim, quæ ob aeris intemperiem viginti minimū dies resupinæ in lecto iacent: Quæque adeo sunt delicatæ vt nulla urgente necessitate, sm̄ lac liberos sunt enixæ, procul ab se eos ablegent, atque adeo vel insciis ipsis extingūtur, vel saltem iam grandiusculi sint, oportet vt lusibus eas oblectent, antequam domum admittantur. At vero si delicatulæ quædam querantur iniuriam sibi à me fieri, qui eas cum Barbaris mulieribus comparem, quarum, inquit, rusticitas nihil habet cum sua teneritudine commune: Equidem ad leniendam acerbum istud dictum eas ad Bruta ipsa animantia remittam. Quæ quidem vniuersa ne exceptis minimis auiculis vna veluti voce eas docebunt generi animantium omni à natura esse inditum, vt de prolis educatione sit sollicitum. Atque vt tandem obiectiones omnes anteuertam, quæro ab istius farinæ mulierculis annon sint deliciores regina quadam Gallica? quæ cum comperisset puerulum suum alienæ mulieris lac exuixisse, materno accensa affectu, adeo excanduisse fertur, vt non prius conquieuerit, quàm Infantulus lac alienum euomisset?

Sed ad rem, apud nos hæc obtinuit opinio, puerulos, nisi diligenter fasciis inuoluerētur, ac constringerentur, distortis futuros cruribus: Atqui assero isthæc minimè à Barbaris curari ( vt pote qui infantulos recens natos



nudos ac minimè religatos lectis xylinis imponant) quorum tamen liberi omnium mortalium rectissimè incedunt. Fateor equidem aeris temperiem ad id plurimum valere, ac proinde concedo, puerulos nostrates hyem tempore diligenter esse inuoluendos ac fasciis in cunis religandos, quòd alioqui frigore ferendo sint impares. At æstate ac temperatis anni tempestatibus, præsertim cum gelu non riget, (cum bona tamen aliorum venia) censuerim, quantum experientia assequi potui, infantulos vinculis illis esse soluendos atque in libertatem vindicandos, genere quodam cubilis ad id excogitato ex quo decidere minimè possent. Ac fanè in hac sum sententia, non parùm incommodi afferre calorem sumum, quo æstatis tempore pueruli apud nos fasciis reuincti quasi percoquantur.

Infantuli Americi. mundissimi absque linteorum usu.

Ne tamen plura quàm par sit Satagere me ab nonnullis obijciatur puerulos nostrates parentibus & nutricibus educandos relinquo. De Americanis verò, addo matres quæ & linteis carent, & foliorum (quorum tamen maxima illis suppetit copia) ad hæc ministeria non vtuntur adminiculo, frustulis ligneis tam diligenter posteriora infantulorum abstergere, vt ab omni sorde continuò sint immunes. Adultiores quoque eandem seruant rationem, quos etiam (in scædam istam materiam paulisper digrediens) commemorare libet, in casis quidem mingere consueuisse, nec tamen fœtorem vllum inde oriri: licet ignibus

bus crebris ferè iugiter colluceant,arque arena sint strata: at quoties aluum sunt exoneraturi, procul ab ædibus secedere solitos. Præterea, cùm Barbari de liberis suis singulis sint solliciti, quorû in singulis familiis magnus est numerus, (non tantus tamen vt occurrat Pater qui sexcentos filios susceperit, Cap. 96. prout Gen. Ind. Scriptor affirmat se regem vidisse cui tot essent liberi, quod meriò quidem inter prodigia est recensendum,) tum verò maximè marès diligunt quod soli bello sint apti, ac vindictæ de hostibus sumendæ sint cupidissimi. Iam vero si quis quærat quonam eos imbuant à teneris eruditionis genere? Respondeo: ex iis quæ à me capitibus 8. 14. & 15. de eorum ingenio, bellis, ac hostiû deuorandi ratione dicta sunt, facile esse colligere, eos, quibus scholæ ne auditione quidem notæ sunt, bonas artes minimè edocere. Ac proinde, eos tanquam veros Lamechi, Nimrodi, & Esauī successores, non modò venatores esse, & bellatores: sed etiam hominum mactatores & deuoratores.

Insuper de *Tonoupinambaultiorum* conuicio dicere quantum feret pudor, pergens, Gen. 4. 13. & 10. 8. 9. & 27. 23. Affero (contrà quam ab nonnullis est confictum) viros naturalem verecundiam seruâtes, Quibus in rebus occupentur Barbari. nusquam cum vxoribus coràm congregari. Naturalis verecundia in Americanorum coniugiis seruatur. Quia in re, non modò sunt Cynico illi præferendi qui *ἐν ἀγορᾷ* deprehensus impudentissimè respondit, se hominem plantare: sed etiâ scetidissimis nostratibus hircis, qui homi-



Americ. fœ-  
minarum  
purgatio.

num conspectum turpia quæque admitter-  
tes minimè fugiūt. Præter ea quæ dicta sunt  
notatu est imprimis dignum, nos qui in ter-  
ris illis per annum integrum viximus, fœ-  
minam nullam menstruis laborantem vnquam  
conspexisse. Ego crediderim fluxum illum  
ratione nobis ignota eas diuertere. Puella  
enim annos duodecim natas. vidi, quarum  
latus ab axilla ad genu vsque animalis cuius-  
dam dente acutissimo, ab matribus incidere  
tur. Puellæ verò præ summo dolore fren-  
dentes, magnam cruoris copiam emittebant  
Hoc illas remedio menstrua anteuertere cō-  
ijcio. Hic verò si à Medicis, atque aliis harum  
rerum peritis obijciatur, hæc cum eo quod  
nuper à me est dictum mulieres Barbaras es-  
se fœcundissimas, non conuenit, quandoqui-  
dem menstruis cessantibus mulieres nec cō-  
cipere, nec parere possunt: Respondeo, mihi  
in animo esse quæstionem hanc soluere, im-  
mo nec plura de his adijcere.

Cap. 8. sub finem eorum refellimus erro-  
rem qui vel scripserunt, vel tacitè crediderūt,  
fœminarum nuditate viros ad libidinem pel-  
lici. Nonnulla etiam de puerorum Barbaro-  
rum educatione adiūximus. Itaque ea lector  
inde requirat moneo, vt fusiori suppleant  
tractationi.

CAP.

## CAP. XVIII.

*Quid leges, quidque politia apud Brasilienses nuncupari possit: Quàm humaniter excipiant hospites: Neque lachrymis ac factis sermonibus, quibus hospites in ipso ingressu ab mulieribus excipiuntur.*



Ad politiam Barbarorum quod attinet, vix credibile est quàm pulchrè inter eos sola naturæ luce ductos conveniat. Nec referri

istud potest nisi summo eorum pudore qui <sup>Barbari cō-</sup> <sup>corditer vi-</sup> <sup>uunt.</sup>

Diuinis & humanis sunt instructi legibus.

Quod tamen de tribulibus inter se, aut de

fœderatis est intelligendum: etenim erga ini-

micos quomodo se gerant, iam est à nobis

demonstratum. Si quæ tamen contentio in-

ter quosdam apud eos exoritur, (quod rarissi-

me accidit, nam toto anni spatio, quo apud

eos vixi, bis tantum rixantes videre mihi cō-

tigit) spectatores litem componere minime

curant: sed eos pro libidine agere, oculos

licet sibi mutuo sint confossari, sinunt. At si

alter alteri vulnus inflixerit, comprehendit-

que possit, vulnus ei eadem in corporis parte

ab vulnerari cognatis infligitur. Imò si for-

te vulnus mors consequatur, ab mortui co-

gnatis de medio tollitur homicida. Denique

vitam pro vita, oculum pro oculo, dentem

Barbari cō-  
corditer vi-  
uunt.

Homicidarū  
apud Barbā-  
ros pœna.

Leuit. 24. 19.  
20



pro dente rependunt. Sed isthęc, vt dixi, rarissimè apud illos contingunt.

Res soli apud eos sunt casæ, & agri longè ampliores quàm qui incolis alendis desiderantur. Ad casaf quod attinet, sciendum est primùm, singulos pagos sexcentena hominum capita capere: quare complures eadem casa habitare necesse est. Attamen singulis familiis suum occupantibus locum (absque ullo interstitio, nam nihil est quod impediatur quominus ab extremo vno ad alterum ædes illæ pateant quæ in passus 60. vt plurimum producuntur) pater quisque familias vxores & liberos seorsim positos habet. Ad hæc obseruandum est (quod est sanè mirandum) Americanos vnum locum vltra quinque aut sex menses non incolere. Sed exportata ma-

Pagorū apud Americā transpottatio.

teria, atque herba *Pindo* quibus casæ eorum constant, vicos suos frequenter transportant, quibus tamen eadem semper seruantur nomina. Nos ipsi pagos nonnullos à pristino loco mille passibus remotos conspeximus. Ex quibus satis constat, non modò apud Americanos nostros ingentia non edificari palatia (quemadmodum à quodam scriptum est Indos Peruēses domos ligneas tā magnificas habere, vt in illis cœnacula sint longitudine passuū C L. L. atitudine vero LXXX.) sed etiā à nullo casam edificari, quam & perficere, iunmo vltra vicies struere ac destruere ante obitum non cogatur, si tamen iustam hominis ætatem attigerit. Iam si quærat ab ipsis cur

Hist. gen. Ind. lib. 2. c. 3.

curam tam frequenter sedes mutant? In promptu est respōsio. Cœli mutationem ad valetudinē multū conferre: Præterea se si ab maiorum consuetudinē recederent confestim interituros. Ad agros quod attinet *Monſſicat* quisque aliquot quidem peculia res habet quos pro arbitrio ubicūque visum fuerit ad componendos hortos seligit. Sed anxiam illam curam de fundis diuidendis, & limitibus figendis, & definiendis agris Auaris & leguleiis nostratibus relinquunt.

Quos agros  
peculiari ter  
posideat  
Ametie.

De eorum supellectile non semel à nobis in superioribus est dictum. Sed ne quid eorum omittamus quæ ad Oeconomiam Barbarorum pertinet, hoc loco recensebo Americanarum mulierum in gossipio, (cuius apud eas vsus est multiplex tam in funiculis, quam in pensilibus suis cubilibus texendis) nendo artificium.

Extractum ex flocculis, pro omni carminatione digitis aliquantulum extendunt, tum humi acervatim disponunt, (nam colis uti non norunt) pro fuso virgulam habent digiti crassitudine, pedali longitudine, qua orbiculum ligneum transfigunt, gossipium virgulæ summæ alligāt, tum ad femur (ut fufos suos solent nostrates) instrumentum illud torquentes, è manu emittunt. Orbiculus ille per domos vel plateas instar verticuli deuolvitur. Atque eo modo filum nent, non modo crassum ad cubilia xylina texēda, sed & sub-

Gossipium  
quo modo  
nent Amer.  
mulieres.



tilissimū. Huiusmodi ego in Galliam attuli, quo thoracem è candida tela ornari corauis cuius tanta erat tenuitas, vt à quibusuis pro le-  
tissimo Serico haberetur.

*For: cubilia  
xylina.*

*Cubilia Bar-  
barorū quo-  
modo sternā  
tur.*

*Spumaque  
Saponis vicē  
supplet apud  
Anieric.*

Cubilia sua xyлина *fnis* nuncupant. Fœ-  
minæ, ad quas pertinet istud opificium, tex-  
trinas habent ab nostratibus nō nihil ab simi-  
les: neque enim in planum sunt constructæ,  
neque tot machinamentis constant, sed edi-  
tæ ad earum staturam: suo more ordiuntur,  
tum ab imò texendi initium faciunt. Quædā  
ex cubilibus illis ad formam rerum, alia dē-  
siora instar telæ rarissimæ conficiunt. Quin-  
que aut sex pedum longitudinem obtinent,  
latitudinem vlnæ: extremo vtrique fibulæ  
xylinæ adduntur, quibus funes annectunt:  
ac trabibus ad hunc vsum in casis accommo-  
dati suspendunt. In Castris degentes, aut in  
syluis ad venationem aut in litoribus ad pis-  
catum ea ex arboribus suspendunt. Hæc cu-  
bilia (nequid à nobis prætermittatur) vbi for-  
des vel ex humano sudore vel ex fumo, ob  
ignis perennitatem contraxerunt, hoc abluū-  
tur modo. Mulieres fructum quendam in  
syluis colligunt, forma ab cucurbitæ pla-  
næ non ab simili, verum longè ampliorem,  
adeò vt ægrè singula poma alterâ manu ge-  
stentur, hos fructus frustatim concidunt, at-  
que in prægrande aliquod fictile vas conie-  
ctos aqua madefaciunt. Tum baculo vehe-  
menter mouent, atque spumam ex illis exci-  
tant,

ant, cuius ope (loco saponis) cubilia sua ita  
nundant, ut niuem vel fullonicos pannos cā-  
lore adæquent. Cæterum expertis iudican-  
lum relinquo, annon suavius, æstiuo præfer-  
im tempore, in Cubilibus illis decumbatur,  
quàm in lectis nostris vulgaribus: An etiam  
emere in Historia nostra Sancerrana, affir-  
marim longè commodiorem esse eiusmodi  
cubilium usum in excubiis, quàm & rece-  
pto more, milites in *stadiis* volutentur, nam  
& vestes conspurcantur, & pediculi compa-  
rantur, & quod magis est, si ad certamen sit  
consurgendum corpus quodammodò armis  
quæ continuò militibus adhærent conquis-  
citur: quod in vrbe Sancerranæ obsidione ex-  
perti seriò sumus. Hostes enim per integrum  
annum ad portas nostras permansit.

Reliquam Americanorum Suppellectilem  
ut in pauca contrahamus, mulieres (quibus  
res Domestica est curæ) Cannas ingentes  
parant, & prægandia fictilia vasa conficiunt  
ad *Caolin* suum imponendum. Ollas quoque  
varia forma effingunt, pelues paruulas & me-  
diocres, paropsides atque id genus alia, vasa  
quæ extrinsecus quidem minimè sunt polita,  
intrinsecus tamen adeò læuigata & alba ne-  
scio qua infectura quæ continuò indurefcit  
decorata, adeò ut figulorum nostrorum indu-  
striâ mulieres illæ faciliè adæquent. Præterea  
fucū nescio quē Leucopēū aqua madefaciūt,  
deinde varias rerum formas in suis vasis af-

Ingentia, me-  
diocria &  
exigua ficti-  
lia vasa mu-  
lieres Ameri-  
fabricant.



pingunt intrinsecus, atque in iis præsertim, in quibus farinam, aliâque ciborum genera asseruanda reponuntur. Eorum itaque usus est gratissimus, immò longè præstant illa vasa ligneis quibus non pauci hîc vtuntur. Hoc tamen pictrices illæ laborant vitio, quòd ubi penicillo quicquid collibuerit effinxerunt, si rogentur eadem denuò pingere, minimè possint: quod exemplum nullum præter phantasiæ suæ industriam propositum habeant. Hinc fit vt picturarum illiusmodi duæ vix vnquam similes reperiantur.

Pocula aliâque vasa  
ex fratribus  
Corbes &  
Canistri.

Præterea (vt alibi dixi) Barbari cucurbitas aliâque fructuum genera habent, quæ diuidunt atque concauant, illique pro poculis (quæ *Coni* appellant) aliisque varij usus vasis vtuntur. Corbes quoque habent amplas & mediocres, atque aded canistros, iuncis aut herbis subflauis, ab stramine triticeo non alienis aptissimè contextos. Hos *Panacôn* nominant, inque illis farinam, aliâque quæ fuerint visa imponunt. De armis, vestibus plumaceis, Instrumentoque *Maraca* iam est à nobis facta mentio, itaque vt breuitati consulam plura non addo. Ecce iam Casas Barbarorum extractas atque supellectile instrumentas habemus, iam ipsi in illis sunt inuisendi.

Sed paulò altiùs istud est repetendum. Et si *Tonoupinambaultij* hospites perquam humanissimè excipiunt, tamen Galli, aliâque aduenæ

uenæ, qui eorum linguæ sunt ignari, initio  
non parum sunt ob tam insuetos mores at-

Barbari ce-  
miter hopi-  
tes excipiunt

toniti. Ego quum primum inter illos ver-  
sarer (quod vigesimo circiter die post no-  
strum ad Castellam Collignium appulsum  
cōtigit) Interpres quidam ad vicos quosdam  
in continentem me deduxit, is quem pri-

imum vidi indigenarum lingua *Tbowaci*, Gal-  
lica verò *Pepin* de naucleri cuiusdam nomi-

Eorum quæ  
authori cum  
primum Bar-  
baros adiit,  
acciderunt,  
facere nar-  
ratio.

ne qui quondam ad eū locum nauem onera-  
rat, nuncupatur: quatuor tantum passuum  
millibus ab Castello nostro distat. In ipso  
ingressu me frequentes circumeunt Barbari,  
hisque compellant verbis. *Marapé-derere*,

*Marapé dereré?* hoc est, quo nomine voca-  
ris? quæ quidem voces verè mihi erant Bar-  
baræ, alius verò eorum galerum meum mi-  
hi ablatum capiti suo imponit, alius cingu-  
lum & ensẽ meum lateri nudo suo subli-  
gat: alius tunicam induit: mēque suis clamo-  
ribus hebetant: atque meis induti spoliis huc  
& illuc discursant. Ego tum meorum om-  
nium iacturam fecisse me arbitrabar, nec sa-  
tis sciebam quàm tutò apud illos essem. Ve-  
rũ ut ipse expertus sum, metus ille ex mo-  
ribus illorum ignoratione oriebatur, illi e-  
nim idem omnibus aduenis, præsertim iis  
quos nondum conspexerũt, facitare solent.  
sed ubi animi gratia aliquantisper eo habi-  
tu obambulant, singula præcisè restituũt.  
Tum fui ab interprete admonitus illos vehe-  
menter optare quod mihi nomen esset intel-



Autoris no-  
men Ame-  
ric, lingua.

ligere: sed in eo edendo ab nominibus apud nos vsitatis abstinendum esse, vt pote quæ Barbari nec promittiare, Ioannis enim loco *Nian* dicebant; nec memoriæ mandare possent: sed aliquid esse proponendum quod illis esset notum. Res tam feliciter successit vt, quantum significauit mihi interpret, qui linguæ Brasiliæ erat peritissimus, (neque enim subtilius inquirendo hæc confinxi, vt impudenter calumniatur Theuetus, ineptissimè de suo *Quoniam beco* Viror. Illust. libro differens) nomen meum *Lerij* Ostreum significaret. Itaque respondi me, *Lery ousson* vocari. Illi rem probare, atque interiectione sua admirante *Teb!* crebrò vsurpata, his me compellare. Præclarum sanè nomen! nec vnquam *Mair* vllum offendimus, cui tale esset nomen. Ac sanè Circe nusquam hominem in tale ostreum transformauit, nec qui tam sedulo cum vlysse differeret, quàm ego ex illo tempore cum Barbaris differui. Obseruandum est autem eos adeo tenaci esse præditos memoria, vt si cuiusquam nomen semel audierint, illud nusquam obliuioni mandent. Reliquos quos in hospitibus excipiendis obseruant ritus postea recensebo: iam quid mihi tum primum inter Barbaros versanti contigerit explicabo. Ego cum interprete eo die vltius sum progressus, atque in pago *Euramiri* Indigenarum lingua, Gallica verò Gofet de interpretis cuiusdam nomine, qui eum aliquândiu incoluerat, diuertimus: occidente sole

sole appulimus, Barbaros saltantes, & *Caoninantes*, ob captivum, quem eo die mactarant, offendimus. Carnium illius frustra Boucano imposita animaduerto. Quanto ibi horrore fuerim perculsus, minimè quarendum arbitror. Attamen id minimum fuit si cum summo metu quo postea fui consternatus conferatur. Casam ingredimur, cubilibus pēsilibus insidemus more recepto, fœminæ eo, qui à nobis dicitur modo, lugent, Paterfamilias amicis nos excipit verbis. Interpres qui istis erat assuefactus, quique eorum com-potationibus apprimè delectabatur, me rerū omnium ignarū insalutatū relinquit, atque ad saltantes ac *caoninantes* abiit. Ego vero qui defessus eram, postquam me farina, & quibusdam aliis cibis nobis apposis refeci, in cubili decubui. Attamē & strepitu Barbarorum saltantium & *caoninantium*, & captivū devorantiū, mox fui expergefactus, & (quod maximum) quodā qui captivi boucanatū pedem manu gestabat ad me accedente, atque à me (vt postea intellexi, tū enim verba illius minimè capiebā) annō vellē ex eo edere quę rente, adeò fui metu consternatus, vt à sōnolētia fuerī penitus liberatus. Ac sanē omnino credebam gestu illo, quē in deteriore partē rapiebā, ab Barbaro mihi indicari, fore vt mox carnes meæ eo modo vorarentur. Præterea vti metus suspicionem parit, in mentem mihi ex templo venit Interpretē prodidisse me,



atque in Barbarorum manus tradidisse. Quare si qua fugiendi patuisset mihi via, ego impigre fugam capefisssem. Sed vndiquaque me Barbari, quorum mentem non satis noueram (nihil enim mali in me moliebantur) circumstabant. Ego in metu confirmatus futurum ominabar vt mox mactarer, quare totam noctem precibus ad Deum fundendis transégi. Cogitent lectores qui de iis quę à me narratur serid cogitabunt, num mihi longissima visa meritò fuerit. Prima luce Interpres, (qui totam noctem cum Barbaris genio indulserat,) ad me redit, atque me pallidum atque febri correptum videt, ibi quærit num me malè haberem, annò placidè quieuissem? Ego tum acriter eum increpare, qui me inter barbaros illos solum reliquisset, quorum sermonem minimè capiebam: quid multa? cum metum deponere non possem obnixè rogo vt sine mora, illinc facefferemus. Ille verò bono me animo esse iubet: ac minimè malè in nos affectos esse Barbaros denunciat. Rem omnem Barbaris aperit, qui mihi totam noctem, vt aduentum gratularentur, adstiterāt: Illi significant se de eo nonnihil subolfecisse, dolere tamen se quod in tanto eorum metu noctem illam transégissem. Ac tandem in cachinnos prorumpunt, quod fuit metus illius mei solatium. Inde ad quosdam alios viros ego & Interpres illi perreximus. Sed isthac de primo meo inter Barbaros errore dicta

ta sint satis. Ad cætera reuertar.

Hi sunt ritus quod excipiendis hospitibus Barbari obseruant. In primis oportet hospitem statim vbi in domum *Moussacat* illius fuerit ingressus, quem sibi hospitem delegerit, (quod in singulis pagis est faciendum, nec ad alium est diuertendum, nisi illius in malam gratiam velis incurrere) cubili Xylino pensili insideat, ac tacitus ibi aliquatulum remaneat. Mox mulieres adueniunt, cubile cingunt, humique sedentes manus oculis imponunt suis, atque eo modo faustum hospitis aduentum deslentes, innumera in illius laudem proferunt.

Mulieres Americanæ  
hospitum aduentum deslentes.





Verbi gratià : tu tantum vt ad nos accederes laborem suscepisti: tu bonus es, fortis es. Si vero hospes fuerit Gallus, addunt, merces præclaras permultas nobis attulisti, quibus hic caremus. In summa, vtdictum est, mulieres illæ lachrymis obortis adulatoriis huiusce modi sermonibus hospites excipiunt. Hospes verò qui in cubili xylino sedet, si gratiam vult cū hospite inire, composito vultu, nisi seridè lachrymari voluerit ( prout nonnullos ex nostris vidi adeo fracto animo, vt fœminarum istarum vlulatu lachrymę illis excuterentur) saltem quædam respondēdo, & suspiria trahendo fletum simulet necesse est. Peracta hac lepidissima à mulieribus salutatio-  
*Moussacat* hoc est pater familiās, qui etiā, vt in pictura vider elicet, in fabricanda sagitta vehementer occupatus, ne oculos quidem quasi non animaduertens in hospitem per aliquod tempus coniecerit, (blanditiæ à nostris amplexibus admodum alienæ) tandem ad hospitem accedens, his eum compellat verbis. *Ere Ioubé?* hoc est, venisti ne? tum vt vales? quid quæris? &c. quibus quo sit respondendum modo inferiùs in Colloquio Americ. dicetur. Quærit postea num esurias? Si annuas, confestim cibos varij generis, putà, farinam, quæ illis panis vices præstat, ferinam, volatilia, pisces, aliæque id genus, in fictilibus tibi apponi iubet: verū, quod mēsis scānisque vsus non sit apud eos, humi omnia illa appo-

Hospitis apud Americ. gestus.

*Moussacat*  
quo modo  
hospitem  
excipiat.



nūtur. Ad potum quod attinet, si *Caouin* volueris, domique fuerit, statim tibi dabitur. Denique postquam mulieres fletibus hospitem aduentum strenuè celebrarunt, ad eos accedunt fructus aut alia munuscula ferentes, atque ita tacitè pectines, specula, vitreos globulos, quibus brachia inuoluunt, exigunt.

Porro si in eo vico pernoctare voles, *Moussacat* cubile mundissimum tibi suspendi iubet, quod circum igniculos accendi curabit, atque noctu crebro suscitari folliculis quæ ipsi *Tatapecoua* vocant ab orbiculis non absimilibus, quibus ignis inuasionem ab vulu arcent apud nos delicatioris scæminæ. Non quod frigori obnoxia sit illa regio, sed propter noctis humiditatem, maximè verò quia moribus est ab illis receptum. Sed quando in ignis mentionem incidimus, quem illi *Tata*, sumū verò *Tatatin*, nūcupant, operæpretium

Scoticus lapis admiranda ratione ignem concipit.

Cur barbari igne delectentur: atque de egregia illius apud eos excitandi ratione.

puto præclarā illius excitandi rationem ut exponam. Ea non minorem meretur admiratio nem quàm scoticus lapis, qui (ut refert singularitatum regni illius inuestigator) stappa aut stramine obuolutus ignem per se excitat. Ergo Barbari, quod eo admodum delectentur, igne vbicunque sint, ægrè carent, siue domi, siue in syluis venantes, siue ad litus piscâtes, præsertim noctu, vehementer enim metuūt, me incauti excipiātur ab *Aygnansa* à quo (ut iam diximus) crebrò cæduntur, & affliguntur. Itaque pro eo quod nos lapide atque chalybe ad

be ad ignem excitandum utimur, cuius usus illis est incognitus. Illi lignorum genera duo habent, quarum alterum est molliissimum, alterum verò durissimum, quibus ad ignem excitandum hoc utuntur modo: virgam ex præduri illius ligni pedali longitudine ab altera parte exacuunt ad fusi modum, huius cuspidem in frusto aliquo molliis illius ligni defigunt, tum siue humi, siue stipiti impositum, virgam illam, manuum volis maxima celeritate volunt quasi suppositum ligni frustum perforaturi. Illa tam celeri tamque violenta agitatione non modò fumus excitatur, sed etiam ignis, itaque admoto gossipio, vel foliis quibusdam siccis (fomitibus nostratis loco) commodissimè ignis concipitur. Cuius rei ego ipse feci periculum. Nec tamen mihi est animus ea confirmare, quæ Theuetus scripsit, Barbaros Americanos, ante ignis usum ci-

Sing. Amer.  
cap. 53.

bos fumo exsiccare consueuisse, prout enim philosophicum hoc *ἀέριον* quod in proverbum abiit ut verissimū habeo, ignem absque fumo non esse, sic eum indoctum physicum iudico, qui nobis persuadere nititur fumum absque igne existere. Fumum hūc intelligo, cibis percoquendis aptū, cuiusmodi ab Theueto innuitur. Nā si hac solutione nodo illo se expedire vellet, se id de exhalationibus intellexisse, etiam si concedatur calidās esse, nō tamen datur eas cibos exsiccare & percoquere posse: quinimo & carnibus, & piscibus potius humiditatem sint aucturæ. Quapro-



pter, quid quæso est lectoribus imponere si hoc non est? Quando igitur adeo grauitertum in Cosmographia, tum alibi de iis conqueritur Theuetus, quos, quia res ab se commemoratas pro sua libidine non exponant, eo accusat nomine, quod non satis diligenter in suis scriptis sint versati: Lectorem rogo, ut locum istum diligenter obseruent de nouo isto calido, ac imaginario fumo, quem ego ad ipsius ventosum remitto cerebrum.

Aduenæ  
quid hospiti-  
bus repen-  
dant.

Iam igitur ad *Touonpinambaulciorum* in hospitibus excipiendis curam redeamus. Postquam eo quo diximus modo, hospites cibum sumptum, atque decubuerunt, si liberales sint, viris cultros, forfices, atque volsellas, ad barbam euellendam aptas: Fœminis pectines, & specula: pueris hamos dare solent. Si verò cibariis hospes indigeat, ubi de pretio est conuentum, ea asportare licet. Porro quia illi iumentis omnibus carēt, omnes pedibus iter facere necesse est, si aduenæ fuerint defefsi, atque cultrum cuidam ex Barbaris obrulerint, ille confestim (nam ad gratificandum sunt promptissimi) operam suam offeret ad defesum gerendum. Ego ipse cum in terris illis versarer non semel baiulis illis vectus fui, & quidem bis mille passuum itinere. Quos si ut paulisper requiescerent monebamus, illi nos his verbis irridebāt, Quid? Nōne tā effœminatos aut fracto animo esse censetis, ut oneri succumbamus? te potius totum diem absque vlla intermissione gestarem. Nos verò in cachin-

Barbari ad-  
uenas hume-  
ris gerunt.

Gradarij bi-  
pedes.

chininos erumpentes gradarios illos bipedes mirabamur, atque illis animum addentes, dicebamus: Pergamus igitur.

Naturalem charitatem abūdē inter se mutuo exercent, nam & pisces, & ferinam, & fructus, aliāque quotidie alij aliis donant, immo vehementer dolerent si vicinos iis rebus quas ipsi habent indigere cernerent. Atque etiam eadem liberalitate erga duenas vtuntur. Cuius rei exemplum vnum afferre satis erit. De periculo quodā quod euasimus, ego Gallique alij duo, quod scilicet, mors nobis imminēbat, ingenti lacerto nobis obuiam facto, capite huius libri decimo memini: nos tum à via in mediis syluis per biduum aberrauimus, ac famem non mediocrem sumus perpeffi, tandem ad vicum quendam *Pauo* nomine, ad quem iam ante diuerteramus, peruenimus. Ibi nos liberalissime ab Barbaris fuimus excepti. Illi enim auditis incommodis quæ perpeffi eramus, ac præsertim summum in quo versati eramus periculum, vt ab feris deuoraremur, maxime vero vt ab *Margaiatibus*, communibus nostris hostibus mactaremur, ad quorum fines per imprudentiā proximē accesseramus: Conspēctis quoque spinarum incommodis quorum misere cutis nostra erat lacerata, adeo nostra mala grauius tulerunt, vt verē affirmare hoc loco possim blanditias fictas quibus nostrates miseros consolari solent, longē ab sincera gentis illius, quā nos Barbaram appellamus hu-

Barbari natura duce  
charitatem  
colunt.



Barbarorum  
humanitatis  
insigne ex-  
plum.

manitate abesse. Illi enim limpida aqua pedes nostros (quod antiquorum morem mihi in memoriam reuocauit) abluerūt, singulis nostrum seorsim in pensili lectulo sedentibus. Tum patres familiās, qui iam cibos nobis apparari prouiderant, recentemque farinā, quæ (vt aliās dixi) candidi panis medullæ bonitate non cedit, corradi iusserant, confectum nobis non nihil refocillatis præstantissimos quosque cibos, putà ferinam, volatilia, pisces, fructusque exquisitissimos, quibus continuò abundant, nobis apponi iubent.

Præterea nocte adueniente *Moussacæ* hospes noster, pueros omnes à nobis, vt placidius quiesceremus, remouet. Postera autem die summo manè ad nos accedit, quæritque agite *Atourassap*, (hoc est fœderati intimi) placidène hac nocte quieuestis? Placidissime, excipimus. Tum ille: adhuc quiescite, filioli mei, heri enim vos admodum defatigatos esse animaduerti. In summa verbis exprimere nonqueo quàm humaniter & blandè à Barbaris illis excepti fuerimus, qui nos non minori prosequuti benignitate, ac Melitenses Barbari Paulum ceterosque naufragos: de quibus Lucas in Actis Apostolicis. Ceterùm nos nūquā absque pera mercibus plena peregrè proficiscebamur, quæ nobis pecuniæ instar essent apud Barbaros illos. Itaque illinc abeuntes quæ visa sunt hospitibus donauimus: nimirū cultros, forfices, vossellas, virispeccines, specula, armillas, & vitreos globulos

Act. 28. 1. 2.

los fœminis: pueris verò piscatorios hamos.

Hic quid mihi aliquando apud eos contigerit narrare libet, vt quanti faciant merces illiusmodi commonstrem. Ego in quodam pago diueteram, à *Moussacat* verò meo rogatus sum, vt quid in pera mea haberem, sibi indicarem, vâsque ingens fictile mercibus meis imponendis afferri iubet: vniuersas depromo, ordinêque dispono: Tum ille vehementer admiratus Barbaros reliquos aduocat, atque insit. Videte quæso ô boni, qualem virum apud me exceperim! an non liquidissimè apparet illum prædiuitem esse, quâdoidem tantas opes apud se habet? Ille tamē merces (vt comiti meo Gallo subridens significauit) quas tanti Barbarus ille faciebat, nimirum cultelli sex vario capulo, totidem pectines, tria specula, aliâque minimi pretij pauca, vix Lutetiæ duobus argenteis capitatis vâniissent. Ego tum, quia homines liberales (vt est à nobis dictum, amât, vt mihi auctoritatem & gratiam apud illos conciliare, *Moussacat* meo cultrorum meorum præstantissimum coram omnibus donaui, quem non minoris ille fecit atque apud nos quilibet torquem aureum maximi pretii donatum faceret.

Quâti à Barbaris æstimentur cultri, aliæque merces.

Iam si quærat an tuta nobis esset apud illos habitatio? respondeo eos pro vt inimicos tam insano prosequuntur odio, vt capros mactent vorêntque: sic vice versa tanto, tamque arcto amicos (in quorum eramus nume-

Barbari amicis fidissimi.



ro) amore complecti, ut potius quiduis subeant ad eos tuendos, quam ut villo eos affici incommodo patiantur. Itaque eorum expertus fidem illis iam tum maximè fidebam, ac nunè facilius fiderem, quam plerisque Gallis infidissimis atque à proavorum fide degeneribus. Nominatim degeneres addo: nam bonis, quibus per Dei gratiam nondum penitus est destituta Gallia, villo modo detractum nolim.

Historia de  
periculo in  
speciem im-  
minente.

Veruntamen ut nihil quoad eorum mores attinet dissimulem, rem hinc narrabo maximè mihi in speciem periculofam. Accidit ut sex Galli casu in vicū illum *Ocaranin* (de quo saepe facta est mentio) conveniremus: ibi pernoctare statuimus, ternique arcu cōtendim⁹, ea cōditione ut victi Indicis gallinis, aliisque cibis in cœnā mulctarētur. Ego qui cum sociis inferior in ludo fuerā, gallinas venales conquire. Puer quidam ex eorum numero, quos suprà Rosea naui aduectos fuisse ad linguam Americanam ediscendam demonstravi, mihi occurrit, dicitque: En tibi præpinguem Indicam anatem: Eam occide, pretiū postea numerabis. Pareo, eoque facilius, quòd non semel in pagis aliis itidem Gallinas occideramus, quas cum bona Barbarorū gratia cultris quibusdam redemeramus: mortuam manu apprehendo, domūque in quā ad *cauinandum* frequentes Barbari conuenerant ingredior: cuiusnam sit anas pretiū numeraturus quæro: prodit vetulus quidam caperata fronte, ac suam esse significat. Pro


ea sibi numerari quod velit pretium peto:  
Cultrum, inquit ille. Ego haud mora præbeo:  
Elegantiorē velle se ait. Denuo elegantio-  
rem offero. Nec istum placere ait: Quid ergo  
à me exigis? inquam. Falcem, excipit. Ego qui  
pretium inauditum exigi à me videbam, qui-  
que apud me falcem tum non habebam, cul-  
tro contentus sit moneo, meque aliud nihil  
daturum esse. Interpres cui mores Barbaro-  
rum innotuerant (quamvis hac in parte, vt  
mox dicam deceptus fuit) vehementer Bar-  
barum iratum esse significat: falcem quouis  
tandem pretio inuestigandam esse, atque  
illi pendendam. Falcem ab puero de quo  
nuper dixi mutuo accipio, ac Barbaro tra-  
do. Renuit. Ego non nihil iratus, tertio ab  
eo quæro quid igitur petat? Ille audacissime,  
te interficere volo, ait, pro vt anatem meam  
occidisti. Ea enim fratris cuiusdam mei olim  
fuerat, atque idcirco præ omnibus meis in  
pretio habebam. His dictis bardus ille domū  
abit, clauaque ingenti lignea sex pedum lon-  
gitudine instructus ad me redit: denuoque  
mortem mihi minatur. Ego tum valde fui at-  
tonitus, metum tamen meum dissimulabam  
diligēter. Tum interpres cubili pensili quod  
inter me & aduersarium meum erat interie-  
ctū quid facto opus esset opportunè monuit.  
Gladium tuum & arcum ac sagittas ostentā-  
do, inquit his illū cōpella. Quo cū sibi nego-  
tium esse putet: te fortem ac strenuum esse,

S. iij



nec impunè eum mortem tibi intentaturum: denique quod in animo erat dissimulans, varijs sermonibus vltro citròque habitis nullo de dissidio sedando laborante, Barbarus ille meus ebrius, quippe totum diem *Caouinando* transfegerat, dormitum abiit. Ego cum interprete ad socios nostros contentionis meæ ignaros coenatum me cōfero. Nihilominus tamen totum illud à Barbaro meo ioco factū fuerat. Norunt enim illi se qui immortales cum Lusitanis inimicitias gerunt, si vel Gallū vnum occidant, mercibus penitus prohibitos iri. Ac sanè ille paulò pòst experrectus, per Barbarum quendam mihi significat, me suum esse filium, quæque abs se acta fuerant, eo tantum animo gesta fuisse, vt quàm strenuè in Lusitanos & *Margaiates* bellaturus essem, periculum faceret. Ego verò vt occasionem omnem ei idem vel in me, vel in alium quemuis tentandi tollerem, adde quod istiusmodi lusibus delectari nemo solet: Respondeo me faciliè tali parente, qui exserto gladio filiorum periculum faceret carere, immo etiam postridie eius diei domum quandam in qua erat, ingressus, vt quàm ægrè illud ferrem, seriò cognosceret, eo præsente, astantibus cultellos, aque hamos dono, illum verò indonatum relinquo. Ex hoc igitur exemplo, eoque cuius antè memini, de periculo quod sum imaginatus tum, cum primùm apud illos versatus sum, satis apparet ea, quæ dixi, constare, nempe amicis eos fidis-

fidissimos esse. Illud quoque obiter est notandum quòd Senes qui securibus, falcibus, ac cultris olim caruerant, quibus tamen ad ligna secanda, ad arcus fabricandos, sagittasque parandas tam eòmodè iam vtuntur non modò Gallos humanissimè excipiunt, sed & iuniores vt idem in posterum præstent crebro hortantur.



## CAP. XIX.

*Quam curam morbis suis adhibeant Barbari: de eorum sepultura & exequijs: deque insano eorum circa mortuos luctu.*

**T**ANDEM vt huic de Barbaris Americanis sermoni finem imponamus: hoc quoque loco aliquid de eorum in morbis suis cura, ac obitu dicendum est. Ergo si fortè contingat, vt eorum aliquis in morbum incidat, partem dolore affectà vbi indicauit ægroti intus, quidam ore exsugit, nonnunquam etiam ab impostoribus quibusdà, quos illi *Pagés*, hoc est medicos aut chirurgos, appellant. (Sunt autè à *Caraïbis*, de quibus antea, diuersum genus) ministerium illud præstatur. Dolorem quoque se extrahere dicunt, ac vitā producere. Febris, aliisque vulgatibus morbis aliquando laborant: at non ita frequenter atque nos solemus. Præterea cum insanabili quodam morbo consistantur, quem illi

*Pagés* Barbarorū mēdici.




*Pians* Vocant. Is plerumque à libidine provenit: puerulos tamen eo infectos vidi non absimili ab variolis nostratibus modo. Contagio hæc in pustulas tãdem abit digito pollice ampliores, quæ corpus vniuersum, atque adeò faciem ipsam inuadunt. Itaque iis qui hoc morbo affecti fuerint tã insignes suæ impuritatis notæ inuruntur, atque apud nos venerea lue laborantibus. Cuius rei exemplo fuit Neustrius quidam interpres, qui crebris sese scortationibus cum mulieribus ac puelis Barbaris contaminarat. Is meritis dignissimam reportauit mercedem: nam eius corpus vniuersum, atque adeò vultus ipse, tam erat deturpatus, vt elephantiaco morbo laborantem deformitate referret: tãmq̃ue insignes inustæ sunt notæ, vt deleri nusquam potuerint: hinc fit vt morbus ille omnium perniciosissimus ab illis habeatur. Sed ad rē. Ægrotanti cibum nusquam præbent, nisi ab eo petatur, inedia licet sit periturus. Præterea morbus quantumuis sit grauissimus, valentes non desistunt saltando, cantando, bibendo, more recepto, miserum ægrum strepitu obtundere: nec conqueritur æger, quòd se nihil profecturum esse norit. At si diē suum obeat, cantus ille (si præsertim pater quidam familiās fuerit) in lachrymas repente conuertitur, tantique eduntur gemitus, vt si fortè in pago quodam diuertebamus luctus illius tempore, nobis vel aliò erat commigrandum, vel insomnis nox erat ducenda. In primis autem

Barbari ægrotos quo modo trahunt.

tem non sine admiratione mulieres exaudiū-  
tur, quæ sic vociferantur atque exclamant, vt  
luporum aut canum ululatus, non humanas  
voces edi dicas. Has autem effundūt querelas  
voce tremula. Obiit fortissimus ille, qui no-  
bis tot captiuos deuorandos olim præbebat!  
Tum cæteræ, ô egregium venatorem, ô præ-  
stantissimum piscatorem, ô strenuum Lusi-  
tanorum & *Margaiatum* mactatorem! In  
summa mulieres illæ sese mutuò ad luctum  
incitantes, brachiâque inuicem amplexantes,  
vt in subiecta pictura videre est, ab his lucti-  
bus ac præconiis non prius desistunt, quàm  
cadauer elatum fuerit.





Denique Barbaræ istæ mulieres Bearnensium ritum in viris suis mortuis lugēdis imitantur, quos quantum accepi, his prosequuntur querelis. *La mi amou, la mi amou : Cara vident, œil desplendou : Cama leugé, bet dansadou : Lo mé balen, lo m'esburbat : mari deper : fort tard congar.* hoc est, mi amice, mi amice vultu hilari, oculis splendētibus, cruribus pernicipibus, egregie saltator, fortis ac strenue, qui summo mane surgebas, atque ad multam noctem vigil decumbebas. Vascones quoque mulieres, quæ superioribus isthæc addunt, *Yere, yere, O le bet renegadou, ô le bet iongadou qu'here :* hoc est heu, heu, quā strenu<sup>us</sup> erat deierator, quā insignis lusor! Porro iis quas diximus querelis Barbaræ mulieres crebrò epodiū hoc adiungunt. Obijt, obijt is quē iam lugemus! Tum viri, heu! mortuus est, nec eum amplius videbimus, donec post montes cum ipso pro vt docent nos Caraibes nostri choreas agamus. Alia insuper eiusdem generis multa addunt. Eiulatus verò illi ad sex horas producuntur, neque enim mortuos suos insepultos diutius seruare solent. Tum excavata fossa non oblōga, vt solemus, sed in orbem, dolij maioris instar, cadaver erectum sepelitur. Patres verò familias defunctos cubili suo xylino obuolutos in mediis ædibus sepeliunt, plumis, alijsque quibus dum vita manebat delectabātur, in sepulchro reconditis. Per multa in hanc sententiam antiquorum exempla huc afferri possent, a quibus idem olim erat factitatum:

Sepulchra,  
asque in Sepeliēdo ritu  
Americano-  
rum.



Antiquit.  
lib. 7. c. 12.

Mundus cum  
cadauere se-  
pelitur.  
Consule Bē-  
zonem lib.  
3. c. 22.

Error vetē  
Diabolicus.

cuiusmodi est illud quod Iosephus commemorat de pecuniis in Dauidis sepulchro conditis: Id etiam quod profanæ testantur historiae de viris illustribus, qui post obitum pretiosissimo quoque mūdo ornati sepulti sunt. Ac ne longius ab Americanis nostris recedamus, Indi Peruenſes Reges suos ac *Celticos* sepelientes, magnam auri, argenti, atque gemmarum vim in eorum conijciunt sepulchra: quæ cum Hispani scrutarentur, ingentes inde diuitias contraxerunt. Quibus rapacissimis hominibus apprimè id conuenit quod Plutarchus de Semiramide commemorat. Semiramis Regina, quæ Babilonem condidisse dicitur, monumento quod sibi pararat inscripſit, Quisquis rex pecuniis egerit, aperto monumento quantum voluerit capiat. Darius potitus ea ciuitate, titulo credens, saxum ingens, quo clauderetur monumentum, vix amolitus, nihil quidem inuenit pecuniarum, sed ex altero saxi latere hoc inscriptum reperit. Ni vir malus esses, & pecunia inexplebilis, haudquaquam mortuorum loculos moueres. Sed ad *Tououpinambaultios* nostros redeamus. Ex quo Galli ad eos commealre ceperunt, ab pretiosorum in sepulchris repositione abstinerunt. Sed inauditam ac verè Diabolicam superstitionem retinuerunt. Prima à funere nocte, Barbari, quibus hoc persuasum est, fore vt *Aygnan*, ni alios cibos offenderet paratos, cadauer effoderet, ac deuoraret, vasa nō pauca farinæ, piscium, carniū,

alie-

aliorumque ciborum diligenter paratorum, nec non potionis *Caouin* plena circa sepulchrum apponunt. Quam libationem tandiu faciunt quoad cadauer penitus consumptum esse credant. A quo errore eò difficilius dimovebatur, quòd interpretes quidam Neustrij, sacrificorum Belis exemplo, non semel ante nostrum aduētum cibos illos clam subripuerāt. Quo facto Barbaros in errore adeò confirmarant, ut quamuis cibos illos vespere appositos manè superesse demonstraremus, magno tamen labore perpaucos ab errore dimouimus. Hoc autem Barbarorum somniū ab Rabbīnorum commento non est alienū: nec ab eo quod Pausanias cōmemorat. Rabbīni enim scribūt cadauer hominis tradi in potestatem Cacodæmonis cuiusdam, quem Zazel, aut Azazel nominant: quēque principem deserti in Leuitici libro dici affirmāt. In cuius erroris confirmationem Scripturæ locos detorquent, quibus dicitur serpenti, puluerem comedes omnibus diebus vitæ tuæ: atque ita ratiocinantur. Quandoquidem corpus nostrum è limo terrę desumptum est, qui serpentis est cibus, ei subijciatur necesse est, quoad in spiritualem naturā transformetur. Pausanias etiam author est interpretes Delphicos tradidisse Cacodæmonem quendam, quem Eurinomum appellant, mortuorum carnes deuorare solitum, atque ossa carnibus nudata relinquere. Qui errores ad Americanorum somnia proximè accedunt.

Consule vi-  
ret. Phytic.

Papal. Dialo.  
3. pag. 210.

Leuit. 15. 8.

Gen. 3. 14.

Ilā. 65. 24.



Denique quoties Barbari, eo quo diximus modo, vicos suos aliò comportât, sepulchris mortuorum tegmina quædâ ex herba *Pindo* imponunt. Quò fit vt viatores cœmeterij formam quandâ agnoscant. Ad quæ loca si quando in syluis errantes virorum defunctorum recordentur, tantos edunt eiulatus, vt procul exaudiantur. Tandem eas quò quantum ad satietatem fuerit, lugeant relinquo. Quando igitur Barbaros ad sepulchrû vsque sum prosequutus, de eorum moribus dicendi hic finē faciã. Lector tamẽ præter ea quæ attigimus, nonnulla poterit obseruare in eo quod subiicimus colloquio: quod scriptum fuit eo tempore quo in America vivebam ope cuiusdam interpretis, qui & linguæ Americanæ erat peritissimus, (quippe septem annos iam in illis terris vixerat) & linguam Græcam à qua non paucas voces mutuatur Barbari, optimè callebat.



## CAP. XX.

*Colloquium in ipso aditu Brasiliensis ora inter indigenas Tououpinambaultios Tououpinengin Brasile ac Latine conscriptum.*

*Tououpinambaultius.*

Ere-ioubé? Venisti ne?

Gallus.

Pa-aïout, Sic est, veni.

T.

Teh! auge, ny-po, Benè dixisti.

Mara-pê-déréré? Quomodo vocaris?

G.

Lery-ousson, Ostrea magna.

T.

Erè-iacasso pienc? Patriam ergo reliquisti vt hîc deinceps habitares?

Cognomen  
authoris lingua  
Ameri-  
cana.

G.

Pa. Ita est.

T.

Eori-decretani ouani repiac. A desdum igitur, & locum habitationis tuæ circumspecte.

G.

Auge-bé, Bene est.

T.

I-endè rêpiac? aout I-endêrêpiac aout é éhéraire

Teh! Oouérété Tenoij Lery-ousson ymé en!

Ecce igitur, fili mi, venit in has regiones nostræ memor, papæ?

T j



*Caramémo* ar  
ca, aliáque  
vasa.

*Eréron dé caramémo?* Attulistine capfas? *Eo ve-*  
*rò nomine comprehendimus quidquid includen-*  
*dis omnis generis vestimentis aptum est.*

G.

*Pà arout.* Etiam, attuli.

T.

*Mobony?* Quot?

Quotquot habueris vsque ad numerum quin-  
que, verbis notare poteris, hoc modo. *Augè-*  
*pè, 1. mocouein, 2. mossaput, 3. oioicoudic, 4. ecombo, 5.*  
Si duas tantum habes, quatuor numerare non oportet. Satis enim erit si dixeris tria *mocouein*. Si qua-  
tuor habueris sic dices *oioicoudic*. Et sic de reli-  
quis. At verò si quinarium numerum excedant,  
numerum quem voles totidem digitis tuis, aut si  
non sufficiunt, socio rum qui tibi adstant iudica-  
re poteris: Non enim habent aliam numerandi  
rationem.

T.

*Mae pèrèrout, de caramémo poupè?* Quid in caplis  
attulisti?

G.

Vestimenta. *A-aub.* Vestimenta.

T.

*Mara vaé?* Cuius coloris?

G.

Colores. *Sóbony-été.* Cærulei.

*Pirenk.* Rubei.

*Ioup.* Lutei.

*Son.* Nigri.

*Sobony, massou.* Viridis.

*Pirientz.* Variorum colorum.

*Pegassou-aué.* Coloris columbini.

*Tin.* Albi. Et de indusiis intelligitur.

T.

T.

*Mâé pámo?* Quid præterea?

G.

*Acang aubé-roupé,* Galeros.

T.

*Seta-pe?* Multos?

G.

*Icatoupané.* Innumeros.

Galeri.

T.

*Ai pogna?* Id ne totum est?

G.

*Erimen.* Minimè.

T.

*Esse non bat.* Omnia nomina.

G.

*Coromo.* Expecta paululum.

T.

*Ne in.* Age igitur.

C.

*Mocap,* seu, *Mororocap.* Ignea tormenta, Cata-  
pultas vtriusque generis: Nam *Mocap* omne ge-  
nus tormèti significat: maiora etiam quæ nauibus  
imponuntur ad repellendos piratarum insultus.  
Pronunciant autem aliquando per B. & In scri-  
bendo, si fieri posset, intermiscendę essent M. & B.  
*Mocap-coni.* Attuli etiam pulverem igneum.  
*Mocap-coniouron.* Cornua & alia instrumenta ad  
pulverem includendum.Tormenta  
bellica.pulis pyro-  
des.Instrumenta  
ad pulverem  
continendū.

T.

*Mara vaé?* Cuiusmodi sunt?

G.

*Tapiron-son-ak,* E cornu bonis conflata.

T.

*Augé-gaton-tégué.* Optime dictum.*Mâé pé seponyt rem?* Quid tibi numerabitur pro

T ij



eares?

G.

*Arouri.* Ea instrumenta tantum attuli, quasi dicas, nolo tam citò vendere.

T.

*Interiectio.* *Hé!* Interiectio est, qua utuntur dum quis eos alloquitur, quasi respondere velint, Libenter? Et tamen quiescunt, ne importuni videantur.

G.

*Arrou-ita ygapem.* Cultros ferreos attuli.

T.

*Naoepiac-icho pèn é?* Nunquid eos videbo?

G.

*Bégoé irem.* Quando erit otium.

T.

*Falces.* *N'éroûpe guya-par?* Nunquid falces attulisti?

G.

*Arrout.* Attuli.

T.

*Igaton-pé?* Sunt ne pulchræ?

G.

*Gniapar éé.* Eximix sunt.

T.

*Aua-pomoguen?* Quis eas fabricavit?

G.

*Pagé-ouassou remymognén.* Ille qui tibi notus est, cuiusque nomen tale est, eas fabricavit.

T.

*Augé-terah.* Id bene se habet.

T.

*Acépiati mo-mên.* Papæ? Libenter eas viderem.

G.

*Karamouffee,* Alio tempore id fiet.

T.

*Fâcépiah rangé.* Iam iam videam.

G.

G.

*Eémberéingué.* Expecta adhuc.

T.

*Erérourpé itaxé amo?* Attulisti ne cultros?

G.

*Arroureta.* Plerosque attuli.

T.

*Secouārantin vaé?* Sunt me cultri capulo diuisi?

G.

*En-en.* non. *Ivetin.* Albo capulo,*Taxe miri.* paruos cultros.

*Pinda,* hamos. *Moutemouton,* Subulas, *Arrouā.* hami, subu-  
*Specula.* *Kuap,* pectines. *Mourobouyé te,* Armillas <sup>la, specula,</sup>  
*cæruleas.* *Cepiah yponeum.* Cuiusmodi hîc non ex- <sup>pectines, ar-</sup>  
 tant. Ex quæ pulcherrimæ sunt inter eas quas hîc <sup>millas.</sup>  
 vidimus ab eo tempore quo adferri cœperunt.

T.

*Easo-ia* *boh de caramemo t'acepiab de maé.* Ape-  
 ri arcam vt tua bona intuear.

G.

*Aimossaénen.* Occupatus sum.*Acépiag-oucairen desue?* Alio die aperiam ad te  
veniens.

T.

*N ârour ichop' Irémaé desue?* Nonne aliquan-  
 do ad te bona adferam?

G.

*Maé pererou potat?* Quidnam vis adferre?

T.

*Sceh dé,* Nescio. Quid tu?*Maé peréi potat?* Quid vis?

T.

*Soô.* feras. *Oura.* Aues. *Pira.* pisces. *Ony.* farinam. <sup>bestia, aues.</sup>  
*Yetic.* rapas. *Cômenda-ouassou.* Magnas fabas. <sup>pisces, fari-</sup>  
*Com-* <sup>na, rapa, fa-</sup>  
*mendamiri.* fabas paruas. *Morgania ouassou.* aurearca & citra. <sup>be, Mala au-</sup>

T.



& citrea mala. *Mae tironén.* Omnes denique aut plerasque res.

T.

*Mara-vaé sôo éréinsceh?* Cuius generis animal comedere aues?

G.

*Nacépiak quevon-gouaivre.* Nolo ea comedere quæ hic proueniunt.

T.

*Aassenon desuoe.* Ea tibi nominabo.

G.

*Nein.* Age vero.

T.

*Tapiroussou* *Tapiroussou.* Fera quam sic vocant, quam semi animal aut semi vaccam dicere possis?

*Sé-ouassou.* Genus cerui ac Damæ.

*Taiaou.* Aper.

*Agouti.* Rufum animalculum nefrendis magnitudine.

*Pague.* Fera est magnitudine nefrendis, nigro & albo colore distincta.

*Tapiti.* Genus leporis.

G.

*Esse non ooca ychesue.* Nomina mihi aues.

T.

*Iacon.* est auis caponis magnitudine. Eius autem tres sunt species, Nempel *Iacoutin*, *Iacoupem*, & *Iacon-ouassou*. boni gustus omnes inter ceteras aues.

*Mouton.* Syluester patio. Sunt autem nigri & Leucopæi, & corpus adeo magnum habent ac nostri, auis rara.

*Mocacoua.* est genus perdicis quæ corpus magnitudine caponis habet.

*Inambou-ouassou.* est etiam perdix fera alterius magnitudinem æquans.

*Inambou.* Perdix est non multum ab iis distans,

*Tapiroussou*  
quale animal.  
genus cerui ac Damæ.  
rum ac Da  
marum.  
Aper.  
Agouti.

*Pague.*

*Tapiti.*

Magne aues  
trium generum.

Genus magnarum perdicum.

quas, in Gallia videmus. *Pegassou. Turtur. Paican,* Turtures.  
Aliud genus turturis minoris.

G.

*Seta-pé pira senac?* Est ne magnus bonorum piscium numerus?

T.

*Nan.* Tot sunt.

*Kurema.* Mulus.

*Parati.* Mulus altero melior.

*Aaara-pep.* Piscis planus delicatior aliis.

*Atrara bouten.* Alius lutei coloris, qui minoris est pretij.

*Atrara-meri.* Maximè parui qui in dulci aqua viuunt, bonique gustus sunt.

*Ouara.* Magnus piscis boni saporis.

*Kamouroupony-ouassou.* Magnus piscis.

G.

*Mamo-pe-dérétam?* Vbinam degis?

T.

*Kariauh, ora-ouassou-onêe. Ianeu-ur assic? pira-* Vici circa rī  
*cam, opem, Eiraia itanem, taracouir-apā, Sarapo-u.* pas Ganaba

Sunt nomina propria virorum qui Ganabarā sinū<sup>12.</sup> ingredientibus ad sinistrum latus apparent, nec mihi commodè explicari posse videntur.

*Keri-u Ahara-u Kouroumouré, Ita-auh, Ioirarouem.* Vici in ripa eiufdem fluuij ad latus dextrum.

Maiores vici in continenti ex utroque latere hi sunt.

*Sacouarr-oussou-tuue, Ocarentin, Sa popem, Nouroucuue, Arasatune, Vsu-potune.* Ac multi alij qui ab iis qui cum indigenis commercium habuerunt, cognosci poterunt & à patribus familiās, quos falsò reges vocant, qui in illis vicis habitant.



G.

*Mòbouy-pé roupicha gatou henou?* Quot magni sunt in his regionibus, hoc est, fortes?

T.

*Séta-gué.* Multi sunt.

G.

*Essenon auge pequoube ychesue,* Nomina mihi aliquidem.

T.

*Nân.* Vocabulum ad reddendum eum attentum cui vis aliquid dicere.

*Eapira-ni ioup.* Nomen proprium hominis quod nomē sic exponas, caput semi caluum, & pilo admodum raro.

G.

*Mamo pé se tam?* Vbi habitat?

T.

*Kariauh-bè.*  
nomen com-  
positum.

*Kariauh-bè.* In vico quem ita appellant est autem nomen fluminis cuiusdam à quo nomē vicus sortitur, quia ad eum situs est. Significat autem *Karios* domum. Componitur autem ex voce *Karios*, & *auh* quæ domum significat extrahendo *os* & addendo *auh* erit. *Kariauh. Be.* autem est articulus ablativi & significat locum quem petis aut in quem proficisceris.

T.

Custos medi-  
cinæ aut fœ-  
mina Caco-  
dæmone ob-  
fusa.

*Mossen ygerre.* Quod significat custodem medicinarum, aut ad quem medicinæ pertinent. Eo vero vocabulo vtuntur quum mulierâ veneficam designare aut à Cacadæmone agitatam. Nam *Mossen*, est medicina, *gerre* proprietas.

T.

*Ouranh ousson auh arentin.* Vici illius maxima penna.

T.

T.

*Tau-conar-ousson-tunc-gouare.* In quo cannæ instar magnarum arundinum leguntur.

T.

*On-acan.* Præcipuus locus eius vici, quod significat caput ipforum.

T.

*Soonar-ousson.* Folium ab arbore collapsum.

Diuersarum  
rerum nomi  
na.

T.

*Morgonia-ouassou.* Ingens malum citreum aut aureum, Sic vocatur.

T.

*Maé du.* Est flamma ignis.

T.

*Maraca-ouassou.* Magnum tintinabulum.

Tintinabu-  
lum.

T.

*Mae-nocep.* Res quæ partim emerfit è terra, aut ex aliquo loco.

T.

*Karian piarre.* Via quæ ducit ad carios. Sunt vero ipsi præcipui inter eos qui fluuium Ganabarum incolunt.

T.

*Che-rorup-gatou, derour-ari.* Maxime gaudeo te venisse.

*Neintéréico, pai Nicolas iron.* Mane vero cum domino Nicolao, sic nominabant Villagagnonem.

pai Nicolas  
Villagagnonem.

*Neréroupé déré miceco?* Adduxisti ne vxorem?

Miceco  
vxor.

G.

*Arrout-iran-chereco augernie.* Adducam quum expedita erunt negotia mea.

T.

*Marape derecouran?* Quid tibi est negotij?

G.

*Cher auc-ouam.* Domus ad habitandum parāda est.

Domus.



T.

*Mara-vae-aub*? Quod genus domus?

G.

*Seth, Daé-chereco-rem-couap-rengné.* Nondum scio quid sim facturus.

T.

*Mein tereicouap derecorem.* Cogita ergo quid sit faciendum.

G.

*Peretam-repiab-irée.* Postquã vestram regionem videro & aliquandiu commoratus fuero.

T.

*N'éreico-icho pe deanem a irom?* Nõne cum tuis, hoc est cum popularibus tuis habitabis?

G.

*Marani-amo-pé?* Cur illud petis?

T.

*Aipo-gue.* Non sine causa dico:

*Che pontoupa-gue déri.* Id me male habet, quasi dicas, id scire cupio.

G.

Princeps aut  
senex,

*N'én pé amotareum-pe oreroubicheb.* Nũquid pri-  
marium nostrum siue senem odio habetis?

T.

*Erymen.* Minimè verò.

*Sérécogaton pouyr eim éte mo?* Nisi res esset maxi-  
ma cura digna, dicendum esset.

G.

*S'éconaé apoau-e engat engatourefne, ypo-re co-  
gaton.* Est mos boni parentis, vt quod amat dili-  
genter conseruet.

T.

Bellum,

*N'eréscó-icho pirem ouariui?* Nõne in bellum post-  
hac

hac es profecturus?

G.

*Affirénuê.* Aliquando proficiscar.

*Mara-pé pérouagerrê-rêrê?* Quod est nomē vestris hostibus?

T.

*Touaiat* siue *Margaiat*. gēs est quæ eadē est cum illis lingua: apud quam Lusitani habitant.

*Ouetaca*. Verè sunt barbari & degunt ad fluuium

*Mach-he*, & *parai*.

*Ouéaném*. hi Barbari cæteros antecedūt, in syl-  
uis & montibus habitant.

*Caráia*. hi nobiliores sunt, atque etiam cibus,  
tum aliis rebus ad vitam necessariis præ cæteris  
omnibus abundant.

*Karios*. Est populus qui degit vltra *Touaiare*.  
ad fluuium Platam cuius lingua eadem est cum  
*Tououpinambaultis* & *Tououpinenkin*. Diffe-  
rentia idiomatis est inter eos quos supra nomi-  
nauius. Ac primū quidem *Toupinambaultis*  
*toupinenlzin*: *Touuairre*, *Tenreminon*. & *Kario*.  
Bermè eandem habent linguam.

*Karaia*. Diuersam à reliquis habent & viuēdi  
& loquendi rationem.

*Ouetaca*. Differunt ab vtrisque & viuēdi &  
loquendi ratione.

*Oueanem*. hi etiam diuersum & victus & sermo-  
nis ab aliis modum habent.

T.

*Teb-oioah poireca à paauuê, iendêue.*

Alius alium quærit, atque id magno nostro bo-  
no. Nā vox hæc *iendê-ue*, est dualis quo Græci vtū-  
tur cum de duobus fit sermo: hic tamen resolu-  
tur voce nobis.

Nomina ho-  
stium Tou-  
oupinam.  
*Ouetaca* vbi  
habitent.

*Cararia*.  
Inter alios  
excellentes.

Affinitas ac  
differentia  
linguæ inter  
Bras,

Modus lo-  
quendi.



*Ty ierob ah apoau ari.* Exultemus quòd nos homines inuifunt.

*Apoau ae mae gerre iendesue.* Gens est nostri còmodi studiosa, quæ nobis bona sua largitur.

*Tyréco-gaton iendesue.* Diligenter eâ conferuimus, hoc est, eâ ita excipiam⁹ vt ipsi satisfaciamus.

*Iporenc été-am reco iendesue.* Præclara se nobis res offert.

*Tymaran-gaton apoau-apé.* huic populo nos dedamus.

*Tymomourrou, mé mae gerre iendesue.* Ne iniuriam faciamus Genti quæ sua bona nobis affert.

*Typoich apoauue iendesue.* Suppeditemus eis cibos ad viuendum.

*Typoeraca apoaué.* Laboremus vt prædam pro ipsis venemur. Vox *yporraca*, præcipuè de piscium venatione intelligitur, sed eam ad alia etiam genera extendunt.

*Tyrrout mae-tyronam ani apé,* adferamus illis quidquid inuenire poterimus.

*Tyre comremoich-meiende-mae recon ssa-ne.* Ne illos male excipiamus qui nobis adferunt bona sua.

*Pé-peroinb auu-mecharaire oueb.* Ne mali sitis pueri mei.

*Ta péré coih mae.* Vt bona consequamini.

*Tœrecoih peraire amo.* Et vestri etiam liberi.

*Nyrecoih ienderamouyn mae pouaire.* Nulla bona habemus ab auis nostris.

*Opap cheramouyn mae-pouaire aitih.* Quæcūque mihi auus reliquerat proieci.

*Apoau mae ry oi ierobiah.* Magni æstimans ea bona quæ nobis afferuntur.

*Ienderamouyn-remié piaé potategue aou-aire.* Quæ cum nostri videre optassent nec tamè viderunt.

*Tel*

*Teb'loip otarhété ienderamouyn recohiare etc, iē-  
lesue.* Id bene est, quanta potior nostra conditio  
patrum nostrorum conditione?  
*Iendé porrau-oussou vocare.* Id nobis tristitiam o-  
mnem eximit.

*Iende-co-ouassou-gerre.* Id efficit ut magnos  
mortos habeamus.

*En sassi piram, iendere mēmynon apé.* Non am-  
plius dolent pueruli nostri quum tondentur.

*Tyre coih apouau, ienderoua-gerre ari.* Hos nobi-  
cum contra hostes deducamus.

*Toere coih mocap, ó maé-aé.* Habeant catapul-  
tas, quod genus armorum sibi vendicant.

*Mara-mo sentén gatou-euin-amo.* Cur non es-  
sent strenui?

*Memé-taé morerobiarem.* Est gens impauida.

*Ty senenc apouau, maram-iende-iron.* Ex peria-  
mur ipsorum vires dum nobiscum erunt.

*Ménré-taé moreroar roupiare.* Illi sunt qui debel-  
lant alios, Id est, Lusitanos.

*Agne-he oueh.* Quasi diceret, quidquid dixi  
verum est.

T.

*Nein-tya-mouéta iéndéré cassariri.* Colloqua-  
mur de iis qui nos inuisunt. Quod in bonam par-  
tem est accipiendum.

G.

*Nein-che atour-assanep* age igitur mi socie: hic  
verò notandum est voces *Atour-assap* & *Coto-*  
*assap*, differre. Nam prior significat perfectum  
foedus inter eos ac nos pactum esse, quo fit ut bona  
sint communia. cuius Filiam aut sororem ducere in  
uxorem non possumus: Non ita vero de *Coto-*  
*assap*: ea. n. appellatione nominis alicuius vtuntur,  
ut tibi, oculi, auriculæ & alia pleraque eius gene-

Differentia  
inter *Atour-*  
*assap*, & *Coto-*  
*assap*.



neris nomina.

T.

*Maé-resse, iende moueta* De quibus loquimur?

G.

Colloq. de  
variis rebus.*Sceh macrouem-resse*. De multis ac variis rebus.

T.

Cœlum, sol,  
Luna, stellæ,  
terra, mare,  
aqua dulcis  
& falsa.*Mara-pieng vvah rere* Quomodo vocatur cœ-  
lum?

G.

Cœlum.

T.

*Cyb-rengne-tassenouh maetrouem desue*.

G.

*Angebe, Rectè.*

T.

*Mah. Cœlum Couarassi. Sol. Iasce, Luna, Ias-  
si tata ouassou. Stella matutina & vespertina qua  
Lucifer vocatur. Iassi-tata-miri. Aliæ omne  
stellæ parvæ. Ybouy, terra. Pouraem. Mare. Vb-  
ete. aqua dulcis. Vb-éen. aqua falsa. Vb-ee-  
buhk. aquæ quas nautæ vocant Sommaque.*

T.

Ita, petra, me-  
tallum & do-  
mus fund.*Ita.* proprie lapis est, accipitur etiam pro quoli-  
bet metallo & ædificii fundamento ut *ach ita*  
domus columna.*Yapurr-ita.* fastigium domus.Omne genus  
lignorum.*Iura-ita.* trabes domus.*Igourah* seu *ybouirah.* omne genus lignorum.Ourapat ar-  
cus.*Ourapat.* arcus, & quamvis nomen sit compositum  
ex *ybouyrah*, quod est lignum & *apat*, vinctum: Ta-  
men pronunciant *orapat* per syncopem.*Arre, aer. arr aip.* Malus aer.*Amen.* pluvia.pluvia.  
Tonitru.*Amen poytou.* tempestas pluvia ingruente.*Toup-en.* tonitru: *toupen* Verap est coruscatio.

Yey

*Yory-hu.* Nubes aut brumæ.

Nubes.

*Ybnéture* Montes.

Montes.

*Quum.* campestria loca ubi nulli montes.

Planities.

T.

*Taue viri anh.* Domus. *Vh-éconap* Fluuius de-  
currens.

Vici & flu-  
uij.

*Vhpaou.* Insula.

Insula.

*Kaa,* omne genus sylvarum & nemorum.

Sylvar.

*Kaa-paou.* Est sylua in media planitie.

*Kaa-ouan.* Qui in syluis educatus est.

*Kaa-gerre.* Cacodæmon est qui ipsos vehementer  
vexat.

*Kaa-gerre* Ca-  
codæmon.

*Ygat.* Linter ex cortice arborum, triginta aut qua-  
draginta homines ad bellum euntes capiens: ac-  
cipitur etiam pro naui quam vocât *yguerroussou.*

*ygal* Cymba.

*Puissa-ouassou.* Est rete piscatorium.

*Inguea.* Est magna Cymba ad piscandum.

Rete pesca-  
torium.

*Inguéi.* Diminutivum, Cymba quæ vsui est cum  
fluuij exundant.

T.

*Nomoquot, mae tasse nomi désue.* Quæso ne quid  
ampli us nomines.

*Emourbéou deretamichesue.* Iam de tua patria &  
habitatione differe.

G.

*Augébé derengué eporen doup.* B ene est, primùm  
ergo interroga.

T.

*Ia eh marape deretam-rere.* hoc faciam. Quod est  
patriæ ac regioni tuæ nomen?

Colloq. de  
Gallia.

G.

*Rothomagum.* Vrbs quædam nominis.

T.

*Tan oufcou-pe-oum.* Estne magnus vicus? Nullam  
ponunt differentiam inter urbem & vicum: quia  
ipsi nullas habent vrbes.

G.

*Pa.* Sic est.



T.

*Moboy-pe-peroubichah gaton?* Quot habetis Dominos?

G.

*Augé-pé.* Vnicum.

T.

*Mara-pe-sere?* Quod illi est nomen?

G.

Henricus.2. *Henry.* Tempore henrici secundi hæc nauigatio fuit suscepta.

T.

*Tére-porren c.* Præclarum nomen est.

*Mara-pé-peroubichan eta-euin?* Cur non habetis plures Dominos?

G.

De principe ac subditis. *Moroéré-chih-gue.* Non plures habemus. *Ore ramouim-aue.* A téporibus maiorū nostrorū.

T.

*Marapienh-pée?* Vos vero quid?

G.

*Oroicôgué.* Nos eo contenti sumus.

*Orée-mae-gerre.* Et bene nobiscum agitur.

T.

*Epé noéré, coih-péroupichah-mac?* Vester autem princeps bona ne habet?

G.

*Oerecouh.* Infinita habet.

*Oré-mac-gerre a hépé.* Quidquid habemus in ipsius arbitrio positum est.

T.

*Oriuij pe ogépé?* In bellumne proficiscitur?

G.

*Pa.* Ita.

T.

Colloq. de urb. ac vicis. *Mobony-taue-pe-ionca ny mac?* Quot vrbes aut vicus

os habentis?

G.

*Seta-gaton*. Plures quàm possim dicere.

T.

*Niresce nouih-ichopene*? Nunquid mihi recen-  
tebis?

G.

*Ypo icopony*. Id nimis longum foret

T.

*Yporrenc pe-peretani*? Locus vestræ originis est-  
ne pulcher?

G.

*Yporren-gaton*. Pulcherrimus.

T.

*Engaya-pe-per-auce*. Vestræ domus sunt ne si-  
miles nostris?

G.

*Oicoe-gaton*. Multùm abest.

T.

*Mera-vaé*? Cuiusmodi sunt ergo?

G.

*Ita-gepe*. Sunt prorsus lapides.

T.

*Tourousson-pe*. Sunt ne magnæ?

G.

*Tourousson-gaton*. Maximæ.

T.

*Vate-gaton-pé*. Sûntne multùm excelsæ?

G.

*Mahmo*. Multùm. Id verò vocabulum admi-  
rantis est.

T.

*Engaya-pe-pet-ancynim*? Interior pars acce-  
ditne ad similitudinem nostrarum?

Y.



G.

*Erymen.* Non.

T.

De rebus  
ad corpus  
spectanti-  
bus,*Esce-non de-rete renomdan eta-ichesue.* Reci-  
ta mihi ea quæ ad tuum corpus pertinent.

G.

*Escendoup.* Audi.

T.

*I-eh.* Paratus sum.

*Ché-acan.* Caput meum. *De acan.* Caput tuum.  
*Ycan,* Caput suum. *Oreacan.* Nostrium caput.  
*Pé-acan,* Vestrum caput. *An atcan.* Eorum caput  
Ut autem hæc pronomina melius intelligantur,  
personas singularis & pluralis numeri tantum  
declarabo.

Primum.

*Ché.* Est prima persona singularis numeri, quæ  
in omni sermonis genere, siue primitiuo siue de-  
riuiatio, possessiuo, aut alio denique inseruit.

*Ché-aué* Caput meum aut capilli.*Ché-voua.* Mea facies.*Che-nembi.* Meæ aures.*Cheshua.* Mea frons.*Ché-ressa.* Mei oculi.*Ché-tin.* Meus nasus.*Ché-iourou.* Meum os.*Che-retoupané.* Meæ genæ.*Ché-redmua.* Meum mentum.*Ché-redmua-aué.* Mea barba.*Ché-ape-cou.* Mea lingua.*Ché-ram.* Mei dentes.*Ché-aïoué.* Meum collum, aut mea gula.*Ché-asseoc,*

*Ché-asseoc.* Meum guttur.  
*Ché-poca.* Meum pectus.  
*Ché-rocapé.* Mea pars anterior.  
*Ché-atoucoupé.* Mea pars posterior.  
*Ché-pouy-asoo.* Mea spina.  
*Ché-rousbony.* Mei renes.  
*Ché-reuire.* Meæ nates.  
*Ché-inuanpony.* Mei humeri.  
*Ché-inua.* Mea brachia.  
*Ché-papouy.* Meus pugnus.  
*Ché-po.* Mea manus.  
*Ché-ponen.* Mei digiti.  
*Ché-puyac.* Stomachus meus aut iecur.  
*Ché-reguic.* Venter meus.  
*Ché-pourou-assen.* Umbilicus meus.  
*Ché-cam.* Mammæ meæ.  
*Ché-oup.* Coxæ meæ.  
*Ché-roduponam.* Genua mea.  
*Ché-porace.* Cubiti mei.  
*Ché-retemen.* Tibiæ meæ.  
*Ché-pouy.* Pedes mei.  
*Ché-pussépé.* Ungues pedum meorum.  
*Ché-pouampé.* Ungues mearum manuum.  
*Ché-guy-engg.* Cor meum & pulmo.  
*Ché-engg.* Anima mea aut mens.  
*Ché-enc gouere.* Anima mea postquam è corpore exijt.

Nomina partium corporis pudendarum.

*Ché-rentouem.*  
*Ché-rementien.*  
*Ché-rapoupir.*

Quæ quidem breuitatis causa non fufius persequar. Notandû verò est, nomina rerum accômodari non posse nisi pronomina primæ, secundæ, ac tertix personæ vtriusque numeri attribuâtur.



Vt autem meliùs capiantur, hoc sit exemplum.

Primo.

*Che*, Ego, *De*, tu. *Ahe*, Ille.

Plurales.

*Oree*, Nos. *Peè*, Vos. *An-ae*, Illi.

Quòd ad tertiam personā *ahē*. est masculinum.

Et pro foeminino & neutro *ae* sine aspiratione. Et in plurali *An-ae*, est masculini ac foeminini generis, & proinde communis.

De rebus ad domum & culinam pertinentibus.

De rebus ad *Emiredu-tata*. Accende ignem.

familiā spectantibus. *Emo-goep-tata*. Extingue ignem.

*Erout-che-rata-rem*, adfer fomites ad ignem sufficitandum.

*Emogi-pira*, pisces coque.

*Esseffu*. Torre.

*Emoni*. Elix.

*Fa vecu-ouy-amo*. Fac farinam.

*Emogip caouin-amo*. Compone potum.

*Coein vpe*. Vade ad fontem.

*Erout-v-ichesue*. adfer mihi aquam.

*Ché-renui augepe*. Da mihi potum.

*Quere me che remyou-recoap*. Veni vt mihi cibū præbeas.

*Taie poeh*. Manus meas lauem.

*Tae-iourou-eh*. Abluam os meum.

*Ché-embouassi*. Esurio.

*Nam che iourou-eh*. Non esurio.

*Ehe vffeh*. Sitio.

*Ché-reaic*. Caleo, Sudo.

*Ché-ron*. Frigeo.

*Ché racoup*. Febricito.

*Ché-carouc-assi*. Tristis sum.

*Carouc* tamen vesperam significat.

*Aicotenē*. Me res quædam excruciat.

*Che-*

*Che poura-oussoup*. Pessimè agitur mecum.

*Cheroemp*. Lætus sum.

*Aico memouoch*. Ludibrio expositus sum.

*Aico-gaton*. Res mihi cedunt ex sententia.

*Che remiac-oussou*. Meum manet ipsum.

*Chere miboye*. Meus seruns.

*Che-roiac*. Qui sunt minores me & ad mihi ministrandum nati.

*Che-porracassare*. Piscatores mei.

*Ché-mae*. Bona mea, merces, suppellex. Denique quidquid meum est.

*Ché-rénigmognem*. Est industriæ meæ.

*Ché-rere-comarré*. Meus custos.

*Ché-roubichac*. Qui est maior me, quem nos Regem nostrum, ducem, principem denique vocamus.

*Moussacat*. Est bonus paterfamilias qui peregrinos viatores excipit.

*Querre-muhau*. Potens in bello, & in quadam re perficienda strenuus.

*Tenten*. Qui videtur in bello, aut in alia re fortis.

*Ché-roup*. Pater meus.

*Che-requeyt*. Meus frater natu maior. De proge-

*Ché-rebure*. Minor natu. nie.

*Ché-renadire*. Mea soror.

*Ché-reue*. Filius sororis meæ.

*Ché-tiper*. Filia sororis meæ.

*Ché-aiche*. Amica.

*Ai*. Mater mea Dicunt etiam *Ché-su*, Mater meæ & sæpe quidam dum loquuntur de ipsa.

*Ché-sur*. Socia matris meæ, quæ patris etiam est vxor.

*Ché-rayt*. Mea fila.

*Chérememyhou*. Filij filiorum meorum & filiarum.



Notandum est auunculum nomine patris vocari & patrem nepotes & neptes suos filios ac filias appellare.

Verbū apud  
grammaticos.

Quod Grammatici nostri verbum nominant apud Brasilienses dicitur *guengane*, quod idem est ac loquendi modus. Vt autem aliquam eius rei notitiam habeamus, exemplum in medium proferemus.

Primum.

Singular. Indicat. aut demonstrat.

*Aico*, Sum. *Ereico*, Es. *Oico*, est.

Pluralis.

*Oreico*, Sumus. *Peico*, estis. *Aurae oico*, Sunt.

Tertia persona singularis & pluralis similes sunt, nisi quod in tertia *an ae* pluralis numeri pronomen est addendum quod significat, Illi, vt apparet in præterito imperfecto numeri singularis, quod resolvitur per adverbium *aquoémé*. Id est eo tempore.

*Aico-aquoémé*, Tunc eram.

*Ereico-aquoémé*, Tunc eras.

*Oico aquoémé*, Tunc erat.

Plus imperfectum.

*Oroico aquoémé*, Tunc eramus.

*Peico aquoémé*, Tunc eratis.

*Aurae oico-aquoémé*, Tunc erant.

Pro præterito perfecto.

Singularis.

Accipiemus verbum, *Oico*, vt ante & hoc adverbium *Aquoé-méné*, quod est temporis præteriti & plusquam perfecti.

Exemplum.

*Assaoussu-gaton-aquoéméné*, Eum perfectè amavi eo tempore. *Quo-uénén-gaton-tégné*, Nunc vero nullo modo quasi dicas debebat amicitiam meā colere.

colere quando ipsum amabam.

Pro futuro. *Aco-iren*, Ero in posterum. Et ita deinceps de singulis personis tam sing. quā plur.

In Imperatiuo.

*Oico*, *Sis*. *Toico*. fit.

Plurali.

*Toroico*, *Sintus*, *Tapeico*. *Siris*.

*Auræ-toico*, *Sint*. Pro futuro vero addere oportet, *Iren*, ut ante. Et Imperando pro-præse. ti dicendum est, *Taugé*, quod est, *Statim*.

Pro optatiuo.

*Aico-mo-men*. Quā libēter esse. Et sic deinceps.

Optatiuum resolvimus per adverbium *Iron*.

Exemplum.

*Taico-de-won*, Tecum sim, & sic deinceps.

Participium.

*Chéré coruré*. Ens. Quod participium rectē per se intelligi non potest nisi addatur pronomen *de-ahé*. et *ae*. Pluralis quoque *Oreé*, *péc*, *an* *ae*.

Vox indefinita pro infinito accipi potest. Sed ea raro utuntur.

Conjugatio verbi *Aiout* Exemplum Indicativi aut demonstrativi in præsentī tempore.

Singularis numerus.

*Aiout*. Venio, aut veni.

*Ere iout*. Venis, aut venisti.

*O out*. Venit, aut venit.

Plural. numerus.

*Ore-iout*. Venitis, aut venistis.

*An-ae-o out*. Veniunt, aut venerunt.

In aliis temporibus accipere debemus adverbia quæ post declarabimus. Nullum enim verbū coniugatur quin per adverbium resolvatur, tū in præterito, præsentī imperfecto, plusquā perfecto, Indefinito & futuro.



Exemplum primum inquit perit.

Exemplum primum inquit perit.

Exemplum primum inquit perit.

Exemplum primum inquit perit.

Exemplum primum inquit perit.

Exemplum primum inquit perit.

Exemplum primum inquit perit.

Exemplum primum inquit perit.

Exemplum primum inquit perit.

Exemplum primum inquit perit.

Exemplum primum inquit perit.

Exemplum primum inquit perit.

Exemplum primum inquit perit.

Exemplum primum inquit perit.

Exemplum primum inquit perit.

Exemplum primum inquit perit.

Exemplum primum inquit perit.

Exemplum primum inquit perit.

Exemplum primum inquit perit.

*riot*, honestius est inter homines, quoniam vltimus *Pe-iot*, vsurpatur in vocandis bestiis & aui-  
bus quas domi alunt.

Exemplum optatiui: tamen videtur imperare.

Singula.

*Aiout mo*. Libenter venissem. Et sic de ceteris  
personis vt in Indicatiuo: habet tempus futurum  
addito aduerbio.

Exemplum coniunctiui.

*Ta-iout*. Veniam.

Sed ad implendam significationem addenda  
est hæc vox *Nein*. quæ est aduerbium exhortan-  
di, imperandi, orandi, & incitandi. Verbum hoc  
indicatiuo caret: attamen ab eo formatur parti-  
cipium.

*Touyme*. Veniens.

Exemplum.

*Che-roumé*. Affoua-nitit.

*Che-remière* reco pouére.

Vt veniens inuēni quod aliās perdideram.

*Senoyt-pe*. Hirudo.

*Inuby-a*. Cornua lignea quibus barbari soni-  
tus cient.

FINIS COLLOQUII.



Insuper ut facilius iudicium de rebus à nobis in hac historia commemoratis ferre possint tum ii quibuscum eundo, ac redeundo nauigauit, tum ii omnes qui me in America viderunt, (è quibus non paucos superstites esse credo) ipsique adeo nautæ, alique qui vel tantillum ad Sinum *Ganabara* sub Capricorni Tropico vixerunt: In eorum gratiam colloquio catalogum hunc, qui nomina pagorum 22. ad quos non semel oberravi adiungere visum est.

Pagi 2. quos  
in America  
peragrauit  
Autor.

Ac primùm quidem hæc sunt eorum nomina qui siti sunt ad dexteram, ingredientis sinum illum. *Cariauc.* 1. *Taboraci.* 2. Quorum postremum Galli *Pepinum* nominabant, de nauarchi cuiusdam nomine, qui nauem aliquando ad eum pagum onerarat.

*Euramyry.* 3. A Gallis *Goffet* nominatur de interpretis cuiusdam nomine, qui aliquandiu ibi habitarat.

*Pira-ouassou.* 4. *Sapopem.* 5. *Ocarentin,* pagus amoenissimus. 6. *Oura ouassou-ouee.* 7. *Tentimen.* 8. *Cotina.* 9. *Pano.* 10. *Sarigoy.* 11.

Alium præterea Galli petram vocant, ob rupeculam à mola non absimilem, quæ syluam ingredientibus iter ad istum pagum indicabat. 12. Alium quoque Galli *Vpec* nominant de Indicarum gallinarum nomine, quas Barbari *Vpec* nuncupant.

Alium

Alium præterea sagittarum vicum appellabamus, quòd cum primùm ad eum iter faceremus, in syluam ingressi, sagittas multas ad procerissimæ cuiusdam arboris putrefactæ cacumen emissas defixeramus, quæ in posterum indicis vices nobis præstarent. 14.

Qui ad dexteram.

*Keri. u. 15. Acara. u. 16. Morgonia-ouassou. 17.*

Qui in Insulam magnam.

*Pindo-ouffou. 18. Carouque. 19. Piranyou 20.*  
Alius præterea, cuius nomen mihi excidit situs inter *Pindo-ouffou*, & *Piranyou*, ad quem in quibusdam captiuis emendis operam posui. 21.

Alius quoque inter *Carouque* & *Pindo-ouffou*, cuius etiam appellatio non occurrit 22.

Quæ sit tum pagorum, tum ædium forma alibi demonstrauimus.





## CAP. XXI.

*De nostro ab America discessu: deque naufragijs  
& alijs non minimis periculis, quæ primum in  
reditu nostro euasimus.*

**V**ERAM discessus nostri ab America causam si quis intelligere cupit, in memoriam sibi id reuocet necesse est quod suprà Cap. VI. sub finem retulimus. Nos nimirum postquàm menses octo in Insula quam occuparat Villagagno, viximus (quos ad Idololatriam vè adigere non poterat) ab eo post suam à veræ religionis defectionem eiectos fuisse. Itaque in continentem secessimus, ad sinistram Ganabarae sinum ingredientibus, ad eum locum quem nos *la briqueterie* nuncupamus, qui ab Castello Collignio passibus. M. distat. Ibi menses duos in tuguriolis quibusdà à Callis piscatum euntibus olim extructis degimus. Per illud tēpus Chappelleus & Boissius quos apud Villagagnonem reliqueramus ad nos veniunt, eandem ob causam eum deferentes ob quam nos ab illo discessionem feceramus: quòd nimirum ab Euangelio defecisset. Duo verò illi in nostrum sunt adscripti numerum qui naulum sexcentenarum Gallicarum libellarum, vnà cum aliquanta commeatus copia cum nauclero, cuius naui transportati sumus,

Lateritia, locus in America.

Chappelleus & Boissius eum à Villagagnone abscedunt.

mus, pacti eramus.

Verum antequam ulterius progrediar, id est à nobis dicendum quod antea nos dicturos recepimus, nimirum quo se gesserit modo in nobis dimittendis Villagagno. Legati regij nomen præ se ferebat, munusque obibat in illis regionibus: Quare Gallorum qui eò veniebant nullus quidquam contra illius nutum adgredi ausus erat. Ille igitur tantisper dum navis qua reuecti fuimus in anchoris stabat ad Ganabaræ sinum, quo in loco onerabatur, ex scripto nobis abeundi potestatem facit, & literas dat ad nauarchum, quibus illi significat ne cunctaretur nos naui deportare, id quidem illi per se licere: nam (inquebat fraudulenter) quàm gratus fuit mihi olim eorum aduentus, quo me id assequutum esse rebar quod optabam, eorum discessione tam delector, quando mecum non consentiunt. Qua specie insidias nobis clam struxerat. Arculam enim cerata tela obuolutam (qui mos est ab nauigantibus receptus) epistolis plenâ, quas ad familiares scribebat, eidem nauarcho tradit: quibus dicam in nos conscriptam clâ interferit, qua primo quoque obuio regio Iu dici vt in nos manus conijciat, ignique addicat: edicit, utpote hæreseos criminis reos à se peractos. Atque ita merita nostra in se collata Villagagno indignissima perfidia veluti ob signauit. Quam tamen (vt mox dicetur) in contrarium Deus conuertit euentum: maximo enim nostro solatio, Villagagnonis verò

Villagagnonis indignissima perfidia.



ignominia cessit.

Villagagnonis à vera religionis defectio in causa est cur a Gallis America non sit occupata.

Tandem Prid. Nonas Ianuarij Anno 1558. nauem nostram, Iacobæam nomine, brasilio, pipere Indico, gossipio, cercopithecis, Sago- uinis, psittacis, alijsque id genus quæ iam pridem plerique nostrum, sibi compararant, onerata conscendimus. Sed antequam è portu solnamus prætermittere nolo, vt magis ac magis pateat Villagagnonem vnum impedimento fuisse quominus Galli regionem illam tenuerint, Faribæum quendam nomine, Rothomagensem, navis nostræ præfectum navigationem illam suscepisse religio si nominis procerum rogatu, vt terram illam exploraret, atque habitationi idoneum locum deligeret. Ac sanè is nobis significauit, nisi Villagagnonis defectio obstitisset, vltra octingenta hominum capita lōgis belgicis nauibus eò nauigatura mox fuisse. Ego verò facile credo, si Villagagno constanter in proposito perseverasset è Gallia: vltra capitum decem millia eo commigratura fuisse, quæ & Insulam nostram ab Lusitanorum insultibus propugnassent (qua tamen non multò post discessum nostrum sunt potiti) amplissimosque ac fertilissimos agros sub regia autoritate in America incoherent. Quæ terra si id cōtigisset, Antartica Gallia nomen quod inditum fuerat, merito retinisset.

Sed vt ad rem, eodem ipso die, nimirum Prid. Non. Ian. solnimus, ac Deo duce, vasto illi Occidentali Oceano rursus nos com-

mit-

mittimus. Recensione facta, capitum numerus ad quadraginta quinque est inuētus. Navigium enim quo uehebamur oneraria erat nauis mediocris, cuius Nauarchus, nomine Baudouinus, de quo antè facta est mentio, nauas viginti quinque habebat, nos verò quindecim eramus. Navigationem porrò illam nonnisi imminentis periculi cum formidine suscipimus: enimuerò plerique nostrum ob infinitos quos inter eundem exantlauerant labores, nisi adeò iniquus nobis fuisset Villagano, ut in Galliam remigrarent nunquam adduci potuissent: tum quòd sincerè Deum illic colere liceret, tum etiam soli fertilitate experta: quarum rerum in Gallia tum erat, atque est etiamnum longè maior difficultas. Hinc fit ut ego, qui Patriam meam semper amauit atque amo, Americę valedicturus, hoc loco fateri cogar, me non rarò Americanorum confortij teneri desiderio, apud quos integritatem ac synceritatem maiorem sum expertus quàm apud nostrates plerosque Christianum nomen præ se ferentes. Iam enim apud nos fides nulla superest, resque adeò nostra tota Italica facta est, inque dissimulationibus, atque verbis inanibus posita.

At quoniam ipso navigationis nostre initio Breuia erant nobis transmittenda, (sunt autem scopuli arenę permixti) quę in mare ad LX. pass. Mill. porriguntur, quę etiā quàm longissimè possunt fugiunt naute, vento non satis ad altum tenendum secundo, ut tã graue,

Qua die ab America discesserimus.

Breui.



Imminens  
nausfragium.

declinaremus periculum retrò cedere prope-  
modum coacti fuimus. Attamen postquam  
totos septem dies fluctibus agitati oberra-  
uimus, nec multum promouimus circa me-  
diam noctem accidit nobis vt nautis pro mo-  
re alternatim aquam è sentina ὑδράνω hauri-  
entibus quamuis diu multumque in illo  
perstitissent labore eā tamen exhaurire nus-  
quam potuerunt. Nauclerus noster rem illam  
admiratus ad sentinam descendit, quidnam  
rei illud esset sciscitaturus. Nauem rimosam  
atque adeò aquis oppletam, vt iam paulatim  
demergi eam persentiremus, comperit. Qua-  
re, minimè quærendum arbitror, vtrum sin-  
gulis nostrum expergefactis vbi imminens  
illud periculum in quo versabamur innouit,  
vehementer perculsi fuerimus nec ne. Ac sa-  
ne, tam certum erat submersionis mox future  
indiciū, vt salutis spe omni abiecta, plerique  
iam mortem expectarent.

Veruntamen Deo ita providente quidam  
(in quibus eram) vitam suam quàm longissi-  
mè possent producere decernunt: seque col-  
ligunt, ac duobus ὑδράνωis nauem ad horam  
vsque meridianam sustentant hoc est duode-  
cim horarum spatio, quo tanta abundātia in  
nauem influxit quanta totis viribus à nobis  
potuit exhauriri. Immo cum brasiliū quo  
erat naus onusta aqua attigisset, sanguinem  
bubulum rubore referens è canalibus efflue-  
bat. Tantisper igitur dum tāta cum diligētia,  
quantam res ipsa flagitabat, neruos omnes  
con-

contendimus, secundo flante vento ad reditum in Barbarorum oram, quam (vt pote non multum à nobis remotam) illius diei hora vndecima conspeximus proram, eò conuertimus. Interea nautæ qui cum fabro lignario sub foris erant rimulas quæ aquæ ingressum præstabant lustrantes, tã nauiter officio functi sunt, vt lardo, plumbo, pāniculis, atque id genus aliis quæ illis non parcè nobis subministrabantur, infestissimas quasque obthurant: atque ita viribus iam deficientibus paulisper leuati fuimus. Attamen vbi faber lignarius nauem vndiquaque diligenter recognouit, asseruit eam (vt pote vetustam & vermibus erosam) ad tantam nauigationem minime esse parem quantā erat ea cui iam nos accincti eramus: Autòrque fuit, vt vnde excesseramus eò rediremus, ibique vel nauem aliam è Gallia venturam opperiremur, vel nouam conderemus: de qua sententia acerrimè est certatum. Nihilominus tamen vicit naucleri sententia, qui veritus vt si litus repeteret, nautis destitueretur, malle se affirmavit, vitam suam ad omnes casus obijcere (quæ erat illius amentia) quàm mercium atque adeo nauis ipsius iacturam facere. Se quidem Philippo, alijsque quibus præerat, si ad Americā oram redire animus esset, scaphā ad eos vsus daturum esse. Ad quæ propè Philippus se quidem Galliam repetere decreuisse, atque suis omnibus vt idem facerent autorem esse respondit. Nauclerus verò alter excepit, na-



uigationem periculosissimā esse: ac præterea præsentire se eam diuturniorem futurā quam vulgò crederetur: ac proinde com meatum tot hominibus alendis non suffecturum. Quibus auditis ex vniuerso numero sex conuenimus, qui navigationis pericula, ac præcipuè famem imminentem reformidantes Americanam oram à qua xx. tantum passuum millia aberamus, repetere statuimus.

Id consilium vt exqueremur, haud mora, sarcinas nostras in scapham coniicimus, quæ nobis data fuerat, cum farinæ exigua copia, atque aliquatulo potu. Sed dum mutuo valedicentes bene alii aliis precaremur, quidam ex iis qui cum Philippo remanserant, summo quo me prosequeretur amore motus manū mihi porrexit atque ita inquit, obsecro te vt nobiscum remaneas, fac nos minimè in Galliā esse appulsuros, attamè longè maior affulget spes salutis, siue ad Prouinciā Peruensem, siue ad aliquam insulam appellamus, quàm si ad Villagagnonem reuertamur, apud quem (vt facile est coniicere) quieti nunquam eritis. His permotus cum longiori orationi locus non daretur, ego relicta in scapha sarcinarum in earum bona parte in nauem rursus confestim conscendo, atque ita periculum summum (vt dicemus) ab amico illo sagaciter præuisum effugi. Quinque reliqui quorum nomina non sine causa hoc recensabo loco, Petrus Bordonius, Ioānes Bordellus, Mathæus Vernellius, Andreas Fontanus,

Gallorum  
quinque in  
Americam  
reditus.

nus, Iacobus Ballæus, ægrè à nobis nec sine lachrymis abscedentes Americanam orā repetiere. Ad quam nonnisi maximo labore tandem appulerunt, atque ad Villagagnonē redierunt, qui tres primo nominatos loco ob Euangelij confessionē morte adfecit, vti fu- sius à nobis dicitur sub finem istius historie.

Itaque rebus omnibus apparatis, vela da- mus rursūque mari nos committimus, pu- tri ac vetusta illa naui vecti in qua ceu in se- pulchro mortem potius quā vitā operieba- mur. Ac sane præterquam quod maximo cū labore Breuia illa transgressi sumus, per totū Ianuariū mensem continuis procellis ac tē- pestatibus agitati fuimus, nauisq; nostra ma- ximam aquæ copiam rimulis excipiebat quam nisi continuo exhausissemus, centies de die (vt ita dicam) periissemus. Labor autem ille non fuit vnius diei.

Maximo igitur illo labore vltra quadrin- genta passū Mill. prouecti, Insulā quandā in- cultam cōspicimus, in modū turris rotundā, quæ quātum cōiectura assequi possum passus mille in ambitu habebat. Eam verò cū ad dex- teram præternavigaremus, eā non modo vi- rentibus eo mense Ianuario abundare ani- ma quertimus; sed etiā tanta auiū copia, quā nō pauca malo rudentibusque nauis nostræ insidentes prehendi se atque contrectari pa- tiebātur, vt eminus columbariū forma refer- ret. Aues in ea erant nigri, leucopei, subalbi atque varij id genus coloris, oēs quidē inter

Insula incu-  
ta arboribus  
atque aui-  
bus abundās



volandum amplitudinem non mediocrē prae se ferebant, verum captis quibusdā vbi plurimis eas nudauimus, corpore passerem amplitudine non superante eas esse comperimus. Ultra quatuor passuū Mill. progressi ad dexteram rupes acutae emergentes cōspicimus, quae res metū dedit ne plures illiusmodi sub aquis laterent ad quos naui allisa frangeretur, quod si contigisset ab ea exhaurienda immunes fuisset. Toto nauigationis illius nostrae tempore quae fuit quinque mensium terras nullas exceptis insulis illis conspeximus quas Nauiculatores nostri in suis chartis minimē notatas inuenerunt, ac forsitan etiam à nullis antea conspectae fuerant.

S. Rochi promotorium.

Sub finē Februarij mēsis ad æquinoctialem circulum accessimus, adeo ut tribus tantum gradibus ab eo distaremus. Sed quia dies iā quinquaginta erant elapsi, cū nauigationis partē tertiā nondū cōfeceramus, cōmeatus verò pars bonā erat consumpta, ambigebamus utrum ad S. Rochi promotorium deflecturi essemus necne, quae terra Barbaros quosdam incolas habet, à quibus com meatū nos accipere posse nonnulli spē faciebāt. Vicit tādē eorum sententia, quibus visum est ut vltiū progredieremur, utque cercopithecorum & psittacorum quos nobiscum vehēbamus, pars occideretur, atque ita com meatui parceretur.

Porrò quarto huius historiae capite summos retulimus labores qui nobis inter eundem

dum fuerunt exantlandi, vbi ad circulum æquinoctialem accessimus. At verò quia ipse expertus sum, non faciliorem à polo antarctico huc tendentibus esse accessum, quæ mihi de ea re probabiliter videntur dicenda hoc loco adijciam. In primis igitur illud ponendum est, circulum æquinoctialem cuius situs est ab Euro ad Fauonium, quasi dorsum siue spinam mundi esse, iis qui ab Aquilone ad Austrum navigationem instituunt, & contra, (nam alioqui sat scio in globo nihil summum nihil infimum esse) dico igitur & accessum ad mundi illam summitatem esse ab utraque parte difficillimum, & in mari fluctus utrinque æstuantes, quos tamen in immani illa abyssu cernere est difficile. Ventos quoque ab eo loco erumpentes atque in contrariam partem flantes, naues ipsas Aequinoctialis circuli accessu prohibere. Cui meæ sententiæ id suffragatur quòd statim vbi vel gradum vnũ ab vtrauis parte transgressi fuerint nauæ, lætitia summa exultantes, ac de reliqua navigatione bene ominantes sese invicem ad com meatum edendum hortantur: adeò vt naues in decliui globi versantes, non ita difficulter agantur, atque ad summitatem illam tendentes agebantur. Adde quod maria omnia inter se quamuis conuexa (quæ tamen admiranda Dei prouidentia ne terras obruant frænantur, licet in terris fundata sint, atque adeo supra ipsam terram elata, quam in varias Insulas, & quasi particulas diuidunt

Quid causæ  
sit cur circa  
Aequino-  
ctialē lineā  
difficilis sit  
nauigatio.



quas item inter se quodammodo concatenate  
 natas quibusdam filamentis & radicibus, v  
 ita loquar, in imis gurgitibus esse existimo  
 cum inquam hæc tanta aquarum moles vn  
 cum terra ipsa suspensa, quæque duobus axi  
 bus sustentata, (quos axes in quadrangulis v  
 trique polo oppositos esse fingo, quorû qua  
 tuor, decusses duas faciunt, quæ in orbem &  
 semicirculum spheram totam ambiunt) per  
 petuo agitur motu, quod ex æstu marino ap  
 paret. Cum igitur motus ille sub Aequino  
 ctiali circulo initium habeat, certissimum es  
 hemisphærio meridionalium aquarû ad præ  
 scriptos limites recedente eos qui in medio  
 globo versantur quasi in æquilibrio nonni  
 hil hac quoque ratione ab cursu cohiberi.  
 Addo insuper, quod & alibi attingi, æris in  
 temperiem malaciâsque, quæ sub æquator  
 crebrò obtinent, non parum incommodi af  
 ferre: imo obstare quo minus celeri cursu  
 transmittatur. Hæc sunt quæ paucis ac quasi  
 obiter de hac re mihi dicenda fuere, de qua  
 tamen in vtramque partem controuerti faci  
 le esse existimo. Ac sanè nemo est, quantum  
 uis eruditus, qui de his rebus statuere quid  
 quam possit, quod non refellatur. Solus enim  
 Deus qui ingentem hunc orbem aqua terrâ  
 que constantem condidit, quémque non si  
 ne insigni miraculo suspensum continet, ar  
 cana isthæc omnia nouit. Ac sanè non est dif  
 ficile argumēta quæ passim in scholis de hac  
 re agitantur confutare: quæ tamen minimè  
 sunt

sunt contemnenda, eo præsertim nomine quòd ingenia acuunt, dummodo isthec omnia non primam (quod faciunt Athei) sed secundas esse causas meminerimus. Denique nihil certi hac in parte agnosco nisi id quod sacra tradūt literæ. Illæ enim Spiritum illius authorem habent à quo veritas omnis manet, ac proinde solas illas indubitatas habeo.

Sed cursum nostrum persequamur. Cùm tandem ad æquinoctialem circulum paulatim maximis cum laboribus peruenissemus, Gubernator navis, eleuationem nostram astrolabio rimatus est: atque asseruit nos sub linea illa æquinoctiali eodem ipso die quo Sol ad eam peruenerat versari, nimirum 4. Id. Mart. quæ res vt apprimè notāda, quæque ante illud tempus paucissimis contigisset ab illo est obseruata. Pluribus hæc persequi non lubet, cuiuslibet tantum æstimandū relinquo quantos æstus tum perpessi fuerimus, quibus Sol esset pro Zenith. Præterea quamuis, aliis anni temporibus Sol modò ad vnum, modò ad alterum ex tropicis exspatiatur, nulli tamen siue mare siue teram spectes æstus infestior persentitur, quam sub illa zona, satis id mirari non possum quod à quodam alioqui fide (quantum mihi cernere datum est) dignissimo, est memoriæ proditum. Hispanos quosdam per regionem quandam Peruanam iter facientes, non modò miratos esse quòd sub æquatore niuem cōspexissent, immò montes niue obteetos ægrè superas-

Sub Aequatore ipsa die æquinoctiali versati sumus.

Hist. Gen.  
Iud. lib. 4.  
cap. 126.



sent, sed etiam tantum frigus experti essent, ut sociorum suorum nonnulli gelu rigore fuerint exanimati. Iam si vulgaris illa physicorum afferatur sententia, niuem in media aëris regione creari, quàm faciat ad rē (quod cū bona eruditorū venia dictū sit) nō satis video. Sol enim perpendiculariter in illa linea radios suos in terrā emittit, ac proinde aërē calefacit, qui niuē ferre nō potest nedū ut eā cōgelet concreetque. Nec magis mouet me quod de montium altitudine atque de Lunæ frigiditate vulgò dici solet.

Iob. 38. 22.

Quare insolidum quid illud esse statuo, atque ab Philosophorum regulis exceptum: solutionem verò certiorē afferri minimè puto ea quam Deus ipse Iobo affert, cui ut ostēderet homines quantumuis acutissimos præclaris suis operibus rapiendis minimè pares esse, ait: An meos thesauros penetrasti? An grādinis thesauros oculis perlustrasti? Quasi summus ille opifex Iobo diceret, Quem horreum mihi putas esse, quo isthæc contineantur? tūc istarum rerum causas rimari potes? Minimè id quidem, tu imperitior es quàm qui isthæc possis assequi.

Sed ad rem. Africus tandem ventus nos ab æstibus illis summis eripuit, in quibus procliuius erat ut torreremur, quàm in Papali purgatorio igne: ac mox arcticum polum, cuius conspectu annum integrum carueramus, intueri cœpimus. Cæterum ne lectores diutius detineam, ea minimè repetam quæ à nobis sunt.

sunt commemorata, de permultis observatu dignissimis, de piscibus volantibus, alijsque prodigiosisissimis, non vnus generis, qui à nobis inter eundem sub torrida illa zona visi sunt: verum eos ad narrationem illam remitto.

Iam igitur eorum à quibus eripuit nos Dominus periculorum narratio est repetenda. Iurgium subortum erat inter vnum ex præfectis navis nostræ, & naiculatorem nostrum, quo fiebat vt neuter rectè officio suo fungeretur. Contigit vt naiculatore ad 7. Cal. April. vicem suam explente vela omnia expandi atque in altum erigi iusserit: turbinem verò imminentem non animaduernerit, qui repente in vela nostra tanto impetu irruit, (quæ vt contraherentur iussisse debuerat) vt naui in latus inclinata, adeò vt mali summum aquam attigerit, quin & rudentes, auium cauez, aliæque sarcinæ paulò negligentius collocatæ in mare deciderint, non procul abfui-  
mus ab exitiali submersione. Attamen rudē-  
tibus summa celeritate abscissis, navis paulatim erecta est. Nihilominus tamen nos in summum discrimen tum deuenisse meritò affirmare poteramus. Illi tamen quorū culpa totum illud nobis euenerat, non illo periculo mansueti facti sunt, atque ad concordiam al-  
lecti. Sed contra simul atque à periculo exolu-  
ti fuerūt, gratiarum actionis loco pugnam intentarunt inter se adeò obstinatam vt periculum esset ne tandem ad cēdem deuenirent.

Humanum  
ingenium vi-  
si à Deo im-  
mutetur, in-  
domitum.



Aliquot post diebus obtinente malicia, faber lignarius cum nautis qui de nobis leuandis à tanto labore (dies enim ac noctes in nauis exhaurienda ὑσπαύλοις occupabamur) solliciti erant, rimas quas obthurarent diligenter perquirunt. Sed dum quandam sarcium, accidit ut asser longitudine & latitudine pedis vnus auulsus sit, aqua verò tanta copia tantoque impetu in nauem irruerit, ut nautas ipsos è vestigio abegerit, adeo ut illi fabrum lignarium reliquerint solum, ad nos verò qui in foris eramus accedentes re ipsa minimè explicata summo cum pauore exclamabant, actum est de nobis, actum est de nobis.

Casus qui  
submersione  
nobis prope-  
modum at-  
tulit.

Ad hæc Præfectus, cū nauarcho & Gubernatore, periculo vrgente asseres nauis quæ foris sunt tegumento confestim in mare deieciunt, quo facilius educeretur scapha. Brasilijs quoque maximam vim aliasque merces quarum precium ad Gallicarum libellarum millia decem accedebat. Illi igitur consilium de naue relinquenda inibant, deque salute querenda in Scapha: Quam rursus ne nimio onere opprimeretur metuebant. Quo factum est ut nauarchus stricta machæra nos omnes ingressu illius prohibuerit: minatus, se brachium illi abscissurum qui primus in illam ingressum moliretur. Igitur rabido mari permissos nos esse autumabamus. Prius tamen illud naufragium ex quo singulari Dei ope emerferamus, in mentem nobis redibat, hortabaturque ut totis viribus in eo perstaremus, ne nauis obrueretur: cum tamen alioqui equè mortem

atque vitam opperiremur. Tamen tātum effecimus vt nauem incolumem retinuerimus. Atqui non omnibus erat ea animi fortitudo: nautæ enim plerique mortis illius quod imminebat genus reformidantes, adeo obstupuerant, vt rerum omnium curā iam abiecerant. Ac fanè, merito quidem asseuerare possum impios illos atheos qui passim inter pocula eos irridēt qui mari sese cōmittunt, quique tot pericula subeūt, si apud nos adfuisent nugas illas & ludibria sua confestim horrēdis terroribus permutaturos fuisse. Mihi porrò dubium non est quin eorum qui isthæc aliæque quæ iā commemorauimus pericula sunt lecturi plerique ex nostrate forma exclamēt. Quàm tutum est brassicas in continente plātare! Quàm facilius admirāda de Barbaris audiūtur quàm visuntur! Quàm sapienter olim Diogenes eos laudabat qui nauigādi cōsilio inito minimè tamen nauigabāt! Atqui nondū nostrorum hic fuit exitus malorū: tum enim cum in istud incidimus discriminē ab portu ad quem tendebamus vices centena passuum millia aberamus. Fuerunt itaque multa alia nobis subeunda pericula: quinimo (vt mox dicetur) tantā perpeffi fuimus famem, vt nō pauci ex nostris extincti ea fuerint. Sed interim subiicienda est ratio qua istud euasimus periculum. Faber noster lignarius humilis quidem staturæ vir, sed animo forti, naus sentinam vt cæteri minimè reliquerat, sed cōtra penulam suā nauticā vasto illi hiatui ad mouerat, pedibúsq; vt aquæ virib' obsteret



quibus tamē non semel est à suo loco dimo-  
tus, atque in altum elatus, calcabat tum quāta  
poterat vocis contentione eos aduocabat qui  
in foris erant consternati atque in summam  
iam deuenerant desperationem: monebātque  
vt sibi vestes, xyлина cubilia, aliāque quæ vsui  
erant sumministrarent, quibus quam maximē  
possent aquæ impetus tantisper cohiberetur,  
dum asserem appararet, quo hiatus ille perni-  
ciosus refarciretur. Quibus diligenter suppe-  
ditatis, illius opera ab tam præsenti periculo  
liberati fuimus.

Ab eo tempore ventis adeo aduersis vsi  
sumus, vt nauis nostra modò ad Eurum, mo-  
dò ad Fauonium depelleretur, cū tamen ad  
Austrum tenderemus. Præterea Gubernator  
noster illius artis nō admodū peritus à cursu  
aberrauit, atque ita incertum cursum donec  
ad Tropicum Cancrī peruentum fuerit te-  
nuimus.

Præterea per quindecim dies inter herbas  
mari innatantes versati sumus, quarum tanta  
erat densitas, tantāque copia, vt nisi securi-  
bus eas secantes, nauigio, quod illis frangen-  
dis erat impar, viam fecissemus, futurum au-  
tumo fuisse vt ibi substitissemus. Quoniam  
autem herbarum illa copia mare quodammo-  
do turbidum efficiebat, nos in paludibus cœ-  
nosis versari credebamus: ac proinde Insulas  
quasdam in propinquo esse iudicabamus. Ve-  
rū iacta bolide, cui funis quingentenarum  
vlnarū longitudine alligatus est, nec fundum  
atti-

Herbidum  
mare.

attigimus, neque etiam Insulas vllas aut continentem animaduertimus. Ad hæc id commemorare libet quod ab Ind. Hist. de hac re memoria est proditum: Chrystophorus Columbus, inquit, ea quam primùm instituit nauigatione ad Indiam nouam cognoscendam, Anno nimirum 1492. Commeatus reparandi gratia ad vnam ex Cauariis Insulis diuertit, à qua paulò pòst digressus, cùm dies permultos nauigasset, tandem ad mare adeò herbidum deuenit vt pratum referret. Quæ res non parum eum commouit quamuis nullum subesset periculum. Sed herbarum illarum descriptionem subiungere placet. Colore sunt subflauo, ad scœnum iam exsiccatum accedente, foliis à ruta hortensi non ab similibus: baccis iuniperinas referentibus: prælongis quibusdam filamentis ac fibris colligantur, non ab simili ab hædera terrestri modo, atque ita radicibus expertes, mari ipso innatant. Cæterùm non satis tutò tractantur, nonnunquam etiam sordes nescio quas rubras, quarum forma ad galli gallinacei cristam accedit mari innatantes vidi, quarum adeò periculosus erat contactus, vt si à nobis attrectarentur, manus confestim intumesceret, ac rubore infestaretur.

Hist. Gen.  
Ind. li. 1. c. 16.

Herbarum illarum marinarum descriptio.

Quisquilie rubre mari innatantes.

At quia nuper in sermonem de bolide incidimus, de qua multa ab anilium fabularum commentis non admodum aliena sæpius audiui, nimirum nauigantes ea iacta è terra quæ inhæret, quibus in regionibus versetur agno-



Bolis quid  
sit, quisque  
illius usus.

scere quod falsissimum esse de Occidentali mari assero. Itaque quod res est subijciā. Bolis ergo instrumentum est trūculum piramidalem forma referens ac acuta parte perforatū, quod funibus attexitur, sebum verò ab altera parte applicantes in profundum demergūt nautę quoties locū stationi idoneum nactus se esse putant. Cui si arena adheferit opportunam esse stationem colligūt: sin minus, limum aut rupes subesse cognoscunt, cui anchora defigi minimè potest, ac proinde alio esse properandum.

Hęc habui dicenda ad erroris illius refutationem. Ij enim omnes qui in alto Oceano nauigarunt immensam esse illius & inscrutabilem, quantavis maxima funium copia adhibita, profunditatem norūt: Quò fit vt dies noctesque, quādiu secūsus est ventus, cursus sit tenendus: obtinente verò malacia, cōsistere necesse sit. Nauigia enim mari illi accommoda perinde ac naues actuarię remis non agūtur. Ex quo patet nugę esse ea quę vulgo referūtur: bolide humum erui, qua in quibus terris nautę versentur dignoscant, cū vasti illi gurgites (vt suprà dixi) sint penitus imperscrutabiles: Quòd si in mediterraneo mari, aut in ipsa terra vt quidam de Africę desertis referunt in quibus stellarum & pixidis marinę ductū viatores iter conficiūt, locū habeat: penes authores fides esto. Ego quę de Occidentali Oceano dixi vera esse confirmo.


Igitur postquā herbosum illud mare præ-

ter-

Calchond. de  
bello Turci-  
co.

tergressi sumus, veriti ne in piratas incidere-  
mus, tormēta aliquot ferrea aptauimus, aliā-  
que munimēta instruximus. Quæ res nouum  
nobis creauit periculum. Cū. n. tormenta-  
rius noster puluerem igni admouisset, tandiu  
eum apud ignem reliquit quoad vas cui fue-  
rat impositus cādesceret, atque adeo ignem  
conciperet: cuius flamma vniuersum nauigiū  
nostrum penetrauit. Adeo vt perparum ab-  
suerit quin ob picem qua vndiquaque oblitū  
erat nauigiū flammis correpti fuerimus, qui-  
busdam velis ac rudentibus infestatis, tribus  
quoque nautis grauissimè adustis, quorū vn⁹  
post aliquot dies vitam cum morte commu-  
tauit. De me quod attinet nisi vultui meo pi-  
leum opposuissem, haud dubiè adustione fuisset  
turpatus, nisi quid grauius mihi accidisset.  
At illius mei pilei beneficio summis tan-  
tū auriculis capillisque adustis incolumis  
euasi. Quod quidem ad decimum septimum  
Cal. Maias nobis contigit. Iam hoc loco ali-  
quantulum est respirandū nobis per Dei gra-  
tiam ab naufragiis, submersione, incendiōque  
hactenus liberatis.





## CAP. XXII.

*De extrema fame, tempestatibus, aliisque non paucis periculis, à quibus in Galliam redeuntes diuina ope erepti sumus.*



OT tātisque euitatis periculis è Scylla in Charibdim incidimus. Etenim cibariis nostris iam ante nō quidem opiparis pars media repentē fuit detracta, eò quòd tum temporis à Gallia decies centena passuum millia aberamus, quam moram non tempestates tantum, nobis attulerunt. Nam (quod etiam alibi dixi) Gubernator noster à cursu adeò aberrauerat, vt cum assereret nos ad Hispaniæ oram accedere, Insulas Effloreas legeremus, quæ ab Hispaniæ ora sexies cetera passuum millia distant. Ille igitur error eò inopiæ nos redegit, vt sub Aprilis mensis finem commeatu penitus careremus. Postremum igitur solatium fuit, vt Cellulam gypsatam, in qua commeatus recondi solent, euerrermus: in qua vermes & murium excrementa maiori copia quàm micas reperimus, quicquiliis tamen illis diligenter collectis, ac sigillatim distributis, pulmentum cōficiebamus, quod & nigredine & amaritudine fuliginem superabat. Id genus cibi quàm palato esset gratum

Vermes ac murium excrementa vna cum micis panis colliguntur & eduntur.

gratum minimè est quærendam. Per illud tempus quicunque cercopithecus & psittacos referuarant iis (quod iam pridem à multis erat factum, vefci non dubitarunt. In summa, iam ipso Maij mensis initio ex nautis nostris duo fame necati sunt, atque pro nauigantium more in ipso profundo sepulti. Præterea tam diravrgente fame totos viginti dies procellis ac tempestatibus adedò vexati fuimus vt non modò vela omnia complicare, clauumque obligare, sed nauigium amplius regere impotes permittere illud flatibus atque vndis coacti fuerimus. Quæ res effecit, vt per totum illud tempus quantumuis vrgente fame piscis à nobis nullus fuerit captus. In summa repente nos in diram famem incidimus extrinsecus vndis, intrinsecus vero aqua petimur. Quare in eorum gratiam qui mare nondum viderunt, quos meritò me diam tantum mundi partem vidisse dixeris, hoc loco, id est in memoriam reuocandum quod psaltes de nauigantibus asserit:

Nauta duo  
fame necati

Psalm. 107.  
23. 24.

*At vos tranantes piæti vada salsa carinis,*

*Maris coloni diuitis,*

*Magna Dei verè miracula cernitis, alti*

*Dispersa campis æquoris.*

*Nam simulac iussit, rapidi tota æquora venti*

*Ad ipsa collunt sidera.*

*Abripitur pariter ratis, & nunc nubila tangit:*

*Tumente vecta gurgite,*

*Tartara nunc contra præceps cõtendit ad ima;*

*Ipsisq; mergitur inferis, &c.*

Y j



1. Reg. 18. 26.

Per illud tempus cogente rerum inopia, quàm admiranda cōciperēt vota Nautæ Papi-  
sticâ superstitionē profitentes, Nicolao enim  
Cereû simulachrû iustę humanæ magnitudi-  
nis sese persoluturos esse vouebât, si quando  
daretur vt portû attingerent. Atqui aliud ni-  
hil illud erat quàm Baalem oculis & auribus  
captum compellare. At nos veram Religio-  
nem professi ad verum illum deum vota om-  
nia dirigebamus: cuius benignitatem atque  
favorem toties experti eramus: cuius etiâ ope  
in media ipsa fame non sine insigni miracu-  
lo sustentabamur, à quo etiam vno mare ip-  
sum ac tēpestates sedari posse noueramus.

Parma ex  
tergo Tapi-  
rousson man-  
duntur.

Interim licet inedia ac proinde macie a-  
dedo confecti essemus vtnavigationis obeun-  
dis ministeriis vix ac ne vix quidem idonei  
essemus, egestas tamen singulos eò compel-  
lebat vt quacûmque fieri posset ratione de fa-  
melico ventre saturando cogitarent. Non-  
nullis in mētem venit vt frustula parmarum  
ex tergo *Tapirousson*, de quo antea, in aqua  
decoquerent, ederentque: at illa inuentio nō  
ita successit. Alij igitur eadem frustula exci-  
pientes prunis imposita torrent, quod adu-  
ltum erat cultro eradunt: quod optimè suc-  
cessit, corium enim illud nobis fame iam cō-  
fectis suillam cutem prunis afflatam sapore  
referebat. Hoc facto experimento, quicun-  
que parma eiusmodi habebant frustatim eas  
concidebant falcibus, aliisque instrumentis,  
frustâque diligenter in sacculis recondita a-  
pud

pud se continuò gestabant, immo in tanto  
 apud eos erant illa pretio, atque loculi auro  
 oppleti apud avaros & fœneratores nostra-  
 tes esse solent. Iosephus de Hierosolymitanis  
 obsessis verba faciens memoriæ prodidit eos  
 nec cingulis nec calceamentis abstinuisse;  
 Coriâque scutis detracta mandisse. At non  
 defuerunt inter nos qui & Coriaceos thora-  
 ces ipsâque aded calceamenta ederent. Im-  
 mo pueri, qui nobis famulabantur fame aded  
 pressi fuere, vt à Laternarum cornibus non  
 abstinuerint, quarû in nauigiis maxima sup-  
 petit copia, immo sebaceis ipsis Candelis si  
 quas offenderent non pepercerunt. At nos  
 summè debilitatos iugiter in exhaurienda  
 naue laborare necesse erat, alioqui mox sub-  
 merfi fuisset, inediâque nostram largo  
 potu compensassemus.

de Bell. Ind.  
 lib. 7. c. 7.

Thoraces co-  
 riacei & cal-  
 ceamenta ex  
 eduntur.

Laternarum  
 cornua can-  
 delæque Se-  
 baceæ cibi  
 vices præ-  
 stant.

Porro ingentem bolidẽ tertio nonas Ma-  
 ias sub solis Occasum in aere ardentem con-  
 speximus cuius tanta erat velis nostris reuer-  
 beratio vt ea igne iam correpta esse credere-  
 mus: attamen nullo nostro incommodo sta-  
 tim euolauit. Iam si quæratur vnde bolis illa  
 ortum habuerit, Respondeo rei illius causam  
 indagare difficillimum esse, præsertim cùm  
 terras nouas ex quibus ichtyocollæ aduehi  
 solent, Insulâque Canada præterlegere-  
 mus, quæ regio est frigidissima, ex calidis ex-  
 halationibus ortam esse nemo dixerit. Nos  
 igitur vt genere omni incommodorum af-  
 flictaremur, Aquilone vento aded infestati

Bolis ignea  
 in aere con-  
 spicitur.



fuimus, vt totos dies quindecim calorem vix vllum perferimus.

Tormentarius noster ad 4. Cal. Maias, cū antè tanta fuisset fame oppressus vt psittaci viscera me præsente cruda paulò antè deglubisset, diem suum obiit, nec terræ, sed mari sepulchrali vt & superiores mortui mādatus est. Cuius mortem eò æquiore tulimus animo quòd opera ipsius facillè careremus: Et enim si Piratæ quidam eò tempore nos aggressi fuissent, non modo non propulsaremus, eos sed vltro in deditiōē venire summis votis optabamus (quæ erat nostra miseria) dummodò cibus suppeditaretur nobis. Sed prout Deo visum est nos per totam navigationem illam affligere, vnicum conspeximus nauigium, quod assequi minime potuimus, vela enim apparare maturè per imbecillatem nostram non licuit.

Mures captantur atque manduntur.

Cæterum consumptis illis de quibus paulò ante memini parmis, coriis, ipsisque adeò arcarum tegumentis, breuiter quicquid famem explere poterat, nos vltimam navigationis nostræ lineā attigisse existimabamus. Sed penuria artium inuentrix, quosdam ex nobis mures vt venarentur compulit. Illi enim fame oppressi (quòd micæ cæteraque omnia quæ corrodere solebant diligenter collegissemus) turmatim per foros cursitabant. Nos verò cū n diligenter, tum ingeniosissimè iis captandis variis decipularum generibus adhibitis inuigilabamus, nonnunquam etiam

etiam noctu feliū more eos obseruabamus. Quo factum est vt quantumuis latentes per pauci manus effugerint nostras. Ac sanè murem tum pluris, quàm bouem faceremus in continente, æstimabamus. Vidi enim qui coronata tria, nonnunquam quatuor, in singulos mures numerarent. Immo quendam obseruavi, qui cū Chirurgus noster mures duos simul cepisset, hac voluit cum illo agere conditione, vt si murium suorum alterum commodare vellet, cum primum ad portum appelleremus, galerum, thoracem, femoralia, & tibialia ipsi penderet. Ille tamen (quòd vestes vitæ suæ posthaberet) conditionem respuit. Denique mures frequentes ac minimè exenterati in aqua marina elixabantur, qui tamen maiori nobis erant in pretio, quàm sint in continente veruecini armī.

Præterea quo magis ac magis pateat nihil quod edule esset à nobis contemni, de quodam narrabo, qui cum Præfectus noster murem satis grandem apparasset, quatuor exsecris pedibus, quos in foris reliquerat, eos diligentissimè collegit, prunisque assauit, asseruitque se perdicum alas tam sciti saporis minimè vnquā edisse. Ac sane, quid est quod non tanta inedia oppressi mandissemus, aut potius vorassemus, qui ad explendam famem ossa ipsa olim proiecta aliàsque id genus sordes summoperè optabamus? Nec dubium est quin si nobis virides herbæ aut foenū adfuisset, brutorum more ea mandissemus. Atqui

Murium pedes diligentissimè colliguntur.



Sitis fame  
intolerabi-  
lior.

non solum cum malo hoc conflictabamur, totis enim viginti diebus quibus fame illa infestati fuimus, neque vinum neque aqua dulcis in naui nostra visa est, restabat tantum exiguus siceræ cadus, quem præfecti nostri adedò parcè distribuebāt, ut si vel Monarcha quis tum nobiscum fuisset, cæteris largiorem potum nō obtinuisset: singulis autem cyathus quotidie assignabatur. Cum itaque non minus siti quàm fame infestaremur, quotiescūque decidebat pluvia linteis expansis, ferrooque globulo in medio sito ut commodius in vasa subiecta instillaret, aquā excipiebamus. Immo eam quæ per foros effluebat, diligēter colligebamus, nec obstabant sordes quæ eam longè turbidiorē ea quæ per vicos in vrbi-  
bus præterfluit, reddunt, quominus à nobis ebiberetur.

Sancerrana  
fames.

Denique quamvis ea fames quam Anno 1574. in obsidione Sācerrana perpeffi sumus, in earum numerum quæ gravissimæ habētur recenseri debeat, ut videre est ex historia quā de ea re nos ipsi edidimus, quamvis diuturnior non tamen æque gravis atque ea de qua nunc agimus fuit. Sancerræ enim neque aque neque vini laboravimus inopia, præterea herbæ quædam ac radices, vitiūque gemmæ nobis suppetebant. Ego sanè si ob causæ iustæ patrociniū, obsidione alicubi tenerer, tantisperdum Deo creatis rebus benedictionem suam impertiri visum esset, quid pelles, membranæ, bubalini thoraces, aliæque eiusmodi succum aliquantulum habentes, quibus

tamen quotidiano vsui quamuis minimè familiaribus, in illa obsidione famem tolerauimus, expertus, minimè vnquam famis metu in deditiōem hostibus venire, dummodo earum rerum copia suppeteret. At in illa nostra nauigatione longè diuersa erat ratio, eò enim redacti fuimus vt nil nobis restaret præter brasiliū lignum, præ omnibus aliis lignorum generibus siccum, atque humore expers. Nihilominus tamen non defuerūt inter nos qui fame ad extremum additi, cibi aliū inopia, lignum illud dentibus atterere conarētur. In quibus erat Philippus dux noster: qui cum frustulum ori admouisset altum trahens suspirium me his compellauit verbis. Heu mi Leri, pecuniam in Gallia ad quater mille libellas olim credidi, cuius apocham vtinam conscribere tenerer, & mihi pro ea panis vnus cum cyatho vini mihi præberetur. Petrus autem Richerius Pastor, qui non ita pridem rupellæ ad Dominum migravit, in cellula sua prostratus iacebat, adeoque erat viribus omnibus expers vt caput ad Deū oraturus minime posset attollere, attamen ita prostratus indefinenter precibus ad eū fundendis intentus erat.

Brasiliū lignum corroditur.

Philippi votum.

Richerij debilitas.

Antequam sermoni huic finem imponam, id obiter obseruare libet, quod in aliis quidem, maximè in me ipso animaduerti, quibinas fames expertus sum, easque eiusmodi, vt nullum vnquam horridiores euasisse credam. Corporibus inedia debilitatis, & defici-

Inedia rabie generat.



Deut. 28 53.  
54.

Prodigiosa  
multa famis  
tempore in-  
mentem ple-  
risque vene-  
rant.

Nautæ fame  
enefti.

ciète natura, sensibus alienatis, spiritibusque dissipatis, non modò feroces, sed & morosi & iracundi fiunt homines. Illa porrò iracundia meritò rabiei genus dici potest: Quo fit vt appositè vernaculo nostro sermone is fame dicatur furere, qui fame premitur. Præterea quoniam experientia res omnes expressius edocet, video non sine causa Deum, populo suo minantem famem nisi suis pareat præceptis, diserte exprimere futurum vt viri illius qui fuerat mollis, & delicatus, valde malignus sit oculus in fratrem suum, & in uxorem sibi charissimā, atque in filios suos, aded vt non det vlli ex eis de carne filiorum suorum quam comedet. Nam præter ea quæ in Hist. Sancer. commemorauimus exempla de parentibus qui ex liberis suis vnum comederunt, deque militibus quibusdam qui postquam cadauera eorum qui bello cæsi fuerāt, degustassent, se decreuisse si malum illud diutius perstitisset, viuis manus afferre, affirmare possum nos durante illa Nautica fame vix ac ne vix quidem pacatè alij cum aliis colloqui potuisse, licet Dei timore cohiberemur, imò quia (quod Dominus condonet nobis) malignis oculis alij in alios fuerimus.

Sed vt reliquum nauigationis nostræ cursum describere pergā: Contigit rebus nostris in peius ruentibus, vt nautæ alij duo 17. Cal. Maias fame necati fuerint. Quo tempore ex nostris nonnulli fuere qui tam diuturnum errorem nostrum in aquis secum reputātes, nulla

nulla obiecta terra animo suo fingeant nos in nouo versari diluuiio. Cum igitur nautas illos mortuos in mare præcipites dari animaduertimus eundem nobis exitum omnibus impendere credebamus. Ego in tanta rerum inopia qua, vt dixi, cercopitheci ac psittaci quos uehebamus confecti fuere, ad illud vsque tempus psittacum plumis decorum, anferis magnitudine, articulatè voces multas humanas imitantem, studiosissimè conseruaram: eum Gaspari Collignio offerre sperabam, atque ea spe quinque dies cautissimè occultaram, nullo ei præbito cibo. Hunc tum urgente fame, tum quòd vererer ne mihi noctu furto surriperetur, post alios omnes occidi. Ille mihi amicisq̃ aliquot meis per tres quatuorue dies alimento fuit: integer autem à nobis fuit esus, nullam enim particulam præter plumas eiecimus, adeò vt non carnes tantum, sed & viscera & pedes ipsos, atque adeò ungues, vncumque rostrum corroserimus. Aus istius mortem egerrimè postea tuli: dolorem auxit, quod quinto ab eius obitu die terram conspeximus. Cum igitur illius generis aues faciliè careant potu, vel tribus nucibus totum illud tempus vitam illius sustentare potuissem.

At verò, dicet quispiam, quid nobis cum tuo psittaco? nòsne perpetuò in miseriis illis vestris suspensos tenebis? Annon tandem aliquando malorum & quidem omnis generis satis? Nunquid aut vita aut morte finis tan-



Qua die cō-  
tinentem  
conspexi-  
mus.

Piodigiosum  
decretum.

dem dabitur? dabitur utique: Deus enim qui (non sanè vulgari cibo) corpora nostra sustentabat, opè nobis tulit opportunissimam effecitque immensa sua bonitate ut 8. Cal. Ian. cū iam ad foros fermè languore confecti iaceremus, Britanniam inferiorem conspexerimus. Veruntamen quod non semel à Governatore nostro decepti fuisset, qui terræ loco nubes nobis ac chimeras indicarat quæ properè evanuerant, speculatore iterum atque iterum pro more exclamante, Terram, Terram, vix tamen vere illud dici credebamus. Atqui secūdo flante vento prora obversa mox certò cognovimus, continentem in propinquo esse. Iam verò ut liquido appareat quantam in miseriam quantumque in discrimen adducti fuerimus: quàmque opportunè Deus sit nobis opitulatus, huc referre lubet quod naclerus noster edita voce affirmavit statim ubi gratiarū actiones ob imminentē liberationē nostram egisset: Se nimirum omnino decreuisse, si diem vnum adhuc in illo tā misero statu permanissemus non quidem sorte agere (ut ab nonnullis, in tales redactis angustias est aliquando factum) sed aliquem ex nobis clam interficere qui ceteris esui esset. Quæ res minimè me commovit, conscius enim mihi eram (quamvis omnes macie essemus confecti) me ab illo periculo tutum satis fuisse: nisi forte cutem & ossa nuda pro carnibus habere voluisset. Quoniam autem naute nostri Rupellam appelle-

re decreuerāt, vt ibi Brasiliū suū lignum venderent, cum iam ab Britānia sex passuum millibus tantum abessemus, Nauclerus cum Philippo & quibusdam aliis scapha vecti ad oppidulū proximum (hodiernam vocant) contendunt, cibaria comparaturi. Inter quos duo ex nostris quibus pecunias speciatim nūmeraueram ad cibaria quādam mihi comparanda, vbi ad continentem appulerunt, nauem nostram famis domicilium esse rati, diserte testati sunt se in eam pedem nunquam relatu-ros: quod ab ipsis est factum. Relictis enim in naue sarcinis suis ab illo tempore eos nunquam vidimus. Attamen eorum vnus qui solus mecum ē quatuordecim illis quorum nomina initio recensui, hoc anno 1584. quo historiam hanc corrigo recenseoque, quanto cum labore pristinae restituti fuerint valetudini ad me scripsit. Nobis quid hac in parte contigerit mox narrabo. Nobis in Anchoris nostris operientibus ad nos accessere piscatores quidam, à quibus cibaria petimus, illi se à nobis irrideri arbitrati, immò ne iniuria aliqua afficerentur veriti, fugam capeffunt, at nos quos vrgebat fames, eos vt confisterent cogimus, inque eorum lintrem irruimus. Tum illi extrema quæuis sibi imminere credebant. Nos verò pacatè omnia agere, cūque cibariū nihil præter cibarij panis frusta aliquot comperissemus, vnus ex illis inuentus est qui exposita extrema qua premebamur fame adeo ferū se præ-



stitit, vt pro panis illius frustulo, quod vix obolo venisset, sestertios duodecim non dubitauit à me exigere. Nostri autem mox cum cibariis ad nos redeunt, quàm auidè à nobis fuerint excepta necesse non est dicere. Tum in proposito perseverantes, nimirū vt Rupellæ litus peteremus, iam passuum sex millia nauigaramus, cum ab Nautis qui nos affecuti sunt admoniti fuimus Piratas quosdam ad oram illam vagari. Quare post tot tantæque pericula, quæ Dei ope euaseramus, si ultro in periculum nos coniiceremus, videntes illud nihil aliud esse quam Deum tentare, illo ipso die 7. Cal. Iunias portum intramus Blauentensem, in Britannia: ad quod per illud tempus naues permultæ è variis regionibus reduces appellebant: quæ & tormenta displodebant, aliæque nauigantibus solemnia celebrabant, atque ob partas victorias triumphabant. Inter quas vna erat ex vrbe Samnalea, cuius nautæ Hispanicam ex terris Peruanis reducem ceperant. Ea pretiosis quibusque mercibus erat onerata, cuius pretium ad sexaginta aureorum nūmorū millia æstimabatur. Cuius rei fama cū per vniuersam Galliā sparsa fuisset, mercatores non pauci Parisienses, Lugdunenses, aliique eò ad merces illas commendas commeabant. Quæ res commodissimè nobis euenit: accidit enim vt cum è naui egrederemur mercatorum illorum plerique iis auditis quæ perpessi eramus, & nos præ infirmitate minus ad gressus figendos idoneos fuitēt, & opportunissimè admonuerint

vt ab nimio esu diligenter nobis caueremus, paulatimque vires nostras pauculo cibo repararemus, iure ex veterum gallinarum decoctione, lacte caprino, aliisque ad viscera dilanda accommodatis. Ac sanè cum iis omnibus qui tam salubri paruerunt consilio bene est actum. Nautę verò qui repente ventrem cibo implevere, non tulerunt impune: nam è viginti, tot enim incolumes terram attigerunt, plures decem sibi mortem accersuisse autumo: nos verò (quindecim eramus numero) qui, vt iam dixi, nauem illam in America conscenderamus in Galliam remigraturi, ad vnum omnes terra marique incolumes tum seruati sumus. Hoc quidem verum est, nos nonnisi cute & ossibus tum constitisse, adeò vt alij alios intuentes cadauera è sepulchris eruta videre videremur. Adhæc vbi cælum terrestre persensimus, tantum ciborum nos cepit fastidium, vt (nam de me nominatim verius referre possum) in diuersorium tãdem delatus oblatum mihi vinum vbi olseci, deliquium animi passus sim, inque arcam quæ in propinquo erat delapsus. Qui verò aderat futurum vt animam mox agerem existimabāt, habita præsertim debilitatis meæ ratione. Atqui minimo affectus sui casu illo incommodo. Itaque in lectum decubui, tamque suauiter dormiui, vt nonnisi sequenti die & quidē multa luce experrectus fuerim: quamuis ante decem menses in lecto non decubuissē, quod deo commemoro, quòd faciat cōtra eorum

Famem consequitur ciborum fastidium.



opinionem qui putant eos qui ab mollibus cubilibus defueuerūt ea repetētes initio dormire minūs posse. Blaueti igitur quatuor diebus transactis Hannebonem nos conferimus quod oppidulum ab Blaueto quatuor passuum millibus distat. In quo totos quindecim dies quieuius, nosque ex medicorū pręscripto curauimus. Quantumuis tamen diligenter nobis caueremus nemo nostrum effugere potuit quin tumore per totum corpus infestaretur, me cum tribus aliis exceptis qui ab vmbilico ad pedes vsque eo morbo laborauimus. Insuper cum *diapnoia* & stomachi solutione conflictabamur, ad eò vt intra corpus nihil consisteret eorum quę immittebantur.

Medicamentum ad restringendam aluum accommodum.

Tamen medicamenti genus nobis est indicatum, quo postquam vsi sumus cōfestim ab eo morbo sanati fuimus: est autem eiusmodi. Ius hederę terrestris est accipiendū cum oryza probè cocta, in ipsa olla pannis veteribus restincta: quibus igni ad motis ouorum vitelli sunt permiscendi. Confectionem illā cochlearibus ad modum pultis ori admouebamus. Ac sanè nos omnes morbo illo extinctos futuros fuisse nisi medicamentum illud adhibitum fuisset facile credo. Hęc sunt denique quę de navigatione illa nostra habui referenda: Quę sanè inter minimas non est reponenda si animaduertas nos gradus septuaginta tres nauigasse ab Aquilone ad Austrum. Verūm ne palmam merentibus pręripere videamur, quantula est, si cum ingenti

illa

Ioan. Sebast.  
de Cano.  
Hispanus,  
Et Drachus  
Anglus vni-  
uersam terra-  
rum orbem  
circundede-  
runt. Con-  
sule Hist.  
Gen. Ind. ca.  
98. Iren. Po-  
pelin, de tri-  
bus mundis.

illa Ioannis Sebastiani De Cano Hispani, aut (vt quidam volunt) Venetivel etiam vt aliis placet ab vrbe Guetaria in Catabria Pro- uincia oriundi, qui vniuerso orbe circunda- to, quod ni fallor, contigerat ante eum ne- mini, post eum quidem de Dracho Anglo idem referunt, qui in patriam redux pro in- signibus orbem terræ depingi curauit cum hac inscriptione, *Primus me circumdediti.*

Cæterum iis à me lectis quæ Hierony- mus Benzo de sua in Peruensẽm terram, a- aliasque orbis illius regiones peregrinatio- ne, quæ fuit annorum quatuordecim, scri- psit: commune hoc mihi cum illo esse ani- maduerti, quòd (vt ipse historiæ suæ initio re- fert) annos viginti duos natus esset cùm mul- torum exemplo peragrandi orbis cupidus ac præsertim visendæ eius mundi partis nuper repertæ, cui Indiæ Occidentalis nomen fa- ctum est, explere animum secum tandẽ con- stituit? Ego verò eodem studio impulsus, totidẽmque annos natus, in Brasiliam nau- gationem suscepi, pro vt ipse historiæ huius initio adnotaui, sed aliud est longè maiori dignum obseruatione, quòd nimirum Ben- zo, (licet ille de nobis nihil nec nos de ipso vnquam audiuissemus) affirmat se idibus Septembris An. 1556. in Hispaniam, per- actis suis peregrinationibus, appulisse: nos ve- rò (quod etiam super cõmemoraui) ad 4. Idus eiusdẽ mēsis, eodẽq; anno in Brasiliã profectu- ri Geneuã excessimus. Iã igitur si quis tẽporũ

Statim post  
Benzonis  
reditum ac-  
cingit se ad  
iter Americ.  
Autor.



feriem obseruare velit, eorum qui in Americam nauigarunt: nos statim post Benzoni reditum esse nos collocandi. Porro cum Benzoni historia Latino sermone primum, ac postea Gallico Urbani Caluetonis amicissimi mei opera extet ex Italico conuersa, cui titulus est *Nota noui orbis historia*, adde quod author ipse inter eos qui multa obseruarunt, atque obseruata elegantissime scriptis mandarunt, postremum non obtinet locum: necesse penitus esse existimo iis qui Americanorum mores probe nosse cupiunt, atque adeo quam immaniter miseræ illæ gentes ab Hispanis, à quibus subactæ sunt, excipiantur, vt historiam illam diligenter perlegant. Ille autem eò maiori est dignus laude, quod historiam suam concludat præstantissima gratiarum actione, quam ad Deum dirigit. In quo se minimè ingratum in eum fuisse, à quo beneficium hoc acceperat, vt res adeo nouas, tamque à nobis remotas terras viseret, per totum quatuordecim annorum spacium, cuius etiam ope tot pericula euasisset. Illius tamen clarissimum nomen obscurare nititur Theuetus, veritatis, (si quis alius nostra memoria extitit) acerrimus hostis, suo viro- rum illustrium libro, quem nuper edidit. Ille enim de Francisco Pizarro Hispano à quo Attabalippa Peruenfium rex fuit deuictus, verba faciens, totam Benzoni historiam ita in dubium reuocat (à cuius tamen facundia longissimè abest) vt meras fabulas esse dicas.

Theuetus  
Benzoni ob-  
iurat.

Quæ

Quæ res fortè à Theueto de industria est suscepta, quòd cùm Hispania spiret, ac proinde Galliam patriam suam debito non prosequatur affectu, cuius tamen lepidissimus Benzo famæ est studiosissim⁹, aduersus eos qui quod minimo negotio Indos illos subegerint, cæteras omnes gentes tam facile se deuincere posse iactant.

Sed vt ad nos redeam finem ac requiem laborum consequutos nos esse forsitan quis existimet: attamen nisi ille idem, cuius ope à tot naufragiis, tempestatibus, extremâque fame aliisque incommodis quæ nos inter nauigandum assidue vexarūt, liberati sumus, nos ad litus appulsos seruasset, extrema quæque nobis impendebant. Iam suprà dixi Villagagnonem tradidisse dicam in nos perscriptâ, præfecto nauis illius qua reuecti sumus, vnâ cum mandatis ad obuios quosque magistratus vt in nos (vtpote hæreseos criminis reos à se peractos animaduernerent, ignique addicerent. Contigit autem vt Philippo Duci nostro cum Magistratibus (ab religione quam profitebatur non abhorrentibus) cui arcula illa epistolis dicæ illi adiunctis plena tradita fuerat necessitudo intercederet. Quò factum est vt optimè ab illis excepti fuerimus contra quàm cupiebat Villagagno, imò etiam fortunis suis non pepercerunt, quin nostris, quibus opus erat eas largirentur: Philippus quoque ab illis pecunias mutuo accepit, atque ita Deus ille qui astutos in astutia deprehendit,

Prouidentia  
Dei adminis-  
tranda.



nos ab illo periculo liberauit, effecitq; vt scelerati Villagagnonis perfidia detecta, id totū ad illius contumeliam, nostrum verò solatiū redūdarit. Tanto igitur accepto beneficio ab illius manu qui nos toties terra marique seruauit. Nautis nostris Hanebone excedentibus, vt Neustriam patriam suam repeterēt, Nos etiam vt ab Britannis illis recederemus quorum idioma non minū nobis erat Barbarum atque fuerat Americana lingua, ad Nannetes properamus, non quòd per celeres iter illud confecerimus: tanta enim erat infirmitas nostra, vt equis, quibus infidebamus regendis minimè pares essemus. Quocirca mercenarii à quibus regerentur singulis fuerunt mercede conducendi.

Naturæ restaurata appetitus mirabiles.

Surditas oculorumque hebetatio ex fame orta.

1. Samuel. 14  
27. 29.

Quoniam autem quodam modo restauranda erant corpora nostra non minū portentosis flagrabamus appetitibus atq; ij sunt quos de prægnantibus mulieribus referunt: quorū nisi ad finem properarem, exempla admiranda referre possem: quin etiā plerique ab vino ita abhorrebant vt ab eo per mensem integrum abstinuerint. Tandem vbi ad Nannetum urbem peruenimus quasi inuersi essent sensus nostri vniuersi, aures oculique nostri adeò hebetes repente facti sunt, vt formido incesset ne in surdos atque cæcos euaderemus. Huc referri potest quod Jonathan Saulis filius dicebat, illuminatos fuisse oculos suos postquam aliquantulum mellis gustasset, quibus verbis non obscure significabat

ocu-

oculos antea fuisse inedia hebetatos. Verum tamen ab primi nominis medicis quibusdam aliisque claris viris, qui ad nos frequentissime accedebant tanta cum diligentia curati fuimus, ut nulla tantorum malorum vestigia nobis adhaerint, quin imò de me possum affirmare, exacto ab eo tempore mense me optimum aurium oculorumque usum habuisse. Hoc quidem verum est me ab eo tempore stomachi debilitate semper laborasse: quæ etiã fame illa Sancerrana, cuius paulò ante meminimus, adeo est confirmata, ut minimè dubitem ea me nunquam liberatum iri: donec me totum Deus foelicissima resurrectione instauraret. Itaque apud Nannetes quo in loco (ut dictum est) optimè excepti fuimus recuperatis valetudine ac viribus, nostrum singuli quod visum fuit abiere.

Antequam finem huic historiæ imponamus id vnum superest, ut dicamus de quinque illis qui Americam repètere, tum quum primum redeuntes, naufragium euasimus. Quæ res quo modo innotuerit, paucis dicam. Viri quidam fide digni quos in America reliqueramus, quique nos quatuor exactis mēibus sunt insequuti, in Philippum ducē nostrum Lutetiæ inciderunt, illique narrarūt se, maximo suo dolore, tres ex illis à Villagagnone suffocatos ob Euangelij professionem spectasse: quorū hæc sunt nomina. Petrus Bordonus, Iohannes Bordellus, Matthæus Verneulius, quin etiam integram tum confessio-



nis tum mortis eorum historiam, descriptam attulisse significarunt, illique tradiderunt. Quam ego haud multò post ab illo accepi. Eam ubi legi perspexique fidos illos Christi seruos à Villagagnone tantisper morte plexos fuisse, dum nos cum tempestatibus ac variis periculis conflictabamur: in memoriam mihi reuocaui me vnum (vti suo dictum est loco) ex scapha illa eductum fuisse, in quam ingressus iam eram in Americam remigraturus: ac proinde, & mihi quidem esse de quo maximas Deo gratias agerem, quòd me nihil minùs cogitantem, à tanto liberasset periculo, atque etiam mihi in primis onus illud incumbere, vt trium illorum martyrum fidei confessio memoriæ proderetur, atque in eorum referretur album qui nostra memoria, ob Euangelij confessionem, fortiter mortem oppetierunt. Eodem illo anno historiam illam Iohanni Crispino nobili typographo, tradidi: quam martyrum Catalogo inseruit, vna cum eorum laborum descriptione, quos pertulerunt ab eo tempore quo à nobis discesserunt, donec Americam terram attigerint. Eò igitur Lectores remitto: hoc enim loco mentionem eorum fecissem nullam, nisi ea quam diximus causa adactus eò fuissem. Hoc vnum addam, Villagagnonem, quòd primus piorum sanguinem in orbe illo nuper reposito, fuderit, meritò à quodam Americanum Cainum nominatum fuisse. Iam iis est satisfaciendum à quibus quisnam fuerit exitus illius

Cōsule Mar  
tyrum nostr;  
rēporis hist.  
lib. 5.

lius quæri solet. Eum nos in Castello Colli-  
gnio (quemadmodum fusiùs in historiæ pro-  
gressu dictum est) reliquimus, quod tamen  
non multò post deseruit, cuius etiam culpa  
ab Lusitanis captum fuit, vnà cum tormentis  
bellicis liliis Gallicis insignitis non sine im-  
mani Gallorum, quos in eo reliquerat, cæde,  
aliud nihil de illo ab eo tempore audiui (nec  
sanè multū in inquirendo laboraui) nisi quod  
post suum in Galliam reditum religiosis quā  
pessimè potius tum voce, tum scriptis excep-  
tis inueterata malicia magis ac magis con-  
firmatus, obiit tandem Anno 1577. mēse De-  
cembri, in prædio quodam Melitensi, ordini  
attributo, cui nomen Bellouaco: quod ab suo  
quondam famulo, mihi est renūciatum. Imò  
à quodam ipsius nepote, quem cum illo in  
America videram, accepi tam malè ante obi-  
tum, rebus suis eum prospexisse, vt suorum  
consanguineorum nullus fortunis ipsius au-  
ctus fuerit post obitum, vt neque dum vita  
manebat, id est ab eo nunquam non negle-  
ctos fuisse.

Villagagno  
nis obitus.

Denique quandoquidem (vt ex hac histo-  
ria satis apparet) & in genere & speciatim  
tot periculis, totque mortis abyssis cre-  
ptus sum, an non meritò cum sancta illa Sa-  
muelis matre exclamare possum, Ichouam  
morte afficere, & in vitam restituere, demit-  
tere in sepulchrum & educere? possum sanè.  
Et quidem, ni fallor optimò iure, si quis alias

I. Sam. 2. 6.



nostra memoria. Attamen si huius esset loci, addere possem Deum immensa sua bonitate me ab infinitis aliis, in quibus versatus sum, discriminibus eduxisse. Quare, si mare elementum adeò furens, me non absorpsit, si Barbari anthropophagi, quibuscū fermè annum vixi, me non deuorarunt, famésque extremæ quas toleraui me non necauerunt: an non patria mea Gallia, tygride immanior erit si violentam atque immaturam mihi afferat mortem? Vtcunque tamen sit ego qui mortem filiorum Dei (in quorum numerum me ascitum certo scio) coram eo pretiosam esse noui, totum me ipsius voluntati permitto. Hæc tandem sunt quæ à me tum in ipso mari, eundo, ac redeundo, tum in terra America, apud Barbaros obseruaui. Me autem nō latet tam amplum argumentum resque adeo varias à me commemoratas eo stylo, eaque qua decebat grauitate minimè fuisse descriptas: imò etiam lubens agnosco me hac tertia editione nonnunquam ea quæ paucis fuerant perstringenda fufius quàm par erat persequutum esse, & contrà in extremum aliud peccantem ea quæ longiorem postulabant orationem plus æquo contraxisse. At lectores rogatos velim vt studium meū æqui bonique consulant, quod orationis non satis comptæ damna relarciat: Cogitentque quam dura mihi rerum quæ in hac historia commemorantur, fuerit experientia.

IN BRASILIAM.

34<sup>E</sup>

Regi autem æterno, immortalis, inuisibili,  
soli sapienti Deo honos sit & gloria in secu-  
la seculorum Amen.

PLVS VIDERE QVAM HABERE.

FINIS.

0






Errata operarum sic corrige.


Primus numerus paginam denotat, secundus lineam.

*Præfationis*, pag. 2. linea. 11. describerim. 31 l. 14. Idem. l. 31. testudini bus. 34 l. 2. Præterer. 35. l. 21. ni. *Historia*, 5. l. 2. negotia- que. 16. l. 2. nominatimque. 17. l. 24. Albacoras 21. l. 1. appellant 23. l. 1. fictitij. 24. l. 9. fertur. 32. l. 25. Margaiatium. 46. l. 30. nomi- na. 50. l. 9. cumque in l. 25. rebellione: harere peccatum). 51. l. 6. ab ijs. l. 25. post præditus adde ad 52. l. 16. post è adde Sp. 59. l. 25. En 61. l. 24. post conspectum adde non. 65. l. 31. maximæ. 67. l. 15. Ar- cessit legis. 70. l. 32. conuiuari. 74. l. 13. En. 76. l. 11 sunt l. 26. sinu- 77. l. 9. vi 93. l. 13. cæruleum. 97 l. 27 extremum. 98. l. 30. ijs. 100. l. 15. post nuncupatur, adde est accommodata. 101. l. 17. caules qui- l. 17. æquant. 102. l. 15. pinastræ. 103 l. 25. post verò adde &c. 105. pro è cannis figulina. 108. l. 32. dele decernendis. 110. l. 31. post qua- adde de. 115. l. 26 post triginta adde dierum nati. 116. l. 11. nandi- ceremur. l. 24. ipsis. 117 pro, ut nostrates verum repone nō virides- verum. 122. l. 27. vnā. 126. l. 1. nec. l. 9. Ad. l. 18. è dumis. 127. l. 11. quas. 137. l. 5. obnoxia. 138. l. 19. lapides. 140. l. 7. dele aut cassum. 144. l. 16. lineamque l. 24. infidentes. l. 29. Nostri. 151. l. 22. illas terras. l. 31. barbati. 155. l. 16. expolita. 160. l. 24. indueret. 167. l. 2. appellati. 190. l. 23. quos. 192. l. 1. esset. l. 16. incolis. 194. l. 26. in- quinasse. 204. l. 3. onustis. 212. l. 27. post medijs adde cadaueribus. 206 l. 10. Esse nos. 208. l. 14. Galle. 211. l. 22. fuit. 223 l. 8. essem. 228. l. 29. inuitatus. 235 l. 21. collucant. 240. l. 26. post animo adde, non. 241 in argum. l. 3. fictis. 245. l. 16. hostis. 246. l. 31. inuisep- di. 250. 51. ille: 251 l. 2. quos. 305. l. 25. pro eam lege arboribu- l. 13. insolitum. l. 18. capiendis 324. l. 20. 1573. 329. l. 21. noi- 331. l. 32. Ideo.














H586<sup>c</sup>  
B479h











